

遺山先生文集

一

遺山先生  
文集

四部叢刊初編集部

遺山先生文集序

唐開天間李邕李白皆以文章鳴世  
邕之所至阡陌聚觀以為異人衣冠  
尋訪門巷填噎白則王公趨風列岳  
結軌群賢翕習如鳥趨鳳是豈懸市  
相夸沽聲索價而後得之哉要必有  
以漸漬其骨髓動盪其血氣藻鬯其  
襟靈故天下之人為之咨嗟淫液鼓  
舞踴躍景附響合而不能自已也吾  
友元君遺山其二李後身乎始歆能  
詩甫冠時名已大振尋登進士上第  
興定正大中殆與楊趙齊驅壬辰北  
還老手渾成又脫去前日畦畛矣君  
嘗言人品實居才學氣識之上吾因  
君言亦嘗謂天下之事皆有品繪事  
圍棊技之末也或一筆之奇一著之

妙固有終身北面而不能寸進者彼  
非志之不篤習之不專也直其品不  
同耳如君之品今代幾人方希刷羽  
天地揚光然微不幸遘疾而沒其遺  
文數百千篇藏於家雖有副墨而洛  
誦者率不過得什一二其所謂大全  
者曾莫見焉是以天下之大夫士歎  
焉若懷宿負而未之償也東平嚴侯  
第忠傑有文如淇真好善如干旄獨  
能求得其全編將鏤之梓且西走書  
數百里命予序引予謂遺山之文之  
名有目爭睹有耳咸聳庸何序為惟  
君有蓋棺之恨此其可言者得以論  
述之  
主上薨居藩邸挹君盛譽一見遽以  
處之太史氏不數歲

神聖御天文治蛩興

稽古建官百度修舉其於而堂東觀

金華延閣之選尤所

注意者曷嘗不

設燎以待之而

側席以求之哉向使遺山不死則登

鑿坡掌

綸誥稱內相久矣奈何遇千載而心

遠際昌辰而身往此非君遺恨也耶

尚賴柳如京之賢有慰韓吏部之志

文工命拙雖抱憾於九原人亡書存

足騰芳於百世願予朴學未暇顯評

言念舊游聊為揚摧云爾中統三年

陽月封龍山人李冶序

遺山先生文集序

文之為物何物也造物者寔靳之不  
輕畀人何哉蓋天地間靈明英秀之  
氣萃聚之多蘊蓄之久挺而為人則  
必富於才敏於學精於語言能吐天  
地萬物之情極其變而歸之雅故為  
詩為歌為賦為頌為傳記為誌銘為  
雜言為樂府兼諸家之長成一代之  
典使斯文正派如洪河大江滔滔不  
斷以接夫千百世之傳為造物者可  
得而輕畀之哉竊嘗評金百年以來  
得文派之正而主盟一時者大定明  
昌則承旨党公貞祐正大則禮部趙  
公北渡則遺山先生一人而已自中  
州斷喪文氣奄奄幾絕起衰揀壞時  
望在遺山遺山雖無位柄亦自知天

之所以畀付者為不輕故力以斯文  
為已任周流乎齊魯燕趙晉魏之間  
幾三十年其迹益窮其文益富其聲  
名益大以肆且性樂易好獎進後學  
春風和氣隱然眉睫間未嘗以行輩  
自尊故所在士子從之如市然號為  
沃愛至于品題人物商訂古今則絲  
毫不少貸必歸之公是而後已是以  
學者知所指歸作為詩文皆有法度  
可觀文體粹然為之一變大較遺山  
詩祖李杜律切精深而有豪放邁往  
之氣文宗韓歐正大明達而無奇纖  
晦澁之語樂府則清雄頌控闕婉瀟  
亮體製最備又能用俗為雅變故作  
新得前輩不傳之妙東坡稼軒而下  
不論也嗚呼遺山今已矣靈明英秀

之氣散在天壤間不知幾年幾時復  
聚而為斯人乎東平嚴侯弟忠傑喜  
與士人游雅敬遺山永其完集刊之  
以大其傳云陳郡徐世隆序

附錄儲太僕先生手簡

憲旆出巡時匆匆不克一奉

高論迄今耿耿昨揚今書至道

執事欲刻

遺山先生文集使來壺處取之

壺慕

遺山甚篤嘗以不見全集為恨

訪之十數年始得秘本于今禮

部程公錄而藏之欲托好古者

刊行而未得也承領

雅意忻喜無量遂借初本再校

一遍但其中亦有一二處訛缺

緣無它本可證柰何柰何然古

書之行於今者未必皆能完好

也

遺山文章大家著述贍富如中

州等集不行於世久矣

執事企仰鄉賢汲汲表章之甚

盛舉也全集四十卷納上外傳

誌題贈諸作乃壺於它集中輯

錄者亦請并刻之蓋遺山在當

時已為名人碩士所重不待後

世始知子雲也須得楷書有典

則者另寫潔本乃可入梓聞下

許州規措諒承委得人矣太康

吏回謹附狀秋暑唯

惠時珎攝不宣

七月十四日壺頓首復

省齋李先生行臺執事

遺山先生文集總目

古賦

五言古詩

七言古詩

雜言

古樂府

五言律詩

七言律詩

五言六言絕句

碑銘表誌碣

記

序引

銘

贊

頌

七言絕句

宏詞

書

疏

雜體

上梁文

青詞

祭文

題跋

遺山先生文集總目

遺山先生文集目錄

願齋張德輝類次

卷第一

古賦

秋望賦

蒲桃酒賦

新齋賦

行齋賦

五言古詩

箕山

緱山置酒

同希顏再登箕山

光武臺

穎亭留別

灑亭

出京

元魯縣堦臺

灑水

雜著五首

古意一首

穎谷封人廟

贈荅劉御史雲卿四首

送欽叔內翰并寄劉白二君五首

飲酒五首

後飲酒五首

德揮師清涼草堂

少林

龍潭

麥歎

北邙

龍門雜詩一首

豐山懷古

乙酉六月十一日雨

示姪孫伯安 種松

虞鄉麻長官成趣園二首

雜詩四首 耒祀

宿菡澤 觀浙江漲

鶴雀崖北龍潭 五松平

阻雨張主簿草堂 贈荅楊煥然

送詩人李正甫

卷第二

五言古詩

萬化如大路 曉發石門渡湍水道中

放言 李道人崧陽歸隱圖

黃公廟 學東坡移居八首

歷下亭懷古 舜泉

與張仲傑即中論文

同林能賦濟南廟中古檜

銅錕次村道中 蕭齋詩并引

別李周卿三首 訓韓德華送歸之作

戊戌十月山陽夜雨二首

省山 九日讀書山十首

留月軒 梨花海棠二首

趙吉甫西園 臨汾李氏任運堂三首

寄英禪師 題張左丞家范寬秋山

山橫幅 宿張靖田家

曲阜紀行十首 寶巖紀行

鴈門道中 岳祠齋宮夜宿

示程孫四首 九月初霖雨中感寒涼

同白兄賦餅中玉簪野史亭雨夜感興

哭廷孫 贈鷺

讀書山月夕一首

卷第三

七言古詩

虞坂行 畫馬為邢將軍賦

秋登 南溪

送郝講師住崇福宮 范寬秦川圖

赤壁圖

寄荅溪南詩老辛憲敬之

西園 愚軒為趙宜之賦

雙峯競秀圖 西窓

二月十五日鶴 聞欽叔在華下

聞尚卿還山中 送李長歸關中



雪後招王子襄飲 半山亭招仲梁飲

鄧州城樓 宛丘嘆

游黃華山 巨然松吟萬壑圖

密公寶華小集 荆棘中杏花

太白獨酌圖 松上幽人圖

送張君美往南中 戲題新居

贈蕭鍊師公弼 送弋唐佐董孝寬南歸

蕭仲植長史齋 送宋有參并寄潯府諸人

瓦神寶道士古銅爵 賦淨人郭唐臣所藏山谷圖

洮石研 贈休粮張鍊師

天井閣

卷第四

七言古詩

讀書山雪中 題商孟卿家明皇合曲圖

過晉陽故城書事 蟾池

贈荅張教授仲文 高門閣

甲辰秋洛陽得黃葵子種之南齋明年夏六

月作花 馬嶺

賦王君璋雲峽并序 賦張聖與雲山石并序

劉遠筆 贈周良老

鴻溝全欽叔賦 雪中自洛陽還嵩山

祖唐臣愚庵 過井陘

北岳 天涯山

智仲可月下彈琴圖 常生妓生四十月能

作字喜為賦詩 贈利州侯神童

奚官牧馬圖 恭徽劉文山水濟川賦

王右丞雪霽捕魚圖 跋酒門限邵和卿

醉歸圖 題張彥寶陵川西漢圖

為韓德華子阿魯制字阿平并序

世宗御書田不伐望月婆羅門引先得楚

字送夢臣北上并序 送王彥華

趙題學以酒見餉且求制名

劉時舉節制雲南 贈張潤之

許道寧寒溪古木圖 送張子益北上并引

贈別孫德謙 汾亭古意圖

太原贈彥遠

換得雲亭帖喜而賦詩

康泉新居 過劉子中新居

卷第五

雜言

去歲君遠遊

此白不足惜

送希顏赴召西臺

嵩山玉鏡

虎害

飲酒

送高信卿

寄趙宜之

段志堅畫龍為劉鄧州賦

送詩人秦簡夫歸薊墳別業

紀子正杏園燕集 送李參軍北上

王黃華壺竹

汎舟大明湖

九月七日夢中作 賦邢州鵲山

送王亞夫舉家歸許昌

湧金亭示同游諸君南冠行

醉後走筆

靖南湖雪景篆隸圖并引

癸卯歲杏花

題劉紫微堯民野醉圖

贈荅趙仁甫

下黃榆嶺

駝豬行

彌臺感遇

水簾記異

洪谷聖燈

食榆莢

李峪園亭看雨

游龍山

醉中送陳季淵

游承天鎮懸泉

送弋唐佐還平陽

游泰山

付阿耽誦

卷第六

古樂府

天門引

蛟龍引

湘夫人詠

湘中詠

孤劍詠

渚蓮怨

芳華怨

後芳華怨

結楊柳怨

秋風怨

歸舟怨

征人怨

塞上曲

西樓曲

後平湖曲

清川行

長安少年行

黃金行

隋故宮行

解劍行

征西壯士謠

望雲謠

望歸吟

梁園春五首

探花詞五首

獵城南

春風來

幽蘭

梅花

寶鏡

續小娘歌十首

卷第七

五言律詩

懷益之凡 汴禪師自斷普照无

為研以詩見餉為和二首

惡雨 病中

蕤威鄉挽辭 老樹

陽翟道中 月觀追和鄧州相公席

上韻 太室同布顏賦

送登封張令西上 方城道中懷山居

孟州夾灘飲承之御史家

送曹吉甫燕及通甫勝槩

少室南原 寄贈龐漢茂和

洛陽古城賦陽門早出

聞布顏得英府記室落魄

得姪博信三首 阿千始生

長壽新居三首 少林雨中

十二月六日二首 癸巳除夜

得一飛姪安信 短日

送母受益自潞州歸崧山

寄程孫鉄安 贈汴禪師

巳亥元日 送揚次公兼簡素彦容李天成

發濟源 倪莊中秋

荅潞人李唐佐贈詩陽興若

懷粹中 同周帥夢卿崔振之

遊七崑 送崔振之迎家汴梁

聚仙臺夜雨 續陽平 愛

送田益之從周帥西上二首

九月晦日王村道中 十月四日往闕南

寄王丈德新二首 舊國

和仲梁 甲辰夏五月積雨遣

悶二首 陽泉棲雲道院

劉子中夢庵 丙午九日菊詠二首

感事 醉中條李隱君邦彥

送邦彥此行 同冀文明秀山行

同姚公茂徐溝道中聯句

壬子月夕 庚子三月十日作

送 揚善閣中之行 京兆漕司官居三首

甲寅正月二十三日故闕道中三詩

送闕子實集和之北上庫城

婁生北上 遺興 示白誠甫

甲寅十二月四日出鎮陽寄辛魯伯

送文生西上 乙卯十一月往鎮州

卷第八

七言律詩

秋懷

帝城二首

僕射陂醉歸即事

春日

橫波亭

野菊座主閑閑公命作

度太白嶺往真陽

寄希顏二首

懷益之兄

昆陽二首

寄西溪相禪師

葉縣雨中

寄荅趙宜之蕪簡溪南詩老

穎亭

山中寒食

楚漢戰處同欽叔賦

懷叔能

留別仲澤

鄭州上致醫君丞相公

寄荅景玄兄

寄辛老子

後灣別業

劉文仲通哀挽

會善寺

寄欽用

楊之美尚書挽章

李屏山挽章二首

內鄉縣齋書事

自菊潭丹水還寄荅前

故人

被檄夜赴鄧州幕府

馬鄧驛中大雨 除夜

鄧州相公命賦喜雨 光甫內鄉新居

西齋夜宴 十月

送吳子英之官東橋 張主簿草堂賦大雨

丹霞下院同仲澤賦 春日半山亭游眺

別程女 出山

謝鄧州帥免從事之辟

新野先主廟 石門

獨峯楊氏幽居 渡湍水

十日登豐山 岐陽三首

園城病中文舉相過 讀靖康僉言

雨後丹鳳門登眺 京居辛卯八月六日作

浥然師出園城賦鶴詩為送

追用座主閑閑公韻上致政馮內翰二首

懷秋林別業 壬辰十二月車駕東狩

後即事五首 未寧南原秋望

中秋雨夕 癸巳四月二十九日出京

喜李彥深過聊城 與張杜飲

秋夕 夢歸

白屋 淮右

徐威卿留二十許日將往高唐同李輔之贈別

即事 望王李歸程

秋夜 甲午除夜

乙未正月九日立春杏花落後分韻得歸字

三仙祠 送輔之仲庸還大梁

鑄江汎舟有懷李郭兩君

送杜子 眼中

送杜招撫歸西山 寄欽止李兄

有寄 鎮州與文舉百一欽

別王使君文從之 寄汴禪師

衛州感事二首 望蘇門

卷第九

七言律詩

望崧少二首 懷州子城晚望少室

別韋懷幕府諸君二首

羊腸坂 高平道中望陵川二首

野谷道中懷昭禪師太原

外家南事 追賦定襄周帥夢卿

家秋日牡丹 桐川與仁卿飲

過灑鹿城與趙尚賓談山陽舊事

官園探梅同康顯之賦

十二月十六日還冠氏十八日夜雪

別康顯之 寄楊飛卿

雨夜 東平送張聖與北行

別張御史 出東平

再到新衛 別冠氏諸人

入濟源寓舍 鎮平縣齋感懷

野菊再奉塵主閑閑公命作

五月十二日塵主閑閑公諱日

四哀詩

李欽叔 冀哀父

李長源 王仲澤

過李長源故居 已亥十一月十三日雪

晴夜半讀書山者月明日作

杏花二首 醉後 贈張文舉御史

賦南中揚生玉泉墨

寄荅飛卿 贈揚君美之子新甫

留別龍興汴禪師普照鑑禪師

赤石谷 贈揚君美之子新甫

過應州

應州官寶寺大殿

懷安道中寄曹徵君子玉

五月十一日擣軒忌辰追懷

感事

玉溪

華不住山

岳解元生日

感興

晨起

送周帥夢卿之關中二首

感事

十月二十日雪中過石頂

閔特上書萃國幕府感懷

春寒

即事

示懷祖

示崔雷詩社諸人

弘州贈曹丈子玉

和仁卿演太白詩二首

燕府白兔

梁都運亂後得故家所藏無盡藏詩卷

出都二首

癸卯望宿中霍道院

甲辰三月旦日以後雜詩三首

燕牡丹三首

與同年敬昂臣宿順天天安僧舍

贈春樂丈舜咨

都運李文哀挽

贈春郝經伯常

呂國材家醉飲

洛陽

過三鄉望女凡邨追懷溪南詩老辛敬之二首

為鄆人作詩

贈張主簿偉

望盧氏西南熊耳嶺

寄劉繼先

寄揚第正卿

為鮮于彥魯賦十月菊

贈春同年敬昂臣

寄英上人

寄春仰山謙書記

九日登平定濟寧樓望

平定鵲山神應主廟

寄春商孟卿

蒼石子章因送其行留別仲經

別周卿弟

寄叔能兄

賀威卿徐弟得雄

卷第十

七言律詩

追錄洛中舊作

東園晚眺

十一月五日輓往西張石嶺閣畫以見

陀羅峯二首

追懷曹徵君

春日書懷呈劉濟川晉溪

弔岳家千里駒

七月十二日行狼牙嶺

十三日度嶽嶺

玉泉二首

玄都觀桃花 贈張致遠

夜宿秋香亭有懷木菴英上人

汴梁除夜 與馮呂飲秋香亭

哀武子告 贈李春卿

甲辰秋留別丹陽 龍興寺閣

別緯文兄 甯掾端甫北上

峇定齋李兄 空山何巨川虛白庵二首

聽姨女喬夫人鼓風入松

哭樊帥 寒食

送樊順之 蜀昭烈廟

宿翠屏口 王敦夫祥止庵

過霖照庵別陳文 梁穆忠詩卷

喬千戶挽詩 贈王仙翁道成

常仲明教授挽辭 追錄舊詩二首

丁未寒食歸自三泉 即事呈邦瑞

和白樞判 慶高評事八十之壽

超然王翁哀輓 大名贈峇張簡之

樊都送馬郎中北上 馬雲漢方鏡背有飛魚

贈峇鴈門劉仲修 餘慶堂

寄峇劉生 別董德卿

送端甫西行 讀李秋元朝宗禪林記

同嚴公子大用東賞梅

中庸先王垂示先大夫教子詩及裴內翰

擇之所述家傳 賀中庸老再披恩綸

趙汲古南園 柳亭雨夕

玉峯魏丈哀挽 清明日改莖阿辛

寄謝常君卿 送武成之往漢陂

送劉子東游 甲寅九日龍泉二首

十日作 贈峇普安師

孝純宛丘遷奉 曹壽之平水之行

追懷趙介叔 追懷友生石裕卿

挽鴈門劉克明 贈峇平陽仇舜臣

賈漕東城中隱堂 約嚴侯泥舟

送李同年德之歸洛西 贈蕭漢傑

送曹幹臣 國醫王澤民詩卷

慶工部趙丈八秩之壽 唐祖臣挽章

丙辰九月二十六日絮家游龍泉

感寓 存歿

人日有懷愚齋張兄緯文

趙元德御史兄七秩之壽

張村杏花

卷第十一

五言絕句

洛陽高少府

陽後庵五首

內鄉詩

薛明府去思口號七首

山居雜詩六首

梁父吟扇頭

南樓月夕有懷

辛亥寒食

山中晚春

得緯文兄書

乙巳九月二十八日作

六言

定齋兄寫真

巨然秋山圖

德和尚墨竹扇頭

曹得一扇頭

唐子達扇頭

七言絕句

論詩三十首丁丑歲三鄉作

文湖州草虫

京都元夕

西園

藍采和像

鷺鷥扇頭

杏花雜詩十三首

出京

惠崇芳鴈三首

早起

書生

銅雀臺瓦硯

步虛詞三首

拙庵為溫甫賦

風雨停舟圖

納涼張氏莊二首

送窮

楊柳

梁縣道中

自題寫真二絕

再題

吳子英家靈照二圖二絕

劉鄧州家聚鴨圖 戊子正月晦日內鄉西

城遊眺

長壽山居元夕

聞仲澤丁內艱

贈眼醫武濟川

賦粹中師竹拂子

題醫陽楊氏戲虎圖

王子端內翰山水同屏山賦二首

右司正之家渭川十畝圖二絕

同希顏欽叔玉華谷分韻得華華二字

同希顏欽叔玉華谷還會善寺即事二絕

從鄧帥覓酒

鎮平寄孫伯安筆

黃筌龜藏六圖為左丞賦

鎮平書事

自鎮平暫往秋林道中寄家

超化

山居二首

寄女嚴三首

自鄧州幕府暫歸秋林



無題二首

題省後劉德潤家駱鸞圖

希顏挽詩五首

出鄧州

過希顏故居四首

雜著九首

戚夫人

題山谷小艷詩

家山歸夢圖三首

四皓圖

雜著

卷第十二

七言絕句

俳體雪香亭雜詠十五首

春夕

梅花

溪上

息軒揚秘監雪行圖

揚煥然生子四首

記夢

啓母石

雜著四首

內鄉詩

眉二首

送窮

三鄉時作

出都

癸巳五月三日北渡三首

登珂山寺三首

夢中作

奉酬子京禪師見贈之什三首

杏花

聊城寒食

姨母隴西君諱日作

宿神霄北廡夢中作

夜雪

冠氏趙庄賦杏花四首

自趙在歸冠氏二首

藏贈白髮二首

戲題醉仙人圖

濟南雜詩十首

題解飛卿山水卷

趙士表山林暮雪圖三首

倫鎮道中見槐花

題劉才卿湖石扇頭

聞歌懷京師舊遊

鄭先覺幽禽照水扇頭

龍泉寺四首

李進之迂軒二首

出鎮州

過邯鄲四絕句

楊秘監馬圖

竹溪夢遊圖

藥正卿餉酒

王都尉山水

贈絕藝杜生

趙大年秋溪戲鴨二首

自題二首

北歸經朝歌感寓二首

內黃道中裝王廟

題蘇氏寶章

劉氏明遠庵三首

題李庭訓可藏雅集圖

南閔二首

馬坊冷大師清真道院二首

惠崇獐猿圖

寄史同年三首

宋周臣生子三首

乞酒示皇甫季貞

李白騎馱圖

許由擲瓢圖

九月晦

雜著

送窮

即事

過侯相公雲溪 陳德元竹石二首

同漕司諸人紅梨花二首

吳子賢樛庵二首太乙蓮舟圖三首

遊天堽雜詩十三首

初發潞州 雜詩六首道中作

卷第十三

七言絕句

初挈家還讀書山雜詩四首

賦餅中雜花七首 贈友卿三首

鮮朝二首

為衍聖公題張公佐湘江春早圖二首并引

渾源望湖川見百葉杏花二首

代州門外南樓二首 杜生絕藝

以玉連環為呂仲賢壽

德華小女五歲能誦予詩數首以詩為贈

壽之賈南中山水并畫序

跋紫微劉尊師山水橫披四首

東山四章 曉起

追錄乙未八月十七日莘縣夢中所得

春歸

感興四章

從孫顯卿覓平定小山

發南樓度鴈門關二章

墨竹扇頭 王希古乞言

龍門公墨竹風烟夕翠二首

從希顏覓薦蕪香二章

戲贈柳花 喬大夫人墨竹

醉描圖二章 自題中州集後五章

講武城 藥山道中二章

善應寺五首 摘瓜圖二首

黃華峪十絕句 七賢堂

峽口食鮪魚有感 大簡之畫松風圖二首

秋江待渡橫披 贈荅要襄叔二首

贈脩端卿張去華韓君傑三人六首

秋江曉發圖 題山亭會飲圖二首

洛陽衛良臣以星圖見餉護成三詩為謝

題鷺鷥敗荷扇頭 西山樓為王仲理賦二詩

樂天不能忘情圖二章

燕省掾屬張彥通舉釋菜之廢仁卿以詩美之亦賦二首

采菊圖為北京侯漕賦二詩

無塵亭二章 李廣道寫真二章

錢過庭烟溪獨酌圖二章

蒼崖遠渚圖二章 三士醉樂圖

鄉郡雜詩五章 宗人明道老師澹軒二章

題商孟卿家晦道堂圖二章

題商正叔隴山後行圖二章

息軒秋江捕魚圖三章

東平李漢卿草虫卷二章

郭熙溪山秋晚圖二章

七賢寒林圖 右丞文獻公著色廬圖

李仲華湍流高樹圖二詩

益都宣撫田侯器之燕子圖三詩

前高山雜詩七章 楚山清曉圖

題石裕卿即中所居四詠

贈子范家兒子 跋文獻公張果老圖

三鄉雜詩三首 鈞州道中

卷第十四

七言絕句

榆社峽口村早發 十月二十日季

同兒輩賦未開海棠二章

哭徽君子玉二章 早發安生道中雨水冰

書貼第三女珠 隱秀君山水

送子微二章 楊秘監馬圖

岳山道中 雪行圖

寄杜莘老三章 已酉四月十七日度石嶺

劉君用可庵二首 耀卿西山歸隱三首

雪岸鳴鶴 東舟射騎

虛名 投書圖二章

題劉威卿小字難素冊後二章

龐都運山水 歸義僧山水卷

武善夫桃溪圖二章

巢雲曙雪圖 書扇贈李澄然

普照范鍊師寫真三章

祖唐臣所藏樗軒畫冊二題

客意 走筆題十老會請疏

七夕

避兵陽曲北山之羊谷題石龕

壬子寒食

馬雲卿畫紙衣道者像

過威州鎬厲王故居 真味齋

歸義興侍者谿山蕭寺橫軸

喬夫人綵綉仙人圖出山像

胡壽之侍月軒三章 論詩三首

起禪師晦迹庵 自題寫真

贈寫真田生三章 贈高君用

周才卿拙庵 郭大方自適軒

風柳鳴蟬 晴景圖

僧寺阻雨 金山

王子文琴齋 賈彥清飛雨亭橫披

讀漢書 內相楊文獻公家挽三章

石勒問道圖 花光梅

舊與趙景溫 夏山風雨

春雲澹冶 雪谷早行圖二首

胡叟楚山清曉 辛亥九月末見菊

荅俊書記學詩 夜宿山中

臺山雜詠十六首 跨牛圖

贈湛澄之四章

乙卯二月歸自汴梁父旱而雨偶記內鄉一詩

三門集津圖

乙卯端四日感懷

山村風雨扇圖 跋蕭帥鷺鷥敗荷扇頭

袁顯之扇頭 贈司天王子正二首

工部趙侍却下世日作 跋耶律浩然山水卷

跋耶律浩然山水卷 楊秘監雪谷早行圖

貞燕二首

杜莘老夏日汾亭橫軸

武元直秋江罷釣 張彥遠江行八詠圖

題馮潛緩之碩人在澗橫軸

題邢公達寒梅凍雀圖

秀隱君山水 同梅溪賦秋日海棠章

梁氏先人手書

題杜國寶祖考行狀後三絕句

詩贈譽子野三章 戲相師

留贈丹陽王鍊師三章

卷第十五

宏詞

章宗皇帝鈔券行引

秦王擒寶建德降王世充露布

擬賀登寶位表 擬立東宮詔

擬除樞密使制 擬御史大夫讓樞密使表

擬除司農卿制

卷第十六

碑銘表誌碣

評章政事壽國張公神道碑

王黃華墓碑

沁州刺史李君神道碑

卷第十七

碑銘表誌碣

開關公墓銘

朝散大夫胡公神道碑

寄庵先生墓銘

朝列大夫張公墓表

卷第十八

碑銘表誌碣

內相文獻楊公神道碑銘

轉運使剛敏王公神道碑銘

禮部尚書趙公神道碑

卷第十九

碑銘表誌碣

內翰王公墓表 內翰馮公神道碑

國子祭酒權刑部尚書馮君神道碑銘

卷第二十

碑銘表誌碣

順安縣令趙公墓碑 吏部尚書張公神道碑

通奉大夫鈞州刺史張君神道碑銘

資善大夫集賢(軍節度使)蒲察公神道碑銘

資善大夫武寧軍節度使夾谷公神道碑銘

卷第二十一

碑銘表誌碣

御史張君墓表

御史程君墓表

平叔墓銘

希顏墓銘

太司農丞康君墓表

聶元吉墓誌銘

卷第二十二

碑銘表誌碣

大中大夫劉公墓碑

中順大夫張公墓碑

陽曲令周君墓表

奉直趙君墓碣銘

史邦直墓表

御史孫公墓表

卷第二十三

碑銘表誌碣

廉訪使楊君神道碑

景玄墓銘

文儒武君墓銘

郝先生墓銘

曹徵君墓表

卷第二十四

碑銘表誌碣

真定教授常君墓銘

善人白公墓表

南峯先生墓表

臨海弋公阡表

遽然子墓碣銘

蘇彥遠墓銘

盧太醫墓誌銘

張遵古墓碣銘

張君墓誌銘

卷第二十五

碑銘表誌碣

族祖慶士墓銘

承奉河南元公墓銘

敏之凡墓銘

贊皇郡太君墓銘

南陽縣太君墓誌銘

聶孝女墓銘

孝女阿秀墓銘

卷第二十六

碑銘表誌碣

東平行臺嚴公神道碑

東平行臺嚴公祠堂碑

順天萬戶張公勲德第二碑

龍虎衛上將軍耶律公墓誌銘

卷第二十七

碑銘表誌碣

龍虎衛上將軍木虎公神道碑

桓州刺史馬君神道碑

贈鎮南軍節度使良佐碑

輔國上將軍京兆府推官康公神道碑銘

奉國上將軍武廟署令耶律公墓誌銘

卷第二十八

墓碣表誌銘

大丞相劉氏先塋神道碑

歸德府總管范陽張公先德碑

臨淄縣令完顏公神道碑

費縣令郭明府墓碑 廣威將軍郭君墓表

潞州錄事毛君墓表

卷第二十九

碑銘表誌碣

顯武將軍吳君阡表 忠武任君墓碣銘

信武曹君阡表 千戶喬公道碑銘

千戶趙侯神道碑銘 故帥嚴侯墓表

卷第三十

碑銘

濮州刺史畢侯神道碑銘

宣武將軍孫君墓碑 龍山趙氏新塋之碑  
冠氏趙侯先塋碑 西寧同知張公之碑

兗州同知五翼總領王公墓銘

五翼都總領豪士信公之碑

卷第三十一

墓銘碑表

清涼相禪師墓銘 華嚴寂大士墓銘

墳雲墓銘 孫伯英墓銘

紫虛大師于公墓碑 天慶王尊師附表

冲虛大師李君墓銘 通真子墓碣銘

圓明李先生墓表 通玄大師李君墓碑

藏雲先生袁君墓表 告山贊禪師塔銘

卷第三十二

記

令旨重修真定廟學記

東平府新學記 博州重修學記

趙州學記 壽陽縣學記

代冠氏修廟學記 葉縣中嶽廟記

長慶泉新廟記 三皇堂記

崔府君廟記

卷第三十三

記

鄧州新倉記 南陽縣令題名記

吏部掾屬題名記 警巡院廨署記

創開漳水渠堰記 市隱齋記

惠遠廟新建外門記 順天府營建記

邢州新石橋記

臨錦堂記 馬侯孝思堂記

致樂堂記 友山亭記

卷第三十四

記

王無競題名記 東平賈氏千秋錄後記

校笠澤叢書後記 畫記

濟南行記 東游畧記

兩山行記 毛氏宗支石記

尚藥吳辨夫壽塚記 樊侯壽塚記

卷第三十五

威德院功德記 竹林禪院記

少林藥局記 壽聖禪寺功德記

興福禪院功德記 龍門川大清安禪寺碑

竹州天慶觀重脩功德記

太古觀記 長庵記

紫微觀記 朝元觀記

清真觀記 通仙觀記

卷第三十六

序引

陸氏通鑑詳節序 杜詩學引

東坡詩雅引 東坡樂府集選引

錦機引 集諸家通鑑詳節要引

十七史蒙求序 拙軒銘引

如庵詩文序 琴辨引

雙溪集叙 鳩水集引

楊叔能 亨集引

新軒樂府引 逃空絲竹集引

卷第三十七

序引

張仲經詩集序 陶然集序

木庵集序 南冠錄引

興定庚辰太原貢士南京狀元樓宴集題名引

送蔡中諧人引 送李輔之之官齊南序

送高維飛序 寒食靈泉宴集序

太原昭禪師語錄引

高和尚頌序 寒食會要引

元氏集驗方序 周氏衛生方序

卷第三十八

銘

孔道輔擊蛇笏銘

良佐鏡銘 默庵銘

布衾銘 無絃琴銘 最樂堂銘

趙然堂銘 太古堂銘

皇極道院銘 天硯銘

小紫玉池硯銘

贊

手植捨聖像贊 老人星贊

堯文正公真贊 趙閑閑真贊二首

范鍊師真贊 馮真自贊

讀經圖贊 張幾道煉師真贊

頌

登封令薛侯去思頌



書

癸巳歲寄中書耶律公書

與雅判白兄書 谷中書今成仲書

谷聽上人書 谷嚴大用萬戶書

疏

竹州脩學疏代郝侯作

清真道院營建疏

請太一宮提點李大師住天封疏

興國院改律為禪請住持疏

普于扁蓋疏

雜體

麻社張諸人詩評 射說

酒裏五言說 靖德昭兒子高戶字說

商氏家世錄 故物譜

卷第四十

上梁文

南宮廟學大成殿上梁文

南陽礮署上梁文 外家別業上梁文

青詞

中令耶律公追悼先妣國夫人青詞

太夫人五七青詞 劉宜撫設醮青詞

張喜千戶青詞 樊守謝土詞

郡守天池祈雨詞

祭文

祭飛蝗文 為第四女配婿祭家廟

題跋

跋國朝名公書 題樺軒九歌遺音太字後

跋開闢公自書樂堂詩

跋張二相帖 跋蘇黃帖

跋松庵馮文書 跋蘇叔黨帖

跋東坡和淵明詩後

題蘇氏父子墨帖 題許汾陽詩後

毛氏家訓後跋語 跋張仲可東阿鄉賢記

跋紫微劉尊師山水

題學易先生劉斯立詩帖後

跋龍岫書柳子厚獨覺詩

題閩閩書赤壁賦後

遺山先生文集目錄

道山先生文集卷第一

顧齋張德輝類次

古賦

秋望賦

步裴回而徙倚放吾目乎高明極天宇之空曠閱  
 歲律之崢嶸于時積雨收霖景氣肅清秋風蕭條  
 萬籟俱鳴菊鮮鮮而散花鴈杳杳而遺聲下木葉  
 於庭阜動砧杵於蕪城穿林早寒陰崖畫室濃淡  
 霏拂繞白紵青紛叢薄之相依浩霜露之已盈送  
 蒼蒼之落日山川鬱其不平瞻彼輾轉西走漢京  
 虎踞龍蟠王伯所憑雲烟慘其動色草木起而為  
 兵望崧少之霞景渺浮丘之獨征汗漫之不可與  
 期竟老我而何成挹清風於箕顛高巢由之遺名  
 悟出處之有道非一理之能并繫南山之石田維  
 景略之所耕老鑄盤盤空谷淪精非雲雷之一舉  
 將草木之借零太行截天大河東傾邈神州于西  
 北悅風景於新亭念世故之方殷心寂寞而潛驚  
 激商聲于寥廓慨涕泗之緣纒吁咄代事變於已  
 窮氣生乎所激豫州之土復於慷慨擊節之誓西  
 域之侯起于窮悴傭書之筆諒生世之有為寧白

百而坐食且夫飛鳥而戀故鄉麋鹿而憂公室豈  
 有夷墳墓而剪桑梓視若越肥而秦瘠天人不可  
 以偏廢日月不可以坐失然則時之所感也非無  
 悵盡之悲至於整六翻而耽層霄亦在幾乎驚禽  
 之一擊

蒲桃酒賦并序

劉鄧州光甫為予言吾安邑多蒲桃而人不知有  
 釀酒法少日嘗與故人許仲祥摘其實并米炊之  
 釀雖成而古人所謂甘而不飴冷而不寒者固已  
 失之矣貞祐中鄰里一民家避寇自山中歸見竹  
 器所貯蒲桃在空盎上者枝蒂已乾而汁流盎中  
 薰然有酒氣飲之良酒也蓋久而腐敗自然成酒  
 耳不傳之秘一朝而發之文士多有所述今以蜀  
 子子寧有意乎予曰世無此酒久矣予亦嘗見還  
 自西域者云大石人絞蒲桃漿封而埋之未幾成  
 酒愈久者愈佳有藏至千斛者其說正與此合物  
 無大小顯晦自有時決非偶然者夫得之數百年  
 之後而證數萬里之遠是可賦也於是乎賦之  
 其辭曰  
 西域開漢節迴得蒲桃之奇種與天馬并俱來枝

冀千年鬱其無涯，鑿缺清秋以春煦，發至美乎胚胎。意天以美釀而飽予，出遺法于湮埋，索罔象之玄珠，薦清明於玉杯，露初零而未結，雲已薄而仍裁。挹幽氣之薰然，釋煩悵于中懷，覺松津之孤峭，羞柱醕之塵埃。我觀酒經，必麴蘖之中，媒水泉資，香絮之助，秫稻取精良之材，效衆技之畢前，敢一物之不階，艱難而出，美好徒醜，毒之貽哀，緊工儻之物化，與粹養之心，齋既以天而合，天故無桎乎靈臺。吾然後知珪璋玉毀，青黃木災，音哀而鼓鐘味薄，而益梅惟揮殘天下之聖法，可以復嬰兒之未孩，安得純白之士而與之同此味哉。

新齋賦

予既罷內鄉，出居縣東南白鹿原，結茅菊水之上，聚書而讀之，其久也。優柔厭飫，若有所得，以為平生未嘗學而學於是，予始乃名所居為新齋，且為賦以自警。其辭曰：新之為說也，在金曰從，華在木曰從，斤丘陵為山，而惡乎畫，發霜堅冰而致于馴，猶之於人，則齊魯有一再之漸，狂聖由念否之分，唯夫守一而不變者，不足以語化，化之為神，附陳迹以自觀，悼吾事

之良勤，夫壯歲於俯仰，竟四十而無聞，聖謨洋洋，善誨循循，出爽語，默之所依，性命道德之所存，有三年之至，穀有一日之歸，仁動可以周萬物，而濟天下，靜可以崇高節，而抗浮雲，曾出此之不知，乃角逐乎空文，俚北轅以適楚，將嚙問而知津，揜虛名以自奪，適以增頑，而益罷我卜我居於浙之濱，方處陰以休影，思沐浴德而添身，蓋嘗論之生而知困，而學固等級之不躡，憤則咎悻，則發亦愚智之所均，齋戒沐浴，惡人可以祀上帝，繫已以進童子，可以遊聖門，顧年歲之未暮，豈終老乎九民已馬，我孰糟粕之弗醇，孰土苴之弗真，孰昧爽之弗旦，孰悴稿之弗春，又安知溫故知新，與夫去故之新他日不為日新，又新日日新之新乎。

行齋賦

戊子冬十月，長壽新居成，仲經張君從予卜，鄰得王氏之敗屋，馬環堵蕭然，不蔽風日，君為之補罅，漏治蕪穢，蓋十日而後，可居。華門圭竇，故事畢舉，取君子素其位而行之義，名曰行齋，而乞文於予，予以為士之貪，至於君極矣，無祿以為養，無田以為食，無僮僕為之負，既無子弟為之奔走，無好事

者為之謀緩急而功薄少率費無旬日計泰然以  
閉戶讀書為業不以為失次而以為當然不以為  
怨不以為憂而又且以為樂也然則不謂之無媿  
其名也而可乎迺為賦云

賦分在人如物有常反鶴與鳧無益短長力有可  
求勝天不祥福不盈睫一敗莫償莫難養心操存  
舍亡出入無時兮莫知其鄉飽飢有時而激兮怒  
殆藜虎之貽殃我思古人動靜有方靜以養虛剛  
以作彊辱以處汙愚以退藏屹中立而不倚趨橫  
潰而獨障直釣磻溪之魚充筇單于之羊有漆身  
以為厲有被髮而為狂仕汙世而執朝狗殊俗而  
解裳太阿存兼善之達緼袍有不求之臧唯夫長  
劍大冠以揖讓人主之前者若固有故木食澗飲  
雖至於勞筋骨而卧體膚者為無傷古有之居不  
隱者志不廣身不抑者志不揚士固有避世而不  
復見然愈揜而愈彰南山蒼蒼北風兩霜有蘭不  
彫俟春而芳偉執造物又將發吾子之幽光耶阿太

即阿太  
見文題

五言古詩

箕山

幽林轉陰崖為道人迹絕許君樓隱地唯有太古  
雪人間黃屋貴物外祇自潔尚厭一瓢喧重負寧  
所屑降衷均義稟汨利忘智決得隳又望蜀有齊  
安用薛干戈幾蠻觸宇宙日流血唐連蹈東海夷  
叔來薇蕨至今陽城山衡華兩立垤古人不可作  
百念肝肺熱浩賦北風前悠悠送孤月

樂山置酒

同內翰馮太叔賦雷凡  
者顏賦詩分得實字

靈宮肅清曉細相舍古春人言王子喬鶴馭此上  
寶白雲山蒼蒼平田木欣欣登高覽元化浩蕩融  
心神西望洛陽城大路通平津行人細如蟻擾擾  
爭紅塵蓬萊風濤深鬢毛日夜新殷勤一杯酒媿  
爾雲間人

同希頰再登箕山

十年箕山祠蘿逕深以悄桂樹不復見充藪餘秋  
篠篔簹盡絕頂石篆平木杪長風萬里來筋骸覺  
輕矯側身望若實解衣懸林表是時夏春交野色  
亂青綠川光乍明滅地脉五紫繞罔鬱蟻垤出井  
邑蜂衙擾紅塵洛陽昏白雲太行曉元功信冥漠  
一覽疑可了悟彼東山人胸中魯宜小

光武臺

東南地上遊荆楚，共四衝。游子十月來，登高送長鴻。當年赤帝孫，提劍起蒿蓬。一顧漁水斷，再顧劫御空。雷霆萬萬古，青天看飛龍。巖然此遺臺，落日荒烟重。誰見經綸初，指揮走群雄。白水日夜東，石麟幾秋風。空餘廣武歎，無復雲臺功。

潁亭留別

同李冶仁知務孺子敬王元亮子正分韵得盡字

故人重分携，臨流駐歸駕。乾坤展清眺，萬景若相借。北風三日雪，太素秉元化。九山鬱峥嵘，了不受陵跨。寒波淡淡起，白鳥悠悠下。懷歸人自急，物態本閑暇。壺觴負吟嘯，塵土足悲咤。迴首亭中人，平林澹如畫。

灑亭

春物已清美，客懷自幽獨。危亭一徘徊，俯然若新沐。宿雲淡野川，元氣浮草木。微茫盡楚尾，平遠疑杜曲。生平遠游賦，吟諷心自足。竭來著世網，抑抑就遠幅。人生要適情，無榮復何辱。乾坤入望眼，容我謝羈束。一笑白鷗前，春波動新綠。

出京

史院得告歸滿山侍

從宦非所堪，長告欣得請。驅馬出國門，白日觸隆景。半生無報著，飄轉如斷梗。一昨隨牒來，六月阻

歸省城，居苦湫隘。群動日蛙，暝漸岫山中人。團茅遂幽，昇塵泥免相。宛夢寐見清顏，矯首孤飛雲西。南路何求。

元魯縣琴臺

荒城草木合，破屋風雨侵。千年一琴臺，曉馬涕盈襟。遺愛食縣社，公寧不堪任。此臺即甘棠，忍使無餘陰。旁舍高以華，大豪日捐金。蒼雲玄武暮，鬼物憑陰岑。尚德抑玄虛，墜典誰當尋。我與薦寒泉，百拜公來臨。公來不能知，落日下飢禽。懷哉空山裏，鶴飛猿與吟。當年于蒿歌，補袞一何深。承平示得意，獨能正哇淫。君相此一時，又復悟良箴。諛臣坐發黜，盍亦起幽沉。蒲輪竟頽轂，香艸空深林。寂寞投書室，孤錫舉遺余。生平諒已然，薄俗矧來今。千山為公堂，萬籟為公琴。夔曠不並世，月露為知音。人間蹄涔耳，已矣非公心。元道州文編以元魯山為元魯縣又蓋今為玄武之祠故

灑水

王詩音作

灑水復灑水，東望厲行沒。殷勤一杯酒，迺酌隱亭月。求懷紫髯即冠佩，見突兀岩石。青時鬱鬱松，秀發裝回功名會。脫落豪俠密，中州有士論指與。

雷李屈掛矛須扶桑洗劍必填渤海天新美器一  
世惜英物神交付冥漢生氣凜毛髮右來天下馬  
萬里入起忽良樂不並世熱市空駿骨狂歌叫火  
雲北風撼林樾

雜著五首

稟氣寡所諧衣食固無端所業在農桑甘以辭華  
軒田家豈不苦歲功聊可觀帶月荷鋤歸裴回立  
隴間曖曖遠人村紛紛飛鳥還養真術茅下庶無  
異患干遙謝荷蓀翁躬耕非所嘆

守拙歸田園淹留自無成長吟掩柴門遂與塵事  
冥素月出東嶺夜景湛虛明揮杯勸孤影杯盡壺  
自傾造遙望白雲千載有深情

榮叟老帶索原生納決獲遊哉此前脩久而道彌  
著人生少至百每每多憂慮量力力守故轍餘榮何  
足顧棲遲固多娛幾人得其趣

桃李羅堂前霜露榮悴之咄咄俗中惡人道每如  
茲冬嶺秀孤松卓然見高枝提壺撫寒柯憶此貞  
秀安願留就君住終身與世辭

世短意恒多時駛不可追感彼陌下人法然沾我  
衣運生會歸盡彼此更共之理也可奈何一鷗聊

可揮酒中有深味情隨萬化遺西南望見壘靈人  
侍丹池我無騰化術帝鄉不可期且極今朝樂千  
載非所知

古意一首

七歲入小學十五學時文二十學業成隨計入咸  
秦秦中多貴游幾與書生親年年抱闕吏空艾西  
來頻在昔學語初父兄已卜鄰波驚不量力強欲  
綠青雲四十有牧豕五十有負薪寂寥抱玉獻賤  
薄倡優陳青衫亦區區何時畫麒麟遇合僅一二  
飢寒幾何人誰留章甫冠萬古徒悲辛

桃李弄嬌婉梨花澹羊容盈盈兩無語職職爭春  
風春風何詩來叫木誰青紅天公亦老矣何意夸  
兒童昨夜花正開今朝花已空川流不肯駐併與  
繁華東攬楠千歲姿翫麟空谷中陽和不擇地亦  
復難為功本無兒女心安用尤天公

頽谷封人廟

洩洩頽谷雲融融頽川水封君去我久水雲自清  
美人言君善諫微意得鄰子特於悔悟時一語發  
天理夫孝動天地土直及頑鄙反身而未誠善諫  
且敗矣如何千載下乃與茅蕉比我行頽川道求

念負甘旨願作頽尾跂因之日千里

贈春劉御史雲卿四首

舊聞劉君公學經發源深驂駒萬里氣聖途已駁  
駁大襟語三日副我夙所歎瀟溪無此派此道日  
西沈百年牛山木不復秀穹林南風雖寒數聞絃  
猶賞者獨憐粵昆子一我無古今共學君所食適  
道我豈任相酌無別物徒有好賢心

阿京吾所畏早生號能文初無王家癖聲光自派  
聞此行不虛求得接大小君信知珠玉淵足當燕  
鴈群君家有箕裘聖學待冊熟但使本根在枝葉  
復何云敬勸五色筆未用權千軍

學道有通蔽今人乃其尤溫柔與敦厚掃滅不復  
留高齋當父師排擊劇冠讐真是未可必自私有  
足羞古人相異同寧復操戈矛春風入萬物枯枿  
將和柔克已未有加歸仁亦何由先儒骨已腐百  
罵不汝酌胡為文字間刮垢搜癢死吾道非申韓  
哀哉涉其流大儒不知道此論信以不我觀唐以  
還斯文有伊周開雲揭日月不獨程張儔聖途同  
一歸論功果誰優戶牖徒自開膠漆本易投九原  
如可作吾欲起韓歐

老鶴何許來鴻與孤雲同相值太虛空悠然後西  
東聖學要深談惜君別匆匆何時沂水上同詠舞  
雩風

送欽叔內翰并寄劉達卿中白文舉編  
籍五首

忽忽歲云暮烈烈風霜威舉頭望長安游子從此  
歸我有平生懷愛君如連枝半年美賦被所樂良  
不貴尚恨人事異離合無定時送君酒一杯情以  
殫缺辭上言行路難下言長相思

六月渡盟津十月行汜水風濤脫沉舟冰雪危陸  
指孝子在中野求念負甘旨家貧親已老形瘠心  
欲死古稱季路孝負米曾百里願作經與紉寧當  
愁頽尾君歸不可緩獻壽迫歲始遙知慈母心已  
為烏鵲喜

一年不製衣春服犯霜風一日僅兩食腸胃不得  
充生平萬里氣頓入低回中田夫怒攘臂縮首甘  
盲聾老兵賜顏色歡喜無所容求索厭朋友勞苦  
慚僕僅無聊復無聊又復招突凶我有一樽酒流  
君塊磊胸君年始三十白髮成一翁願以寸心微  
受此百慮攻君窮復何辭不見關關公文章二百

年不深四壁空

君性我所請我心君所知凡我之所短君亦時有之謀事恨太銳臨斷恨太遲持論恨太高徇俗恨太卑人道自述始貪富理不齊君自不得飽欲療何人饑乞醯乞諸鄰聖哲有明議被髮掛鄉人智者所不為且如典人文交有非所宜白黑不復擇豁豁傾心脾泛愛豈不可後悔終自貽又如與人言寧復無失辭刺口論成敗白眼談歌詩世故教黃閔能不發其機聞君作損齋似覺豪華非懲念與室愆百年有良規與子各努力歲晚以為期古人遺相望每恨不同時同時得古人歡樂良在茲君歸豈不佳矣將滿京師門前車馬來笑言慰所思細話洛陽事高誅嵩山詩宮壺發新篇宮梅耿幽姿故應劉與白亦復念微之

飲酒五首懷城

西郊一畝宅閉門秋州深床頭有新醖意愜成孤斟舉杯謝明月蓬幕肯相臨顧將萬古色形我萬古心

去古日已遠百偽無一真獨餘醉鄉地中有羲皇淳聖教難為功乃見酒力神誰能釀滄海盡醉區

中民

利端始萌芽忽復成禍根名虛買實禍將相安足論驅驢上即郵遂免出東門離官寸亦樂里社有拙言雜言寸亦樂晉陸詩云然

萬事有定分聖智不能移而於定分中亦有不測機人生桐葉露見日忽已晞唯當飲美酒儻來非所期

此飲又復醉此醉更酣適徘徊雲間月相對澹以照三更風露下巾袖警微濕浩歌天壤間今夕知何夕

後飲酒五首陽翟

少日不能觴少許便有餘比得酒中趣日與杯杓俱一日不自洗肝肺如欲枯當其得意時萬物寄一壺作病知奈何妾婦良區區但媿生理廢飢寒到妻孥吾貧蓋有命此酒不可無

金丹換九骨詭幻若無實如何杯杓間乃有此樂國天生至神物與世作酣適豈曰無妙理混漾莫容詰康衢吾自樂何者為帝力大笑白與劉區區頌功德客從松少來賒我招隱詩為言學仙好人間竟何



為一笑顧客言神仙非所期山中如有酒吾與爾同歸

酒中有勝地名况所同歸人若不解飲俗病從何醫此語誰所云吾友田紫芝紫芝雖吾友痛飲真吾師一飲三百杯談笑成歌詩九原不可作想見當年時

飲人不飲酒正自可飲泉飲酒不飲人暑沽從擊鮮酒如以人廢美標何負焉我愛靖節翁於酒得其天龐通何物人亦復為陶然兼忘物與我更覺此翁賢

德禪師清涼草堂

蒼隱伊陸巷把茅入宴息新居蘭若峯老屋補漏圻鍾魚有勝氣餅錫無滯迹回頭仙人隊談笑初未隔結草幾成壞逆旅誰主客道人那許許一笑山月白多生負詩債秋物苦催索通知得新句崧少為動色上人舊隱伊陽伊陽有伊廬

少林

雲林入清深禪考坐蕭爽澄泉潔餘習高為喚長往我無玄豹安漫有紫霞想回首山中雲靈芝日應長

龍潭

層冰積浩蕩陵谷互吞吐窈窕轉幽壑突兀開淨宇回頭山水縣亦復墮臺土孤雲跌綵北宇宙一仰俯風景初不殊川塗忽脩阻寒潭海眼淨黔黑自太古藝龍何年卧萬國特霖雨誰能裂蒼崖雷風看掀舉山中人論旱則舞大石入潭

麥歎

惜地乞麥種微俸今年秋乞種尚云可無丁復無牛田主好事人百色副所求盼盼三百斛寬我飢寒憂我夢溱南川平雲縹緲油油起來望河漢旱火連東州四月州不青吾種良謾按田間一太息此歲何時周向見田父言此田本良疇三歲廢不治種則當倍收何如落吾手羊年變鷄猴身自是早毋咄咄將誰尤人滿天地問天豈獨我警正以賦分薄所向困拙謀不稼且不穡取禾亦何由辦作高敬通惡兩將漂流吾貧有溢觴賢達未始羞單衣適至解一劍又劖緤焉知寄食餓不取丞相侯作詩以自廣時用商聲語

北印

驅馬北印原踟躕重踟躕十年富貴人零落此山

隅萬塚不復識捧莽餘龜跌賢愚同一盡感極增  
悲歎身人惟物靈生也與道俱一為物所眩遂爾  
迷厥初貌骨柴山丘百年不須史歸盡固其理文  
喪亦已愚陳迹有足悲奈此萬化途焉知原上塚  
不有當年吾

龍門雜詩二首

石樓繞清伊塵土天所恨人言無僧久草滿不復  
刻灘聲激悲壯山意出高蹇當年香山老掛冠遂  
忘迓高情留詩軸清話入禪版誰言海山去蕭散  
仍在眼溪寒不可涉倚杖西林晚

不見木庵師胸中滿泥塵西窓一握手大笑傾冠  
巾青山有佳招一游員因循老筇動高興萬景森  
前陳乾元先有期清伊亦知津細看潛溪樹高卧  
香山雲學詩二十年鈍筆死不神乞靈白少傳佳  
句儻能新過邊洛陽城梅花千樹春山中有忙事  
寄謝城中人

豐山懷古

豐山一何高古屋蒼烟重閉門望吳楚鳥去天無  
窮連山橫巨鰲白水亘長虹川原鬱佳氣自古南  
都雄炎精昔季興卧龍起隆中落落出奇策言言

揭孤忠時事有可論生晚恨不逢漢賊不兩立大  
義皎日同吳人操等耳忍與分河潼奪操而與權  
何以示至公一民漢遺教又地漢故封乎民及守  
土天地與相終不能禦寇讎顧以寇自攻既異瀉  
溝初又非列國從一券損半產二祖寧汝容端本  
一已失孤唱誰當從至今有意恨霸拓踈陰風舊  
聞清冷洲天籟如撞鐘山經野人語誕幻欺孩童  
開元有亂階鹿飲温泉宮黃葆何為者乃爾能庸  
兜乾坤之大音久驚理當通清霜旦夕落佇爾驚  
群聳

乙酉六月十一日雨

一早近兩月河洛東連淮驕陽佐大火南風捲黃  
埃草樹青欲乾四望令人哀特時恠事發兩電如  
李梅我夢天河隸崩騰走雲雷今日復何日馭雨  
東南來元氣淋漓中焦卷意已回良苗與新穎驚  
驚無邊涯書生如老農苦樂與之偕聞閭閻言  
語一笑心顏開百年酒如漿乾溢安能裁唯當作  
高簾多具尊與疊家人喚問我君田安在哉賦兩  
與快

同音見

示姪孫伯安

伯安入小學穎悟非凡兒屬句有風性說字驚老  
師見汝拔書歸憶我青衿時青衿昨日耳齒髮忽  
如茲讀書誤人多澗踈亦天資元無倚夫劍可斷  
扶桑枝倚梯望青冥愚者知笑之壯事已無取老  
謀欲何施幸此掌中孫未染如素絲就令好紙筆  
門戶誰當支我有商餘田汝壯可耘耔便當學種  
樹未用城南詩伯安方請編集  
符讀書城南

種松

百錢買松蒸植之我東墻汲井澆壅土插籬護牛  
羊一日三摩挲愛比添丁即昨宵入我夢忽然變  
昂藏昂藏上雲雨慘澹含風霜起來月中看細鬣  
錯針芒惘然一太息何年起明堂鄰叟向我言種  
木本易長不見河畔柳顧盼百尺強君自作遠計  
今日何所望

虞卿麻長官成趣園二首

鑿池水交流築翠山四繞衡門在人境三逕深以  
悄中庭八九樹晨坐聽百鳥人生信多慮長窺客  
未了虛舟有天游我定物自擾豈不與世竝自是  
萬物未達觀無不可言外富意晚  
蹉跎匡山游爛漫彭澤酒慨然千載上懷我平生

交夫君負奇節劍氣鬱星斗為吏非所堪徑去如  
避走王官唐以還寂冥蓋已久柴車君來臨清風  
動林藪至今溪上詩往往在人口明明不可作此  
士寧復有

雜詩四首

相士如相馬減淺深天機區區銅馬法徒識扎與  
驪人言當塗公惡人知其微如何許邵語受之不  
復疑知人固不易人亦未易知姪妍在水鏡鈇粉  
徒自欺孰為仁義人未假已不歸伯樂不可作思  
與曹瞞期

世事如大弩人若材官然東勢易發撥非時勞控  
弦又如大水中置彼萬斛舡雖有帆與檣亦須風  
動天不見周公瑾弱齡已飛鷲不見師尚父鷹揚  
在華顛彼非生而材此豈晚乃賢鑑基喻智慧要  
必有待焉嘆息狂馳子嘗為愚者憐

崑山有璞玉外質而內美唯其不自銜故與頑石  
齒和也速於售再獻甘城趾在玉齋何傷惜君兩  
足耳

堂堂明堂柱根節幾歲寒使與蒲柳同扶復良壽  
難我衣敝緼袍我飯首蒼盤天公方試我劍缺勿

妾詳

來祀

仙苗不擇地，穠莠散秋實。穢穢未隕，濃露紅欲滴。方書尚服，野僮僕課米。拾花葉久已，厭功實從此。得苦茶薦奇味，凡醞化靈液。人傳東坡事，世驗西河術。誰口亦自佳，輕骨况可必。維物多似是，致用相萬一向非。觀玉篇，誰為分祀，棘

宿菊潭

田父立馬前來赴，長官期父老且勿往。問汝我所疑，民事古所難。令才又非宜，到官已三月。惠利無毫釐，整汝鄉之單。倉寧為豪右，欺聚訟樂何人。健聞復是誰，官人一耳目。百里安能知，東州長官清白。直下村，猶我雖禁吏出，將無夜叩扉。教汝子若孫，努力逃寒飢。軍租星火急，期會切莫違。期會不可違，鞭朴傷汝肌。傷飢尚云可，天關令人悲。

觀浙江漲

一旱千里赤，一雨垣屋敗。浙故以江名，暴與衆怒會。初驚沙石捲，稍覺川谷隘。雷風入先驅，火塊供一竟。千帆鼓前浪，萬馬接後汰。崩崖不暇顧，拔木無留碍。憑陵如藉勢，回坎各有態。平分乍舒徐，怒

觸危碎瑛雲，蒸蕪楚樹抄。雪映商嶺背，髮鬢千丈潮。悅與海門對，伏飛關蛟。經燃犀出鱗介，陽侯富陰族。萬首露光，恠翠蕤濤。偃蹇鉦鼓亂，砲礮求悚。踞鑿力重，歎神為大。乾坤海為壑，未礙變橫潰。納汗非無虞，流悉聊自快。技詩與龍盟，濤滿頰一再拜。

鷓鴣雀崖北龍潭

層崖闕頰，陰水木深以阻。瀉聲半空，落洶洶如怒。虎風生木葉脫，魄動不敢語。何年潭池，竅靈物此棲。處初從一綫，溜開鑿到神。為雲雨鼓飛浪，噴薄齊萬督。藏珠驪龍領，百斛快一吐。油油入無底，細散不濡縷。歸藏海有穴，汎溢愁下土。南峯天一柱，萬古鎮幽府。江山有奇探，落景迫行旅。多飽茹芝人，終年看飛雨。

五松平

竹港晨露白，石門秋氣寒。滿流落洞壑，細路深茅管。江平白石出，竟日沿清灣。四顧不見人，山鳥時聞關。蒼崖入地底，烟霧青漫漫。力盡不能過，却坐空長歎。青天白雲間，可望不可攀。虛名竟何得，行路乃爾難。

阻雨張主簿草堂

漏暑雲氣鬱漫漶去聲成積雨南風竊陰候萬蕪困  
楸舉飛濤限江岸懸泥迫茅宇現坐百慮滋歸興  
生鳥羽兒童十日約竹馬候門麻曾是百里程川  
途忽避阻少游去我又念子平生語數段劣可乘  
贏餘果何取河汾啟塵在坐滯西南楚世事不可  
期客心徒自苦

贈荅楊煥然

詩七又已久雅道不復陳人人握和璧鼎石誰當  
分閨中揚夫子高謗世所聞十年玄尚白蒸藿甘  
長貧有來河水篤四海付斯文斯文有定在桓生  
知子雲古來知己難萬里猶比鄰千人國中和要  
非心所親東楚西南秦望君勞我神相逢不得語  
別去徒殷勤白雲不可贈相思秋復春

送詩人李正甫

陽和入枯株雷靄含芳津山頭太古石不與萬物  
春朝從木客游暮辨山鬼隣紫芝僅盈舂幽蘭不  
充綉青雲入長吁肝膽空輪困我嘗讀君詩天趣  
觸眼新秦將得豪宕晉產餘真淳怒虎不受唾駭  
麋未易馴安坐誰不如半生走遼地蒼蒼不可問

藐藐誰當親青山碾為塵白日無閑人空歌東野  
曲不揀西州貧

遺山先生文集卷第一



遺山先生文集卷第二

五言古詩

萬化如大路

萬化如大路物我適相遭往來限隣屋菱窠阻同  
袍斷金幾何人年運剝銷膏相歡顧不足爾文奚  
暇操古夾太山名達觀等秋毫蠻觸徒能國螺贏  
竟誰豪曠蕩覽八紘美惡自為曹造物無巧擇大  
塊有并包恭公今在亡轉燐起蓬蒿孤心既悄悄  
衆口益救救同塵寧當悔枉已乃為勞鹿門有高  
躅世網儻能逃

曉發石門渡滿水道中水經湍音專

疎星澹秋明陰霞絢朝映積雨成坐愁晨光動幽  
興石門歸馭引滿浦漁刀竝曠蕩萬景新歸藏四  
山靜平湖風漪綠逸岸秋沙淨洋洋遊儵逝汎汎  
輕鷗泳隱顯章風心感寓見真性倦遊徒自悼遠  
已將安竟憂端從中來茫茫發孤詠

故言

韓非死孤憤厲卿著窮愁長炒一相繫郊島兩詩  
囚人生定能幾肺肝日相離并蛙臭足論揮虱良  
足羞正有一胡樂不償百年憂古來帝王師或從



赤松游大笑人問世起滅真浮漚曾是萬戶封不  
博一棹頭有來且當避未至吾何求悠悠復悠悠  
大川日東流紅顏不暇惜素髮忽已稠我欲升嵩  
高揮杯勸浮丘因之兩黃鵠浩蕩觀齊州

李道人松陽歸隱圖

北山范寬筆老硬無妍姿南山小平遠澹若常即  
詩崧陽古僊村佳處我所知長林連王華細路入  
清微連延百餘家柴門水之溜桑麻蔽朝日鷄犬  
通垣籬媿我出山來京塵滿山衣春風四十日憂  
與孤雲飛可笑李山人嗜好世所稀逢人覓詩句  
不恤怒與譏道人本無事何苦塵中為京師不易  
君我癡君更癡山中酒應熟幾日是歸期

黃公廟

羈客無恒居六月走長路清風黃公祠地古欣所  
遇劍飛素靈哭龍躍雲雨赴堂堂文成君談笑取  
帝傳功名要有命陰相果何預誰謂圯上人異事  
驚竹素河清不可俟筋力疲世故袖間一編書壘  
埃嘆遲暮

學東坡移居八首

廢地三畝餘十年長蒿萊瓦礫誰奠壤白骨深蒼

若孤客無所投即此營茅齋壑斷豈不苦寢處亦可  
懷尋身賤者事寧當惜筋骸伐木荒林中運甕  
古城隈辛勤八十日吾事乃得諧買宅必萬錢一  
錢不天來今晨見此屋一笑心頗開

誰謂我屋寬寢處無擾餘誰謂我屋小十口得安  
居南榮坐諸郎課誦所依於西除著僮僕休休得  
自如若我於其間兀兀窮朝晡起立足欠伸偃卧  
可展舒聰明火焙煖似欲忘囚拘屋前有隙地客  
舍不可無花欄及菜圃次第當耘鋤東野載家具  
家具少於車我貧不全貧尚有百本書

故書堆滿床故物貯滿箱渾渾商寶萬疊纍漢銅  
章杖飾昭敬恭嚴卯詞瘴剛雷文統杖節獸面出  
佩琰私印刻王尊玉斗蛟龍翔逸少留半紙魚網  
非硬黃亦有墨首帖不辦作馮行雪景瘳思物宜  
政舊所藏晉公古漁父浩歌濯滄浪因觀宮騎圖  
卧馳識提囊谿石含餘潤奚墨疑幽香南榮挂風  
閣雲裾珮鏘鏘鏡背先秦書八字環中央讀之三  
嘆息此日何時光

壬辰困重圍金粟論升勺明年出青城瞑目就東  
縛毫釐脫鬼手攘臂留空橐聊城千里外狼狽何

所託諸公頗相念餘粒分危鶴得損不相償沃土  
填巨壑一冬不製衣繒績如紙薄一日僅兩食強  
半雜藜藿不羞蓬累行粗識瓢飲樂敵貧如敵寇  
自信頗亦憇兒啼飯落空堅障為憂却滄溟浮一  
葉渺不見止泊五窮果何神為戲乃爾雲  
舊隱嵩山陽篔簹豐饒餉新齋浙江曲山水窮放  
浪乾坤兩茅舍氣壓華屋上一從陵谷變歸顧無  
復望樵漁憶還往風土妻閨曠恍如悟前身姓改  
心不忘去年住佛屋盡室寄尋丈今年就民居卧  
塌礙盆盜靜言尋榻本正坐一出妄青山不能隱  
俛首入羈鞅巢傾外應覆身在頽亦強空悲龍髯  
絕永負魚腹葬置雖良有餘終身志懲創

國史經喪亂天幸有所歸但恨後十年時事無人  
知廢興屬之天事豈盡乖遠傳聞入僻故祇以興  
罵讒老臣與存亡高賢死兵機身死名亦滅義士  
為傷悲哀淮西城萬夫甘伏尸田橫巨擘耳猶  
為談者資我作南冠錄一語不敢私拜官雜家流  
國風賤婦詩成書有作者起本良在茲朝我何所  
營暮我何所思胸中有茹噎欲得快吐之濕薪烟  
滿眼破硯冰生髭造物留此筆吾貧復何辭

東坡謫黃州符藥行江湖荒田拾瓦礫賤役分僮  
奴我讀移居篇感極為悲歎九原如可作從公把  
犁鋤我貧公亦貧賦分無賢愚論人維甚媿詩亦  
豈不如

此州多寓士論年悉有隨風波同一舟奚必骨肉  
為倪家蓮華白每釀必見貽李昌妙琴事足以相  
娛嬉郭侯家多書篇帙得徧窺趙子篤於學聞以  
問所疑王生舊隣舍窮達心不移千里訪存歿十  
口分寒饑獨有仲通甫天馬不可羈直以論詩文  
稍稍窺藩籬永懷王與李朔漢行當歸書來聞吉  
語報我脫繫維慚非一狐腋不直五殺皮我作野  
史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二  
三南山壓城頭十里奎與函函狀流出地底城隅滿  
泓潭金絲弄晴光玉玦響空嵌清漣通盡舫秀水  
深雲龕華峯水中央麝鬱堆烟嵐荷華望不極綠  
淨紛紅酣毒熱非山陽早濕無江南承平十萬戶

他州隔仙凡劫火土一丘樹老草不芟巧盡露天  
質到眼皆奇探千年歷下亭規摹見重車懷賢成

獨詠勝賞何由來

舜泉效遠祖道州府君體

重華初側陋膏耕歷山田至今歷下城有此東西  
泉喪亂二十載祠宇為灰煙兩泉廢不治平漸著  
瓦礫填蛙跳平聚浮沫羊飲留餘羶我行歷荒基  
涕下何漣連舜不一并瓦下者何有焉帝功福萬  
世帝澤潤八埏要與天地並寧待一水傳甘棠思  
邵伯自是古所然我欲操畚鍤浚水及其原再令  
泥濁地一變清冷淵青石壘四周千祀牢且堅石  
渠漱清溜日聽薰風絃便為泉上叟杯飲終殘年  
與張仲傑即中論文

文章出苦心誰以苦心為正有苦心人舉世幾人  
知工文與工詩大似國手碁國手雖漫應一着存  
一機不從着着着看平何異管中窺文須字字作亦  
要字字讀咀嚼有餘味百過良未足功夫到方圓  
言語通卷屬只許曠與蕤聞絃知雅曲今人誦文  
字十行誇一日關顛失香臭督視紛紅綠毫釐不  
相照親面楚與蜀莫訝荆山前時聞則人哭

濟南廟中古檜同叔能賦

亭亭祠宮檜鬱鬱上雲雨扶持幾來年造物心獨



苦青餘玉川潤根入鐵岸古維舍據梁安介斧安  
得取流狀地中久駭浪思一鼓天柱屹不隳水國  
真平土乾坤此神物甲乙存世譜瀕御留耳孫關  
里傳鼻祖秦松徒自好蜀柏聊共數會待十抱成  
茲馬重摩拊

銅鞮次村道中

山逕一何惡一澗復一嶺昂頭一握天攸脚百丈  
井武鄉有便道故繞銅鞮境涉險良獨難又復觸  
隆景羸駮蹄已穴悲憫氣將瘳與世恒背馳用力  
何自省河汾紹絕業疑信紛莫整銘石出境中硃  
者宜火警少時曾一讀過眼不再省南北二十年  
憂寐猶耿耿喻如萬里別燈火得對影行役豈不  
勞聊當忍微頃

蕭蕭并引

故民部長陵蕭公泰和大安之間名德雅望朝  
臣無出其右其爲太原道漕使時不肖方廁諸  
生間碩嘗一望眉宇以爲甚幸然亦以齒久且  
賤不得與橫經之末而爲恨也北渡後居陽平  
見關中人邢公遠談公平生往往色揚而神躍  
問之知其爲公夫人之猶子也蓋公遠之先人

於公恩義良厚而公所以報之者爲甚力公遠  
初仕部掾年甫三十遂爲州上佐出入臺閣者  
二十年雖其材致然亦藉公爲之司命耳予雖  
知公遠之敬公也凡欲聞公之故則就訪之公  
遂所居之屋乞名於予因以蕭蕭目之且爲之  
說云士之生世有一鄉之士有天下之士有一  
人之所私慕有天下之所共稱分限所在不能  
以強人而人亦不得而強之也惟公承王公餘  
烈奔葉台鼎世譜完具與當陽杜氏相上下故  
言氏族者推其貴出入經史優柔鑿飲發摠秘  
奧不減前輩蔡無可故言討論者服其博素謙  
疑獄致力忠愛一言之仁利及未久故言斷獄  
者歸其平疆禦不奪其操公相不易其介福巾  
鄉社坐鎮頽俗故言進退者推其高蓋天下所  
共稱非一人之私慕高山仰止其誰曰不然古  
人有愛蕭子雲筆札者得蕭之一字遂以名所  
居况於其所天子因爲詩以貽公遠有好賢如  
緇衣者請爲同賦焉

十年金門客一日蓬蒿人煙煤兩椽屋因公名字  
新昔公無恙時四海望經綸敦龐一古儒風來自

名臣人亡典刑在百世留清塵師尊世共然况予  
夙所親愛公入夏想遙迤見垂紳教兒多讀書公  
言諒諄諄他時門戶改亦唯公所姻我嘗望公顏  
道左避朱輪至今誦其詩喜色為津津歸秦如未  
老會買東家隣

別李周卿三首

行路遊竹棘單車望千山歌君歸雲曲清涕留餘  
潸六年河朔州動輒得謗訕唯君篤高義口來款  
柴關古文松柏心今交桃李類古人去不返古道  
挽不還相思一樽酒幽恨寄山間

風雅久不作日覺元氣死詩中柱天手功自斷齧  
始古詩十九首建安六七子中間陶與謝下逮常  
柳止詩人王為骨往往墮塵滓衣冠語俳優正可  
你婢使望君清廟瑟一洗箏笛耳

城居日蛙黽局促撥局促去作山中客放浪誰檢  
東溪光淺於冰山骨淨如玉懷我同心人團茅住  
深竹垂綸鮮可食種林酒亦足石壇三萬丈醉眼  
天一粟安得萬里風相從兩黃鵠周卿學有淵源  
東州詩人未見

其北與子細西  
將如詩中所說

訓韓德華送歸之作

良朋滿東州歲月見患悃韓侯晚相值意氣尤懇  
懇我嘗相斯人趣向識端本立節柏有心樹德蘭  
在晚官榮晚不顧寄興浮雲噉今世走名場旗旆  
幾仆偃賤子本無取玉趾渠往返昨聞遂歸養見  
謂竹林阮暑涂三百里追送不憚遠觀君木訥姿  
百念為日損顧方慙衣網又被以華衮桑榆儻可  
收歲事在穠叢里門眼中見歸袖勞重挽鷄黍先  
有期作堂未言晚渠猶類然

戊戌十月山陽雨夜二首

朔吹作還止雲意鬱以周十月雷收聲陽和自油  
油此雨非舊雨春旱歷夏秋道路土三尺今朝見  
浮漚三城信樂土凶年未消憂一蝗食禾盡半菽  
不易求流民四方來斷港魚蝦稠忍死待一麥秋  
種且未投乾溢誰所司零壇備九州醉飽到狐鬼  
巫覡自懷羞帝命制江湖野語良悠悠龍公為汝  
賀桑榆定可收

霏霏散浮煙露露集微全出門望白塔但覺襟袖  
潤繁聲忽赴節細默復成陣久渴宜未歇平已作  
寧小靳山陽冬候煖委脚易滋分去土膏入塗澆  
破粒容可趁此邦信可樂風土同一晉單車我東

來塵土滿歸鬢最糧失先具閑糶因餘吝今朝人  
事改一兩開百順僧窓晚色淨喜極憂為盡枕上  
一詩成燈花落紅燼

看山

慘慘悲去國薜蘿賦卜居不采西山薇即當葬江  
魚今日忽有得蕩如脫囚拘青山坐終日忘讀案  
上書阜壤與山林使我欣然歎我身天地間託宿  
真蓬廬無窮閱有限萬期亦須更坎止及流行何  
計疾與徐百年險與夷又似萬里途良馭馳康莊  
九折亦摧車必惟易之就遇險當何如化化復生  
生體異理不殊驚非浴而白烏豈燕而烏誰續長  
蹀鶴誰截短足危孔墨不竣席盜跖華堂居公車  
困方朔木倉飽侏儒杜子露雙肘朝參出無驢軟  
裘與快馬照耀與臺軀天隨隱笠澤祀菊供盤盂  
擊鮮日為具大嚼皆屠沽乖逢自乖逢賦分無賢愚  
作計窮一我造物良區區勸也憂不足乃今樂有餘  
九日讀書山用陶詩露凄暄風息氣清

天曠明為韻賦十詩

行帳適南下居人踞庭戶城中望青山一水不易  
渡今朝川涂靜偶得長袞步蕩如脫囚拘廣莫開

四顧半生無報著筋力疲世故大似丁令威歸來  
歎墟墓御間喪亂久觸目莫平素粉榆雖尚存歲  
晏多霜露

今日復何日霜氣倏已淒登高有佳招山中古招  
提翩翩劉公子王田重相携乾坤動詩興澗壑忘  
攀躋霍侯家甚貧劣有酒與鷄城居散擊談移家  
此幽棲世網不易逃所向皆塵泥何以濯我纓林  
間有清溪

山腰抱佛刹十里望家園亦有野人居層崖硃棊  
門昔我東岩君曾此避塵喧林泉留杖履歲月歸  
琴樽翁今為飛仙過眼幾寒暄蒼蒼池上柳青衫  
見諸孫踈燈照茅屋新月入頽垣二句先  
人詩也依依覽一  
迹惻愴不能言

霜氣一區薄杳杳秋山空臨高望煙樹黃落雜青  
紅造物故豪縱窮秋變春容錦障三百里不盡臺  
山東黎黎黃金華羅生蒿艾叢野人不知貴幽香  
散秋風秋物自橫陳碩揖苦不供誰能搗醉筆吐  
句凌清雄

宇宙有此山閱世過鳥疾何人不此遊名姓寧復  
識茲辰世所重前代多盛集柴桑有故事二謝留

俊筆併數孟與桓此外誰記憶人生百年內踏地  
皆種迹獨惟我輩人興懷念今昔山林與阜壤自  
古長太息

賞心古難并暮景日易費故人成此游葦酒重相  
慰新詩互矚唱清談見滋味鱣鯢方偃蹇龜龜共  
騰沸懸險刺褒斜清渾雜涇渭爭教十國暖蒲貯  
憂與畏情親到真率寧復轉味諱鄭重伯雅生藉  
汝聊吐氣

性年在南都開闢主文衡九日登吹臺追隨蓋名  
卿酒酣公賦詩揮灑筆不停蛟龍起庭戶破壁春  
雷轟堂堂鬢御史痛飲益精明亦有李與王玉樹  
含秋清我時最後來四座頗為傾今朝念存歿壯  
心徒自驚

我在正大初作吏浙江邊山城官事少日放浙江  
船菊潭秋華滿紫稻釀寒泉甘腴入小苦幽光出  
清妍歸路踏明月醉袖風翩翩父老遮我留謂我  
欲登僊一別羊山亭回頭餘十年江山不可越日  
斷西南天

吾山一何高清涼屹相望龍頭出白塔佛屋壓青  
嶂雲光見秋半旭日發臺相我我寶接閣金界儼

龍象鄉曲二十年香火闕瞻向金花香綿草夢想  
雲雨上福田行欲近重為詩酒障終當陟層巖放  
眼天宇曠

紫微老仙伯少日見承平甲子五百餘雙瞳益清  
明披荏不盈尺脩能澹無營庭柯挂秋蔬老樹風  
冷冷我有年德尊公深鄉曲情思得菊潭酒為公  
制頽齡作詩語同游明年復尋盟看翁九節杖翻  
翻上崢嶸

留月軒

文室何所有琴一書數冊花竹結四隣繁陰散芳  
澤開門無車馬明月即佳客三人成邂逅又復得  
驪伯驪伯屬我歌蟾兔為動色商聲隱金石掛樹  
風索索乾坤月與我尤戚即生魄元精貫當中寧  
有天壤隔邪君尚奚待言論累數百多談令人厭  
坐睡驚墮情一笑鷄未鳴虛窓自生白

梨花海棠二首

梨花如靜女寂寞出春暮春工惜天真玉頰洗風  
露素月澹相映蕭然見風度恨無塵外人為續雪  
香句孤芳忌太繁莫遣凡卉妬

妍花紅粉粧意態工媚嫵窈窕春風前霞衣欲輕

舉金槃渺華屋國艷徒自許依依如有意脉脉不得語詩人太冷落愁絕殘春兩

趙吉甫西園園名

王城比民居近市無開田開田八九畝乃在城西偏又矣尾礫場莽為狐兔阡高人一留頌老木生雲烟藥屋臨清流開窓見西山人境偶相值遂無城市喧趙侯嗜讀書兀坐守遺編性情入吟詠古澹無妖妍酸醜與世殊至味久乃全我作別墅詩請為子孫傳耕耘有定業歎豐屬之天寧作甫莽兒袖手待逢年汲古先有齋種德今有園期君在晚歲無齋計目前

臨分李氏任運堂二首并序

彥仁從軍久厭於事物之累念欲脫去之而不可得也故嘗鬱鬱不自聊求予發藥之予名其居曰任運堂且為賦詩官職有何好禦禦踏危機車塵及馬足捧手仍佞眉棄去何足道無從脫絜維不如聽其然歲晚儻可期此心未馴初養虎時飽飢一為金石止坐閱萬物馳汨泥揚其波嘯槽醞其醜漁父我所學靈均竟奚為上堂壽慈親兄弟如填菴菽水足致樂

况有甘與肥人生天地間長路有險夷過險即欲避安得皆通達君家北山翁百世留清規樂天而

知命行矣君何疑北山翁考仁之祖祖泰和間以高道提點天長壽華公禮聘有百世清規之語故及之

履危恨無機避禍欣有策後慮徒自宥前路寧汝

淵七戰破虜下坐談得刺客周身容孔智伐樹不

宋厄九折法乘險瘴海悲遠詢就令家長安獨不

死林賁人生多憂長年壽幾至百惴惴首尾間天

字坐成宥重泉青雲梯平地黃土陌車逢有定在

拙計徒巧揮行樂當及時莫待頭雪白黃土陌見如雪如覆門

題張左丞家范寬秋山橫幅

層崖閱長陰細運綠絕嶽梯雲欄干峻廓廓清眺展斜陽半天亦飛鳥大江速清霜張秋氣草樹生意剪風雷斫堅敵旗旆紛仆偃崢嶸峯巒出莽蒼林薄晚盤盤范家筆老懷寄高蹇經營入慘澹得爽乃蕭散滿丘動歸興突兀青在眼何時卧雲身團茅遂踈懶

宿張靖田家地屬壽陽

川涂盡坡陀嶺路入荒坂微茫望煙火向背得廬井破民安朴陋倦客喜幽屏兒童聞叩扉粗吏有餘警兩崖紛葉薄砂石立頑礦湍流落空巖百折

不容騁山深饒風露夜氣凄以取園花澹相望邊  
月空照影深居苦不早素髮忽垂頰誰謂林野人  
茲焉借清景

曲阜紀行一首

荒城卧魯國寒日澹平蕪十年素王宮突兀此城  
隅我昔入小學首讀仲尼居百讀百不曉但有書  
成珠以長授魯論稍與義理俱攝齋念升堂嗟壁  
想藏書翩翩七十子佩服見舒徐慨然望闕里日  
思膏吾車五原東北晉因循迫桑榆今日復何日  
南冠預度趨隱隱金石聲帆如夢清都憶我神明  
觀欣幸當何如

殿屋劫火餘瓦礫埋荒基入門拜壇下儼然想光  
儀憶當講授初佩服何遠迤登降幾何人鸞鳳相  
追隨千年仰堦級天險不可躋文杏誰此栽世世  
傳清規植根得所託在木將何如

堂堂魯三槍培植出天巧規摹欲十抱奇秀供石  
統誰言甲戌亂煨燼入爇燻青煙干雲上群鶴空  
自矯衣袂嶧陽人腸肺痛如攪魯郊木何限名取  
唯一火神明信扶持厄運豈易曉零臺滿荒墟遠  
宮餘曲沼紛紛閱成壞何異爰與早道存有汙墜

物齊無壽夫霜皮眼中見鬱鬱自塵表君看太山  
石萬古青未了

陋巷陋復陋老屋在人境門前軒蓋多閑戶自幽  
屏近郊無百畝負郭纔半頃饘粥聊自供取足唯  
一井此井閱千歲清節傳箕穎尚想瓢飲初至味  
久益永德鄰與周旋聖域容造請貧中有此樂日  
暮獨何炳泓然窺古堊一勺試甘冷上地果能神  
轉圜得深省塵埃竟何有素髮忽垂頰共學誰我  
容從之抱脩綆

泮宮何所有舞雩但荒臺泮水涸已久北風捲黃  
埃頽瞻魯公宮感極令人哀獻賦亦盛事規摹到  
平淮作計萬萬古而今安在哉獨愛鼓瑟翁不與  
三子偕宗周方訖錄聖師猶卷懷但欲春服成風  
乎詠歸來我亦淡蕩人涉世寡所諧浴沂行有日  
一笑心顏開

大姦何所如楔偷惟且猛雖然珥耳伏擇內會一  
騁卵也不敗露各與聖師並天刑竟莫逃不待七  
日頃曹瞞盜漢靈僅得保腰領與卵均小人脫網  
乃差幸小偷學不至適足污鑿鼎不從市朝肆必  
就遠方屏兩觀餘坡陀萬世示頑癩神兵懷可怖

過者宜少微

不見講堂處指似存世譜遺基洵問荒惡餘十  
畝聖師既已老自衛歸在魯正樂脩六經卒業此  
其所當時李路室完整逮建武太僕忠且壯持用  
方禦侮如何唐盛日一廢不重舉中和天地位寧  
復俟庭廡所嗟世道衰師授日莽函空餘十歲并  
黜黑照終古

白塔表佛屋萬瓦青黦黦何年勝果寺西與姬公  
鄰塔廟恣汝為豈合魯城閭魯人惑異教吾道宜  
湮淪許行學神農未親手自親當時子孟子直以  
為匪民况彼桑門家冀壤待其身一朝斷生化萬  
國隨荆榛孟氏非所期安得楊與荀丹青贊神化  
舊染為一新坐令鍾魚地再睹邊豆陳吾謀未及  
用勿謂秦無人

天地有至文六籍留聖謨聖師極善誘小智祇自  
愚文章何物技不直咳唾餘操戈競虛名望塵拜  
高車所得不毫髮發責滿八區公論懸日星豈直  
小人儒喻彼失相者悵不知所如指南一授靈聖  
門有脩途陽光照薄暮尚堪補東隅悠哉發深省  
洒掃今其初

村墓連魯城方廣十里間林間百草具棘刺死不  
蕃楷槐作橫理青青閱千年懷人成一慨何止召  
公賢博陵石翁媪名字無留鐫兩獸墓前物歲久  
乃訛傳耶我游魯門規作孔林篇聖人與天大聖  
道難為言所見不一記來者何述焉詩成私自媿  
小子良斐然

寶嚴紀行

陰崖轉清深秋老木堅瘦城居望已遠步覺脫氛  
垢寶嚴風所變犬室方再叩曠黑繞入門徑就石  
泉漱逸進金門寺寶焰出岩竇我豈無盡公昔見  
今乃又同來二三子寢飯故相就况有杜紫微琴  
筑終雅奏曠曠上初日深樾烟穿漏透迤陟兩巘  
萬里若迎候絕壁三面開仰看勞引脰兩山老突  
兀屹立柱圓覆諸峯出頭角隨起隨偃仆不可無  
煙霞朝暮為先後橫亘連巨鰲飛陸集靈鷲九華  
與奇巧五老失渾厚想當位置初遂欲雄宇宙太  
行有拱谷勝絕無出右大似塵外人眉宇見高秀  
哀湍下絕壑電擊龍怒闌崩奔翻雪壑滑瀉瓊  
甃窮源得懸流俯觀駭初蓮僊入寶樓閣白雨散  
簷溜天孫拂機絲素錦絢清晝永懷登高賦志近

困馳驟窘於游暴秦百說不一售林間太古石稍  
復杯飲舊已約銘寤專細鑿留篆籀茲山綠未了  
僧夏容宿留終當丐餘年奇探盡雲岫

鴈門道中書所見

金城留旬浹兀兀醉歌舞出門覽民風慘慘愁肺  
腑去年夏秋旱七月黍穢吐一昔營幕來天明但  
平土調度急星火通負迫播楚網羅方高懸樂國  
果何所食禾有百騰擇肉非一虎呼天天不聞感  
諷復何補單衣者誰子販糴就南府傾身營一飽  
豈樂速服費盤盤鴈門道雪澗深以阻半嶺逢驅  
車人牛一何苦

岳祠齋宮夜宿

煌煌德寧宮望秩年祀末唐來幾焚蕩規制仍峻  
整龍旂嚴籙座金罽散光炯嶽拜行且周席觀竊  
欣幸青紅留壞壁兵衛自馳騁木杪見龜跌雄筆  
映鍾鼎中和昔夜亂已溺寧再拯有來鴈門公赤  
手探虎鯁經營入慘澹灑落出鋒穎凶豎竟自摧  
神蓋益彪炳青山閱人代今古一炊頃摩挲盤根  
槐甲子誰記省竭來石門道煙岫接雲嶺霄漢瞻  
上階濃碧插秋影青林雨聲集懸瀑激奔猛森然

心魄動冰靈凄以耿飄飄想僊袂飛下玉蓮并昨  
夢知是非復此造真境妙香淨餘習灑氣發新警  
鶴書來何違素髮迫垂頰玄壇展衰步似欲逐幽  
并高柯月紛紛裝回惜清景

示程孫四首

并州望雨官東南千里餘六年念兒女籌籌心不  
舒程孫問安否一月兩寄書老我倦出門况是波  
畏途鞍馬二十日面色為焦枯白凡應見哭此行  
亦區區

吾女在吾家先以安卑弱維然適貴門一味甘儉  
薄財廉出仁讓語省見端慈婦道化一州母女皆  
頽學州人聞我至相與喜且愕謂我六十翁齒髮  
未衰落擊鮮日為具和氣動城郭為說婿女賢宅  
相知有託乃公私有賀一月醉杯杓生女四十年  
今有為父樂

直孫年志學玉立無纖瑕簡孫甫勝衣芳蘭茁其  
芽粲粲彩翠翔鵝雛映朝霞諸孫獻公壽喜極復  
長嗟吾母河南君閨門靜無譁殷勤教女孫乃今  
成汝家老我何足道外舍儘得誇  
會聚樂不肯言別懷以惻風雲動老懷車馬見行



色明年吾六十家事斷關白唯當近酒醞亦復拋  
書冊提携兩童子款段或下澤玉雪念吾孫未覺  
千里隔乘輿徑一來鬢婚當遠客

九月初霖雨中感寒痺作

留飲工作崇臂股半風滂風滂喜陽景旬浹坐秋  
霖兒寒益跳梁衰暮苦難任病枕怯暹夜破窓風  
露深兩年魏大名千門嚮霜礎客行足繒績家居  
但踈衾絢綵不易得候蟲徒自吟無衣思南州傷  
哉非獨今

同白兄賦餅中玉簪

畏景衆芳歇仙葩此夷猶冰姿出新沐娟娟倚清  
秋昨夢今見之風鬟玉搔頭誰言閨房秀高情渺  
林立碧蓮古銅壺一室香四周懷人成獨詠遠思  
徒悠悠

野史亭雨夜感興

私錄關赴告求野或有取秋兔一寸毫盡力不易  
舉襄逢私自惜憂畏當誰語展轉天未明幽窓響  
疎雨

哭延孫

兒生去年冬閭里日相慶今年迫周晬疹痘俱已

竟爛斑綴錦衫未與玉靈播宅相望此孫惜愛均  
氣命一宵誰奪去遽有亡辜橫情鍾未難忘力挽  
將安勝憶昔點粧初季女抱臨鏡灼灼芙蓉花澹  
與清波映霜風入芳渚瘦綠餘荷柄嬌紅耿在眼  
百喚不一應寂寞空鏡前老眼淚如迸

贈鶯

鄰牆擁高樹深樾蔭衛宇山禽十百種晨夕所棲  
處獨愛黃栗留姪蛇如稚女笑啼啼又笑宛轉工  
媚嫵佞窺疑欲下轉盼忽驚舉花暗柳陰陰尚記  
兒時語詩家此尤物名字啞樂府天真累絲竹客  
服仍楚楚官額畫眉濶黛黑抹金縷恨不掌上看  
毛羽得細數山城無與樂好鳥亦求侶時將貫珠  
來有唱當和汝

讀書山月夕二首

層崖多古木細路深蕒蒼苔柴門開曉日雲際青山  
來靜中有真趣孤賞何悠哉  
久早雨亦好旣雨晴亦佳胡床對明月樹影含清  
華牆東有澗池歛枕聽鳴蛙

道山先生文集卷第二

遺山先生文集卷第三

七言古詩

虞坂行

丙子夏五月將南渡河  
道出虞坂有感而作

虞坂盤盤上青石石上車蹤深一尺當時騏驎知  
奈何千古英雄淚橫臆龍蟠於泥易所歎麟非其  
時聖為泣玄龜竟墮余且網老鳳常飢竹花實天  
生神物似有意驗以乖逢知未必若論美好是不  
祥正使不逢何足惜孫陽駢驥不並世百萬億中  
時有一乃知此物非不逢轅下一鳴人已識我行  
坂路多閑馬敢謂群空如冀北孫陽已矣誰汝知  
努力鹽車莫稱屈

畫馬為邢將軍賦

大宛城下戰骨滿驚駘入漢龍種藏將軍此紙何  
處得便覺房駟無光芒人中馬中兩劫敵天門鴈  
門皆戰場并州父老應相望早晚旌旗上太行

秋蚕

室人篋中無寸縷一箔秋蚕課諸女朝來飼却上  
馬桑隔簾仍聞竹間雨阿容阿璋墨滿面畫徽灰  
城前致語上無蒼蠅下無鼠作質直須如釜許東  
家追胥守機杼有桑有柶吾猶汝官家恰少一絢

錄未到打門先自舉

南溪

南溪酒熟清而醇北溪梅花發興新前年去年花  
下醉今年冷落花應嘆梅花娟娟如靜女寂寞甘  
與荒山隣詩人愛花山亦好幽林穹谷生陽春風  
鬢我我一尺雲芳香幽卧如相親山堂夜半北風  
惡一點相思愁殺人

送郝講師住崇福宮

郝平晉人

大方之家幾知津郝君七十老斲輪書文五車喙  
三尺劇談混沌今猶神太玄博士為絕倒君言夸  
矣天公嗔長安冠蓋羅青雲洛陽車馬爭紅塵恠  
君掉頭不肯住寂寞來作由東隣崧高維岳古所  
秩三十六帝有外臣玄都石壇待駉駉宮殿突兀  
松輪囷上界僊人鄧雲山洞天治所名司真蓬萊  
方丈去不遠明星玉女時相親瑤華可顛蘭可紉  
煙霞永隔塵中人黃鶴一去不復返白鷗萬里誰  
能馴為我殷勤謝鄧君玉華歲晚當平分

范寬秦川圖

范仲王叔微同  
麻微君知寶賦

亂山如馬爭欲前細路起伏伏蛇蜿蜒秦川之圖范  
寬筆來從木家書畫船變化開闢天機全濃澹覆

露清而妍雲與霞蔚幾千里着我如在峩嶺巔西山盤盤天與連九點盡得齊州煙浮雲未清白日晚矯首四顧心茫然全泰天地一大物雷雨瀕洞龍頭軒因山分勢合水力眼底廓廓無齊燕我知寬也不辨此渠寧有筆如脩椽紫髯落落西溪君長劍倚天冠切雲望之見之不可覩元龍未除湖海氣李白豈是蓬蒿人愛君恨不識君早乃今得子胥中泰作詩一笑君應聞

子七年前過郾城伯玉知子來而郡無實主意于亦徑棄而去後韓韓朝交而尋歿夫未嘗不以爲恨也今日子思兄弟出此圖求子賦詩酒惡無聊中勉爲成此畫本末元實某物有韓子卷題名元章以爲中立而元稱以爲中正以子觀之此特張籍留中物耳知者當不以吾言爲過云

### 赤壁圖

馬蹄一蹴荆門空鼓聲怒與江流東曹瞞老去不辦事悞認孫郎作阿琮孫郎矯矯人中龍顧盼叱咤生雲風疾雷破山出大火旗幟北捲天爲紅至今圖畫見赤壁髣髴燒虜留餘蹤令人長憶眉山公載酒夜俯馮夷宮事殊與極憂思集天澹雲開今古同得意江山在眼中凡今誰是出群雄可憐當日周公謹憔悴黃州一禿翁

### 寄荅溪南詩老辛憲敬之

五年不喚溪南渡日夕心馳洛西路山中今日見

君詩惆悵良辰又相悞龍蛇大澤變風景虎豹天門鬱煙霧丈夫不合把鉏犁青鬢無情忽衰素平泉漫作窮愁志笠澤休題自憐賦長安正有五侯鯖骹誰能作樓護青燈老屋深蓬蒿蝙蝠掠面莎鷄號劍歌夜半激悲壯松風萬壑翻雲濤區區墓上曹征西我知嬾媿王東臯人生只有一杯酒螟蛉螺贏安能慕

### 西園

與定庚辰八月申作

西園老樹搖清秋畫船載酒芳華遊登山臨水祛煩憂物色無端生暮愁百年此地旃車發易水迢迢雁行沒梁門回望繡成堆滿面黃沙哭燕月榮獎一炬殊可憐膏血再變爲灰煙富貴已經春夢後典刑猶見靖康前當時三山初奏功三山宮闕雲錦重壁月瓊枝春色裏畫欄桂樹兩聲中秋山秋水今猶昔漠漠荒煙送斜日銅人携出露築來人生無情浹沾臆麗川亭上看年芳更爲清歌盡此觴千古是非同一笑不須作賦擬阿房

### 愚軒爲趙宜之賦

心生心化誰搏控舉世俵俵皆大尊百年只辦作朝三爭識群狙先汝弄人人具此清淨眼妄瞿無

根嗟自種天機嘗欲涇渭離道念紛華鄙魯開令

人却澹愚軒愚一蹴藩籬開廓空壁愚軒虛室久

生白掌上精其元自洞氣從神火俱長物豈有古

方傳魯宋人言此眼本無負死恨冥行人所共智

愚何預阿堵中或者桔槔賢抱篋病瘖能指跛能

履眉睫雖存寧後動我云俗士蔽一曲全突不全

從古最渠儂六豔日相攘內不鏘銖徒外重守宮

綠壁夸覆射懸虱如輪規命中天扣一洩不知止

膏火自焚良可痛從教自此方相多饒與警師論

伯仲先生真是有道者老境一愚聊自送五官止

廢而神行就今有眼將無用寄謝諸方五味糧菴

藤莫作金鏡頌

雙峯競秀圖為參政楊侍郎賦

江烟霏霏雲拂石山木蕭蕭山鬼泣江岸人家失

南北兩峯突兀何許來元氣淋漓洗秋碧畫家晴

景費經營共愛移山入香冥安得此風吹雨去倚

天長劍看崢嶸

西窓

西窓鳥聲千種好樹陰離離動微風青山滿前墻

書坐欲話懷抱無人同花枝不笑綠髮改尊酒自

與黃金空少年樂事摠消歇落日澹澹天無窮

二十五日鶴

九龍崗上玄元祠人言尊像神所遺年年二月降

靈鶴來無定教有定期城頭曉露生新警萬首望

穿雲際影不知濁世誰下臨只許霸毛見脩整石

壇花落松風冷嗚然長鳴人語定百年鰲老誇見

聞萬里黃冠赴靈應只從游騎突重圍城郭併與

人民非可憐殘殺荒墟裏無復當年丁令威

聞欽叔在華下

翰林僊人詩酒豪華生稽阮參遊遨山中草棘滿

霜雪可惜渠家官錦袍聞君忍飢讀誰騷思之不

見心為勞舉頭西望忽大笑太華落落長庚高

聞商卿還山中

阿卿去月從我來今日西山成獨徃野人不是城

中物間欵叢接夢餘想翰林濕新爆竹聲待詔獲

穿沾雪行蘭臺從事更開冷文書如山白髮生孤

燈靜照寒窓宿北風夜半歌黃鶴田家閉門風雪

深梅花開時酒應熟半世虛名不療貧棲遲零落

百酸辛憑君莫向山中說白石清泉笑殺人

女几山遊兵送李長源歸關中

山骨稜稜雪花白北風不貸單衣客與君此別欲  
何言若箇男兒不湮阨相濡相向尚可活轡釜何  
曾厭求索從知鮫鱈無隱鱗芥視三山需一擊自  
古飢腸出奇策漢廷諸公必動色見君軒蓋長安陌

雪後招隣舍王贊子蓑飲

去年春旱百日強小麥半熟雨作霜青山無情不  
留客單衣北風官路長遺山山人伎倆拙食貧口  
衆留他鄉五車載書不堪煮兩都覓官自取忙無  
端學術與時背如瞽失相徒倭倭今年得田昆水  
陽積年勞苦似欲償隣墻有竹山更好下田且秣  
稻亦良已開長溝掩烏芋稍學老圃分紅薑宋公  
能詩雅好客勸我移家來水旁一闌入手豈易得  
夢中我馬猶玄黃君不見并州少年作軒昂鷄鳴  
起舞望八荒夜如何其夜未央賣刀買犢未厭早  
腰金騎鶴非所望河南冬來已三白土膏墳起如  
蜂房崧山東頭玉旆出父老知是豐年祥南溪酒  
熟梅花香高聲爲喚墻東王便當過我取一醉聽  
歌長安金鳳凰鄭舍來可字子之隱君子也并州少年謂李汾長  
源長安金鳳凰者齊梁間田舍兒所歌

羊山亭招仲梁飲

孤城鬱鬱山四周外人乍到如繫囚羊山亭前新

江水只可與君消百憂江山百年有此客雲樹六  
月生涼秋世上紅塵爭白日一丘一壑去來休

鄧州城樓

鄧州城下湍音水流鄧州城隅多古丘隆中布衣  
不復見浮雲西北空悠悠長鯨駕空海波立老鶴  
叫月蒼煙愁自古江山感游子今人誰解賦登樓

宛丘嘆

秦陽陵頭人迹絕荻花茫茫白於雪當年萬家河  
朔來盡出牛頭入粗帖蒼髯長官錯料事下考大  
笑陽城拙至今三老背腫青死爲遺懸出膏血君  
不見劉君宰葉海內稱鐵摩挲拊哀孤碑碑前千  
人萬人泣父者夢見如平生冰霜統絳渠有策如  
我碌碌當何成荒田滿眼人得耕詔書已復三年  
征早晚林間見鷄犬一犁春雨麥青青蘇手令前陽  
頭祖追而遊者楚萬家劉雲卿御史宰葉除沈戶稅三萬斛百姓  
立碑頌德實不有用心相遠如此李之後十年手爲此銘大爲  
困辛卯七月盡司獄手授秦陽陵田賦而  
賦詩李與劉皆家宛丘故以宛丘雙命篇

游黃華山

黃華水簾天下絕我初聞之雪溪翁丹霞翠壁高  
歡宮銀河下濯青芙蓉昨朝一游亦偶爾更覺羣  
鶴難爲功是時氣節已三月山水亦立無春容湍

聲洶洶轉絕壑雪氣凜凜隨陰風懸流千丈忽當  
眼芥蒂一洗平生胃雷公怒擊散飛雹日脚倒射  
番長虹驪珠百斛供一瀉海藏翻倒愁龍公輕明  
圓轉不相礙變見融結誰為堆歸來心魄為動蕩  
曉夢月落春山空手中仙人九節杖每恨勝景不  
得窮携壺重來若下宿道人已約山櫻紅

巨然松吟萬壑圖

胃中刺鯁無九澤畫裏風煙繞一漚阿師定有維  
摩手斷取江山着筆頭石林蒼蒼崖寺古銀河浩  
浩松聲秋方外賞音誰具眼莫將輕比李營丘

密公寶章小集

天東長白大寶幢天河發源導三江有木蔽映山  
朝陽云誰巢者雜鳳凰雲間吐氣日五色百鳥不  
敢言文章名都盤盤魏大梁黃金甲第羅康莊王  
家書牋畫亦絕欲與中秘論低昂密公書院無絲  
簧窓明几絮凝幽香元光以後門輪廢文士稍得  
連壺觴客來喜色浮清揚典衣置酒餘空箱生平  
俊氣不易降眼中俗物都茫茫淵明素琴稽阮酒  
妙意所寄誰能量在昔武元握乾綱扶桑為弓射  
八荒獵取大國如驅羊民風朴魯資贊疆文洽

未及武尅剛興陵之孫越王子天以人瑞歸明昌  
十三執經侍帝傍十八從筆陵阿房撐腸文字五  
千卷靈臺架構森鋪張高陽苗裔襲裝芳胡不置  
之貢玉堂袖中正有活國手下繞得脩文郎悲  
風蕭蕭吹白揚丘山零落可憐傷承平故態眇猶  
在拂拭寶墨生輝光恰似如庵連榻坐一甌春露

澹相忘

明昌寶玩群玉中較內府圖書印也越州有柳公權紫羅鞋  
飲華更海上楊凝式之花華筆於桐華池為古今地  
筆末畫譜山水以李成為第一國朝張太師浩氣王內翰于端甫首  
第畫畫譜成筆意繁碑有畫文氣象次之則關漢卿之下孫公誠漢起  
諸亦以此論為公郭乾應畫錄公以為富在太古無上君以來諸人  
虛筆實管作其比為予的及之博軒公自視也又所著有如蘇詩集  
如庵小集越王諸子惟博軒實甚與未法酒之句益實錄云甲子三月二  
十有一日為輔之書于聊城至覺寺之高僧

荆棘中杏花

墻東荒蹊抱村斜荆棘狼籍盤根芽何年丹杏此  
留種小紅藏藏爭春華野人慣見護不省獨有詩  
客來咨嗟天真不到鉛粉筆富艷自是宮闈花曲  
池芳逕非宿昔蒼苔濁酒同天涯京師惜花如惜  
玉曉檐賣徹東西家杏花者紅不香白十日忙紋  
遊春車誰家園亭有此樹鄭重已着重帟遮阿嬌  
新寵貯金屋明妃遠嫁愁清荔落花紫簾拂床席  
亦有飄泊沾泥沙天公無心物自物得意未用相  
陵誇黃昏人歸花不語唯有落月啼栖鴉

太白獨酌圖

宣和別藏 李衍題筆

謫仙去世三百年海中鯨魚渺翩翩豈知龍眠天  
馬筆忽有玉樹秋風前金鑿歸來身散僊世事悠  
悠白髮邊會稽賀老何處在千里名山入酒船清  
景已隨詩句盡風流合向畫圖傳往時長安酒家  
眠焦遂不狂張不顛想得三更風露下醉和江月  
弄江煙

松上幽人圖

宋宗歸曹夫人仲婉所畫上有曹道冲題詩

秋風謾謾松樹枝仙人骨輕雲一縷不飲不食玉  
雪姿竹官月夕頻望祠竟不下視薪房芝人間女  
手乃得之眼中擾擾昨暮兒畫圖獨在羲皇時予  
懷渺兮幽林思

送張君羨往南中

南朝辭臣北朝客樓遲零落無顏色陽平城邊握  
君手不似銅駝洛陽陌去年春風吹鴈迴今年鴈  
逐秋風來春風秋風鴈聲裏行人日暮心悠哉長  
江大浪金山下吳兒舟舩疾於馬西湖十月賞風  
煙想得新詩更瀟灑

戲題新居二十韻

去冬作舍誰資助縣侯雅以平原故賢即檢視日

復日規制從頭盡牢固南風一夕怪事發突兀楮  
垣殘半柱乞漿得酒過初望曲突徙薪忘後慮長  
淮千里燕巢林明月一枝烏逸樹東家老屋西北  
走衆木拔撐留火住由來馬隊非講肄况與最牢  
通過路聚塵託處何暇擇重爲主人推揅悞夏秋  
之交十日陰抱被倚門愁旦暮君問新居在何許  
只去火餘繞數步學宮分地與閑冷使館有墻遮  
雜汙就中此宅尤費手官給工材半傭額十寒一  
暴半載強纒得安床置錦釜紛紛暗被兒女笑老  
虎般彪今幾度留中廣厦千萬間天地一身無着  
處北來衣冠日枯槁十九挑符傍門戶乾坤血肉  
得此身剩有把茅能勿懼上方下比良易見好惡  
且當隨所遇仰看片瓦聊自賀疾過岩墻寧反顧  
合歡明日召諸隣狼籍盃盤從飽吐

贈蕭鍊師公弼

吾家阿京愛公弼吾家澤兄敬公弼半生夢與公  
弼游豈意相逢在今日春風和氣在眉宇玉壺冰  
鑑藏胃臆人間萬事君自知未必君材人盡識蘇  
門水木無纖埃聞君家近公和臺仙家近日多官  
府黃帽青鞋歸去來時木佛老案甚急欲云

送弋唐佐董考寬南歸

且為湖舟

河汾績經名自重附會人嫌迫周孔史臣補傳父  
已出浮議至今猶洶洶薛收文志誰所傳貴甚竹  
書開汲冢沁州破後石故在為礎為砥吾亦恐暑  
涂十日來一觀面色為驚足為腫淡公淡瘠何所  
笑但笑弋卿堅又勇自言浪走固無益遠勝閉門  
親細兀摩挲石刻喜不勝忘却崎嶇在岡隴路人  
本淡新有杜淡事重重非一種有人六月訪琴村  
不為留難仍從吏應如蠟本入渠手四座色揚神  
為竦他時記籍社中人流外更須增一董

蕭仲植長史齋

作武

張顛欽豪傾四座脫帽狂呼誰敢和南宗北宗知  
幾人醉眼紛紛飛鳥過是公技進不名技元氣淋  
漓隨咳唾偶然捉筆本無意自有龍驚并虎卧當  
時誰有戰國策長史帖云借戰國策可付之凡七字門外雷車忽驚墮天  
星無數不知名色正芒寒繞七箇蕭郎家世陵谷  
後爭信空囊蓄奇貨蕭蕭故事今復舉未怕秋風  
吹屋破護持有物世共喜不獨一時為子賀藏舟  
夜壑未厭深隄脩有人來倚拖

送宋省參并寄路府諸人

茅齋團團蝸殼大苦披傍人朝臺破官豪眼孔十  
萬縷未與書生併一嚼長衫只辦包瘦骨故紙何  
綠變奇貨不因三致大耳兒老雪屯門甘棗卧國  
中腐鼠凡幾嚇王上青蠅非一箇刺人羨璞則之  
招君足幸存仍可賀雲間太行青在眼上客歸來  
傾四座因君寄問社中人前日淡公行復過

覓神膏道士古銅鼎

雷章著土紛朱碧秋茵春蒲人不識若非儀狄墓  
中來應自杜康祠下得古人我得酒之傳摸索飲  
器流饒涎巧偷豪奪吾何敢他日酬君九府錢

賦澤人郭唐臣所藏山谷洮石研研有銘云王將

軍為國關此有日藏標可會者六百餘萬其於中國得用者此研材也所作筆水機

舊聞鸚鵡曾化石不數鵬鵠能瑩刀縣官歲費六  
百萬纔得此研來臨洮玄雲膚寸天下徧壁水直  
上文星高辭翰今誰江夏筆三錢無用試鷄毛

贈休粮張鍊師

金砂霧散風雨疾一點黃金鑄秋橘中林宴坐人  
不知野鹿銜花蜂課蜜富兒盤鏗羅壘壘擾擾飛  
蠅復聚蚊見說西山好薇蕨一枝青竹願隨君

天井關



石燈盤盤積如鐵牛領成創馬蹄穴老天與世不  
相開玄聖栖栖此迴轍二十年前走鞋大梁當時  
塵土困名場山頭千尺枯松樹又見單車下太行  
自笑道滄頭白了依然直北有羊腸

遺山先生文集卷第三

遺山先生文集卷第四

七言古詩

讀書山雪中

前年望歸歸不得去年中途脚無力殘生何意有  
今年突兀家山墮眼前東家西家百壺酒主人捧  
觴客長壽先生醉袖挽春迴萬落千村滿花柳山  
靈為渠也放顛世界幻入兜羅綿似嫌衣錦太寒  
乞別作玉骨粧山川人言少微照鄒井准倫黃雲  
三萬頃何人辦作陳壘中來與先生共炊餅陳先  
官後蒼京師人嘗云南州有何  
事今年好雪明年炊餅大耳

題高孟卿家明皇合曲圖

海棠一株春一國燕燕鶯鶯作寒食千古萬古開  
元日三郎擗管仰面吹天公大笑嗔不得寧王天  
人玉不如耆韓樂句不可無宮腰不按羽衣譜疾  
舞底用牧豬奴風聲水聲闌清都夢中令人羨華  
胥何時却並官牆聽不恨竹身作李蒼

過晉陽故城書事

惠遠祠前晉溪水翠葉銀花清見底水上西山如  
卧屏鬱鬱蒼蒼三百里中原北門形勢雄想見城  
闕雲煙中望川亭上閱今古但有麥浪搖春風君

不見繫舟山頭龍角禿白塔一摧城覆沒薛王出  
降民不降墨瓦亂飛如箭鏃汾流決入大夏門所  
泊移看唐明村只從巨昇失光彩河洛幾度風煙  
皆東關蒼龍西玉虎金雀舩梭上雲雨不論民居  
與官府仙佛所廬餘百所鬼役天財千萬古爭教  
一炬成焦土至今父老哭向天死恨河南往來苦  
商人鬼巫好機祥萬夫春鍾開連岡官街十字改  
丁字釘柱破并州渠亦亡幾時却到承平了重看  
官家築晉陽

蟾池

老暮食月飽復吐天公一目頻年替下界新增養  
蟾戶玉斧誰憐脩月苦郡國蟾池知幾所碧玉清  
泥水仙府小蟾徐行腹如鼓大蟾張頤怒於虎渠  
家眉間有黃乳青梁大丁正須汝何人敢與月復  
讎疾過池頭不容語向來屬私今屬官從今見墓  
當好看紀沙即上青雲端

贈答張教授仲文

秋燈搖搖風拂席夜聞嘆聲無處覓疑作金荃怨  
曲欄曉辭元是寒蟄月中泣世間刺綉多絕巧石  
竹放紅土花碧窮愁入骨死不銷誰與渠儂洗寒

乞東坡肖次丹青國天孫縹緗天女織倒鳳顛鸞  
金粟尺裁斷瓊綃三萬死辛郎偷發金錦箱飛沒  
海東星斗濕醉中握手一長嗟樂府數來今幾家  
刺借春風染華髮筆頭留看五雲花七言長詩於  
中獨一句九

高門閨

高門閨頭霜樹老細路千山萬山繞亂餘村落不  
見人霰雪霏霏暗清曉華川百里如掌平開田滿  
眼人得耕山中樹藝亦不惡誰遣多田知姓名許  
李申揚竟何得只今唯有石灘聲許致忠揚湯臣  
中相薦李仲常

名官四家隱廬以時以多田  
惟之亂機俱不知所在矣

甲辰秋洛陽得黃葵子種之南庵明年  
夏六月作花佛經所謂閻浮檀金明靜  
柔軟令人愛樂者此花可以當之因為  
賦長韻予方以病止酒故卒章及之

芳藪泥露嬌黃濕五疊相裙輕襪積長粧午醉一  
日聞白白紅紅揔狼籍上陽宮女要頭冠摹寫雖  
工破的難看來明淨復柔軟花中乃有闌浮檀千  
里移根洛陽陌主人不飲誰看客乞與金盃自傾  
側明年為渠當舉白

馬嶺

仙人臺高鶴飛度錦綉堂傾去無路人言馬嶺差  
可行此似黃榆猶坦步石門木落風颼颼僕夫衣  
單望南州阜落東南三百里鬢毛衰颯兩年秋  
亦取黃榆樹西

雲峽并序

君璋啓事西涼占贊稱旨其選也行臺  
公以宜和寶石為賦奇秀溫潤信天壤  
間之尤物君璋因之曰雲峽邀詞客賦

詩予亦同作

石盆清冷貯秋水水面蒼煙飛不起一堆寒碧几  
研開寶氣崢嶸挿箕尾中山雪浪空影像長安鸚  
鵡猶紈綺狂着奇章甲乙中福項繞堪把耕未知  
天壤此尤物鬼刻神剗通有幾薰蒸似欲出泉脉  
望滑定應凝石髓剗裂愛華漬月秋辛苦詩儂費  
摹擬車箱箭筈連西東仇池百穴炮玲瓏飛墮不  
嫌靈鷲小奇探已覺太湖空故都喬木今如此憂  
想熙春百花裏膏血網船枯九州亡國愁顏為誰  
洗主人天質粹以温天然與山作知聞退食從容  
允宓臥今古起滅真浮雲仙人王子可賦石漆有石裂雙華漬月秋之句

雲巖并序

觀州倅武伯英峙縣人少日舉進士有  
詩名其賦剪燭刀有啼殘瘦王蘭心吐  
曉落春紅燕尾香之句甚為時輩所稱  
家故饒財第宅園亭為河東之冠貯書  
有萬卷樓嘉花玳果悉自他州移植為  
人多伎巧山水雜畫斷琴和墨皆極其  
工嘗得宜和湖石一竅竅穿漏殆若神  
劖鬼鑿炷香其下則煙氣四起散布簾  
水上濃澹霏拂有煙江疊嶂之韻吾鄉  
衣冠家法書名畫及藏書之多亦有伯  
英相上下者伯英獨恃寶石以擅奇汾  
晉間耳興定末伯英歿於閩中揚戶部  
叔玉購石得之壬辰圍城中以示予且  
命作詩危急存亡之際不暇及也己巳  
冬十一月來東平遇聖與張君之新軒  
而此石在焉聖與名之曰雲巖予問石  
所從來聖與言夏津王帥得之汴梁泥  
塗中而以見貽予因歎一物之微經歷  
世變遷徙南北乃復為好事者之所寶

玩似不偶然乃為詩道其故聖與三世  
相家以文章名海內其才情風調不減  
前世賀東山晏叔原故卒章以蕭關明  
秀峰故事屬之

壺中九華玉孛瀕紫煙著水往復還小窓虛明澹  
相對不教漢官銅博山會稽禹穴深無底寶石偷  
來定山鬼一堆寒碧殊不凡滿谷春雲更堪喜阿  
欣秀發見眉宇小杜才情淪骨髓摩挲不作几上  
看簾白紅青便千里渾沌日鑿餘空嵌漏天蒸濕  
鏡風嵐世分元無種香國海南真有補陀巖觀州  
愛玩頻滿枝民部平生幾薰沐藏舟夜壑未厭深  
竟作新軒坐中物一天星月入金尊翠射博博自  
有人只欠宜和鄭先覺為君留寫五湖真

劉遠筆

老斃力能舉玉杵文陣挽強猶百鈞惜我變化太  
狡猶嚮也褐衣今虎文宣城諸葛叙無聞前後兩  
劉新開熟謝郎神鋒恨太雋維然豈不超人群三  
錢鷄毛吐皇墳尖奴定能張吾軍何時酌我百壺  
酒為汝醉草畫天雲

徒繪定化事  
見唐始傳

贈周良老

于公斷獄多平反高門大車在乃孫我居聊城欲  
二載喜見周叟醇而温十年大理書上考宜有陽  
報如子門大兒書來問安否女饋不死天所存鄭  
孫毛骨殊秀發寶氣鬱鬱含朝嗽機聲嘔啞聒朝  
昏種狐五石當酒尊是翁福祿知未艾昆弟和樂  
連棟根白髮阿凡應念我南雲寂寞賦招魂

鴻濬全欽叔賦

劉郎著手軋坤了未嘗與渠分九州李兒叔綉自  
楚楚作計豈復西鴻濬雌雄自决已無策又寸必  
爭唯上流衛生已死言猶在千載令人笑沐猴

雪中自洛陽還嵩山

道人薄有塵外緣迫人塵埃私自憐三十六峯一  
茅屋裏裏西家掠社錢津津喜色見眉宇幾幾青  
戒當眼前蹇驢徑入風煙去恰是梅花欲雪天

祖唐臣愚庵

小智怯德盜所羞大智移國鬼與讎浮生匹婦兩  
孟湖心計擾擾知何求青州荊州免三窟古人今  
人貉一丘喚起羅池柳夫子與君同醉警家洲

過井陘

北山亭亭如驕墩南山曉曉虎翹首土門東頭望

井陘漢家風雲自奔走市人豈識英雄材金鼓一  
朝天上來此山行人萬萬古幾不磨滅隨蒿萊白  
鹿祠前一杯水蒼顏聊為沈塵埃

此岳

太茂維嶽古帝孫大朴未散真巧存乾坤自有靈  
境在地位豈合他山導中原旌旗白日暗上階樓  
觀蒼煙色誰能借我兩黃鵠長袖一拂玄都門

天匯山

九州上游推大鹵獨恨山形頗椎魯天匯一峯今  
日看快似昂頭出環堵何年氣母此融結鬼鑿神  
鏡未奇古八窻玲瓏透朝日洞穴慘澹巖雷雨蒼  
花錦石槩可喜乞與雲烟相媚嫵半空擲下金芙  
蕖想得飛來自玄圃傳聞絕頂更靈異云是清都  
群玉府五雲飛步吾未能風袂冷冷已輕舉東州  
死愛華不注向在陝邦何足數敬亭不着謝宣城  
斷岸何緣北天姥酒船何時朝復暮倒卷瀾沈沈  
塵土喚起山靈拋石鼓漢文湘妃出歌舞詩狂他  
日笑遺山飯顆不妨嘲杜甫

山川石  
蛟神祠

智仲可月下彈琴圖

莫春舞雩鼓瑟希琴語解吐胃中奇誰言手揮七

絃易大笑虎頭真絕棄北風瀟蕭路何未泥波湯  
湯君自知三尺絲桐儘堪老兒童休訝鶴書足

常山妖生四月能弱管作字筆意開

亦有成人之量喜為賦詩使洛誦之

大兒小兒舞商羊東家西家捉迷藏牙牙作群屬  
厲行是中乃有常山却常山嬌嬌可憐虫四鼠未  
有三歲強黑鷹破殼自神駭黃犢放脚須跳梁只  
知見紙即塗抹誰謂轉腕能低昂渠家兩公破天  
荒劉輝夢靈果專場築鰲亭中詩版在岐山名字  
香山香此郎晚出西樞房虎穴虎子不可當天驚  
地怪見落筆便合抱送中書堂文星煌煌照燕南  
青青子衿滿恆陽數官連被鳳尾諧瑞物多生金  
粟岡兒曹變化不作難何必二十始牽張明年作  
字一丈大當有稜角齒光芒迴頭却看元叔綱鼻  
涕過口尺許長

常山白高壽第三子  
叔綱遺山之李子也

贈利州侯神童生十一月識字無異

牙牙點點杏蕾紅阿兄抱之來學官今春學語語  
未正已能見書識姓名隨指隨讀無數重多生想  
曾文字中極知之無不足訝更恐洛誦難為功土  
中松牡龍瓜脫萬千丘山起象末君不見黃金寶

鼎碧翠青未要春官許衣鉢人聞失却麻神童明  
星爐爐出蒼龍只知江陵圖籍盡一火誰謂死草  
生華風遺山老子未老在見汝吐焰如長虹見于

真官牧馬圖息軒畫

曹韓畫樣出中秘燕市死骨空千金息軒筆底真  
龍出凡馬一空無古今安閑自與人意熟蕭洒更  
覺天機深真官有知應解笑世無坡仙誰賞音

紫微劉文山水為濟川賦

畫家李范真勅敵方外尺今誰第一自非劉宗蔡  
酒卓昌孫未信僂翁輕落筆長洲遠浦各清奔萬  
頃風煙一草亭千章古木散巖谷鶴髮松姿餘典  
刑紙尾不須題姓字人人知是老人星

生右丞雪霽捕魚圖

江雲澗澗陰晴半沙雪離離點江岬畫中不信有  
天機細向樹林枯處看漁浦移家媿未能扁舟蕭  
散亦何曾白頭歲月黃塵底笑殺高人王右丞

跋酒門限郭和卿醉歸圖郭伯樸之父

郭翁頭白甫三十高吟大醉無慮日風流若似靖  
南湖每恨聞名不相識太平村落自由身重推扶  
携意更真醉歸圖上見顏色喜溢眉宇猶津津好

著蹇驢馱我去與君同醉杏園春

題張彥寶陵川西溪圖

松林蕭蕭映靈宇熒石流金不知暑太平散人江  
表來自訝清涼造仙府不到西溪四十年溪光林  
影想依然當時膝上王文度五字詩成眾口傳忽  
見畫圖疑是夢而今塵土浣華顛本送字今改作浣  
顛蓋天壤間清涼境界也江准太平散人題詩東廟自  
已進仙府恨君不知其樂耳此縣先君子嘗治安游  
西溪僕以童子侍焉彥寶出此圖求賦詩感今懷  
昔為之怡然故篇中有及癸五十一月三日題

汝州倅韓君德華其十祖二世相邊封

魯公故名其伯男子曰魯王父命氏古

蓋有之予過其家命魯出拜謂予言魯

名矣而未有字敢以為請予字之世公

德華曰願終教之乃申之以辭

昌黎諸韓散蘆龍魯公相遼關邑封厲行先後六

侍中大參高文紀神功龜石穹窿與天終百年故

家餘素風汝州有子今成童攷古制名龜篋從貴

以道義飭汝躬良璞不治凡石同貞而絕俗執子

容濟質以文介而通頤雖宗起其起宗魯也不慚

袁氏公

壬子冬至新軒張凡聖與求為兒子阿

平制名予名之曰琬以仲耽字之小字  
明後有善禱之義馬詩不工當令阿耽  
灑落誦之

阿平玉靈鮪可憐皎如鶴雖下青田呼來拜客視  
不前啼聲如聞過秦篇陳王人門漢帝賢新軒文  
筆尤翩翩大弔掛壁誰使然我知一經會有傳玄  
默之冬容頌城問平之年繞五齡適公爲兒求判  
名兒名從虎王與井仲耽爲字以字行佛書舊說  
無空青豈知空青今有形紫公紫公還我明看兜  
著脚青雲平

世宗御書田不伐望月婆羅門引先得

楚字韻

璫光樓前按歌舞桂樹秋香月三五白頭誰解記  
關元四海歡聲沸簫鼓兩都秋色香喬木三月阿  
房已焦土天上亦有別離情可是田郎心獨苦承  
平舊物覓裳譜寶氣暉暉映千古銀橋望極竟不  
歸滅沒燕鴻下平楚

送崔夢臣北上

子真抱閔買臣負薪朝奏暮召名動縉紳此有志之士所以自奮於昌辰者耶

夢臣崔卿玉樹清安土門華胄成童授  
學與難俱興肆筆成書倚馬可待雖必  
水之洋洋堪樂舜門之穆穆方開惜歲  
月之虛捐欲雲霄之坐致遇順風而縱  
大壑其孰禦之登金馬而上玉堂在此  
行矣詩以勸駕序寧闕乎癸丑二月望  
日新興元某序

并州書郎年少容細馬金鞭日三百生平意氣凌  
青雲未怕天山雪花白西園此日盛徐陳鳳閣鸞  
臺氣象新由來草創資潤色况復天造須經綸他  
日南歸吾未老與君同醉晉溪春

送王彥華

中朝名勝龍山莫喜色門闌得佳婿一朝天府効  
驅馳萬里青雲在平地金粟岡頭俊造多莫從人  
品問如何迂齋受學青衿日殷重遠山爲拊摩東  
國人倫吾豈敢只憑月且決巍科

李成之王彥華趙孝先以提學命見餉

佳酒且求制名輒以詩記

子雲寂寞將誰親延之麤豪意自真君家公婿兩  
冰玉酒味自合清而醇雲腹俗士無風神紅珠女

兒齒裙新一杯香絕韻亦絕只今唯有醉騰春

劉時奉節制雲南

雲南山高去天尺漢家弦聲雷破壁九州之外更九州海色澄清映南極幽并豪俠意功名咄嗟碩時風雲生今年肘後印如斗過眼已覺烏鬢平論蜀相如今老矣不妨鋼柱有新名

贈張潤之

許年不唱龍津第人物尤難到衰世明堂他日要榭楠造物也須論蚤計晉人稟賦例真淳兒能讀書知養親遺山門客富儒雅綠髮張郎名姓新莫道琴工有師法海山深絕解移人潤之資甚美故其可政者而勉之他日學業有成老夫當以風整自預矣

許道寧寒溪古木圖

道人醉袖蟠蛟龍掃出古木牙須雄開卷飄飄來陰風翟卿論畫凡馬空能知畫與詩同宗解衣盤礴非衆工遺山筆頭有關全意匠已在風雲中留待他日不忽忽

送張書記子益從嚴相北上并序

子益省郎觀國之光從公于邁揚雄詞賦良借力於吹噓御禹功名本無心於

祿仕詩以送別亦以趣其歸云

故家人物鏡奇俊聳整昂霄今已信康侯畫接拜寵光百里自應沾海潤六月貂裘風雪深天河天駟日駸駸莫把聲華動臺閣東方書檄要陳琳

贈別孫德謙

津橋密楊雲花白挽斷春衫苦留客西湖一雨春意濃絕似銅駝洛陽陌湖亭轟醉卧春風到手金玉不故空鷓鴣山一帶傷心碧羨殺孫郎馬首東

汾亭古意圖

允氏羲皇去未遠日作日息天機全杜侯袖裏姑汾筆辨與南華談宵然廢興知經幾今昔淳朴別有一山川白雲亭上秋風客不比倦翁甲子年以宋郭熙明昌春和閣張公在昔年過八十而以山水擅名今雲中杜大華老與張郭年相若而畫品不下古人為漢唐道作命年古意標然有虛外意為題曰讀其後神如孫孫甲子年詩家亦傳習用之故未向有及

太原贈張彥遠

并州城邊十月末清霜稜稜風入骨因君夜話吳江春酒光欲灑金杯滑開騎跡去城沒當年愛君後於鶴平生我亦識翁人惆悵流年如電抹官家新築文昌臺蒼生不憂墮巖崖眼看東閣奇士浦如君豈得歲蒿萊晨鷄未鳴子當發明星煌煌



大於月野夫一笑冠纓絕

換得雲臺帖喜而賦詩

周官武臣奉朝請劔佩束縛非天真世間曾有華  
陀帖神物已化延平津來狂雉筆照萬古北宋華  
書紳九人今日雲臺見遺墨黃金牢鎖玉麒麟

鹿泉新居二十四韻

王門西邊井陘渡野日荒荒下汀樹榆關石嶺都  
幾程客夢往往迷歸路塵埃風雨半生過儘著筋  
骸支世故寧州假館又兩年未保東來不西去山  
城百家家有山觀面呈山誰一顧賣書買得呂氏  
園不謂金山舉相付北崖老作土灰色擁腫形模  
一夸父娟娟正有小娥媚却立不容親杖履就中  
抱犢尤峭拔望見韓山即攀附韓王若頭四望闊  
全趙米如終數聚眼中魔蓋天上來派水鼓旗紛  
偃仆漢家威靈萬萬古石子連岡猶虎距夏秋衆  
壑會鹿泉浩浩滿聲瀉餘怒西南諸峯不知數蕩  
海鯤鱷兀背露霏煙空翠有無中百態陰晴變朝  
暮靈巖龍泉曾一到獨欠封龍屐衰步學僊不愛  
徐童花李相書龕心所慕生平懷抱向山盡老氣  
崔嵬如有助巖居枯寂朝市喧喧奔兩間差有趣

得行周願留不惡深坎且當隨所遇何曾萬錢何

用許方丈有山容下筋管城初無食肉相黃帽非

供折腰具明年高築野史亭天已安排看山處多

慙不及謝宣城標出敬亭天一柱一本尚慙不

亭天一柱在方叔  
有山容下筋之下

過劉子中新居

鄆州城隅兩茅屋市聲喧喧自幽獨春風吹盡山  
杏花只有青青一叢竹先生愛畫如惜玉諫鶻翔  
鸞餘百軸大兒眼眴挾書歸土鏗疎烟繞一粥微  
官枉負半生閒也着區區簿領問何時却與溪南  
老紫蓋山前共柱還于中舊與溪南詩老

遺山先生文集卷第四



遺山先生文集卷第五

雜言

去歲君遠游送仲梁出山

去歲君遠游今年客它州青天萬古一明月只與  
 行人人生暮愁問君游何許情多地遐芳偏處處金  
 鞭斷折驥驥死萬里長鳴思一牽憶初識子梁王  
 臺清風入座無纖埃華嶽峯尖見秋準金眸玉爪  
 不凡材西園日晴花滿烟五雲樓閣三山巔玉樹  
 瑤林照春色青錢白璧買芳年三年一夢南陽道  
 泚水迢迢入秋草擊雲心事人不知千首新詩怨  
 枯槁破屋仰見星疎衆風露清匣中有長劍為君  
 鳴不平况逾久辱思一濯去去舉足皆清冷邨州  
 大師材望雄愛客不減奇章公軍中宴酣茄鼓競  
 銀燭吐焰如長虹幕中多士君又往談咲已覺南  
 夷空東州春迴十月後梅華分香入春酒平生得  
 意欽與京青眼高歌望君久浙江南下青云石  
 門細路蒼烟屯五松平頭白日靜千山萬山如亂  
 雲菊源不逐時事改芝嶺自與商顏鄰他日想思  
 一廻首漁舟時問武陵人

欽謂欽叔京即京父也  
 樂天書以微之為微

此日不足惜



此日不足惜此酒不可無頗怪昌黎公亦復為世  
 儒天生至神物與人作華胥一酌古本疆二酌爆  
 吻濡三酌動高輿四酌色敷腹連綿五六酌枯腸  
 網如醉眼花耳熱後萬物寄一壺十酌未得央百  
 觚亦莫拘人生一世間忠若過隙駒有酒不解飲  
 問君誰與娛君不見東家騎鯨李唐滿六尺鍾萬  
 言黃石策八陣菱州圍酒酣起舞不稱意長吁青  
 雲指夷吾又不見西家紫髯郎老氣雄萬夫狂歌  
 飲燕市擊筑聲鳴倚天長劍掃少室頰欲四海  
 皆東湖鷹揚虎視今焉如河山水隔黃公壺脚盃  
 直待秋井塌青苔白骨憐君愚少年覓計生白頭  
 捫參歷井無危途策不滿曉良區區就令一朝便  
 得八州督學似高吟大醉窮朝哺餘名安得潤枯  
 骨四十豈不知頭顱此日不足惜此酒不可無太  
 虛為室月為燭醉到不用春風扶

送希顏赴召西臺兼簡李汾長源

昨日游崧丘今日西臺行勞生好夢亦大少枕中  
 馬嘶車鐸鳴山林之樂無虧成胡為鮮蘭縛塵纓  
 蒼生望君須一起我知無地效功名關中得君作  
 金城氣象已覺西山平諸人誰出仲卿右一座想

為相如傾風華浩蕩春冥冥馬頭仙掌遙相迎長  
安市上見李白為我一醉秦東亭

嵩山王鏡

王鏡見何許今且東山階積雨洗昏靈旭日發光  
輝光輝奪人目艷艷如動移初如秋月圓漸如曙  
星微曙星不能久併與晨露晞此鏡何從來造化  
秘莫窺山精或竇氣恍惚令人疑誰為問岳祇山  
川英秀會有歸不能生申與甫瑞王國萬文光芒  
徒爾為

虎宮

北山虎有穴南山虎為群目光如電聲如雷倚蕩  
起伏山之根百人一飽不留骨敗衣墜絮徒紛紛  
空谷絕樵聲長路無行塵呀呀垂涎口耽耽關城  
闔天地豈不仁社公豈不神哀哀太山婦叫斷秋  
空雲可憐封使君生不治民死食民世上無復裴  
將軍北平太守今何人

飲酒

江南秋泉雲液濃遼東抹利玉汁鎔柳鵝朝傾荔  
支綠螺盃暮捲瓊珠紅此酒誰所留今日乃汝逢  
仙人一丸藥洗我芥蒂胃金沙一散風雨疾世事

盡與浮雲空東家劉伯倫西家王無功醉鄉日月  
萬萬古眼中擾擾誰為雄人會有歸盡飲不飲所  
同所恨獨醒人百年枯槁中獨醒恨未遇獨醉恨  
未公安得清江變醇耐盡迴天地入春風

送高信卿

高卿去歲山中居豫朝粟暮分疎租今年移家入  
城市甌中生塵釜生魚文窮智亦窮五鬼更囑呼  
迺翁延客著上座兩兒已復遭柳榆三冬充園冊  
牧豎叫語鹿濕薪烟滿眼破硯冰生須賣符與行  
藥不養堂堂無衣思南州千里走單車我嘗相  
夫君不是山澤臞十八學擊劍二十了陰符平生  
結交王與李神中頗有魚雁圖文武志膽誰不如  
不能拔劍斫蛟經亦當赤手降於菟胡為堅坐守  
寒饑坐令兒女悲窮途萬事糊塗酒一壺別時聊  
為鼓龍胡中原麟鳳今如此莫道皇家結網罟

寄趙豆之題時在廬氏

大城滿豺虎小城空雀鼠可憐河朔州人掘草根  
官煮粵北人南來向何處共說莘川今樂土莘川  
三月春事忙布穀勸耕鳩喚喚雨舊聞抱犢山摩雲  
出蒼棧長林絕壑人迹所不到可以避世如武陵

者椽當果穀前术甘飴錫此物足以度荒歲况有  
麋鹿可射魚可罾自我來嵩前早乾歲相仍耕田  
食不足又復適親朋三年西去心籠禽念飛騰一  
瓶一鉢百無累恨我不如雲水僧松山幾來層不  
長登不得但畏不得登洛陽一昔秋風起羨煞吳  
中張李鷹

暖志堅畫龍為劉鄧州賦

豬龍可豢亦可屠世人畫蛇復畫魚天飛忽入阿  
堅筆始覺衆史欺庸惡腥風萬里來白浪橫江湖  
一虜走海若再顧失天吳浩蕩明河翻尾鬣慘不  
濡只愁紙上出雷火搏控大千如此珠天生神物  
與化俱滅沒變見何所無逆鱗自古不受觸乃今  
縮頭隨卷舒怪得堂堂驛御史平生長有兩隨車  
送詩人秦略簡夫師蘇墳別業

三月不見君渴心欲生塵論文一樽酒雅道誰當

陳昨朝見君臨水句乃知抽青配白非詩人南山  
明月北山雲恨君不作由東隣擊鮮為具非無好  
事者天隨杞菊年年新石田茅屋連蘇墳兩兒力  
耕足養親君詩或者昌晚節不應道路長途遠白  
髮刀騷一幅巾豈年鄉社樂閑身蹇驢馳入醉鄉

去袖中知有眉山春

紀子正杏園燕集

紀翁種杏城西垠千株萬株紅豔新今年寒食好  
天色曉氣鬱鬱含芳律天公自愛此花好朝薰暮  
染煩花神融霞臺雪一傾倒非烟非霧非卿雲未  
開何所似乳兒粉粹深絳唇能啼能笑癡復駭盡  
出百子元非真半開何所似里中處女東家隣陽  
和入骨春思動欲語不語時輕顰就中爛熳尤更  
好五家合隊號與秦曲江江頭看車馬十里羅綺  
爭紅塵陽平一邑多詩豪主人買酒邀衆賓花時  
有成約恨少揚子張吾軍落花着衣紅續紛四坐  
慘澹傷精魂花開花落十日耳對花不飲花應真  
愛花常苦得花晚爭教行樂無關身芳苞一破不  
更合且看錦樹烘殘春

送李參軍北上

五日過居庸十日渡桑乾受降城北幾千里出塞  
入塞沙漫漫古來丈夫淚不灑別離間今朝送君  
行清涕留餘潸生女莫作王明君一去紫臺空環  
環生男莫作班定遠萬里馳書望玉關我知驥子  
墮地無齊燕我知鴻鵠意氣青雲端草間尺鷃亦

自樂扶搖直上何勞擲一衣敝組袍一飯茵蓆盤  
歲時壽翁媪團樂有餘歡就令一朝便得八州督  
爭似綵衣起舞舞春欄班去年雒陽人今年指天山  
地遠馬羈破霜重貂裘寒朔風浩浩來客子慘在  
顏托胡嶺上一迴首未必君心如石頑君不見桓  
山烏乳哺不得頃史閑衆龜一朝散孤雌回顧聲  
悲酸寒鴈來時八九月白頭阿母望君還

王黃華墨竹為郭輔賦

古來畫竹尊右丞東坡欵扶不敢評開元石本出  
摹寫燕市駿骨留空名亦有文湖州畫意不盡形  
一為坡所賞四海知有篔簹亭深衣幅中老明經  
老死不敢言縱橫豈知遼江一派最後出運斤成  
風刃被劂雪溪仙人詩骨清畫筆尚餘詩典刑月  
中看竹寫秋影清鏡平明白髮生娟娟略似萱草  
詠落落不減叢臺行千枝萬葉何許來但見醉帖  
字欹傾君不見忠恕大篆草書法超生怒虎嘖墨  
成至人技進不名技游戲亦狡通真靈百年文章  
公主盟屏山見之踞且擊聲光舊塞天壤破議論  
今著兒曹輕有物於此鳴不平悲耶嘯耶誰汝令  
只恐破窓風雨夜怒隨雷電上青冥

汎舟大明湖待社子不至

長白山前繡江水展放荷花三十里香山水鹿山  
更佳一堆蒼烟收不起山從陽丘西來青一灣天  
公擲下半玉環大明湖上一盃酒昨日鏘江冒曉  
間晚涼一棹東城渡水暗荷深若無路江妃不惜  
水芝香狼籍秋風與秋露蘭襟鬱鬱散芳澤羅襪  
盈盈見微步晚晴一賦畫不成狂着風標誇白鷺  
我時驂鶴追散仙但見金支翠蕤相後先眼花耳  
熱不稱意高唱吳歌叩兩舷喚取樊川搖醉筆風  
流聊與付他年

九月七日夢中作詩續以末後一句

桃花紅深李花白昨日成團今日折歌聲滿耳何  
處來楊柳青旗洛陽陌拊君背握君手朝鐘暮鼓  
無了期世事於人竟何有青青鏡中髮忽忽成白  
首六國印何如負郭二頃田千載名不及即時一  
盃酒

賦邢州鵲山

去時唐山道望望鵲山背今朝西北看拜奇秀益  
可愛蒼茫失層疊解駭見縈帶浮雲自來去盡巧  
寧變壞吳粧入小筆隱隱拂殘黛城隅靜女人不

知擁髮依鬢如有待太行橫截九州半一掩一重  
俱有態只知天平六峯天下稀此山東來亦開在  
烟埋雨沒今幾時殆天所藏予發之郭熙未足語  
平遠摹寫誰有章郎詩

送王亞夫舉家歸許昌

一日兩食藜藿葵三冬一榻舒與齊監河竟粟因  
欲死望望江水瀟塵泥故書一束手自携汴兒跳  
梁翠女啼出門疾走勿反顧正恐五鬼從之西馬  
中豈是無龍媒世人徒如牝牡黃與驪只如黃金  
絡頭亦不惡誰謂茅索能相羈天公醉着百不問  
汝偶而偶奇而奇前途兀兀黑林漆昨日把芻今  
扶犁乃知世間倚伏不可料并底容有青雲梯春  
風兩淮多鼓鼙軍中少年舞荒鷄因君南望一大  
咲落日澹澹青山依

湧金亭示同游諸君

太行元氣老不死上界左界分山河有如巨鰲昂  
頭西入海突兀已過餘坡陁我從汾晉來山之面  
目腹背皆經過濟源盤谷非不佳烟景獨覺蘇門  
多湧金亭下百泉水海眼萬古留山阿鬻沸燥水  
源濟淪晉溪波雲雷逐鬼物窰宅深蛟鼉水妃簸

弄明月瓊地截發泄天不訶平湖油油碧於酒雲  
錦十里翻風荷我來適與風雨會世界三日湧麩  
羅山行不得山北望空長哦今朝一掃兼峯出千  
鬟萬髻高哉我空青斷石壁微茫散烟蘿山陽十  
月未搖落翠蕤雲梢相盪摩雲烟故為出澗沒魚  
鳥似欲留婆婆安石問仙人迹石爛迹不磨仙人去  
不返六龍忽嗟叱江山如此不一醉拊掌笑煞孫  
公和長安城頭烏尾訛并州少年夜挑戈奉杯為  
問謝安石蒼生今亦如卿何元子樂矣君其歌

南冠行

南冠纍纍渡河關畢逋頭白乃得還荒城雨多秋  
氣重頽垣敗屋深茅管漫漫長夜浩歌起清滌曉  
枕留餘潛曹侯少年出紉綺高門大屋垂楊裏諸  
房三十侍中郎獨守殘編北窓底王孫上客生光  
輝竹花不實鷓鴣飢絲桐切切解人語海雲喚得  
青鸞飛梁園三月花如霧館錦芳華朝復暮阿京  
風調阿欽才暈碧裁紅須小杜長安張敞號眉嫌  
吳中周郎知曲悞香生春動一詩成瑞露靈芝滿  
窰戶魚龍吹浪三山沒萬里西風入華髮無人重  
典鷓鴣表展轉空床卧秋月實鏡埋寒灰鬱鬱萬

古不可開龍劍出地底青天白日駭雲雷層冰千里不可留離魂楚些招歸來生不願朝入省暮入臺願與竹林阮同舉杯即食程程唇妾食鯉魚尾不如孟光案頭一杯水黃河之水上上流何物可煮人間愁撐建裂月不稱意更與倒翻鸚鵡洲安得酒船三萬斛與君轟醉太湖秋

醉後走筆

建茶三益冰雪香離騷九歌日月光腰金更騎楊州鶴雋永不羨大官羊炬燈繁千移近朱秋風吹簾月轉廊一歌再歌魂魄動入眼渺渺橫沅湘妃漸遠望不及金支翠艇滄飛颺漁父話獨醒孺子歌滄浪山鬼獨一脚拊掌笑我旁湘景歸來弔故國遺臺老樹山蒼蒼掩書一太息夜如何其夜未央東家女兒綉羅裳銀瓶瀉酒勸客嘗一酌均距願再酌齊彭殤宇宙不今古氣節無陰陽少年避酒不肯與畦步乃有無何鄉愛茶愛書死不徹乃以冰炭貯我腸世間唯有麴生風味不可忘

南湖先生雪景乘驪圖并引

南湖先生原武人年二十許時會以鄉

賦兩魁鄭州然其資稠儻所以自望者

甚高終不樂為舉子計耶棄去學擊刺當正隆征南頗欲馳逐戎行間既而大定詔書下兵各罷歸先生抱利器而無所試乃浮滏里社以詩酒自娛買田南湖之上築亭種樹徜徉乎其間盡置家事日與賓客酣飲歌管茶輟第日少不少林家故饒財又好施予其赴人之急猶疾痛之在已故人尤以此歸之所與游如歸銘王逸賓游宗之大定劉之昂其人皆天下名士至論人物必曰靖遠卿今日之奇男子也先生生於天會初歷大定明昌泰和優游於太平和樂之世者五十年大安兵興乃下世平生喜作詩樂府尤有蘊藉觀西子棄瓢詩可見也變蘊藉為學淵秋千古香溪水自流吳越兵爭竟何得風流翰與玉湖舟嘗雪中騎青驪行京水道中作長詩卒章有安得西都畫史吮筆出新意寫作南湖老子雪景乘驪圖之句其子文熾北渡後來東平始以先生之意追畫此圖求僕賦詩文熾負直好義讀書作文有聲時

輩中觀其子可以想見先生之為人故  
為道其事并以致懷賢之思

大河茫茫白連空寒雲迢迢度南鴻汴梁高樓管  
絃裏成臯行人西北風北風吹雪來飄管捲孤蓬  
異色變慘澹元氣開洪濛襄陽湖陽詩境在掇拾  
物色真難工青驪誰此游望見知是南湖翁南湖  
翁少日骭髀今龍鍾猶能吐氣萬丈如長虹門  
兀坐意不愜要看銀海翻魚龍寶華世界瓊瑤宮  
江山隨翁入清雄詩成仰天一大笑飛花落絮春  
濛濛鬱鬱梁宋郊翁家出強宗許與必豪右收入  
等侯封紫翁年十八九弄筆學彫蟲疊取兩解魁  
隱隱何隆隆一旦拂衣去學劔事猿公正隆適南  
征兀馬走從戎墨瓦磨楮鼻意與江流東紫微出  
東方淮海亦來同都將書與劔田間就春農仕宦  
不侔邴曼容醉鄉自愛王無功鷄鴉從渠致鐘鼓  
野鶴豈合據樊籠南湖煙景多魚鳥亦從容亦有  
兩小船綸竿挿舡蓬高亭出秀樾窓戶連青紅清  
颺隨睡輿瞑色赴吟筇門前車馬來日曠日不供  
但苦佳客少馬知清興終看翁蕪歌詩調戲鷓鴣  
老子如兒童雄吞已覺雲夢小寒縮寧作書生窮

當年我得奉談咲晝夜肯放清樽空東家西家不  
相從南海北海不相逢風流耆舊今誰似惆悵相  
看是盡中

癸卯歲杏花

南州景氣暖杏花見紅梅讀書山前二月尾向陽  
杏花全未開待開竟不開怕寒貪睡真人催愛花  
被花惱不徹一日遶樹空千回牙牙嬌語山櫻破  
稠開成團稀作顆小蕾從教絳蠅封繁枝未要晴  
雲曩兩月不舉酒半歲不作詩更教古銅瓶子無  
一枝綠陰青子長相思今年閏年好寒節花開不  
妨遲一月加舟買魚休嘆難宋方舟先生李知幾語

題劉紫微堯民野醉圖

蒼苔濁酒同歌呼白鬢紅頰醉相扶堯時皇貨未  
全散不論朝野皆歡虞望雲雲非雲就日日非日  
先春迂儒強解事極口譽堯初未識堯民與酒同  
一天此外更誰為帝力仙老曾經甲子年歲將陳  
迹盡中傳山川淳朴忽當眼迴望廉櫺一慨然不  
見只今汾水上田翁鞭背出租錢堯甲子年仙

贈荅趙仁甫仁甫名復善事人張果事

我友高御史愛君曠以真昨朝識君向所見勝所



聞江園辭客多玉骨無泥塵軒昂見野鶴過眼無  
鷄群想君夜醉澤陽時明月對影成三人散著紫  
綺夜草最烏紗巾浩歌魚龍舞水伯不敢嗔何意  
醉夢間失脚墮燕秦萬世一旦暮萬里猶比隣世  
無曾連子黑頭萬蟻徒紛紛君居南海我北海握  
手一盃情更親老來詩筆不復神因君兩詩發興  
新都門迴首一大笑袖中知有江南春

下黃榆橫

北厓玄武暮然黑如積鐵東厓劫火餘絢爛開錦  
纈就中嶺頭一峯凸樸奇剩費寒雲幾千疊摩圍  
可望不可到青壁無梯揀叫絕林煙日射彩翠新  
跬步疑有黃金闕畫工曾次墨汁滿那得冰壺貯  
秋月直頂潮陽老筆迴萬牛露頂張顛揮醉帖石  
門細路無澗泉行人飢渴挽不前辛苦黃榆三十  
里豈知却有看山緣

駢豬行黃臺張氏莊作

沁山蒔苗多費力辨與豪豬作糧食草菴架空尋  
丈高擊板搖鈴鬧終夕孤犬無猛噬長箭不暗射  
田夫睡中時叫號不似駢豬似稱屈放教田鼠大  
於免任使飛蝗半天黑害田爭合到渠邊可是山

中無椽木長牙短喙食不休過處一抹無禾頭天  
明攏畝見狼藉婦子相看空澆流早乾水溢年年  
日會計收成總什一資身百備粟豆中倍石都能  
費錢直兒童食藥須愛惜此物群豬口中得縣吏  
即求銷稅籍

齋臺感遇

裝回五岩上浩歌訖漱烈望望蟪蛄翁倒影乍明  
滅地古足靈異祠廢餘像設子規夜啼山竹裂老  
鶴亂塔枯松折齋臺音響杳不聞蕩蕩青天一明  
月荒山破丸色十步九窪壘水泉出沮洳一綫僅  
不絕翁乎何意留此居可是他山無地穴太道既  
下表日鑿聰明開王從珪璋毀木以青黃災天和  
散不留去浪無東迴咄咄此老蒼駭麟仰怪魁克  
年生甲子含德如未收標枝野鹿致足樂火倉屋  
居良所哀史筆亦厚詎何曾校計識與材纏身正  
有一文髮直以何物觀形骸大笑黃冠師金丹羽  
化之說何從來豈知大人先生獨立萬物表太古  
元氣同胚胎不見今日孫公和橫絕四海隘九垓  
松康養生安在哉

水簾記異

癸卯九月四日  
同杜仲無賦

黃華絕境探未窮道人曾約山櫻紅鏡臺懸流不  
易得世俗名取香壚峯七年長路今一到刺鯁欲  
滿平生曾豈知早久泉脉絕快意一濯無由供神  
明自足還舊觀湧浪爭敢徵靈通何因狡獪出變  
化勝驟轉晴增清雄天孫機絲拂夜月佛界珠網  
搖秋風稱奇叫絕喜欲舞恨不百繞青芙蓉銀橋  
清涼巖玉鏡崧丘東世外果無物邂逅乃一逢書  
生眼孔塞易破勺水已復誇神功東坡拊掌應大  
笑不見蟄窟鞭魚龍

猗谷聖燈九月五日作

金門寺前山突起并厓竇巖三十里舊聞聖燈在  
山上紫微侍郎宜不妄山空月黑無人聲林間宿  
鳥時一鳴游人燒香仰天立不覺紫烟峯頭一燈  
出一燈一燈續一燈山僧失喜見未曾金繩脫串  
珠散迸玉丸走梓光不定飛行起伏誰控搏華麗  
清圓自殊勝北荒燭龍開晦冥南極入地多異星  
豈知心光毫相有真遇物外恍惚終難憑腐儒心  
魄為動蕩再拜中庭謝靈既何曾辦作劉更生下  
照乃辱青藜杖昨朝黃華瀑沅神所憐今朝金門  
佛燈佛作緣紛紛世議何足道盡付馬耳春風前

食榆莢

露葵滑寒羊蕨羶春榆作莢絕可憐榆令人駭何  
暇計田舍年例須濃煎蕭蕭吹暖賣錫天家人鑽  
火分青烟長鈎矮籃走童稚頃刻綠萍堆滿前炊  
飯雲子白剪韭青玉圓一杯香美薦新味何必烹  
龍炮鳳誇肥鮮異肝蟲臂萬化途神奇腐朽相推  
遷夢中鸚鵡亦大樂隨意飲啄真飛僊先生捫腹  
一莞然此日何功食萬錢

李峪園亭看雨

龍山右脇松十里細路蜿蜒繞龍尾松林迫塞悶  
熱渠北望王泉疑井底王泉元自別一天眼界廓  
廓無神川金城百里縵一俯半尖浮園挿蒼烟行  
行下絕嗽招提忽當眼未到倦不勝小憩遂忘返  
玉泉一杯甘以冽未須張陸誇冰雪主人不在客  
不留烈風崖下風颼颼石頭路滑馬路怯山雨未  
落雲先愁將軍林園永安下秋霽村墟絕蒲酒濃  
雲壓屋風打頭僅得羈柳脫疲馬只知龍山之神  
神更神永安亦能撼詩人晦暝變化千萬態畫出  
風雨元非真山靈亦愁歸後夜半面時時見雲罅  
天瓢細洒供晚涼不似草堂迴俗駕層陰一掃群

峯出一洗深青徹山骨夕陽展放紫翠屏只欠松梢一輪月中一石迴萬牛况是一整獲一丘不如一詩招將入南州先生興來時卜游

游龍山

曩予魏大梁得交此州雷與劉自聞兩公謬南山每恨南海北海風馬牛老龍面目今日始一見更信造物工雕鏤是時山雨晴乎田綠油油並山涼氣多况得通深幽山泉谷口出迎客石罅馬擊琳球球蜿蜒入微行漸覺藤蘿骨衣樹打頭惡木拉颼颼直幹比指銅石門無風白日靜自是林響寒颼颼一峯忽當眼仰看看不休一峯一峯千百峯維欲一一顧揖知無由金城偃蹇不得上瑤臺回合如相留苔花萬錦石舟碧爛不收天關守虎豹武庫開戈矛小山隨起隨偃仆獨立千仞絕頂縹緲之飛樓百花崗頭藉草坐瀟洒正值金蓮秋亭亭妙高臺玉斧何年修燈高攬元化快如鷹脫鞵山靈故爲作開闢巧與詩境供冥搜白雲何許來纖絲弄輕縠露蓮蓮作霧湧飄飄與烟浮玉衣仙人鞭素蚪翕忽變化令人愁須臾視六合浩蕩不可求初疑陶輪北運甕今悟夜整真蕨舟劫石拂未

窮祀國浪自憂斷鰲立極萬萬古爭道起滅如浮漚快哉萬里風一掃天四周誰言太始再開關日馭本自無停轡舉手謝山靈就無清涼毫相非神羞賤子貪名山客刺已屢投黃華挂鏡臺天壇避秦溝太山神明觀二室汗漫游胷中隱然復有此大物便可揮斤八極隘九州玉峯有佳招絕唱須一酬爲君探囊擲下珊瑚鈞白雲相望空悠悠異時華表見老鶴姓字莫忘元丹丘

醉中送陳季洲

寒食不數日天氣殊未佳翩翩金門客行行指龍沙朝發忻城暮隴隴頭頭地寒無草芽拂雲堆邊春更晚雪花茫茫揚白雪紇千山高寒煞雀榆葉離離小蕞薄愛君只欲苦死留不道南飛何所樂書生弓馬能幾何乃今寶校金盤陀孔璋文筆妙天下較勤不較陰山歌向年賦奇雨擁海駟雲筆頭注快如懷素書布障狂笑劉叉罵水柱李汾王鬱俱灰塵天意乃在潞陽陳舌吐萬里唾一世眼高四海空無人殘民假息仍瘡痍誰作東山謝安起恨我不比長桑君一月鷓君上池水眼中之人不易忘誰作冰炭置我腸衰頽明鏡兩寂寞別意

春江誰短長但願年年見顏色與君連日醉壺觴

送戈唐佐還平陽

我從商餘之山過麓羅開君六經百家富研摩會  
最上指冠巍峩豈肯俯首春官科筆懷變生十載  
後我時避兵方北走通家戈求共有無行輩許之  
為老友晉州一書君肯來裡手大笑心顏開春風  
看人不覺醉快卷更須三百杯鶴骨驚飛法當壽  
况是丹房燕饒留心久崑崙神泉漢求芝乞與餘  
膏潤養打天府學士登瀛洲松頂仙人垂直鈎愛  
君直欲抵死留自言世事非所求千古黃金鑊中  
淚不獨盧仝并馮異蘇州常郎交分深香山白傅  
金玉音借渠兩詩寫我心相知非不多但苦心不  
同同心一人去坐覺長安空離愁何從生從情  
愛中不見行路人拂袖自西東汾流滔滔兮日千  
里青眼高歌吾老矣

游泰山

泰山天壤間此如鬱蕭臺厥初造化手辨此何雄  
哉天門一何高天險若可階積蘇與累塊分明見  
九域扶搖九萬里未可誣齊諧秦皇憺威靈茂陵  
亦推材翠華行不歸石壇滿蒼苔古今一俯仰感

極令人哀是時夏春交紅綠無邊涯奇探忘法登

頓意慙自遲回惜無賞心人懽然盡餘杯夜宿玉

女祠崩奔湧雲雷山靈見光怪似喜詩人來鷄鳴

登日觀四望無氛霾六龍出扶桑翻動青霞堆平

生幸當遊茲山未忘懷十年望齊魯登臨負吟鞵

孤雲拂層崖青壁落雲間開眼前有句道不得

但覺胃欠高崔嵬徂徠山頭喚李白吾欲從此觀

蓬萊

付阿耽誦

昨得商子書知有阿耽名今朝見阿耽驚喜復  
驚過翁雅望傾漢庭仕才千石埋九京我如渠孫  
不庶生虎穴生虎子墮地骨體成拳頭為城尾為  
旌幾人雄猛得寧馨繡衣青春佳御史路人望見  
行且止老夫從旁當說似前日晦道堂前小兒子  
雷動風行自應耳恭謹不來令其始

遺山先生文集卷第五

樂府

天門引

秦王深居不得近從破衝成欲誰信白頭游客困  
咸陽憔悴黃金百斤盡海中仙人黃鶴舉大吟人  
間爭虜鼠丈夫何意作蘇秦六印才堪警兒女古  
來多為虛名老不見阿房淨如掃千年虎豹守天  
門一日牛羊卧秋草

蛟龍引

古劍咸陽墓中得抉開青雲見白日蛟龍地底氣  
如虹土花千年不敢蝕洪鑪烈焰初騰精橫海已  
覺無長鯨世上元無倚天手匣中誰解不平鳴割  
城恨不逢相如佐酒恨不逢朱虛尚方未入朱雲  
請盟槃合與毛生俱誰念田文坐中客只將彈缺  
嘆無魚

湘夫人詠

木蘭芙蓉滿芳洲白雲飛來北渚遊千秋萬歲帝  
鄉遠雲來雲去空悠悠秋風秋月沅江渡波上寒  
烟引輕素九疑山高猿夜啼竹枝無聲墮殘露

相中詠

楚山鶴鳴風雨秋楚岸猿啼送客舟江山萬古豈  
人國猿鳥無情也解愁西北長安遠於日憑君休  
上岳陽樓

孤劍詠

鬱鬱重鬱鬱夜半長太息吟成孤劍詠門外山鬼  
泣清霜稜稜風入骨皎月耿耿燈映壁君不見一  
飢縛壯士僵卧時自惜黃鶴一舉摩蒼天誰念樊  
籠束脩翼

渚蓮怨

阿溪何許來素面浣風雨寂寞烟中魂依依欲誰語

芳華怨

娃兒十八嬌可憐亭亭裏春風前天上仙人王  
為骨人間盡工畫不出小小油壁車軋軋出東華  
金縷盤雙帶雲探踏應沙一片朝雲不成兩披風  
吹去落誰家少年豈無思澤候金鞍綉帽亦風流  
不然典取鸕鷀裘四壁相如堪白頭金谷樓臺悄  
無主燕子不來花着雨只知環珮作離聲誰向琵琶  
得私語無情難勸翡翠兒有情蜂椎蛺蝶鳴勸  
君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破  
來一十日寂寞菱花仍半邊白沙漫漫車輪轉  
鷓鴣中杜鵑哭塞門憔悴人不知枉為珠娘怨金  
谷樂府初唱娃兒行彈棊局平心不平只今雄蜂  
雌蝶兩不死老眼天公如有情白玉搔頭綠雲髮  
玫瑰面脂透肉滑春風着人無氣力不必相思解  
銷骨浴花絕品姚家黃揚州銀紅一國香十圍萬  
統看不足兩打風吹空斷腸丹砂萬年藥金印八  
州皆不及秦宮一生花裏活長門曉夕壽相如儘  
著千金買病瘳

結楊柳怨

長樂坡前一盃酒鄭重行人結楊柳可憐楊柳千  
萬枝看看盡入行人手輕烟細雨綠相和惱亂春  
風態度多路人愛是風流樹無索朝暮折何朝  
暮暮折何時了不道行人暗中老素衣今日洛陽  
塵白髮明朝塞城草柳色年年歲歲青關人何事  
管離情春風誰向丁寧道折斷柔條莫再生

秋風怨

碧瓦高梧響疎雨坐倚薰籠時獨語守宮一着死  
生休拘走鷓鴣其為女雲間簫鼓夜厭厭葉漏誰

將海水添一春門外羊車過又見秋風拂翠簾  
把丹青愁返壽不知猶有竹枝益

歸舟怨

渡頭楊柳青復青聞中火婦動離情只從問得狂  
夫處夜夜夢到洛陽城南風吹櫓聲北鴈鳴嚶  
江流望不極相思春草生

征人怨

瀚海風烟掃易空玉關歸路幾時東塞垣可是秋  
寒早一夜清霜滿鏡中

塞上曲

平沙細草散羊牛一簇征人在戍樓忽見隴頭新  
馬過一時迴首望南州

西樓曲

游絲落絮春漫漫西樓曉暗花作團樓中少婦弄  
瑤瑟一曲未終坐長嘆去年與郎西入關春風浩  
蕩隨金鞍今年又馬妾東還零落芙蓉秋水寒并  
刀不剪東流水相竹年年露痕紫海枯石爛兩鶯  
鶯只合雙飛便雙死重城車馬紅塵起乾鵲無端  
為誰喜鏡中獨語人不知欲插花枝淚如洗

後平湖曲

越女顏如花吳兒紫於王天教並墻居不着同被  
宿美人一笑千黃金連城不博百年心樓上牆頭  
無一物暮爨朝春一生足秋風拂羅裳秋水照紅  
粧舉頭見卽至低頭承蓮房卽心只如菱刺短妾  
意未覺藕絲長與卽期何許眼礙同舟女春波澹  
澹無盡情雙星盈盈不得語十里平湖艇子遲岸花  
汀草伴人歸鶯鶯起東西去唯有蜻蜓接翅飛

涓川行

涓川道邊日欲西誰家少婦掩面啼漫漫長路行  
不徹粉綿鏡衣手自携自言娼家女家在梁門東  
夫婿輕薄兒新人不相容憶初在家時只辦放嬌  
慵爺娘惜女如惜玉近前細看面發紅無端嫁作  
蕩子婦流落棄擲風埃中可憐桃李花顏色嬌蒙  
茸朝看花枝好暮看花枝空安得明珠三百斛重  
簾榭幕圍春風

長安少年行

黃衫少年如玉筆生長侯門人不識道逢豪客問  
姓名袖把金鞭側身揖卽馳行索錦帕象石榴塵  
袋銀作筒八月蒼鷹一片雪五花驕馬四蹄風日  
暮新豐原上獵三更歌舞霸橋東

黃金行

王卽少年詩境新氣象慘澹含古春筆頭仙語復  
鬼語只有溫李無他人天公着詩貧子身子曾不  
知乃自神人間不買詩名用一片青衫衡霍重兒  
貧女富母兩心何論同袍不同夢入門喚婦不下  
機淚子垢面兒啼飢君詩只有貧女謔何曾夢見  
金縷衣外家翁媪日有語嫁女書生徒爾爲昆陽  
城下三更酒醉膽輪困掉星斗一昔詩腸老蛟吼  
十八長入墮車走斫頭不屈三萬言欲向何門復  
佞首何人壽我黃金千使君破鏡飛上天

隋故官行

涓川揚柳先得春二月鶯啼百轉新長春宮中千  
樹錦暖日晴雲思煞人君王半醉唱吳歌絳仙起  
舞頻翠蛾吳兒謾說曾行樂三十六宮能幾多千  
秋萬古金銀闕海沒三山一毫髮繁華夢覺人不  
知留得寒燈泣秋月

解劍行

古劍黑於漆鬱鬱動星文摩挲二十年今日持贈  
君長鯨鼓浪三山沒知君不是泥中物袖間一卷  
白猿書未分持刀買黃犢壯懷風雲鬱沉沉媿媿

漂母無千金長安侏儒飽欲死萬古不解天公心  
北風浩浩吹行客隴水無聲雪花白荆鄉墓頭秋  
草乾擊筑行歌欲誰識君不見秦相五股皮去時  
烹難炊泉虜又不見敵衣綠季子合從歸來印纍  
繁丈夫墮地古有萬里氣翁忽變化安能知大冠  
如箕望吾子富貴同生亦同死

征西壯士謠

三十未有二十強手內地矛丸八長搥為官家金  
印大不怕百死向沙場捉却賀蘭山下賊金鞍綉  
帽好還鄉

望雲詩

涉江采芙蓉芙蓉待秋風登山采蘭若蘭若霜早  
彫美人亭亭在雲霄鬱搖行歌不可招相絃沉沉  
寫幽悠愁心歷亂如曳蠶金支翠蕤紛在眼春草  
遲迤春波遠

望歸吟

塞雲一抹平如截塞草離離卧榆葉長城窟深戰  
骨寒萬古牛羊缺兗血少年錦帶佩吳鉤獨騎足  
馬覓封候去時只道從軍樂不道關山空白頭北  
風吹沙雜飛雪弓絃有聲凍欲折寒衣昨夜洛陽

未腸斷空闌搗秋月年年歲歲望還家此日歸期  
轉未涯誰與南州問消息幾時重拜李輕車

梁園春五首 車駕還汴京後作

軍從南去三迴勝雪自冬來二尺強今歲長春多  
樂事內家應舉萬年觴 長春德茂

暖入金溝細浪添津橋揚柳綠纖纖賣花聲動天  
街遠幾處春風揭綉簾

上苑春濃畫景閑綵雲紅雪擁三山官牆不隔東  
風斷偷送天香到世間

樓觀沉沉細雨中出墻花木亂青紅朱門不解藏  
春色燕宿鶯喧處處通

雙鳳簫聲隔綵霞官鶯催賞玉谿花誰憐麗澤門  
邊柳瘦倚東風望翠華 龍德宮有五谿館麗澤熱鄉西門名

探花詞五首

禁裏蒼龍啓九關殿前鸚鵡喚新班沉沉綠樹鞭  
聲遠嫋嫋薰風扇影閑

浩蕩春風入綉鞍可憐東野一生寒皇州花好無  
入管不用新即走馬看

六十八中教少年風流誰占探花筵阿欽正使才  
情盡猶欠張即白王鞭 李欲用二十七張李未婚云



美酒清歌結勝游，紅衣先為渚蓮愁。曲江共說櫻  
桃宴，不見西園風露秋。

人物風流見，韶然逼人佳。箏已翩翩，龍津春色年  
年在。莫著新衙惱，必先

獵城南

翩翩游俠兒，白馬如天練。朝出城南獵，暮趁軍中  
宴。北平有真虎，愛惜腰間箭。

春風來

春風來時，瑤草芳。顰池珠樹宿，鶯鶯春風去。後瑞  
草歌來，鴻去燕逸，相望鴛鴦不得雙。燕鴻天一，方  
始娟愁。眉色詩興，遙山長錦衾。復羅薦夢語相思  
怨，月明烏夜啼，空闌淚如霰。

幽蘭

仙人來從舜，九疑辛夷為車挂。作跡旒麻導前杜  
若，隨披揭芙蓉散。江籬南山之陽，草木腴潤崗重  
複。人迹希蒼崖，出泉懸素霓。儵然獨立，風吹衣間  
何為來。有所期歲，云暮矣。胡不歸釣天帝居，清且  
夷。瑤林玉樹生光輝，自棄中野誰當知。霰雪慘慘  
清入肌，子報如山不可移。雙屨不返夷叔，飢欲芳  
食菲尚庶幾。西山高高空，蕨薇露繁無人薦。湘纍

山鬼切切靈，聞悲空。山月出，夜景微。時有彩鳳來  
雙棲。

梅華

去歲梅華晚，今歲梅華早。和羹要佳實，春風莫草草。

寶鏡

寶鏡掛秋水，青娥紅粉粧。春風不相識，白地斷肝腸。

續小娘歌十首

吳兒公路唱歌行，十五五和歌聲。唱得小娘相  
見曲，不解離鄉去國情。

北來游騎日紛紛，斷岸長堤是陣雲。萬落千村籍  
不得，城池留着護官軍。

山無洞穴水無船，單騎駘人動數千。直使今年留  
得在，更教何處過明年。

青山高處望南州，漫漫江水遶城流。願得一身隨  
水去，直到海底不迴頭。

風沙昨日又今朝，踏碎鴟頭路。更遙不似南橋騎  
馬日，生紅七尺繫即腰。

鴈鴈相送過河來，人歌人哭鴈聲哀。鴈到秋來却  
南去，南人北渡幾時迴。

竹溪梅塢靜無塵，二月江南烟雨春。傷心此日河

平路千里荆榛不見人

太平婚嫁不離鄉楚兒郎小小娘三百年來酒

養出却將以漢換牛羊

飢鳥坐守草間人青布猶存舊領巾六月南風一

萬里若為白骨便成塵

黃河千里拓兵衝虞虢分明在眼中為向淮西諸

將道不須誇說蔡州功

遺山先生文集卷第六

遺山先生文集卷第七

五言律詩

懷益之兄

世故伊川嘆鄉情越客音天宜他日定陸已向來

沉冉冉愁看老源源事益侵誰言易排遣自分不

勝任鞭影驚疲馬鐘聲急暮禽胸中無曠迹喧外

有幾尋夢失名家筆書存遺子金山田和石瘦茅

屋過雲深春雨疏成圃秋霜柿滿林樹陰涼拂席

花氣澹盈襟宿鷺窺晨汲孤猿伴暝吟溪僧時問

字野客或知琴抱璞休奇信臨觴得緩斟阿兄圖

聚日曾話百年心

泮禪師自斷普照瓦為研以詩見餉為

和二首

寺廢瓦不毀研奇功亦多已知良斷少更奈苦心

何捷捷剛無敵津津潤可呵羽陽陵谷變水井宇

書說贈比黃金璞辭黠紫石歌遙知玉音在洗耳

俟研磨長吉有紫石硯歌

點化鈿仍見堅凝鐵易穿何年埋朽壤此日睹青

天古色秋烟重哀音夜雨懸有刀堪切玉是鏡不

名塲佛蔭淪空劫書林結後緣禪河一勺水更擬

就師傅

惡雨

惡雨惡復惡龍公何遽然霆轟水塔碎電掣玉繩

連高岸皆深谷層霄一漏泉黑未疑擁海白散忽

成烟市響十門合潮頭萬弩穿天瓢休盡盡上枯

早有他年

癸巳除夜

昂定周元重新安漢已然不隨南渡馬虛泛北歸

船身並枯蠅化心爭脫兔先塵埃嗟落薄光景強

留連往事青燈裏浮心白髮前更殘鍾未動猶屬

出京年

病中四月二十一日晨起書

戰勝頗自恃寧知徒外腴文章工作榮時運迫摧  
枯止酒嗟何及燒猪本不圖膏梁無急變山澤有  
真驥詩信藤條戲方連鐵彈証監去紅忘後碩黛  
黑見先驅駘入投床仆履淹伏枕呼萬錢誰嘔泄  
一醫爾乘除靜伏心仍悖深調息亦鹿跼嫌囚宇  
宙渴憶捲江湖風柳留蟬蛻霜松映鶴孤養和懲  
往失凡名養和事扶老念時須杯杓歸神書垣墻  
任佛踰回路且垂翅望或在桑榆

蔡威卿毅挽辭

東海于門舊桐鄉邑墓遷秦東海人威卿之祖特制公知州固家馬  
芝蘭宜有種珠王自成淵慈母依隣切名即獲譽  
先豪華非日檢信厚出天然詣理言猶詢持心靜  
益專咲談千里到咳垂百金捐論齒推予長垂髻  
得子賢通家仍孔李知已與玉田刻責誰斯切推  
扶最所偏孤癯平日託昆季再生綠摧割詩寧寫  
精微夢或傳都將百年淡一慟夜臺前

老樹

老樹高留葉寒藤細作花沙平特泊鴈野迥已積

鴉旅食秋看盡行吟日又斜干戈正飄忽不用若  
回家

陽翟道中

長路伶俜裏羈懷莽蒼中千山分落照萬嶺入秋  
風頭見參旗縮虛傳朔暮空故園歸未得細問北  
來鴻

月觀追和鄧州相公席上韻

月觀知名舊池亭發興備露涼驚夜鶴風細咽秋  
蟬綠泛兵厨酒紅依幕府蓮無緣逐清景空羨飲  
中僊

太室同希顏賦

壯矣崑維岳盤盤上窈冥中天瞻巨鎮元氣有遺  
形兩入秦川黑雲開楚岫青鷲嶽一柱在萬古壓  
坤靈

送登封張令西上

罷縣人稱屈悠悠復此行渭城秋鴈到秦嶺暮雲  
平道路衣從典風塵劍已鳴山西多俠客莫說是  
書生

方城道中懷山中幽居

枝拙違時用年饑與食謀江山貧士嘆日月賈胡

留楚客頗招隱文園故倦游衡門有幽事还我北窓秋

孟州夾灘飲承之御史家同飲

美酒禁愁得芳梅發興饒紛紜聊且置硯磊故須  
洗鷄黍成前約干戈有此宵平生楊大理惜不預

佳招雲卿赴召五日矣

送曹吉甫燕及通甫

意氣羨君豪憐君屈騎曹安能事筆硯且復混弓

刀風雪貂裘暗關山馬骨高南飛見鴻鴈應為惜

哀勞

勝槩三卿作

勝槩烟塵外新詩挾履間偶隨流水去澹與暮雲  
還吾道三緘口時情一解頰從今便高卧已負半

生閑

少室南原

地僻人烟斷山深鳥語譁清溪鳴石齒暖日長藤  
芽綠映高伍樹紅迷遠近花林間見鷄犬直擬是

仙家

寄贈龐漢茂弘

之子貧居久詩文日有功苦心唯我見高詎許誰

同萬里虎食肉一鳴鷄長雄皇天老眼在且莫恣丘中

洛陽古城曦陽門早出

乘月出曦陽黎明轉北岡荒村自鷄犬長路足豺  
狼天地憐飄泊風霜憶閑蔽微吟許行役淒斷不

成章

聞希頰得英府記室

近得髯叅信知從兔苑游文星映未却勝槩減黃

樓進退存中道功名接上流徒懷貢公喜塵土隔瀛洲

瀛洲

落魄

落魄宜多病艱危更百憂兩聲孤館夜草色故園  
秋行役魚頰尾歸期烏白頭中州遂南北殘息付

悠悠

得姪博信二首

今日鄜州姪知從虎穴還百年陰德在幾日鬢毛  
斑隔闕家仍遠羈縻食更艱誰憐西北夢依舊遠

秦關

旣驛傳家信坤牛玩吉占團圓知有望悲喜亦相  
兼過眼書重展伸肩酒屢添關河動高興百遠望

清塘

阿千始生

四十舉兒子提孩聊自誇  
夢驚松出笋兆應竹生  
花田不求千畝書先備  
五車野夫詩有學他日看  
傳家

長壽新居三首

同仲 賦

地古村墟迥川迴  
縣郭斜蒲池餘老節  
菊水引去  
新茅卜築欣成趣  
歸耕覺有涯  
迎門顧兒女今日

是山家

隱去初心在親朋  
復此借荒田  
歸別業高樹表新

齋泉石深三迳  
風塵限兩崖  
青山坐終日無物寄

幽懷

昔有姜夫子  
來家寂寞濱  
墓田耕已熟  
碑石字猶

新詩酒垆中  
歲山林有外  
臣三生可信否  
亦記

前身

宣和中姜夢得處士常隱于此墓碣在馬麥得曾上書仁宗既老以詩洒自娛碣文說地名白虎泉長壽村也

少林雨中

西堂三日雨  
氣節變蕭森  
偃卧復歌卧  
長吟時短

吟鍾魚四山  
靜松竹一燈  
深重羨禪棲  
客都無塵

慮侵

十二月六日二首

偃鬼跳果久群  
雄結構牢天機不可料  
世網若為  
逃白骨丁男盡  
黃金甲地高閣門隔  
九虎休續楚

臣驩

海內兵猶滿  
天涯歲又新  
龍移失魚鱉  
日食闕麒  
麟草棘荒山  
雪烟花故國  
春聊城今夜  
月愁絕未

歸人

得一飛姪安信

音問他鄉  
爾存亡此日知  
夢中憂凍餒  
意外脫艱  
危避地何嗟  
及還家敢恨  
遲衰年吾事  
了似有鹿

門期

短日

短日磳聲急  
重雲鴈影深  
風霜侵曉節  
天地入歸  
心零落溝中  
斷酸嘶屢下  
音五年朝與  
夕清血幾

沾襟

送毋受益自潞府歸崧山

薄俗科名賤  
狐生志願遠  
正須謀獨往  
何暇計群  
飛沁水真堪  
樂荆州况可  
依青山吾舊  
隱此日羨

君歸

寄程孫鐵安

御史陰功在  
孫兒玉不如  
已能騎竹馬  
想亦愛銀

魚異懸關山關衙門骨肉味幾時隨何舅盡讀外家書

贈汴禪師

道重疑高譽禪枯耐寂象蓋頭茅一把繞履箴三條趙子曾相問馮公每見招風波門外客無事且相饒

巳亥元日

五十未全老衰容新又新漸稀頭上髮別換鏡中人野史絕張本山堂未買隣不成騎瘦馬還更入紅塵

送楊次公兼簡秦彦容李天成

海國山如染雲堆草易荒時危頰虎穴路絕更羊腸吊影雙蓬鬢携家一藥囊殷勤秦與李無惜借餘光

發濟源

早嘆今年劇他鄉底處歸羸糧失先具涉世本無機棄擲烏皮几裴回白版扉殷勤雙語燕媿汝遠相依

倪庄中秋 巳亥

強飯日逾瘦袂衣秋已寒兒童謾相憶行路豈知

難露氣入茅屋溪聲喧石灘山中夜來月到曉不曾看

荅潞人李唐佐贈詩

聞道嗟予晚求師愧子賢泥途終自羨璞玉豈虛捐書破三千積詩論二百年文章有聖處正脉要人傳

陽興若

亂石通樵徑重崗擁戍城山川帶淳朴鷄犬見外平兩爛沙仍軟秋偏氣自清年年避營馬幾向此中行由州入府避騎矣李馬者多由此路

懷粹中

醉解不復寐吟君田舍詩從知石門老未北未庵師日月淹書尺江山入鬢絲何因重談笑却似少林時

同周帥夢卿崔振之遊七岩七岩

客路頻年別僧居半日閑同遊盡親舊舉目是家山世事風塵外詩情水石間悠然一尊酒落景未知還

送崔振之迎家汴梁

老伴不劣得殘年唯有閑桑麻一村落鷄犬兩柴

關樊守能供酒周侯許買山從今釣溪上日日望君還

聚僊臺夜飲

末夜留權席高懷遠市塵月涼衣有露風細酒生鱗鄉社情親舊僊臺姓字新殷勤詩卷在長記坐中人

續陽平十愛

我愛陽平酒兵厨釀法新百金難着價一錢即醺人色笑樞華重香兼竹葉醇為君留故事喚作杏園春杏園指此子正家則為言

送田益之從周帥西上二首

市近厨無肉書香露有蟲深居誰不樂去声兀坐竟何功天日伸眉後江山洗眼中蓬萊如可到刺借玉川風市坊

一室盆歌後供樵只短僮求風可無日牧犢未成

翁桂樹春風近楊萸煖律通明年孟德耀應與伯鷺東

九月晦日玉村道中

水涸沙仍濕霜餘草更幽烟光藏落景山脊露清秋坐食知何益行吟只自愁隨陽見鴻鴈三嘆惜

淹留

十月四日往關南二首

短日晨光澹高風宿霧澄山寒渾欲雪水涸劣能冰振厲時何有躋攀倦不勝我詩聊自遣松液已香凝予方職松醴當以今日熟故及之

行路見新月獨行還獨語勞生塵袞袞晚色鬢蕭蕭野曠無遺穗林疎有陸樵迴頭麥山嶺更覺馬蹄遙

寄王文德新二首德新時任汝州

以際春還去雲頭雨不成興來誰共醉事往獨含情禁遲留行客黃泥隔戍城岸花何處在空憶擢歌聲孟津

清汝風華地平生記此游酒能千日醉春必萬金酬攬鏡非遲暮逢花儘滯留只應歌笑處偏欠李

鄭州飲叔神赴鄭州幕官

舊國

舊國分崩久孤兒展省初客衣留手線驛傳失有興夢拜慈兼喜心飛疾亦徐殷勤南去鴈先為到簡於

和仲梁

林影兼秋薄雲陰帶晚涼石潭魚近藻沙渚鴈留  
霜咲語無長路登臨豈異鄉一尊堪共醉惜不是

重陽為節霜  
作金霜

甲辰夏五月積雨十餘日不止遣悶二首

甲子霖霖雨巡簷悶不禁幻泡成實相水樂激哀  
音瘴海聞天漏堯年見陸沉鶯飛想雲表癡坐若

為心南史王景文傳人居  
夷要但問心者為耳

甲子霖霖雨農郊搏手空排牆宇有禮為整竟何  
功戰蟻侯王上鳴蛙意氣中掃暗應晚夕少忍待

秋風排牆事見王銜論云  
排牆之聲猶有禮也

陽泉樓雲道院

方外復方外備然心迹清開窓納山影推枕得溪  
聲川路遠誰到石田平可耕霜林不嫌客留看錦  
崢嶸

劉子中夢菴

寤寐生與死幻歟為是真如何夢中境不屬覺時  
人朝徹從渠夜形開亦此神股勤花上蝶分我漆

園春

丙午九日詠菊二首

秋菊有何好秋綠風露靖花中誰比數霜後獨鮮

明九日惜遠過一尊還自傾今年病居士吟統更  
關情

几案得新供小窻幽更宜風霜寧小怯根撥要深

移黃素金行正芳甘藥品奇三薰復三沐歲晏興

君期

感事

壯事本無取老謀何所成人皆傳已死吾亦厭餘  
生潦倒封侯骨淹留混俗情百年堪一嘆辛苦惜

虛名

酬中條李隱居却序

州路限南北相逢今白頭蟲沙非故國人物自名  
流學道慙高步留詩惜暗投歸秦如有便終伴竹

林游邦彦自關中徙安者其李  
父於秦事故有竹林之句

送邦彦北行

比數推前輩陪從結後緣川涂即發隔詩酒重留  
連白鶴歸華表青牛得老僊秦山好行脚倚杖待

明年榮微劉大雅有游秦  
之興故篇中有及

同莫文明秀山行

暮景披橫幅山閑二老同雲如愁戍苦雪亦笑詩  
窮古木凍欲折斷崖行復通從今胡谷夢時到水



聲中

同姚公茂徐溝道中聯句

路轉川塗闊天低雨氣昏  
綿山連漢壘汾水入并門  
來往頻鞍馬登臨負酒樽  
聯詩強一吹淒絕恐銷魂

壬子月夕

明月後明月今年還遠游  
關河動歸興時節重離憂  
老眼耿無寐病身偏覺秋  
遙憐小兒女把酒望東州

庚子三月十日作

殘夢忘書帙餘寒殢酒杯  
青銅元懶照白紵更寬裁  
水際時獨往花邊知幾迴  
放勤雙語燕應自謝家來

七月十六日送馮揚善提領關中三教

為愛秦中好西遊日苦遲  
青雲動高興白首得新知道  
在貧何病官閑老更宜  
相思詩酒杜無計與追隨

京兆漕司官君三首

符節推通貴江山入勝游  
名園隨地改高棟與雲浮  
簿領歸閑暇鶯花接獻酬  
不知秋夜月何似度

公樓

樓巖雲橫野孤峯玉柱天  
遙知開節且別破見山錢  
夢出紛華外詩來寂寞邊  
亭中誰舉酒高興相悠然

間說梅軒好長吟有所思  
入簷看瘦影挂月見橫枝  
東閣今千載風流彼一時  
西游曾有約到日更題詩

甲寅正月二十三日故關道中三首

雪覆不得過陽坡如見管  
林烟常暗澹木葉自飄颻  
齒髮悲行役蕩花惜舊  
游塵埃與風雨看待幾

時休

千里不易到三冬須少留  
居情猶晉產去意已離丘  
遠出每為苦堆夸還自羞  
君心未肯在應待肯時休

六十復羊十年年添白頭  
祇知詩遣興未覺酒忘憂  
人七因循過元宵塊坐休  
殷勤行記上今日是東州

送關子實焦和之北上

秦府賢初聚瀛州路不遠  
謀謀在廊廟物色到漁樵  
布褐豈終隱旌車匪見招  
春風兩黃鸝老眼看

雲霄

庫城

浩浩庫城水岸高知幾尋竦林護懸險絕壁入清  
深跨步無曠迹勞歌惟苦音年年一未此老我亦  
何心

妻生北上

并府虛荒久大城如廢村草茅知世故泉壤隔天  
閭六月甘霖浹一言陰理存明年佩符節知有奉  
春孫

遣興

几案滿書史欣然忘百憂一篇詩遣興三酸酒扶  
頭千載聞元亮平生馬少游但留強健在老矣復  
何求

八月并州鴈

二卿作

八月并州鴈清冷照旅群一聲驚晚笛數燕入秋  
雲滅沒樓中見哀勞枕畔聞南來還北去無計得  
隨君

示白誠甫

之子吟爆竹過公欣樹蓋崑山多美玉江水發初  
源名教有樂地詩書皆雅言通家吾未老倚杖望

高軒

甲寅十二月四日出鎮陽寄宰魯伯

浮水曉光動霸橋詩境同樹寒騎瘦馬認影識衰  
翁長路風聲裏孤城雪意中回頭歌笑處凄絕意  
何窮

送文生西行

今夜東山月隨人知幾程從軍少年事分守故鄉  
情渭水風露早秦川烟樹平相招有仙掌無計與  
君行

乙卯十一月往鎮州

村靜鳥聲樂山依鴈影邊野陰時況朗吟雨只飄  
蕭涉遠心先倦衝寒酒易消紅塵忘南北渺渺見  
長橋

道山先生文集卷第七



遠山先生文集卷第八

七言律詩

秋懷 崧山 中作

涼葉蕭蕭散雨聲，虛堂浙浙掩霜清。  
黃華自與西風約，白髮先從遠客生。  
吟似候蟲秋更苦，夢和寒鷓夜頻驚。  
何時石嶺開頭路，一望家山眼暫明。

帝城二首 史院夜 五作

帝城西下望孤雲，半廢晨昏媿此身。  
世俗但知從仕樂，書生只合在家貧。  
悠悠未了三千牘，碌碌誰隨十九人。  
預遣兒書報歸日，安排鷄黍約比隣。  
羈懷蕭蕭歲駸駸，擁褐南窓坐晚陰。  
日月難淹京國火，雲山唯覺玉華深。  
隣村爛熳鷓黍局，野寺荒涼松竹林。  
半夜商聲入象廓，北風黃鶴起歸心。

僕射政醉歸即事

多生曾得江湖樂，每見波塘覺眼明。  
詩酒共尋前日約，風陰新自夜來晴。  
春波澹澹沙鳥沒，野色荒荒煙樹平。  
醉踏扁舟浩歌起，不須紅袖出重城。  
是日相集不至

春日

里社春盤巧欲爭，裁紅疊碧助春情。  
忽驚此日仍為客，却想當年似隔生。  
貧裏蓄蓄益憐節，物亂來歌

吹失歡聲南舟刺，有還鄉伴戎馬何。  
時道路清陽 唐李監賦我紅華碧巧功春情易韻

橫波亭 為青口 師賦

孤亭突兀插飛流，氣壓元龍百尺樓。  
萬里風濤接瀛海，千年豪傑壯山丘。  
疎星澹月魚龍夜，老木清霜鴻鴈秋。  
倚闌長歌一盃酒，浮雲西北是神州。

野菊座主闕閣公命作

柴桑人去已千年，細菊班班也自圓。  
共愛鮮明照秋色，爭教狼籍卧疎烟。  
荒畦斷壠新霜後，瘦蝶寒蟬晚景前。  
只恐春衰笑遲暮，題詩端為發幽妍。

度太白橫往昆陽

斷崖絕壁裂蒼頡，竟日長林窈窕聞。  
舊許煙霞歸白髮，悔隨塵土出青山。  
飢蚕滅滅催人老，野鶴昂昂羨汝閑。  
畏景方陸路方求，南風迴首暮雲還。

寄希顏二首 後一首希顏在徐州幕時作

灑卧崧丘七，見春南餘歸計一。  
屢新悠悠華屋高，賢意兀兀田夫野。  
老身動色雲山，如有喜忘機鷓鳥亦相親。  
麓疎潦倒今如此，樓上元龍莫笑人。

湖海故人仍騎曹，彭門千里入憑高。  
山頭杜甫長年瘦，樓上元龍先日豪。  
水落魚龍失歸宿，天長鴻

鴈獨哀勞酒船早晚東行辨共舉一杯持兩整

懷益之兄 時在 閱舞

半落閑河鴈一聲干戈滿眼若為情三年浪走空  
皮骨四海相望只弟兄黃耳定從秋後到白頭新  
自夜來生西樓日日西州道欲賦窮愁竟不成

昆陽二首

古木荒煙集暮鴉高城落日隱悲茄并州倦客初  
投迹楚澤寒梅又過花滿眼旌旗驚世路閉門風  
雪羨山家志憂只有清樽在暫為紅塵拂鬢華  
去日黃花半未開南來忽復見寒梅淹留歲月無  
餘物料理塵埃有此杯老馬長途良憊矣白鷗春  
水亦悠哉商餘說有滄州趣早晚乾坤入釣臺

寄西溪相禪師

青鏡流年易擲梭壯懷從此即蹉跎門堪羅雀仍  
未嘗益欲生魚當奈何萬事自知因懶廢一官元  
不校貧多拂衣明日西溪去且放雲山入浩歌

葉縣雨中 時茲前 早尤甚

春早連延入麥秋今朝一雨散千憂龍公有力迴  
枯槁客子何心歎滯留多稼即看連楚澤歸雲應  
亦到崧丘兵塵浩蕩乾坤滿未厭明河拂地流

寄杏趙宜之兼簡溪南詩老

窓影飄飄納候陰風聲浩浩急霜砧秋鴻社燕飄  
零夢顛水崧山去住心黃菊有情留小飲青燈無  
語伴微吟故人憔悴蓬茅晚料得老懷如我今

頴亭

頴上風煙天地迴頴亭孤賞亦悠哉春風碧水雙  
鷗靜落日青山萬馬來勝槩消沈幾今昔中年登  
覽足悲哀遠游擬續騷人賦所惜忽忽無酒杯

山中寒食

小雨班班泥曙煙平林簇簇點晴川清明寒食連  
三月頴水崧山又一年樂事漸隨花共減歸心長  
與鴈相先平生最有登臨興百感中來只慨然

楚漢戰處 叔同賦

虎擲龍拏不兩存當年曾此賭乾坤一時豪傑皆  
行陳萬古河山自壁門原野猶應厭膏血風雲長  
遺動心魂成名豎子知誰謂擬喚狂生與細論

懷叔能

別却揚侯又一年西風每至輒凄然酒官未得高  
安上詩印空從吏部傳三沐三薰知有待一鳴一  
息定誰先黃塵憔悴無人識今在長安若箇邊

留別仲澤

避俗無機日見侵  
逐貧不去巧相尋  
半生與世未嘗合  
前日入山唯不深  
綠水紅蓮慚大府  
清泉白石識初心  
相思命駕非君事  
能寄詩來或賞音

鄭州上致政賈右丞相

時被命統公  
劫先朝遼車

黃閣歸來獲鳥輕  
天將五福畀康寧  
四朝人物推耆舊  
萬古清風在典刑  
鄭圃亦能知有道  
漢庭又欲訪遺經  
帝城此後瞻依近  
長傍孤南候極星

寄荅景玄兄

故人相念不相忘  
頻着書來約對床  
甚喜樵夫與爭席  
所憂簿吏復登堂  
春風和氣隨詩到  
洛水秦山引興長  
奮袖高談夜窸白  
幾時危坐聽琅琅

復登堂李長吉語景玄  
去歲大為雅科所困

寄辛老子

草堂西望渺煙霞  
夢寐西南一迳斜  
為羨鳶風安枳棘  
悔將猿鶴入京華  
百錢卜肆成都市  
萬古詩壇子美家  
後日從翁問竒字  
可能適客待侯巴

後濟別業

薄雲晴日爛烘春  
高柳清風便可人  
一飽本無華屋念  
百年今見老農身  
童童翠蓋桑初合  
澗澗蒼

波麥已勻便與溪塘作盟約  
不應重遣濯纓塵

劉丈仲通哀挽

拙宦深辜遠業期  
無兒更結下泉悲  
溫純如此豈復見  
報施言之尤可疑  
四葉名家今日盡  
百年潛德幾人知  
元劉交分平生重  
才薄猶堪第二碑

會善寺

白塔沉沉掉翠微  
魏家宮闕此餘葦  
人生富貴有遺恨  
世事廢興無了期  
勝槩只今歸鶯嶺  
煙花從昔繞龍墀  
長松想是前朝物  
及見諸孫賦黍離

寄飲用

顧賴京華首藉標  
南山歸興夜漫漫  
長門有賦人誰買  
坐榻無檀客亦寒  
蟲臂偶然煩造物  
驥頭何者亦求官  
故人東望應相笑  
世路羊腸乃爾難

楊之美尚書挽章

冠蓋龍門此日空  
人知麟出道將窮  
景星明月歸天上  
和氣春風在眼中  
千古孫劉有餘賈  
一時燕許更誰同  
受恩知己無從報  
獨為斯文泣至公

李屏山規章二首

世法拘人虱處禪  
忽驚龍跳九天門  
牧之宏放見文筆  
白也風流餘酒尊  
落落久知難合在  
堂堂元

有不亡存中州豪傑今誰望擬喚巫陽起醉魂  
談塵風流二十年空門名理孔門禪諸儒久已同  
堅白博士真堪補太玄孫况小疵良未害莊周陰  
助恐當然遺編自有名山在第一諧孤莫浪傳

內鄉縣齋書事

吏散公庭夜已分寸心中落百憂薰催科無政堪  
書考出粟何人與佐軍飢鼠遶床如欲語驚鳥啼  
月不堪聞扁舟未得滄浪去慚愧春陵老使君連祖  
次山春庚行云思秋受村醉引筆自  
刺紅故子吳有與含滄浪清之句

自菊潭舟水還寄崧翁故人

臘雪春泥晚未乾馬迎殘照入荒寒初無危鳥將  
安往正有牛刀恐亦難倦客不知歸路遠孤城唯  
覺暮山攢黃金鍊出相思句寄與同聲別後看  
被撤夜赴鄧州幕府

幕府文書為羽輕敝裘羸馬月三更未能免俗私

自笑豈不懷歸官有程十里陂塘春鴨鬧一川桑  
柘晚煙平此生只合田間老誰連春官識姓名

馬郵驛中大雨

萬壑千岩一雨齊先聲噴薄捲湍湫投林鳥雀不  
暇領移穴蛟龍應自迷便恐他山截夏夜豈知高

獨有晴覽兩江合向西南闕坐想風雲入鼓鼙  
西南兩湖水  
相合處也

除夜

一燈明暗夜如何夢寐衙門在澗阿物外煙霞玉  
華遠花時車馬洛陽多折腰真有陶潛興扣角空  
傳塞厥歌三十七年今日過可憐出處兩蹉跎

鄧州相公命賦喜雨

輕陰十日暮春前和氣朝來已沛然河潤定應連上  
國雲來瑞合自中天聯珠洛  
陽錄錄蜂零帶濕闌幽障麥穰  
分青入瘼田共識使君霖兩手調元消息在今年  
劉光甫內鄉新居

勇冠平日凜秋霜老去聲名只閉歲父老新來同  
保社兒童久已愛文章蘇隨陳地皆成圃竹放新  
梢欲過墻為向長安舊遊遺世間元有北窓涼

西齋夜宴

飄零無物慰天涯酒伴相逢飲倍加悵謬君當略  
彭澤迴旋我亦笑長沙金釵醉揮迎春鬢銀燭光  
搖半夜花只欠東山游錄事不來堅坐看紛諱詠  
信之乘社語人皆  
在而論之獨不至

十月

十月長年見早梅今年二月未全開春寒春暖花  
如故年去年來老漸催大藥誰傳軒石鼎習仙虛  
樂漢宮臺憑君撥置人間事不負浮生只此杯

送吳子英之官東橋且為解朝

紫車歷鹿送君東萬古書生蹭蹬中良醞暫留王  
績醉新詩無補玉川窮駒陰去我如決驟蟻垤與  
誰爭長堆快策精丘便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛長江大浪欲  
橫瀆厚地高天如合圍萬里風雲開佛觀百年毛  
髮凜餘威長虹一出林光動寂歷村墟空落暉

丹霞下院同仲澤鼎玉賦時從鳥叩  
甲五兩助

鞍馬忽忽去復還霜鍾今得見豈山千年香火丹  
霞老滿眼興亡白水闌壯志自憐消客路深居誰  
得似禪關只應頻有西來夢夜夜青林杳靄間

春日半山亭游眺

日煦春山花滿煙獨携尊酒此江邊江流衰袞望  
不極世事悠悠私自憐小草不妨使遠志芳蘭誰  
為發幽妍千年石壁留詩在會有騷人一慨然

別程文

芸齋浙浙掩霜寒剝酒青燈語夜闌生女便知仰  
寄託中年尤覺感悲歡松間小草栽培穩掌上明  
珠素擲難明日候山東畔路野夫懷抱若為寬

出山

松門石路靜無聞布鞵青鞋幾往還少日漫思為  
世用中年直欲伴僧閑塵埃長路仍回首竹斗微  
官亦強顏休道西山不留客數峯如畫暮雲間

謝鄞州帥免從事之辟

愛端擾擾力難任世事駸駸日見臨三載素冠容  
有媿一時墨綬果何心首丘自擬終殘喘陟屺誰  
當辨苦音迢望朱門涕橫落相公恩德九泉深

新野先主廟次韻

一軍南北幾扶傷長坂安行氣已王豪傑盡思為  
漢用江山初不假吳強兩朝元老心雖壯再世中  
興事可常寂寞永安宮畔土爭教安樂似山陽

石門

兩崖橫絕倚山垠草徑依稀迷方可分潭影乍從明  
庭見竹香偏向靜中聞石林萬古不知暑茅屋四  
隣唯有雲曳袂行歌羨樵叟此生何計得隨君

獨峰楊氏幽居

村墟瀟灑帶新晴落日千山一片青世外衣冠存  
大朴雲間鷄犬亦長生清江兩岸多古木平地數  
峯如畫屏惆悵朝陽一茅屋酒缸茶竈負生平

渡湍水湍作聲也

悠悠入事眼中新悄悄孤懷百慮紛夜柝本宜關  
處著姓名誰遣世間聞秋江澹沲如素練沙浦空  
明行暮雲早晚扁舟載煙雨移家來就野鷗群

十日登豐山

十日登高發興新豐山孤秀出塵氛村墟帶晚鴉  
噪合林壑得霜煙景分芳臭百年隨變滅短長千  
古只紛紜詩成一嘆無人會白水悠悠入暮雲

岐陽三首

突騎連營鳥不飛北風浩浩發陰機三秦形勝無  
今古十里傳聞果是非偃蹇鯨鯢入海涸分明蛇  
犬鐵山圍窮途老阮無奇策空望岐陽淚滿衣

百二關河草不橫十年戎馬暗秦京岐陽西望無  
來信隴水東流聞哭聲野蔓有情縈戰骨殘陽何  
意照空城從誰細向蒼蒼問爭遣室允作五兵

耽耽九虎謀秦開儒楚辱齊机上看禹貢土田維  
陸海漁家封繳盡天山北風獵獵悲笳發渭水瀟

瀟戰骨寒三十六峯長劍在倚天偃掌惜空關  
擾擾長衢日往回病中聊得避喧埃愁多頓覺無  
詩思計拙唯思近酒盃潘岳鏡中渾白髮江淹門  
外即蒼苔生涯若被傍人問但說經年鼠不來

園城病中文舉相過

讀靖康會言

浚郊沙海浩茫茫河廣穩堪一葦航顛沛且當懲  
景德規模何必罪朱梁滄溟不掩蛟龍窟大地同  
歸雀鼠鄉三百年間幾降虜長星無用出光芒

雨後丹鳳門登眺

絳闕遙天霽景開金明高樹晚風迴長虹下飲海  
欲竭老鴈叫群秋更哀劫火有時歸變滅神嵩何  
計得飛來窮途自覺無多淚莫傍殘陽望吹臺

京居辛卯八月六日作

四壁秋蟲夜語低南窓孤客枕頻移野情自與軒  
窗隔被食難堪日月暹平于歸田元有約魏舒襖  
被恐無期一莖白髮愁多少慚愧家人賦廢屣

浩然師出園城賦鷓鴣詩為送

夢寐西山飲鶴泉羨君歸興渺翩翩昂藏自有林  
壑態欽啄暫隨塵土綠遼海故家人幾在華亭清



淚世空憐明年也作江鷗去水宿雲飛共一天

追用座主開闢公韻上致政馮內翰三首

峻坂平生幾疾驅歸休甫及引年初東門太傅多  
祖道北闕詩人休上書早樞老歸千里驥白雲開  
釣五溪魚非熊有兆公無恙會近君王六尺輿  
草堂人物列仙躡萬壑松風酒一壺少日打門無  
俗客老年爭席有樵夫巨源不入竹林選元亮偶  
成蓮社圖野史他年傳耆舊風流一一似公無

懷秋林別業

茅屋蕭蕭浙水濱豈知身屬洛陽塵一家風雪何  
年盡二頃田園入夢頻高樹有巢鳩笑拙空墻無  
穴鼠嫌貧西南遙望塲堪斷自古虛名只誤人

壬辰十二月車駕東狩後即事五首

翠被惹惹兄執鞭戴金爵舊夢瞻天只知河朔歸  
銅馬又說臺城墮林蕪血肉正應呈極數衣冠不  
及廣明年何時真得携家去萬里秋風一釣缸  
恹恹龍蛇日鬪爭干戈直欲盡生靈高原水出山  
河改戰地風采草木腥精衛有兇瑛瀚海包胥無  
淚哭秦庭并州秦檜今誰在莫擬分軍下井陘  
蓐蓐圍城度兩年愁腸飢火日相煎焦頭無客知

務突曳足何人與共舡白骨又多兵死鬼青山元

有地行仙西南三月音書絕落日孤雲望眼穿

萬里刑襄入戰塵汴州門外即荆榛蛟龍豈是池

中物蟻虱空悲地上臣喬木他年懷故國野煙何

處望行人秋風不用吹華髮滄海橫流要此身

五雲宮闕露盤秋銀漢無聲桂樹稠復道漸看連

上苑戈船仍擬下揚州曲中青氈傳新怨夢裏華

胥失舊遊去去江南度開府鳳凰樓畔莫回頭

求寧南原秋望

浩浩西風入敝衣茫茫野色動清悲洗開塵漲濁  
繞定老盡物華秋不知烽火苦教鄉信斷砧聲偏  
與客心期百年人事登臨地落日飛鴻一線遲

中秋雨夕前作

南樓高興在胡床十日秋陰負一觴度老未應妨  
嘯詠素娥多自怨昏黃此生此夜不長好行雨行  
雲有底忙却恐哦詩太愁絕且燒銀燭看紅粧

癸巳四月二十九日出京

塞外初捐安賜金當時南牧已駸駸只知灞上真  
兒戲誰謂神州遂陸沉華表鶴來應有語銅鞮人  
去亦何心興亡誰識天公意留着青城閱古今

取家於青  
城受降

喜李彦深過聊城

圍城十月鬼為隣異縣相逢白髮新恨我不如南  
去薦羨君獨是北歸人言詩匡鼎功名薄去國虞  
鬪骨相也老眼天公只如此窮途無用說悲辛

與張杜欽

故人家落曉天星異縣相逢覺眼明世事且休論  
向日酒草聊喜伴承平山公倒載群兒笑焦遂高  
談四座驚轟醉春風一千日愁城從此不能兵

秋夕

小簾涼多聯思清一惚風雨逸秋聲頻年但覺初  
衰敵萬古何曾馬角生寄食且依嚴尹幕附書誰  
往鄧州城澆愁欲問東家酒恨杖寒鷄不肯鳴

夢歸

顛頓南冠一楚囚歸心江漢日東流青山歷歷鄉  
園夢黃葉瀟瀟風雨秋貧裏有詩工作崇亂來無  
淚可供愁殘年兄弟相逢在隨分蕭盧舊事休

白屋

白屋寒多愛夕曛靜中歸思益紛紛長門誰買千  
金賦祖道虛陳五鬼文地盡更無誰可置竈閣唯

覺并長動明年准擬乘魚住寄謝東隣范史雲

准右

淮右城池幾處存宋州新事不堪論輔車謾欲通  
具會安騎誰當擣薊門細水浮花歸別澗斷雲含  
雨入孤村空餘轉滙傷時語留與累臣一斷魂

徐威卿相過留二十許日將往高唐同

李韓之贈別二首

衣冠八座文昌府襍被三年同會即蕩蕩青天非  
向日蕭蕭春色是他鄉傷時賈誼頻流涕臥病王  
章自激昂保社追隨有成約不應閑塞未相望

東南人物未彫零和氣春風四座傾但喜詩章多  
俊語豈知談笑得新名二年阻絕干戈地百死相  
逢骨肉情別後相思重回首杏花尊酒記聊城

即事

迎豎終當鎗械分揮刀今得快三軍燃燭易盡嗟  
何及遺臭無窮古未聞京觀豈當經羅義表衣自  
合從高熱秋風一拋孤臣淚叫斷蒼梧日暮雲

望王李歸程

一榻霜寒晚思孤眼中行李見歸途虞卿仲子死  
不朽石父晏嬰今豈無義士龍沙元颯尺蠖臣駒

陳自舒徐何時斗酒歡相勞驚看燕家頭白鳥

秋夜

九死餘生氣息存蕭條門巷似荒村春雷謾說驚  
坯戶皎日何曾入覆盆濟水有情添別淚吳雲無  
夢寄歸魂百年世事兼身事尊酒何人與細論

甲午除夜

暗中人事忽推遷坐守寒灰望復燃已恨太官餘  
麩餅爭教漢水入膠船神功聖德三千續大定明  
昌五十年甲子兩周今日盡空將衰淡酒吳天

乙未正月九日立春

十度新正九處家今年癡坐轉堪嗟一冬殘雪不  
肯盡連日苦寒殊未涯重碧總誇燕市酒小紅誰  
記上林花殘魂零落今無幾乞與春風惱鬢華

杏花落後分韻得歸字

懶能醫病類肥鷄膠無那片紅飛殘陽淡淡不  
肯下流水溶溶何處歸煮酒清林寒食過明粧高  
燭賞心遠寫生正有徐熙在漢苑招魂果是非

三僊祠

三僊祠下往來頻憔悴征衫滿路塵簫鼓未休寒  
食酒焦蘇時見舊都人吹殘芳樹紅仍在履破平

田綠已勻西北井州隔千里幾時還我故鄉春

送輔之仲庸還大梁

驕騎爭道渺翩翩誰遣風塵失壯年四壁舊聞懸  
聲宅一囊今有賣書錢淋浪別酒青燈夜滅汝孤  
帆落照邊想得還家過春半故山喬水滿蒼煙

滿江汎舟有懷李郭二公

荷花如錦水如天狼籍秋香擁畫船長白風煙最  
蕭西外臺賓主重留連勝遊每恨隔千里樂事便  
當論百年咫尺西州兩詩客不來同作飲中仙

送柱石

洛陽塵土化繡衣又見孤雲着處飛北渚曉晴山  
入座東原春好妓成圍來鴻去燕三年別深谷高  
陵萬事非轟醉春風有成約可能容易話東歸

眼中

眼中時事益紛然擁被寒窓夜不眠骨肉他鄉各  
異縣衣冠今日是何年枯槐聚蟻無多地秋水鳴  
蛙自一天何處青山隔塵土一卷吾欲送華顛

送杜招撫歸西山社亂後為黃冠師

少日先聲臨虎窟只今騎馬欲雞樓即鄆枕上人  
初覺秋水篇中物已齊父老焦漁知有杜將軍桃

李自成蹊因君喚起思鄉意君在西山我更西

寄欽止李兄

征車南北轉秋蓬關塞相望兩禿翁  
袞袞便當隨世路悠悠難復倚天公  
銅駝荆棘千年後金馬衣冠一夢中  
尊酒雲州古城下幾時携手哭春風

有寄

飛鴻來處是營平喜向斜封見姓名  
千里呂安思叔夜五更殘月伴長庚  
閑河秋興風景暮長路渴心塵  
土生南渡詩人吾未老幾時同醉鳳凰城

鎮州與文舉百一飲

翁仲遺墟草棘秋蒼龍雙闕記神州  
只知終老歸唐土忽漫相看是楚囚  
日月盡隨天北轉古今誰見海西流  
眼中二老風流在一醉從教萬事休

別王使君丈從之

謝公每見皆名語白傅相看只故情  
尊酒風流有今夕玉堂人物記升平  
太山北斗千年在和氣春風四座傾  
別後放教勤更誰接只應偏憶老門生

寄示禪師濟源

白頭歲月坐詩窮止有相逢一笑同  
齋粥空疎想君瘦冠巾收斂定誰公  
夢魂歷歷山間路世事悠悠

悠耳外風見說懸泉好薇蕨草堂知我是隣翁  
時  
避釋老甚急汝  
省巾冠杖飲之句

衡州感事二首

神龍失水困蛟螭一舸倉皇入宋州  
紫氣已沉牛斗夜白雲空望帝鄉  
秋劫前寶地三千界夢裏幾枝十二樓  
欲就長河問遺事悠悠東注不還流  
白塔亭亭古佛祠往年曾此走京師  
不知江令還家日何似湘纍去國時  
離合興亡遽如此樓連雲落竟安之  
太行千里青如染落日欄干有所思  
日一作獨免

望蘇門

諸父當年此往還客衣塵土淚斑斑  
太行秀發眉宇見老阮亡來尊俎闕  
出岫暮雲歸有處按林孤鶴杳難攀  
滂金亭上秋如畫興在青林杳靄間

遺山先生文集卷第九

七言律詩

望松少二首

松少飛來崑閬山，山家茅屋翠微間。鷓鴣鄉社相  
勞苦，花木禪房時往還。結習尚餘三宿戀，殘年多  
負半生閑。長河一帶入千里，望斷西城碧玉環。  
欵鶴池邊萬木稠，蒼龍崖上五峯秋。藤垂絕壁雲  
添潤，澗落哀湍雪共流。田父占年驚玉旆，詩僊留  
迹歎崑丘。西風落日山陽道，空對紅塵憶舊遊。

池在嶽山蒼龍  
崖在五乳峯下

懷州子城晚望少室

河外青山展卧屏，并州孤客倚高城。十年舊隱拋  
何處，一片傷心畫不成。谷口暮雲知鄭重，林梢殘  
照故分明。洛陽見說兵猶滿，半夜悲歌意未平。

別單懷恭府諸君二首

王後盧前舊往還，江東渭北此追攀。百年人物存  
公論，四海虛名只汗顏。詩酒聊堪慰華髮，衡茅終  
擬共青山。相思後日并州夢，常在瑤林照映間。

太行驪秀在山陽，嵇阮經行舊有鄉。林影池烟說  
清供，物華天寶惜餘光。承平故事嗟猶在，雅詠風

派豈易忘，稍待秋風入。涼冷百疊，吾欲醉籌堂。

羊腸坂

浩蕩雲山直，北看峻競羸。馬不勝鞍，老來行路先  
愁遠。貧囊辭家更覺難，衣上風沙，歎憔悴夢中燈  
火憶團圓。憑誰為報東州信，今在羊腸百八盤。

高平道中望陵川二首

此兩首，陵川唐  
君太和，中晉治

列宿澄明墨綬尊，中臺良選到名門。來時珥筆誇  
健訟，去日攀車餘淚痕。一片青山幾今昔，百年莘  
屋記生存。泰和遺老今誰在，向道其棠有子孫。  
鈴閣文書到酒危，諸曹小吏亦抄詩。座中佳客無

虛日，簾下歌童盡雅辭。棠棣有花移舊巧，櫻桃和  
露揮繁枝。書郎零落頭今白，腸斷荷衣出拜時。棠  
棣櫻桃皆當時事。

野谷道中懷昭禪師

行行汾沁欲分疆，漸喜人聲挾兩鄉。野谷青山空  
自繞，金城白塔已相望。湯翻豆餅銀絲滑，油煎茶  
心雪蘂香。說向阿師應被笑，人生生處果難忘。

太原

夢裏鄉關春復秋，眼明今得見并州。古來全晉非  
無策，亂後清汾空自流。南渡衣冠幾人在，西山薇

蕨此生休十年弄筆文昌府爭信中朝有楚囚

外家南寺

在王孝杜子兒  
時讀書處也

驚秋梧動晚烟一庭風露覺秋偏眼中高岸移  
深谷愁裏殘陽更亂蟬去國衣冠有今日外家梨  
栗記當年白頭來往人間偏依舊僧窓借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春  
難老玉女車邊日易斜紀瑞定誰增舊譜換根元  
自有靈砂來遲不及西堂宴猶想分香入棟華

桐川與仁卿飲

瀟瀟茅屋繞清灣四面雲開碧玉環已分故人成  
死別寧知尊酒對生還風流豈落正始後詩卷長  
留天地間海內斯文君未老不須辛苦賦囚山

過濁鹿城與趙尚賓談山陽舊事

廢邑蕭條落照邊山陽遺迹世空傳肺腸未濟猶  
可活灰土已寒寧復然負鼎運來元有力耆桀人  
去更堪憐因君憶得曹瞞事銅雀臺荒又幾年

官園探梅同康顯之賦

柳麥榆椒寂寞邊儘饒梅事得春偏留殘瘦骨猶  
堪畫未展幽香已可憐千里移根自何許數枝臨

水記當年開時重約花前醉試手東風第一篇

十二月十六日還冠氏十八日夜書

少日鸞飛掣臂鷹只今癡鈍似秋蠅  
猶在涉世筋骸老不勝千里關河高骨馬四更風  
雪短檠燈一餅一鉢平生了漸愧南窓打睡僧

別康顯之

玉川文字五千卷鄭監才名四十年誰謂華高吾  
豈敢耻居王後子當然河亭笑語歸陳迹里杜追  
隨失後綠後夜并州月千里南窓尊酒且留連

寄楊飛卿

客亭悠悠信轉蓬梨床殷殷動晨鐘西風白髮三  
千丈故國青山一萬重沙水有情留過雁乾坤多  
事汝秋蟲三間老屋知何處慚愧雲間陸士龍

雨夜

夢裏孤蓬雨打秋茅齋元更小於舟無錢正坐詩  
作柴識字重烏時所警千里謹思黃鶴舉六年真  
作賈胡留并州北望山無敵一夜砧聲人白頭

東平送張聖與北行

天山曾望使車還官柳青青此重攀去國衣冠元  
易感中年親友更相關簾雲自可無千里隱霧難

教見一斑海內文章在公等不應空老道途間

別張御史特字

晚學天教及老成翰林詩裏羨鴻冥馬中翰父特字御史詩有鴻冥雄辯之句

筆跡此日歸顏巷銅墨當時動漢庭華袞設勞紆

直筆御史見此之行過有褒稱絳帷無復與橫經祇應千里并州

道常並虛危使德星

出東平

老馬凌兢引席車高城四首一長嗟市聲浩浩如

欲沸世路悠悠殊未涯潦倒本無明日計往來空

置六年家東園花柳西湖水剩看新詩到處誇

再到新衛

蝗旱相仍歲已荒伶俜十口值還鄉空令姓字喧

時輦不救飢寒趁路傍行帳馬嘶塵頰洞空村人

去兩淋浪河平千里筋骸盡更欲驅車上太行

別寇氏諸人欣城教八月初二日

東舍茶潭酒味新西城紅艷杏園春衣冠會集今

為戚里社追隨分更親分手共傷千里別低眉常

愧六年貧他時細數平原客看到還鄉第幾人

入濟源寓舍成城二日

未辦驅車上太行主人留此避風霜遺編陸簡文

章爛燻食蠶衣歲月長奮迅蒼嫻扶老杖龍鍾今  
屬負喧牆壁中刺刺聞人語季子金多過洛陽

鎮平縣齋感懷

四十頭顱半白生靜中身世兩閑情書空咄咄知

誰解擊缶鳴鳴却自驚老計漸思乘款段壯懷空

擬漫崢嶸西窓一夕無人語挑盡寒燈坐不明

野菊再奉座主開閣公命作

晚景瀟疎畫不成晚花作意出繁英鮮明獨向霜

露見爛熳却隨蒿艾生南國騷人知有待西風胡

蝶更多情南山正在悠然處安得芳樽與細傾

五月十二日座主開閣公諱日作

厝火誰能抹已然直教憂疾逸華顛贈官不暇如

平日草詔空傳似奉天故壘至今埋恨骨遺宗何

力起新阡門生白首渾無補陸氏莊荒又一年

四哀詩

李欽叔

赤縣神州坐陸沉金湯非粟禍侵尋當官避事平

生耻視死如歸社稷心文采是人知于重交朋無

我與君深悲來不待山陽笛一憶同衾淚滿襟

冀京父

先公藻鑑識絳童曾拔崑山玉一峯木見連城沽  
白壁蚤聞烈火燎黃琮重圍急變紛紛口九地志  
現耿耿胸欲吊南雲無覓處士林能不泣相逢

李長源

冀都事死東州禍李翰林亡陝府兵方為騷人箋  
楚些更禁書客墮秦坑石苞本不容豫楚黃祖安  
能貸桐衙同甲四人三橫實此身雖在亦堪驚

王仲澤

太學聲華弱冠馳青雲岐路九霄飛上前論事龍  
顏喜暮下籌邊犬吠稀壯志相如頭碎柱赤心猗  
組血沾木從來聖蹟褒忠義誰為幽魂一發輝

過詩人李長源故居

楚些招魂自往年明時真見抵深淵巨繁有鉅雖  
堪釣怒虎無情可重編千丈氣豪天也妬七言詩  
好世空傳傷心鸚鵡洲造淚却望西山一法然

己亥十一月十三日雪晴夜半讀書山

東麓看月

四山寒雪夜深明未恨崔嵬失舊青青女有功加  
粉澤素娥無意惜娉婷做雲河漢非人世太古鳩  
荒凡典刑刻着新詩記今夕年年來醉半山亭

明日作

晴光見濛入危闌萬象都歸一色看搖筆尚堪凌  
浩蕩舉盃誰與慰荒寒化成銀界清涼近散盡冰  
花碧海乾後夜霜空月輪滿可無秦女共懸鸞

杏花二首 庚子歲 兩夜賦

芳樹春融絳蠅凝春風寂寞掩柴荆盡眉釐女嬌  
無奈齟齬孫娘笑不成已怕宿粧添黛粉更堪蟻  
藥鬧蜂聲一殿踈影黃昏月獨愛寒梅恐未平

一穗蘆鞭一穗塵西園紅艷眼中新帽簷分去家  
家喜酒面飛來片片春梅柳幾曾同故事櫻桃繞  
得綴芳辰荒城此日腸堪斷老却探花筵上人

醉後

蚤歲披書手不停中年所得是忘形天公不禁人  
間酒崔瑗虛留座右銘身後山丘幾春草醉來日  
月兩秋螢柴門老雨青苔滿一醉狂歌且自聽

賦南中楊生玉泉壘 壘不用扣烟 而用盤珠

萬竄玄珠一唾輕客卿新以玉泉名御園更覺香  
為累冷劑林誇漆點成洗袖秦郎無藉在畫眉張  
遇可憐生晴窓弄筆人今老孤負松風入硯聲 中

以限題 磨墨 圓為畫眉壘



贈張文學御史

安穩蓆床坐欲穿合教絕學到真傳清貧自苦知  
何負神理無憑恐未然廉孔尚憐孤竹餓龍頭誰  
識管寧賢無窮白日青天在會有先生引鏡年

寄荅飛卿

一首新詩一紙書喜於滄海得遺珠古來獻玉猶  
難售此日聞韶本不圖白雪任教春事晚青天終  
傲月輪孤并州命駕繞千里稽呂風流未可無

留別龍興汴禪師普照繼禪師

十年不見木庵師二老相從又一時便曲只知無  
白雪遺音誰謂有朱絲書難盡信何如默人各為  
家狂自松三月春風滿桃李青青留看歲寒枝

赤石谷

林塲陰崖霧杳冥石根寒溜玉玎玲雲來朔漢疑  
秋早山近清涼覺地靈詩變鳥聲存野調關雎人  
跡帶塵腥南臺說有金銀氣可是并汾處士星

山僧徒謂之小五臺九月  
中時有景星如佛光云

贈揚君美之子新甫

書林頭白坐吟呻青佩橫經更幾人絲角未逢韓  
吏部伏膺先就楚靈均岳蓮盡發三峯秀玉樹初

開三月春看取揚家伯男子今年天壤姓名新

聽亭同麻知幾賦

零落樓邊復此遊一尊聊得散羈愁天圓平野莽  
無際水遠孤城閒不流元是海字加與  
贈子改作贈子柳意漸迴淮浦  
暖鴈聲仍帶塞門秋登高望遠令人起欲買烟波  
無釣舟

荅公茂

文昌除目入驚看似覺規摹到漢官冀北已空天  
下馬江東全倚謝家安黃圖赤縣風流在碧落銀  
河病眼寬林下竹平有他日草堂應許駐金鞍

過應州

平野風埃接戍樓邊城三月似窮秋人家土屋繞  
容膝驛路梅車不斷頭隨俗未甘嘗馬逐敵寒直  
欲御羊裘十年紫禁煙花繞此日雲山是應州

應州寶官寺大殿

縹渺層簷鳳翼張南山相望鬱蒼蒼七重寶樹圍  
金界十色雲華擁畫梁鳩團想從遼盛日閱人真  
是魯靈光請看孔釋誰消長林廟而今草又荒

懷安道中寄懷曹微君子五

儲水歡游事已非褒山回首重依依義熙留在陶

元亮華黍來歸丁令威袖裏短書懷老筆夢中蟠  
腹見囊衣稅君飽喫殘年飯會有隣牆白版扉

五月十一日樛軒老忌辰追懷

遺後交情老更傷每逢此日倍難忘神光何處理

泉壤落月無言滿屋梁祕閣圖書疑外府謝家蘭

玉記諸郎靈均謾倚騷經在宗國河山半夕陽

公為亂家所  
感有上句

感事

富貴何曾潤鶴臙直須浙米向牙頭血誓此日逢

三怨風鑿生平備九沅瓢飲不甘顏巷樂市餅真

有楚人憂世間安得如川酒力士鑑頭醉死休

玉溪端氏

邂逅詩翁得勝遊煙霞真欲盡栽丘玉溪如此不

一到今日曠然消百憂林影蒼茫開暮曉岸容蕭

洒帶新秋酒材已辦須君釀要及西風入釣舟

筆不注山濟南

元氣遺形老更頑孤峯直上玉屏頰龍頭突出海

波沸鯨足斷來天宇闊齊國伯圖殘照裏謫仙詩

興冷雲間乾坤一劍無人識夜夜光芒北斗寒

岳鮮元生日初歲

天日晴明見岳時只君消得謫仙詩鶯花到處供  
杯酒霜雪何緣點鬢絲已辦紫雲新活計又添驥  
子好男兒扶風里杜他年看闌簇靈椿挂五枝

感興夜宿嶺  
書山作

倚梯從昔望烟霄七葉何人竟珥貂道路常教車

歷鹿功名唯有鬢飄蕭勤如韓子初無補晚似馮

公直見招五十三年等閑裏一窓風葉雨瀟瀟

晨起壬寅正  
月九日

燈火青熒語夜闌柴荆寂寞掩春寒歡悵已向杯

中減老態何堪鏡裏看多病所須唯藥物一錢不

直是儒冠學鯨莫倚平生手只有東溪把釣竿

經管神山  
別業故云

送周帥夢卿之關中二首

狼藉麻衣見酒痕憶君醉別柳邊村離愁擾擾理

還亂來事慙慙誰與論瘴海漸添春浪闊冰崖唯

覺暮烟屯人間底似三峯好箭管通天有一門

風華漠漠水迢迢長記金鞍入灞橋鬢髮而今滿

霜雪羽毛此日是雲霄火餘西谷青猶峙春動長

陵紫未消射虎南山付公等可能仙掌不相招

感事

砥疇歸來位望尊駸駸雷李入平吞飢蛇不計撐  
腸裂老虎爭教有齒存神理定須償宿業債家猶  
足視驚魂且看含血曾誰異猪鬣闕頭是鬼門

十月二十日雪中過石巖閣

老天點慘入平蕪朔吹崩奔萬竅呼雪意旋樵行  
路景詩家新有入閱圖地壘圍坐慚田父絮帽衝  
寒恐僕夫故國煙花重回首蜀檜山齋記金壺

并上書辛國幕府感懷呈賈明府

兵家世下乏小杜風鑿今惟如老靡自許奇謀傾  
幕府不防幽夢落蓬窓驚鳥繞月枝難穩羸驥嘶  
風氣未降愛惜平生請緩手一策休憶弄秋江

春樂

草木荒城屋數椽春寒閒巷益蕭然  
奴燕費頭如祿推女跳梁復又穿白石鯉魚空尺半米門食  
客自三千松枝塵尾山中滿去去南華有內篇

即事 商帥圖畫  
九先生

適客而今不屬官住山盟在未應來書生本自無  
燕領造物何嘗戲鼠肝會最指天容我懶鴟夷威  
酒盡君歡到家慈母應相問為說將軍禮教寬

示懷祖

憔悴經年卧澗阿囊中無物只詩多自驚白鬢先  
番岳人笑藍衫似采和拘盜鷄鳴皆有用鶴長九  
短果如何乘閒便作歸田賦付與牛童扣角歌

示崔雷詩社諸人

一寸名場心已灰十年長路夢初回江山似許供  
詩筆康瓠猶能到酒杯賣銀買牛真得討腰金騎  
鶴恐非才游從肯結鷄豚社便約歲時相往來

弘州贈曹文子玉

丘園舊德詢幽及表褐今聞識姓名故國衣冠有  
遺老歲寒松栢見交情寄書千里空頭白握手一  
盃俱眼明來往襄陰從此始剩將歌笑慰生平

和仁卿演太白詩意二首

蕭蕭窓竹動秋聲紫極深居稱野情靜坐且留觀  
衆妙還丹無用說長生風流五鳳樓前客寂寞千  
秋身後名解道田家酒應熟詩中只合愛淵明

蕭蕭窓竹動秋聲蒼間白雲澹以成白雲朝飛本  
無意白雲暮歸如有情淵明太白醉後醉李主唐  
生鳴自鳴四十九年堪一笑昨非今是可憐生

燕府白兔

仙顏迷離望莫攀爭教失脚下高寒吸殘瀨露瑤

窓曉搗盡玄霜玉杵閑顧影乍疑雲外見寫生何似鏡中看揭衣擾擾皆三窟幾在祥經咳唾間

梁都運亂後得故家所藏無盡歲詩卷

見約題詩同諸公賦

飛亭四望水雲寬亭上高人香莫攀已就湖山攬奇秀更教鄉社得安閑風流豈落正始後詩卷常留天地間勝賞休言隔今昔肩吾新自會稽還

出都二首

漢宮會動伯鸞歌事去英雄不奈何但見蘇稜上金爵豈知荆棘卧銅駝神仙不到秋風客富貴空悲春夢婆行過廬溝重迴首鳳城平日五雲多歷歷興亡敗局恭登臨疑夢復疑非斷霞落日天無盡老樹遺臺秋更悲滄海忽驚龍穴露廣寒猶想鳳笙歸從教盡刻瓊華了留在西山儘浹岳

宮有項華名他項慶東殿故為黃五軍所撤

癸卯望宿中霍道院

塵猷沉沉轉素蟾長松栩栩擁高簷湖山已為新晴好風露還疑此夜添身外作綠良自苦世間除睡更無甜後堂借宿從今始便約兒童具米鹽

甲辰三月旦日以後雜詩三首

應接紛紛又快句枉教虛負杏園春尋芳自分無開日載酒寧知有故人花柳得時俱作態川原經雨更無塵憑君莫惜尊前醉看即青梅入座新  
嫩嫩猩紅鬧曉晴攢頭真似與春爭舒開楊柳聊相映瘦枝寒梅在自清粉艷故回工作態絳唇寢寢獨含情畫圖只愛殘粧好未信徐郎解寫生  
密霧輕塵細洒勻綠雲紅雪一番新風光爛熳供歡席酒味清醇似主人落落湖山如有喜欣欣魚鳥亦相親新詩偶入奚奴歸從此他鄉不算春

紫牡丹三首

金粉輕粘蝶翅勻丹砂濃抹鶴翎新儘鏡姚魏知名早未放黃徐下筆親映日定應珠有淚凌波長恐穠生塵如何借得司花手偏與人間作好春  
夢裏華胥失玉京小闌春事自昇平只緣造物偏留意須信九花浪得名蜀錦浪淘添色重御爐風細覺香清金刀一剪腸堪斷綠鬢劉郎半白生  
天上真妃玉鏡臺醉中遺下紫霞盃已從香國偏薰染更惜花神巧剪裁微度壽薰時約略驚移鸞影却低回洗粧正要春風句寄謝詩人莫漫來

與同年敬鼎臣宿順天天寧僧舍

蕭蕭風雨打僧窓，耿耿青燈對客床。每恨相望隔  
閑塞，豈知連日醉壺觴。萍蘆味薄堪長久，茅屋寒  
多且閉藏。三十餘年老兄弟，此回情話獨難忘。

贈答樂大舜咨

舟車何地得通津，書疏相忘意更親。但愛栢臺推  
峭直，豈知梅賦更清新。兩郡秋色昔喬木，蒼舊風  
流有幾人。詩酒陪從約他日，鷄川已許濯纓塵。

都運李文哀挽

平日剛稜觸禍機，老年天遣故鄉歸。登車攬轡名  
空在，濯足臨流事已非。白鶴會須尋舊約，青蛇猶  
解避餘威。李文哀於壬寅夏六月  
吳香滿堂三日地不化西州正有花千樹，淚

盡羊雲醉後衣。

贈答郝經伯常伯常之大父子少日從  
之學科舉

故家珠玉自成淵，重覺英靈賦子偏。文陣自憐吾  
已老，名場誰與子爭先。捧觴正有五千卷，下筆須  
論二百年。莫把青春等閑了，蔡邕書籍待渠傳。

呂園村家醉飲

世事悠悠殊未涯，七年回首一長嗟。虛傳庾信凌  
雲筆，無復張騫犯斗槎。去國衣冠有今日，春風桃

李是誰家，螺臺刺有如川酒斲為紅塵拂鬢華。

洛陽

十年河岳控喉襟，一日神州見陸沉。已為操琴感  
衰涕，更須同草夢秋。衾城頭大匠論蒸土地，底中  
郎持撲金。擬就天公問翻覆，蕭蕭葉丹碧果何心。

過三鄉望女几鄉，追懷溪南詩老辛敬  
之二首

雲際虛瞻處士星，紫頭多負讀書聲。筆端有口傳  
三篋石上無禾養，百齡從昔葛陂終變城。孤今韓  
撤謾英靈，因君重為前朝惜。枉破青衫買一經，凡  
之論幾  
山土人語

萬山青繞一川斜，好句真堪字字誇。奈擲泥塗豈  
天意，折除時命是才華。百錢卜肆成都市，萬古詩  
壇子美家。欲就溪南問遺事，不禁衰涕落烟霞。

為鄧人作詩

再見州人本不期，相留相挽恐相違。携盤渭水堪  
流涕，種柳金陵已合圍。事去恍疑春夢過，眼明還  
作故鄉歸。題詩未要題名字，今是中原一布衣。

贈張主簿傳

江岸墳荒草棘秋，朱陽南下重君憂。弓刀迭塞人

烟少林壑經霜虎迹稠  
義報無由從今弟妹通家了  
莫向瓜田認故侯

克克作能  
過險惡道

望廬氏西南熊耳嶺

不到中鄉十五年  
忽驚行色是廬川  
已占介福歸

王母未信羈魂似粵阡  
時為顧存慙走報

破屋江聲裏坐想孤城一法然

寄劉繼先

清霜茅屋耿無眠  
坐憶分携一慨然  
楚客登臨動

歸興謝公哀樂感  
中年變凉古驛人  
煙外迤邐荒

山雪意邊千樹春  
風水楊柳待君同  
繫晉溪船

寄楊弟正卿

馬迹車塵漫白頭  
蒼生初不待君憂  
且從少傅論

中隱儘要元規擁  
上流東閣官梅動  
詩興洞庭春

色入新筍歸程未  
覺西巷遠夜夜清  
伊繞石樓

西巷以名酒甲第中半賦歡深詩有杜瀟竟  
逐西風落後蕭清溪繞石樓之句故兼及之

為鮮于彥魯賦十月菊

清霜浙浙散銀沙  
鷺見芳叢閱歲華  
借煖定誰留

翠被鍊顏應自有  
丹砂秋香舊入騷  
人賦晚節今

傳好事家不是西風苦  
留客衰遲久已避梅花

贈荅同年敬鼎臣

四海屏山放一頭  
爭教塵土走東州  
長身奉米侏

儒飽束髮從軍安  
尉侯千首新詩工作  
崇百壺清

酒未消憂悠悠世事  
今如此付與烟波著  
釣舟

寄英上人

世事都銷酒半醺  
已憚度外置紛紜  
乍賢乍佞誰

為我同病同憂只有  
君白首供傷千里別  
青山真

得幾特分相思後  
夜并州月却為湯休  
賦碧雲

寄荅仰山謙長老

木菴推出謙書記  
乞與雲林百自由  
想得驅驢入

招隱勝林騎鶴上  
揚州表租皆喜芋  
初熟一鳥不

鳴山更幽日暮王  
城市聲合松風亭上  
莫迴頭

所建

九日登平定湯雲樓  
故基樓即閣闕公

詩翁曾此宴重陽  
老樹遺臺認醉鄉  
流水浮生幾

今昔高秋雲物自  
變涼飛來野鶴聊  
堪喜望隔長

鯨又可傷額是風  
沉未全減白頭門  
客有王揚

無幾梅子晒在坐  
公在郡時學生也

平定鵝山神應王廟

古柳輪囷欲十圍，鶴山祠廟此遺基。萬金良藥移造化，老眼天公誰耦時。已為養生証，羊豹不應遭網廢。元龜半生磊砢，沈沈仍在擬問靈。君乞上池

寄荅商孟卿

窈渺朱絃寂寞心，得詩何啻得南金。冷猿挂夢山月曠，老鴈叫群江渚深。異縣五年仍隔濶，荒城連日想登臨。書來且只平安了，撥觸離愁恐不禁。

荅石子章因送其行

石梁詩好先知名，尊酒相逢意自傾。寶劍沉埋惜元振，鐵檠豪宕見胡鉦。蓋田月出多重暈，嶺霧餘即大鳴。後日天山望，征騎燕鴻歸處是雲程。

留別仲經

來時兒女拜燈前，此日壘觴是別筵。聚散共知陰有數，笑設爭遣病相先。秋風古道將誰語，殘月長庚更可憐。鷓鴣魚梁一村落，若為還似浙江邊。仲經方始

別周卿弟

晚歲論詩辱見收，相從許久重相留。苦心亦有孟東野，真賞誰如高蜀州。萬壘寒雲度歸鴈，孤洲春水澹沙鷗。荒城後日思君處，風色蕭蕭人白頭。

寄叔能兄

星斗龍門姓字新，豈知書劍老風塵。郎君未省曾開閣，王翰何緣得買隣。銀燭對談辭館夜，雪榜同醉浙江春。紙應千里東州月，處處相逢即故人。

賀威卿徐弟得旌

利市金錢四座俱，阿卿新喜到充闈。跨牛楊朴空顛酒，秣驥王良已問途。桂出孫枝知秀發，鳳離丹嶠亦舒徐。明年別作飛黃句，來賀君家第二雛。

遺山先生文集卷第九

道山先生文集卷第十

七言律詩

追錄洛中舊作

樂府新聲綠綺裘  
深州舊曲錦纏頭  
酒兵易壓愁城破  
花影長隨日脚流  
萬里青雲休自負  
一莖白髮盧堪羞  
人間只怨天公了  
未便天公得自由

東園晚眺

東平

霜髮蕭蕭試鍾看  
怪來歌酒百無歡  
舊家人物今誰在  
清鏡功名歲又殘  
楊柳挽春出新意  
小梅留雪弄餘寒  
一詩不盡登結興  
落日東園獨倚欄

十一月五日覽往西張

城隈細路入沙汀  
絮帽衝風日再經  
歎歲村虛更荒惡  
窮冬人影亦伶仃  
林煙漠漠鴉遶暗  
山骨稜稜雪外青  
四十年來此寒苦  
凍吟猶記隴關亭

石嶺閱書所見

軋軋旃車轉石槽  
故關猶接戍弓刀  
連營突騎紅塵暗  
微服行人細路高  
已化蟲沙休自歎  
厥逢豹虎欲安逃  
青雲玉立三千丈  
元只東山意氣豪

陀羅峯二首

念念靈峯四十年  
一來真欲斷九緣  
鑿開混沌露

元氣散布兜羅弥  
梵天雲卧無時不  
開在棲居何處得  
起然殊禪莫詫清  
涼傳會與茲山續  
後篇

每恨奇探負盛年  
松崖今喜入攀緣  
初驚靈鷲多

飛石更信金牛有  
漏天鄉國登臨乃  
如此名揚馳

逐亦徒然留詩便  
與香泉約起本西  
游第一篇

平陽傳 楚太泉

追懷普微君

生死論文不易忘  
一回言別淚千行  
空勞結伴歸蓮社  
無復題詩寄草堂  
楚國先賢宜有傳  
寧尸羸鬼謾思鄉  
因君錯怨天公了  
且道今誰曉節昌

春日書懷呈劉濟川

鄉社荒殘住不成  
無端蓬草掩柴荆  
沉年又見東風菜  
樂土空懷北斗城  
父老只供留我醉  
兒童也喜從君行  
周侯兒說應相笑  
共隱三泉先有盟

東萊見本 東萊亦

晉溪

石磴雲松着色屏  
岸花汀草展江亭  
青瑤疊甃懸甕白  
玉雙龍掣迅霆  
地脉何嘗問今昔  
尾閭其解泄滄溟  
乾坤一雨兵塵了  
好就川妃問乞靈

岳家千里駒



蜀客淒涼土一立身後還有化身愁靈椿丹桂偶  
相值蕙草清霜寧久留掌中玉雪恩憐在筆底雲  
烟取次休過眼空華只如此不如無子却無憂

七月十二日行狼牙嶺

狼牙路滑馬伶俜老鶴起起欲上征一曲松風寫  
幽致九秋雲物愴離情天開貝嶠方壺境澗落銀  
河月窟聲觀面青山入梁手定誰胸次玉崢嶸

十三日度岳嶺

神岳規模亦壯哉上階絕境重裝回丹青萬木秋  
風老金翠千峯落照開川路漸分猶暗澹湍聲已  
遠更凄哀右門刺比靈丘遠正坐登臨欠一來

玉泉二首

神岳提封入寺基上公官秩見僧碑雲巖佛屋晴  
猶暗樹近禪窓老更奇竹杖只供行險易藜衣偏  
與望川宜同特不及髯中令猶得泉名比鳳池  
玉水泓澄古殿隅又新名第不閔深每因天日流  
金際更憶風雷裂石初百里官壺分韻勝千人齋  
粥薦甘餘八功德具休誇好玩景臺荒有破除

寺東北有玩景臺深得神川之勝  
導者撰引之荒山一夫故有二句

玄都觀桃花

前度劉郎復阮郎玄都觀裏醉紅芳非關小雨能  
留客自是桃花要洗粧人世難逢開口笑老夫聊  
發少年狂一盃盡吸東風了明日新詩滿晉陽

贈張致遠

茅屋蕭蕭潁水濱兩山相望即此隣禪房道院留  
連夜酒柱詩囊浩蕩春老鶴千年見城郭徵君晚  
跡旁風塵相逢不盡平生意蒼蒼風沉有幾人

夜宿秋香亭有懷本菴英上人

兄弟論交四十年相從旬日却無緣去程冰雪詩  
仍在晚節風塵私自憐蓮社舊客元亮酒塵溪多  
負子猷紅茅齋一夕愁多少窓竹蕭蕭耿不眠

沐樾除夜述懷

六街歌鼓待晨鍾四壁寒齋只病翁鬢雪得年應  
更白燈花何喜也能紅養生有論人空老祖道無  
詩鬼亦窮數日西園看車馬一番桃李又春風

與馮呂欽秋香亭

三子皆香友  
之號齊生

龐眉書客感秋蓬更在京塵頌洞中莫對青山談  
世事且將遠目送歸鴻龍江文采今誰似鳳翼  
承年先夢已空剩看新詩記今夕尊前四客一  
衰翁

來武子告

生氣曾思作九原，迷塗爭得背南轅。  
梁鴻故事要離墓，衛國孤兒祗樹園。  
藉藉說布衣，甘肱今傳史筆記。  
歸元知君祿仕無心在，桂孝終當到李源。

贈李春御

賈十郎家指額間，因君我亦愛西山。  
丹房藥鏡平生了，禪榻茶煙歲月閑。  
春甕有情供白墮，秋風無力損紅顏。  
重來已有明年約，剝破都城幾往還。

甲辰秋留別丹陽

踈疎衰柳映金溝，祖道都門復此留。  
千里關河動歸興，九秋雲物發詩愁。  
嚴城鍾鼓月清曉，老馬風沙人白頭。  
後夜相思渺何許，西山西畔是并州。

龍興寺閣

全越堂堂入望寬，九層飛觀儘高寒。  
空閣赤幟疑軍壘，真見金人泣露盤。  
桑海幾經塵劫壞，江山獨恨酒腸乾。  
詩家揜道登臨好，試就遺臺老樹看。

別緯文元

玉壘浮雲變古今，燕城名酒足浮沉。  
眼中誰復承平舊，言外驚聞正始音。  
吳縣他鄉千里夢，連枝同氣百年心。  
行期幾日休相問，觸撥羈愁恐不禁。

竇掾端甫比上

馬頭風雪遠相迎，颯沓弓刀四十程。  
自是青雲動高輿，未甘白髮老諸生。  
書來沙漢燈花喜，夢到秦川煙樹平。  
長句逸君還自愧，半山已有鴈飛行。

答定齋李兄

小山藪桂姓名香，舉世何人得鴈行。  
滄海揚塵幾今昔，長庚配月獨淒涼。  
虛勞裝相求白傅，正倚源明識漫郎。  
十載相從未言晚，城南泉石有雲庄。

空山何巨川虛白菴二首

舊向韋編悟括囊，肯隨文本被青黃。  
吉祥止處無餘物，知見薰來有底香。  
空谷自能生地籟，浮雲爭得翳天光。  
只愁八月風濤壯，夢裏江聲撼客床。

露菊霜菜薦枕囊，石泉崖窰破松黃。  
只緣山遠無來客，更覺心清聞妙香。  
碁局儘堪消日歇，吟毫真合染溪光。  
剝談不盡江湖景，重與青燈約對床。

聽姨女喬夫人鼓風入松

白雪朱絃一再行，春風纖指十三星。  
雲窓霧閣有今夕，寶曆羅裙無此聲。  
蕭洒寒松度虛籟，悠颺飛絮攬青冥。  
胎僊不比相靈瑟，五字錢郎莫漫驚。

哭樊帥

自倚沉寃有舌存，教無路叩天闈。  
裝囊已竭千金賜，絕幕誰招萬里魂。  
東道漫悲梁苑客，南園多負壽張孫。  
春風花落歌聲在，夢裏能來共酒尊。

寒食 王子清明後作

上苑春風感物華，天津雲錦赤城霞。  
輕舟煥馬追隨遠，翠幙青旗笑語譁。  
化國樓臺隔瀛海，吳兒洲渚記仙家。  
山齋此日腸堪斷，寂寞銅鞮對杏花。

述樊頌之

弓刀十驛岳蓮州，渭水秦山得意秋。  
王粲從軍正年少，庾郎入幕更風流。  
寒鄉况味真鷄肋，清鏡功名屬虎頭。  
寺謝溪風亭上月，老夫乘興欲西游。

蜀昭烈廟

合散扶傷老益堅，荒祠重過為凄然。  
君臣洒落知無恨，庸蜀崎嶇亦可憐。  
一縣山陽堯故事，三年章武魏長編。  
錦宮羽葆今何處，半夜樓桑叫杜鵑。

宿翠屏口

鬢髮蒼白葛衣寬，事外閒身也屬官。  
授簡如聞數杖叔，乘車初不少馮驩。  
沙城雨蜀名空在，石峽風來夏亦寒。  
兩飽三飢已旬日，盧勞兒女勸加餐。

王敦夫祥止庵

三樂人推二樂全，有親可事子能傳。  
舊時詩禮聞家學，此日丹砂見地仙。  
僊蕩蕩天光虛室外，融融和氣彩衣前。  
情知不羨燕山桂，一樹靈椿歲八千。

過寂通庵別陳丈 甲辰秋

陳丈未識某，而愛其詩。曾對高御史，士美言我他日見。遺山當快飲百醉後見之，而公已病。乃相約易百醉為百杯，每見以酒籌計之，至七八十杯，復有此別故詩中及之。

故詩中及之

心遠由來地自偏，不離城市得林泉。  
從教上界多官府，且放閒身作地仙。  
三月有期何敢負，百杯未滿會須填。  
遠離更覺從公晚，却望都門一慨然。

梁移忠詩卷

一箭功成塞上歸，延翁垂白藉扶持。  
燕雲義俠風流遠，里社陰功父老知。  
龍種作駒元自異，虎頭食肉未應遲。  
高門更與增華表，丁令還家先有期。

運文已下世秋詩中及之

喬千戶挽詩

高塚驚看石表新，空將事業望麒麟。  
燕遼部曲千夫長，楚漢風雲百戰身。  
赤羽有神留絕藝，素旗無

誅記連姻陰功未報天心在累將重俟又幾人諸女仁婦

贈王仙翁道成

宛然休驚白髮新奕棋翻覆見來頻燕南趙北留  
詩卷王後蘆前盡故人平地青雲一炒藥蒲都喬  
木百年身憑君剩醉浮香酒名深苑而今不第春

常仲明教授挽辭

雲際虛瞻奕士星豈知談笑已忘形鎮州肥膩無  
毫髮晉堯真淳有典刑白帽枉教淹晚節綠囊元  
擬濟含靈汝南後日先賢傳猶欠知幾為勒銘州碑

鄉人家廟賦與知幾游  
從如靈昭終味明了

追錄舊詩二首

短褐單衣長路塵十年回首一吟呻孤居無着竟  
安往宿債未償今更新相馬自甘齊客瘦食鮭誰  
顧庾郎貧聞君話我才名在道儒冠已悞身白用韻  
茶蘼  
潦倒聊為隴畝民一犁分得雨聲春功名何物堪  
人老天地無心誰我貧穎上雲烟隨處好洛陽桃  
李幾番新悠悠世事休相問半麥今年晚得辛用韻  
祖韻

丁未寒食歸自三泉

春山晴暖紫生煙山下分流百汊泉未放小桃紫

野景已看茅屋映秋千飢鳥得食爭相喚醉叟行  
歌只自願寒食明年定何許故人尊酒且留連

即事呈邦瑞

鄰莊父子重相留似為良辰散客愁陋巷新成一  
茅屋今年連醉兩中秋開尊便覺賢人近汗足寧  
論力士羞明日燕臺傳盛事坐中賓客盡名流

和白樞判李定齋有詩寄白以因風何

惜教行書為落句白酬荅云欲搜春草

池塘句藥裹閒心夢不成余平解之

金粟崗頭有髮僧遙知默坐對龕燈書郵但覺浮  
沉久詩卷何緣唱和魯白日放歌須縱酒清朝有  
味是無能相逢定有池塘句藥裹閒心恐未應

慶高評事八十之壽

圖畫克民大朴存衣冠薰得見高門種松千歲如  
種德教于一經今教孫代日舒長留暮景秋風狂  
落變春溫聘君羔鴈休疑晚正及新年薦壽尊

超然王翁來挽

直擬期頤薦壽尊却從圖畫記生存百年喬木衣  
冠古一夕西庵笑語溫故事未嘗通德里素風多  
負讀書孫吳陳諸老今誰在城淡歸鴻是薊門

大名贈荅張簡之

營平豪宕變溫文所見今知勝所聞只道生涯無  
長物爭教詩墨策奇勲伐薪未致頌名士載酒能  
來過子雲後日山陽養衰疾藥籠僂品正須君

燕都送馬郎中北上

功曹此日漢蕭何家世當年老伏波但愛紅蓮映  
芳渚豈知寒谷變陽和珠囊不載摸糊錦銀管先  
書茂異科太史占天應有喜一星朝處五雲多

馬雲漢方鏡背有飛魚

初火依然百鍊初護持元自有神魚影寒似覺雲  
屏透光落應分玉斗餘開朗休嫌露圭角圓通寧  
復滯方隅衣冠正了澤閑在一片靈臺欲付渠

贈荅鴈門劉仲脩

仲脩省郎兼傳過新典有詩見及推激  
過稱甚非襄謬所宜得者媿汗之餘輒  
用韻為謝仲脩詩律深密得於尊公風  
山老人過庭之訓且其類壯絕類吾友

李從事長源故篇中有及

車騎雍容一坐傾并州人物未凋零共知祭酒傳  
家學劉向劉向獨愛中郎餘典刑東壁圖書欣有託南

溪風浪駭初經少微見比吾何敢洗眼德槎候客  
星

餘慶堂

五年霜戟照康莊萬里春風擁畫梁已覺并汾增  
勝氣更從玉帛借餘光靈椿丹桂知難老玉節金  
符豈易量刺着機毫授辭容南堂兼是揀華堂

寄荅劉生

西州消息到東山懷袖新詩百過看白壁明珠驚  
照座朔雲寒雪入憑欄省郎共結交情厚野老還  
欣禮數寬後日秋風一尊酒草堂應得駐金鞍

別董德卿

爛醉秋風四十場此回歌笑重難忘揚雄詞賦金  
誰識陶令田園先已荒同甲弟兄雖異姓官游州  
郡即吾鄉懸知後日登高地刺為行人望太行

送端甫西行

瀛洲人物早知名車騎雍容一座傾美酒清歌良  
有味綠波春草若為情渭城朝雨三年別平地青  
雲萬里程老我秦游舊魯約夢中僊掌已相迎

讀李狀元朝宗禪林記

李守濟州城破不屈節死贈鄉郡刺史  
偶向禪林見舊文濟陽南望為沾巾張巡許遠古

亦少烈日秋霜今更新十字豐碑誰回千百城降  
虜重王臣知君不做科名重元是中朝第一人

同嚴公子大用東園賞梅

東園官梅要洗粧青雲公子不相忘翰林風月三  
千首樂府金釵十二行佳節屢從愁裏過老夫聊  
發少年狂花行更比柳行好誰道并州是故鄉

中齋先生出示

先大夫教子詩及裝內翰擇之所迷家  
傳愛仰不足情見于辭

嚴訓常如天日照名家元自古今同只知楊兼餘  
清節爭信譙玄有素風獨行傳第一人通德里門傳故事安  
平韻語到兒童青青留在懷賢樹愛殺晉南一畝

賀中齋老再被官

思綸

萬古千秋麗澤堂紫泥恩詔姓名香洽朝例有高  
年敬神理終歸晚節昌東魯儒生傳舊學曹南方  
志發幽光李春羔鴈秋風酒准擬年年薦壽觴

趙汲古南園分得

林園近與六街隣塵漲都歸一水分魚樂定從濠  
上得竹香偏何雨中聞接籬倒着容山簡老屋高

眠稱陸雲尊酒相陪有今日却愁詩壘不能軍  
柳亭兩夕與高御史夜話

關塞無緣笑語同偶然情話此從容青天蜀道不  
得過山色歸心空自濃九日茱萸藍澗酒十年朝  
馬景陽鍾三間老屋知何處惆悵雲間陸士龍高

王峯魏文哀挽

風馭翩翩渺獨征幾人終始復哀榮祗緣大事存  
遺藁重為斯文惜主盟北斗太山初未滅秋霜烈  
日凜如生莫疑知已無從報直筆君看戮進明

清明日改葬阿辛

掌上青紅記點粧今朝哀感重難忘金環去作誰  
家夢綵勝空期某氏郎一瞥風花終過眼百年冰  
藥若為腸孟郊老作拈柴立可待吟詩哭香殤

寄謝常君卿

百過新篇卷又披得君重恨十年遲文除嶺外初  
無例詩學江西又一奇揚柳不隨春事老貞松唯  
有歲寒知仙鄉白鳳瀛洲近洗眼雲霄看後期

送武誠之往漢陵太原酒政瑞甫之

行李中春發晉溪離筵辭客賦新題青雲有路人

春老秋水無言物自齊杜曲舊遊頻入夢共野佳  
醜惜分携因君爲向蓮峯道不待移文我亦西

送劉子東遊

劉郎世舊出雄邊生長幽并氣質全陣馬風掃見  
豪舉雪車水柱得真傳書空咄咄知誰解擊缶鳴  
鳴頗自憐後日東州鮑歸載且休多送酒家錢

甲寅九日同毓漳提領王明之龍泉令

張奉先賈千戶令春李進之冀衡甫遊

龍泉寺僧顯求詩二首

遠水寒煙接戍樓黃花白酒浣羈愁霜林染出雲  
錦爛春色併歸風露秋鄉社歲時容容醉石牆名  
姓爲僧留登高舊說龍山好從此龍泉是勝遊

柿葉發紅松葉青黃花霜後獨鮮明西風浩浩欲  
吹帽石溜冷冷堪濯纓皇統貞元見題字良辰美  
景記井平何人解得登臨意滅沒疎雲鴈一聲

十日作

閑掛蕭條逐照明并陘西北算歸程青黃大似溝  
中斷文字空傳海內名平地煙霄遠如許秋風等  
屋可憐生重陽擬作登高賦一片傷心畫不成

贈答普安師

入座畫山景趣新因君鄉國重情親金芝三秀詩  
壇瑞寶樹千花佛界春開道舊傳言外意忘年今  
得眼中人種蓮結社風流在會向藍輿認後身

孝純死丘遷奉

張弟新舉孝二體聞其  
玉體可也因以字之

鬢毛衰颯面塵埃孝子牽車古所哀千里長河限  
南北一丘寒土見蒿萊遠東華表何人在柳氏玄  
堂此日開十月知君有新喜小雛先與喚迦來

曹壽之平水之行

閑塞相望首重搔相逢衰颯嘆顛毛驪珠可悉輕  
彈雀贈餌何緣得釣鰲從昔丘園昌晚節向來山  
岳穗秋毫西風先有龍門約共舉一杯持兩鰲

追懷趙介叔

今古人門各一時燕南刺有桂枝技清風明月懷  
玄度綠水紅蓮見杲之善政傳歸遺愛頌陰功留  
在稱家兄家歌不盡平生意空想儵然瘦鶴姿

追懷交生石裕卿

人物林評第幾流依然豪俠數并州壯懷歌闕尊  
爲破連句才多筆不休金馬只教聊避世玉犀誰  
遺失封侯酒醪握手令無復惆悵西園是舊游

挽厲門劉克明

詩骨嶠然野鶴孤  
兩年清坐記圍爐  
金初來李開  
遺事第難波  
沉凡古儒已  
分幽人嘆古  
栢爭教孺  
子莫生芻  
鳳山俊日先  
賢傳再有劉  
崇發酒無

贈答平陽仇舜臣

兩辱詩過草堂  
曹君席有輝光  
飛騰自是功名  
具潦倒何堪  
翰墨場滄海  
驪珠能與見  
鄭城龍  
劍不終藏  
太行殘雪春  
風近且趨  
梅花薦壽  
觴仇

曹益夫  
門生也

賈潛東城中隱堂

智水仁山德有鄰  
柳塘花塢靜無塵  
家僅解餅開  
居賦田父爭持社  
畫春安吉然  
翰中隱士典  
刑真  
見老成人明年  
恰入非熊運  
共看青蒲  
叢畫輪

約嚴侯沉舟

風物當年小洞庭  
西湖此日展江亭  
詩食勝繁題  
難偏酒怯清秋  
醉易醒白鳥  
無心自來去  
紅渠照  
影亦娉婷  
仙舟共載平  
生事未分  
枯槎是客  
星

送李同年德之歸洛西二首

千佛名經有幾人  
棲遲零落轉情  
親永平感集  
令無復哀樂  
中年語最真  
衣上緇塵元  
自化鏡中  
白髮為誰  
新水南水  
北相逢在  
剡醉餘  
曠十日春

亡柰派光冉冉何  
逢君聊得慰蹉  
跎飛黃老去空  
骨抽燕歸來只  
舊窠舉世盡從  
愁裏過一尊獨  
愛醉時歌  
洛中定有人相  
問休道今年白  
髮多

贈蕭漢傑

蕭漢傑大興人  
金國初嘗賜姓  
奧里氏故時人  
又謂之奧里  
漢傑父寬居之  
飛龍榜登科同  
知青州軍州事  
致仕有子六人  
皆使官學獨漢  
傑不樂音遂作舉  
子為人慷慨有  
志膽好讀書古  
兵法及陰陽孤  
虛祿命之術從  
軍一十年積官  
從三品領統州  
倅闕陝總帥府  
提控佩金符蓋  
自燕城圍解之  
後闕問南渡出  
入行陣間瀕於  
死者屢矣鐵嶺  
之潰復入陝州  
陝州亂群不逞  
輩繫漢傑獄中  
漢傑乘昏暮破  
械而出懼為追  
者及駕浮壺亂  
黃泥筋瘦力涸  
僅達北岸為失  
侯故持者又二  
十年流離頓踏  
人所不能而意  
氣都不少衰以  
人情觀之豈碌  
碌者所可辨耶  
壬子冬與子相  
值於東原問其  
世知其為故人大  
鈞之同母也



問其日事則曰止以唐生李主之業游  
特貴聞耳因與論余之行年而有契於  
余心者私竊慨嘆以為倚仗叵測哀與  
樂相尋生也有涯而踟於憂畏浩浩乎  
如乘舟而遇風波非知其亡可奈何而  
安之其可以收利涉之功乎漢傑為有  
得失其別也因為長句以贈

射虎將軍右北平短衣焦悴宿長亭雷轟寶劍無  
留迹火借青囊為乞靈四壁不知貧作崇一瓢誰  
識醉中醒相逢莫話檮機石自首枯槎是客星  
送曹幹臣

和林音驛日懷思燕市歌徵有此時老我真成鐵  
爐步感君時送草堂贊黃楊舊厄三年閩赤驥非  
無萬里姿平地煙霄付公等不妨閑和鳳池詩

國醫王澤民詩卷

萬古君家父事兄豈知衰俗有王卿一篇華袞中  
書竿滿紙清風月旦評鴻鴈自分先後序鶴鶴兼  
有急難情闔門雍睦君須記方伎成名恐未平

祖唐臣母挽章

白髮承平一夢過怕然冠帽見慈和肩輿燕喜今

無復手錢留殘恨更多舍肉已甘非頽谷學仙何  
敢望西河升堂結交平生事重為王君廢蓼莪

丙辰九月二十六日挈家游龍泉

風色澄鮮稱野情居僧聞客喜相迎藤齒石磴雲  
添潤泉漱山根玉有聲庭樹老於臨濟寺霜林渾  
是漢家管明年此日知何處莫惜題詩記姓名

感寓

南楊北李開中老樂丈張兄病且貧叔夜呂安誰  
命駕牧童田父實為憐功名富貴知何物風雨塵  
埃惜此身歌酒逢場鬻陶寫不應嫌我醉特真

御楊王卿集  
舟中雜錄文

存歿

御楊王卿集  
舟中雜錄文

行間楊趙提銜早老去辛剗入夢頻披上酒杯聊  
自慰袖中詩卷欲誰親兩都秋色皆喬木一代名  
家不數人汝家遺編要完補可能虛負百年身

人日有懷愚齋張兄緯文

書來聊得慰懷思清鏡平明見白髭明月高樓燕  
布酒梅花人日草堂詩風光泥轉何多態兒女青  
紅又一時澗底孤松二千尺殷勤留看歲寒枝

趙元德御史兄七秩之壽

富貴浮雲世態新  
刑依舊老成人  
松身鶴骨詩千狀  
玉澗水清德有隣  
已卜新居近泉石  
不應晚節傍風塵  
平頭七十從頭數  
才是梅溪第一春

張村杏花 丁巳二月 初二日

昨日櫻唇絳蠟痕  
今朝紅袖已迎門  
只應芳樹知人意  
留着殘粧伴酒樽  
濃李尚須羞粉艷  
寒梅空自怨黃昏  
詩家元白無今古  
從此張村即趙村

遺山先生文集卷第十

遺山先生文集卷第十一

五言絕句

洛陽高少府遷陽後庵五首

溪上弄明月  
風露發新警  
心空無一塵  
萬竹掃秋影  
一水隨人意  
蔬畦復芊瀟  
風波河洛近  
莫放出山流  
韭早春先綠  
菘肥秋未黃  
殷勤遶畦水  
終日為君忙  
地僻境逾靜  
林疎秋已分  
清溪一片月  
脩竹四山雲  
方外人長樂  
山中物自幽  
百年梅福隱  
萬古謫仙游

內鄉襍詩

犬吠桃源近  
鶯聲柳巷深  
蒼苔留醉卧  
青竹伴幽尋

薛明府去思口號七首

能吏尋常見  
公廡第一難  
只從明府到人信  
有清官畫諾由官長  
昂頭顧吏頻  
只從明府到判筆  
不傳神藥鹿山中  
盡公厨破幾錢  
只從明府到獵戶  
得安眠木索人何罪  
纍纍滿獄中  
只從明府到牢戶  
二年空驛舍  
無歌酒清談  
了送迎  
即看明府去  
畫鼓有新聲  
舊日逃亡屋  
鏐鉏色色新  
即看明府去  
還作賣牛人  
疾惡看平日  
天然御史材  
豪姦休鼓舞  
駑馬即西來

山君雜詩六首

瘦竹藤斜挂  
幽花草亂生  
林高風有態  
苔滑水無聲

石澗雲先動橋平水漸過野陰添晚重山意向秋多  
樹合秋聲滿村荒暮景閑虹收仍白雨雲動忽青山  
川迥楓林散山深竹港幽疎煙沉去鳥落日送歸牛  
漲落沙痕出堤攢岸口斜斷橋堆聚沫高樹閣浮槎  
鷺影兼秋靜蟬聲帶晚涼陵長留積水川濶盡斜陽

梁父吟扇頭孔明箕踞坐大石上望月作梁父吟

梁碕萬古心塊石入危坐青天一月月孤唱誰與和

南樓月夕望鳳山有懷武鍊師子和

相望不相見山中君得知南樓今夜月也到洗參池

辛亥寒食

寒食年年好今年迥不同秋千與花影併在月明中

山中晚春

雲光金碧聚林煙綵翠新山花發較晚今年兩見春

得緯文兄書

鵲語喜復喜山城誰與娛青燈一盃酒千里故人書

乙巳九月二十八日作

閩山小雪後絮帽北風前殘月如新月今年老去年

六言

定齋兄寫真

朱黃筆底三篋白黑胸中兩卷畫作蕭然野服雲龍

蔽日蹊蹊

巨然秋山為鄧州相公賦

筆端游戲三昧物外平生往還為問阿師何在白雲

依舊青山

德和墨竹扇頭

靜裏離離新粉動時細細清香明月清風自在紅塵

白日何妨李長吉詩

曹得一扇頭

機中秦女仙去月底梅花晚開只見一枝疎影不知

何處香來

唐子蓮扇頭

溪光冷於冰山骨淨如玉白雲自老人自閑莫遣秋

風破茅屋

七言絕句

論詩三十首丁丑年作

漢語魏什父紛紜正體無人與細論誰是詩中疏鑿

手暫教涇渭各清潭

曹劉坐嘯虎生風四海無人角兩雄可惜并州劉越

石不教橫梁建安中

鄴下風流在晉多壯懷猶見缺壺歌風雲若恨張華

少温李新聲奈爾何鍾嶸評張華詩惟其兒女情多風雲氣少

一語天然萬古新豪華落盡見真淳南窓白日幾皇

上未嘗朔明是晉人柳子厚晉之謝靈運尚料明唐之白樂天

縱橫詩筆見高情何物能流魂磊平老阮不狂誰會

得出門一笑大江橫

心畫心聲總失真文章仍復見為入高情千古開居

賦爭信安仁拜路塵

慷慨歌謠絕不傳空廬一曲本天然中州萬古英雄

氣也到陰山救勒川

沈宋橫馳翰墨場風流初不廢齊梁論功若准平吳

例合着黃金鑄子昂

關雎誇多費覽觀陸文猶恨冗於濫心聲只要傳心

了布穀瀾翻可是難陸燕而滿蕭南見世說

排比鋪張特一途藩籬如此亦區區少陵自有連城

壁爭奈微之識破事見元稹子美甚識

眼處心生句自神暗中摸索總非真畫圖騰出秦川

景親到長安有幾人

望帝春心託杜鵑佳人錦瑟怨華年詩家總愛西崑

好獨恨無人作鄭箋

萬古文章有坦途縱橫誰似玉川盧真書不入今人

眼兒輩從教鬼畫符

出處殊途聽所安山林何得賤衣冠華歆一擲金隨

重大是渠懷被眼設

筆底銀河落九天何曾顛碎飯山前世間東林西塗

手拄著書生待魯連

切切秋蟲萬古情燈前山鬼淚縱橫鑑湖春好無人

賦岸夾桃花錦浪生

切響浮聲發巧深研摩雖苦果何心浪翁水滸無官

微自是雲山韶濩音水滸次山事及其款之曲云停機靜聽中意好是雲山韶濩音

東野窮愁死不休高天厚地一詩四江山萬古朝陽

筆合在元龍百尺樓

萬古幽人在閭阿百年孤憤竟如何無人說與天隨

子春草輸贏技幾多天隨子轉無名春草在南齊會何物第次第生種子不知名品上恐隨春草隨物贏

謝客風容映古今發源誰似柳州深朱絃一拂遺音

在却是當年寂寞心

窘步相仍死不前唱鷗無復見前賢縱橫正有凌雲

筆俯仰隨人亦可憐

竒外無竒更出竒一波纔動萬波隨只知詩到蘇黃

盡滄海橫流却是誰

曲學虛荒小說欺俳諧怒罵豈詩宜今人合笑古人

拙除却雅言都不知

有情芍藥含春淚無力薔薇臥晚枝拈出退之山石

句始知渠是女郎詩

亂後玄都失故基看花詩在只堪悲劉郎也是人間

客狂向春風怨免葵

金入洪鍾不厭頻精其那計受織塵蘇門果有忠臣

在肯放坡詩百態新

百年終覺古風迴元祐諸人次第來請學金陵猶有

說竟將何罪廢歐梅

古雅難將子美親精純全失義山真論詩寧下涪翁

拜未作江西社裏人

池塘春草謝家春萬古千秋五字新傳語閉門陳正

字可憐無補費精神

撼樹蚍蜉自覺狂書生技癢愛論量老來留得詩千

首却被何人校短長

文湖州草蟲為劉使君賦

造物無心筆有神翻翻飛動百年新蟲魚瑣細君休

笑學會屠龍老却人

京都元夕  
袂服華粧着葢逢六樹燈火鬧兒童長衫我亦何為

者也在游人笑語中

西園

百草千花兩氣新今朝陌上有游塵皇州春色濃於

酒醉殺西園歌舞人

藍采和像

長板高歌本不狂兒曹自為百錢忙幾時逢着藍衫

老同向春風舞一場

鴛鴦扇頭

雙宿雙飛百自由人間無物比風流若教解語終須

問有底愁來也白頭

杏花雜詩十三首

杏花牆外一枝橫半面宮粧出曉晴看盡春風不迴

首寶兒元自太愁生

露華浥浥泛晴光睡足東風倚綠窓試遣紅粧映銀

燭烟挑爭合伴儂郎

嫋嫋纖條映酒缸綠嬌紅小不勝憐長年自笑情緣

在猶要春風慰眼前

煖日園林可散愁每逢花處儘遲留青旗知是誰家

酒一片春風出樹頭  
紛紛紅紫不勝稠爭得春光競出頭却是梨花高一

着隨宜梳洗儘風流

露浥清華粉自添隔溪遙見玉簾苦眼看桃李飄零

盡更揀繁枝挿帽簷

小橋南北夢幽尋殘醉膏騰不易禁一樹杏花春寂

寞惡風吹折五更心

西山漠漠有無中幾日園林幾樹紅燕子對將春色

去錯交人恨五更風

屈指殘春有別期春風爭忍片紅飛若為賺得千日

酒醉著東君不放歸

楚客離魂不易招野春平碧水迢迢垂楊也被多情

懶瘦損春風十萬條

小雨班班曉未勻烟光水色盡難真西園春物知多

少一樹垂楊惱殺人

魏紫姚黃有重名洛陽車馬鬧清明吹殘桃李風絲

定可是東君別有情

紅粧翠蓋惜風流春動香生不自由莫向芸齋厭閉

冷小詩供作錦纏頭

補遺錄三清之瑞露春動七情四五色之靈芝香生九數

出京

巫峽歸雲底慶尋高城渺渺暮煙沉春風不剪垂楊

新絮盡行人北望心

惠崇蘆雁三首

寒沙折苇靜相依故國春風早晚歸意外羈縻誰畫

得羽毛單薄稻梁微

鴈奴辛苦候寒更夢破黃蘆雪打聲休道盡工心獨

苦題詩人也白頭生

江湖牢落太愁人同是天涯萬里身不似畫屏金孔

雀離離花影淡生春

早起

北舍南鄰獨樂聲袂衣晨起覺秋清豆田欲熟朝朝

兩喚般雙鳩不肯晴

書生千古一蓬腸蓋世功名不自償更笑登封武明

府兩孟白粥半生忙

銅雀臺瓦硯

愛惜鉛花洗又看畫欄桂樹兩聲寒千年不作鴛鴦

去喚得書生笑老瞞

步虛詞三首

步虛二首三

聞苑仙人白錦袍海山宮闕醉蟠桃三更月底鸞聲

急萬里風頭鶴背高

萬神朝罷出通明和氣歡聲滿玉京見說入閭有新

異綠章封事謝升平

琪樹明霞碧落宮歌音嫋嫋度冷風人間聽得霓裳

慣猶恐鈞天是夢中

拙庵為溫甫賦

毫端棘末幾人爭愚智相懸賦分平畢竟世間誰是  
巧鬢毛愁白可憐生

風雨停舟圖

老木高風作意狂青山和兩人微茫畫圖喚起扁舟  
夢一夜江聲撼客床

納涼張氏庄二首

小橋深竹午風便一道垂揚帶亂蟬山下行人遮日  
去却從茅屋問瓜田

樹陰環合水縈回樹下行人坐綠苔絕似叢蒙山下

路眼中唯欠繫舟嵬萊蒙繫舟皆山中山人謂之繫舟嵬

送窮

日吉時良利動還可能顏巷卜終焉主人不倦星奴  
倦辛苦年年縛草屨

楊柳

楊柳青青澗水沉驚兒調舌弄嬌柔桃花記得題詩  
客斜倚春風笑不休

梁縣道中

青山簇簇樹重重人在春雲浩蕩中也是杏花無意  
況一枝臨水卧殘紅

自題寫真二首

山林日月老潛夫骨入窮泉未擬枯幽澗有冰含木  
古無人和玉試洪鍾鍊鍊難波泉壞且不朽  
一泓春煙澹不收漁家已許借扁舟山林且漫蹉跎  
去莫問人間第幾流

再題

高談世事真何者多竊時名亦偶然山鹿野麋君自  
看擬從何地著貂蟬

吳子英家靈照圖二首

缸入西江萬有空漚籬活計百錢功阿靈了却無生  
話想得蕭然似巷中

抱犢山高記洛川寸腸西去似繩牽而今恰羨龐家  
好兒女生來只眼前時女嚴在盧氏約歸寧未至

劉鄧州家聚鴨圖

沙浦空明洲景微枯荷折蒂澹相依若為化作江鷗  
去拍拍隨君貼水飛

戊子正月晦日內鄉西城遊眺

雄蜂雌蝶為花狂陌上遊人醉幾場前日少年今白髮却來開慶看春忙

長壽山居元夕

微茫燈火共荒村黃葉漫山雪擁門三十九年何限事只留孤影伴黃昏

聞仲澤丁內艱

升堂未幾訃音聞凶服衰麻日念君昨夜東南雷雨惡遙知號哭遶新墳

贈眼醫武濟川

世眼紛紛眯是非不應刮膜在金鏡知君聖藥工夫到且道心盲作麼醫

賦粹中師竹拂子

了却香嚴一髮綠滿梳牽髮伴談玄誰知拂月披風意已具鈴鍵未落前

題伊陽楊氏戲虎圖

大班哆笑口侵耳小班蓄縮如乞憐戲開真成兩敵發機誰在下莊前

王子端內翰山水同屏山賦二詩

鄭虔三絕舊知名付與時人分重輕遼海東南天一柱曾中誰比王崢嶸

萬里承平一夢間風流人物與江山眼明今日題詩處却見明昌玉笋班

右司正之家渭川千畝圖二首

官街塵土霧中天入眼荒寒一灑然大似終南山下看北風和雪捲蒼煙

老眼蕭郎筆有神岩姿洲景盡天真情知一段幽閒趣不必清談著晉人

同希顏欽叔玉華谷分韻得軍華二字二首

五山一逕入秋雲草樹依迷劣可分開道無煩謝康樂挽彊須得李將軍時補虎害故韻云

深山水木湛清華興到窮探亦未涯轉石猶能起雷兩題詩自合動煙霞時補石

同希顏欽叔玉華谷還會善寺即事二首

高風捲盡四山雲泉石煙霞得細分大是山靈設清供惜無佳句答殷勤

詩翁微骨愛煙霞別似劉君住玉華鐵笛不曾從二

草頭巾父已挂三花趙隱子端同年遊去金任城為僧史所誣遂隱居今年八十餘自言胎世成不之去世云

從鄧州相公覓酒時在鎮平

寒日山城雪四圍空齋孤坐意多遠江湖未覺風流



咸可使陶潛望白衣

鎮平寄姪孫伯安筆

陸顧犀角掌中珠不見經年日念渠領取阿翁印管  
筆試教學寫問安書

黃筌龜藏六圖為張左丞賦

無心舒卷付皇天不幸剝腸亦偶然世上屢謀待君  
决可能藏六便安全

鎮平書事

勸農冠蓋已歸休了却逋懸百不憂可是諸人哀老  
子半窓紅日擁黃綉

自鎮平暫往秋林道中寄家

風雨塵埃了半生西山歸去眼增明浮雲夫婿今如  
此莫遣迎門有嘆聲

超化

秋風嫋嫋入僧窓盡得諸山草木香却恨大梁三日  
醉不來超化作重陽

又云輿借扁舟弄秋水自  
嫌塵土死沙鷗餘不記

山居二首

斜陽高樹挂晴虹蕭蕭微涼雨氣中一道穿鷲花不  
斷密香吹滿馬頭風

詩腸搜苦怯茶甌信手拈書却枕頭簷溜滴殘山院

靜碧花紅總媚涼秋

寄女嚴三首

鸛崖魚窟路間關旬月無由一往還寒食歸寧見鄰  
女舉家回首望西山

鸛崖魚窟在內  
山麴崖魚窟在內

添丁學語巧於絃詩句無人為口傳竹馬幾時迎阿

娘五更教誦木蘭篇

眼前兒女家閒情不見經年百感并聞道全家解禪  
理擬從香火問無生

自鄧州幕府暫歸秋林

升斗微官不療飢中林春雨蕨芽肥歸來應披青山  
笑可惜緇塵染素衣

無題二首

七十鴛鴦五十絃酒薰花柳動春煙人間只道黃金  
貴不問天公買少年

春風也解惜多才嫁與桃花不用媒死恨天台老劉  
阮人間何戀却歸來

題省掾劉德潤家懸鸞圖并為同舍郎劉

長卿詎異劉在方城先有碧簫之遇如美  
蓉城事云

千秋情緣萬古期樓中蕭史姓名非洞天花落秋雲

冷腸斷青鸞獨自飛

希顏挽詩五首

官銜寥落在銘旌才命寧論重與輕不作漢家賢傳

去空勞明主識蕭生蓋馬與漢旌紀振策魏書隱逸傳中語

山立揚休七尺身紫髯落落照青春從教不入麒麟

畫猶是中朝第一人

人間無路問天公自古才難更阨窮日月不為千載

計江山長惜萬夫雄

萬古文章有正傳驍駟爭道望君先傷心一入重泉

後再得斯人又幾年

一世龍門屬李膺待君提拂遂騰升千年荆棘龜趺

在會有人尋下馬陵

出鄧州

本無奇骨負功名取次誰教髀肉生未到白頭能幾

日六年留滯鄧州城

過希顏故居四首

缺壺聲裏短歌行星斗闌干醉膽橫虎視鷹揚何處

在道邊孤冢可憐生

鶴蓋成陰看履同一時人物酒盃中臣門如市心如  
水世俗論軒量恐未公

暮去朝來萬化途飛揚跋扈亦區區劇談不盡平生  
意能有精微入夢無

把臂論交分最深三夫成虎古猶今百年唯有區區

在地下絕應識此心

雜著九首

萬期流轉不須史物物觀來定有無王席紙衣全一

盡枉將白骨計榮枯

鳧短何如鶴有餘非魚誰謂子知魚一枝莫作鷓鴣

看水擊三千不羨渠

太虛空裏一遊塵造物雖工未易貧戒獲古來多鼎

食可能夷叔是飢人

青蓋朝來帝座新豈知衛瓘是忠臣洛陽荆棘千年

後愁絕銅駝陌上人

六國霸王走下風神人鞭血海波紅無端一片云亭

石殺盡蒼生有底功

天上河源地上流黃金浮世等閑休埋愁不着重泉

底儘向人間種白頭

泗水龍歸海縣空朱三王八竟言功圖暴局上猪奴

戲可是乾坤闔兩雄

昨日東周今日秦咸陽煙火洛陽塵百年蟻穴蜂衙

裏笑煞崑崙頂上人  
半紙虛名百戰身  
轉頭高塚臥麒麟  
山間曾見漁樵  
說辛苦凌烟閣上人

戚夫人

鴻鵠冥冥四海飛  
戚夫人舞淚霑衣無端恨殺商山  
老剛出山來管是非

題山谷小艷詩

法秀無端會熟謾  
笑談真作勸淫看  
只消一句脩脩  
利李下何妨也整冠

家山歸夢圖三首

別却并州已六年  
眼中歸路直於弦  
春晴門巷桑榆  
綠猶記騎驢掠社錢  
繫舟南北暮雲平  
落日漳河一線明  
萬里秋風吹布  
袖清輝亭上倚新晴  
游騎北來塵滿城  
月明空照漢家營  
卷中正有家山  
在一片傷心畫不成


四皓圖

身墮安車厚幣中  
白頭塵土浣西風  
當時且不山間  
老羽翼區區有底功

雜著

老優慣著沐猴冠  
却笑傍人被眼謾  
造物若留殘喘  
在我儂試舞你儂看

遺山先生文集卷第十一



遺山先生文集卷第十二

七言絕句

俳體雪香亭雜詠十五首在效法宮

滄海橫流萬國魚茫茫神理竟何如六經管得書生

下瀾劔長鎗不信乘

洛陽城關變灰煙暮統朝虞只眼前為向杏園雙燕

道營巢何處過明年

落日青山一片愁大河東注不還流若為長得熙春

在時上高層望宋州

醉和旁近洞房環碧瓦參差竹木開批奏內人輪上

直去年名姓在窓間變知

天上三郎玉不如手中白雨趁花奴御屏零落宣和

筆留得筆清按樂圖

詩仙詩鬼不謾欺時事先教夢裏知禁苑又經人物

散荒涼臺榭水流遲十一年前南師國器方城夢

金縷歌詞金曲危百年人事髮成絲重來未必春風

在更為梨花住少時

楊柳隨風散綠絲桃花臨水弄妍姿無端種下青青

竹恰到相君淚盡時

琵琶心事曲中論曾笑明妃負漢恩明日天山山下

踏不須回首望都門

爐薰氤氳帶輕陰翠竹高梧水殿深去去種車雪三

尺畫羅休縷麝香金泥金色如麝香宮中尚

羅綺深宮二十年更持桃李向誰妍人生只合果園

死金水河頭好墓田

苦才多思是春風偏近驛人悵望中啼盡杜鵑枝上

血海棠明日更應紅

暖日晴雲錦樹新風吹雨打旋成塵宮園深閉無人

到自在流鶯哭暮春

萬尸千門盡有名眼中歷歷記經行賦家正有蕪城

筆一段傷心畫不成

暮雲樓閣古今情地老天荒恨未平白髮鬢齒幾人

在就中愁殺庾蘭成

春夕

數枝殘雪梅仍在幾日東風柳已嬌春酒價高無可

典小紅燈影莫相撩

梅花

一樹寒梅古寺邊荒山草木動春妍東家賴有詩人

在照影橫枝莫自憐

溪上

短布單衣一幅巾暫來閑處避紅塵低昂自看水中影好箇山間林下人

息軒楊秘監雪行圖

長路單衣怨僕僮無人說向息軒銷長安多少貂裘客偏畫書生着雪中

楊煥然生子四首

掌上明珠慰老懷愁顏我亦為君開異時載酒楊雄宅知有迎門竹馬來

人家歡喜是生兒巷語街談總入詩我欲去為湯餅客買羊沽酒約何時

半生辛苦坐耽書我笑先生老更迂生子但持門戶了玄談何必似童烏

阿麟學語語牙牙七歲元郎髻已了更醉使君湯餅局兒童他日記通家

記夢

天上材官老不材從教兀兀走塵埃夢中望拜通明殿曾見金書兩字來

戊子月二十四日內御往觀天宮殿見金書兩字來  
平在夢中見天帝殿見金書兩字來  
最前見字三六中有金書小字題  
楊之右旁中不知其為予也

啓母石

書載塗山世共知誰傳頑石使人疑可憐少室老突

兀也被人呼作阿嬈

雜著四首

白髮劉郎老更痴人間那有後天期茂陵石馬尊相待種下蟠桃屬阿誰

白髮中官解道詩殷勤仍為惜花枝靈香亭上清明宴記得君王去歲時

六朝瓊樹掌中春迴首胡粧一面新生羨石家金谷裏千年獨有墜樓人

燕語鶯啼百轉新長廊寂寂不逢人東君去作誰家客花柳無情各自春

內鄉雜詩

行吟溪北復溪南風日烘人酒易酣無限春愁與誰語梅花嬌小杏花慙

眉二首

香墨燒殘水麝塵內家新樣入輕勾郭熙只為吳山老爭信窓間有小擘

石綠香煤淺淡間多情長帶楚梅酸小詩擬寫春愁樣憶着分明下筆難

送窮

煎餅塵拋壘撒堆滿城都道送窮迴不如留取窮新

婦貴女何曾喚得來

三鄉時作

山林鍾鼎不相兼說着浮名夢亦嫌  
敢老親自愛蒸羹甜

出都

春閨斜月晚聞鶯信馬都門半醉醒  
官柳青青莫回首短長亭是斷腸亭

癸巳五月三日北渡三首

道傍僵卧滿累因過去旒車似水流  
紅粉哭隨回鶻馬為誰一步一迴頭

隨管木佛賤於柴大樂編鐘滿市排  
賈掠幾何君莫問大船渾載汴京來

白骨縱橫似亂麻幾年桑梓變龍沙  
只知河朔生靈盡破屋踈煙却數家

登珂山寺三首

澹澹長空白鳥迴江山都入妙高臺  
六鰲只解翻溟渤不駕東南日觀來

悠悠誰了未生前一落泥塗又幾年  
堪笑長清郭明府再來仍被葛藤纏

白日紅塵往復還深居那得似禪關  
出門應被山僧

笑纔得雲林半日閑

夢中作夢人請賦四禽語其一泥滑滑也

春泥滑滑滿春山嫩媿幽禽喚客還  
安得便乘雙翼去綠陰清畫伴君閑

奉詔子京禪師見贈之什三首

南風穩送北歸舡留得盛名一指禪  
松少詩僧幾人在因君迴望一凄然

舊遊重憶故人詩一點青燈兩鬢絲  
不似戒壇明月夜杏花香裏唱歌時

往在崧山時陪馮內翰留御史游戒壇詩中所道蓋當時事也

兵塵千里逃相望亂後相逢話更長  
若見山堂憑借問幾時同宿贊公房

杏花

桃李前頭一樹春絳唇深注蠟猶新  
只嫌愁笑無人管閑簾枯枝不肯勻

聊城寒食

輕陰何負探花期白髮於春自不宜  
城外杏園人去盡煮茶聲裏獨支頤

姨母隴西君諱日作三首

竹馬青衫小小郎阿姨懷袖阿嬾香  
一籠白骨黃河隔遙望梁門哭斷腸

病起拈針眼未花團藥兒女運司樹今年得在應猶  
健更好從頭說外家

寶鏡煌煌照九州埋藏曾及見諸劉鄴城今日無雷

煥紫氣誰當辨斗牛為劉氏家大寶鏡能照天地四方以辨如  
休咎其家埋地中人不復見也明昌和

此方兵劫梁父子秋小之日先以掃幕障中使為掃門戶及掃  
出光燭燭然一室盡明如初之照鏡中見此來長歸後無數年三方  
無所時固大駭曰不可不可即理之疑安時伏床下得驚馬兵火  
後此家唯一兒子在場能指鏡處存否則不知也故予讀及之

宿神霄北蒼臺中作

素月流空散紫煙座中人物半神仙麗川往事渾如

夢信手題詩一泫然

夜雪

三更殘醉未全醒臺裏嬌兒索乳聲茅屋不知門外

雪黃綉衾煖紙窓明

冠氏趙庄賦杏花四首

一樹生紅錦不如乳兒粉抹紫擔榆花中誰有張萱

筆畫作官池百子圖

文杏堂前千樹紅雲舒霞捲漲春風荒村此日勝堪

斷迴首梁園是夢中

錦樹烘春爛不收看花人自為花愁荒曉明日知誰

到憑仗詩翁為少留

東風誰道太狂生次第開花却有情聞道紀園千樹

錦一尊猶及醉清明

自趙庄歸冠氏二首

春華澹澹晚寒輕野草搖風半白青誰識杏花牆外

客舊曾家近麗川亭

杏園紅過雪披離楊柳無風綠線齊寒食人家在原

野乳鴉牆外盡情啼

戲贈白髮二首

鏡中昨日又明朝破屋春深雪未消摘下數莖聊自

笑貴人頭上不相饒

問愁何怨復何譬直要青春便白頭拚却鏡中渾似

雪且看渠待幾時休

戲題醉仙人圖

醉鄉初不恨東西祭日湯年一理齊門外山禽喚沽

酒胡蘆今後大家提

提胡蘆沽羹  
酒胡蘆也

濟南雜詩十首

兒時曾過濟南城暗筭存亡只自驚四十二年彈指

過只疑行處是前生

匡山聞有讀書堂行過山前笑一場可惜世間無李

白今人多少賀知章

華山真是碧芙渠湖水湖光玉不如六月行人汗如

兩西城橋下見游魚

吳兒洲渚是神僊  
餐盡溪光碧玉泉  
別有洞天君不見  
鵲山寒食泰和年

石刻燒殘讌集辭  
雄樓傑觀想當時  
只應畫戟清香地  
多欠帝郎五字詩

研來官樹午陰輕  
湖畔游人怕晚晴  
一夜靈泉蒼上宿  
四山風露覺秋生

白煙消盡凍雲凝  
山月飛來夜氣澄  
且向波間看玉塔  
不須橋畔覓金繩

入秋雲物便淒迷  
一道湖光樹影齊  
詩在鷓山煙雨裏  
王家圖上舊曾題

荷葉荷花爛熳秋  
鷺鷥飛近釣魚舟  
北城佳處經行徧  
留着南山更一游

看山看水自由身  
着屐題詩發興新  
日日扁舟藕花裏  
有心長作濟南人

題解飛卿山水卷

平生魚鳥最相親  
夢寐煙霞卜四鄰  
羨殺濟南山水好  
幾時真作卷中人

趙士表山林暮雪圖為高良卿賦二首

颼颼林響四山風  
雪後人家閉戶中  
應被火爐頭上

說水邊清殺兩詩翁

黃塵遮斷山間夢  
白髮重尋李益襄  
詩好似玉溪溪上路  
醉和王老喚船時

倫鎮道中見槐花

名場奔走競官榮  
一絲除書悞半生  
笑向槐花問前事  
為君忙了竟何成

題劉才卿湖石扇頭

幽磧雲疑雨未乾  
曲池疎竹共荒寒  
扇頭喚起西園夢  
好似熙春閣下看

聞歌懷京師舊游

樓前誰唱綠腰催  
千里梁園首重迴  
記得杜家亭子上  
信之欵用共聽來

鄭先覺幽禽照水扇頭

臨水華枝淡淡春  
水光華影兩無塵  
風流一枕西園夢  
惆悵幽禽是故人

龍泉寺四首

懸麻白雨映層崖  
過盡行雲晚照開  
可是登臨動高興  
馬頭新自太行來

泉石煙霞自一家  
殘僧隨分了生涯  
難鳴山下題詩客  
曾到靈巖不用詩



河邊殺癩尚能飛無角無鱗自一齊甲子紛紛更兇  
藏壁間休笑阜昌題寺北齊神建叔題銘

逸渠寒溜夜霧霧說有蛟龍在石間可惜九天霖雨  
手一泓泉水伴僧閑

李進之迂軒二首

白髮歸來世事新書生風味是清貧欲斜歷落從人  
笑潦倒轟疎我自真

舉世營營共一途要來開慶費工夫入門且莫分賓  
主不但君迂我更迂

出鎮州

汾水歸心日夜流孤雲飛屐是松楸無端行近還鄉  
路却傍西山入相州

過邯鄲四絕

富貴榮華一嘆嗟依然夢裏說若華千年幾度山河  
改空指遺臺是趙家

人事存亡不易知及時娛樂恨君遲後人共指襄臺  
笑三尺堯堦竟屬誰

川原落落曙光開四顧河山亦壯哉前日少年今白  
髮只應孤塔記曾來

死去生來不一身定知誰妾復誰真邯鄲今日題詩

容猶是黃梁夢裏人

楊松監馬圖

大青小青天馬姿楊侯房星非畫師忽見美官記前  
事東華馳道晚涼時

竹溪宴遊圖

意外荒寒下筆親經管慘淡似詩人何時萬頃風煙  
裏白髮刀駮一幅巾

藥正卿餉酒

宿醒未解渴生塵驚見玉弘餉酒人獨恨文書困佳  
客不來同醉五更春

王都尉山水

平林漠漠數峯開詩在岩姿隱顯間自是秦樓畫眉  
手不能辛苦作荆關

贈絕藝杜生

迢迢離思入哀絃非撥非彈有別傳解作江南斷腸  
曲新聲休數李龜年

趙大年秋溪戲鴨二首

寒沙折葦浙江學詩在波痕滅沒間前日扁舟入老  
矣却從圖畫羨君閑

畫家朱粉不到處沒墨自覺天機深費酒壚邊見崔

白玉孫真有五湖心米元章畫史補易王友倫佳白但可為酒家適逢壁耳

自題二首

共笑詩人太瘦生誰從慘淡得經營千秋萬古迴文錦只許蘇娘讀得成

千首新詩百首文燕羹不糝日欣欣鏡中自照心語口後世何須楊子雲

北歸經朝歌感寓三首

南來山勢漸坡陀蕩蕩川涂接大河馬上哦詩無好語聊從白塔記朝歌

黃屋何曾土作階禍基休指九層臺書生不見千年後枉為君王泣玉杯

墨翟區區不近情迴車曾此避虛名采薇唯有西山老不逐時人信武成

內黃道中楚王廟荆公有誰合軍中稱亞父却須推讓內黃兒之句因為范增解

朝

一怒屠城一說留書生剛為范增蓋軍中老子関何事付與兒曹調沐猴

題蘇氏寶章

二老風流有典刑諸郎蘭玉映堦庭峨眉寶氣千年

在未數陳家聚德星辰忠忠義似類平原次公冲書似林西朝說字畫有不期合而合者最後數語

劉氏明遠庵三首

憂氣元龍百尺樓功名場上早抽頭路人不識閑居士袖手雍容活兩州

世間無物礙虛空宴坐經行一體同老眼不應隨鏡轉江山元只在胸中

落落雲間晚照開上方別有妙高臺栽花種柳明年了拄杖敲門日日来

題李庭訓所藏雅集圖二首

萬古文章有至公百年奎壁照河東衣冠忽見明昌筆更覺升平是夢中

景星丹鳳一千年合著丹青與世傳誰畫風流王李郝大河南望淚如川王謂仲澤李謂長源郝謂仲純

南關二首

風裏秋蓬不自由一生幾度過隆州無情團拍關前路轉川迴失繫舟更教兩驛過徐溝多情團拍關前

水却共清汾一處流吳日白餘溝南關

馬坊吟大師清真道院三首

水際茅齋星散居白雲閑伴五溪魚茂林倚竹山如  
畫藤碧軒中恐不如

枯蒲折菁障清警十里風荷指顧間安得西湖展江  
手亂鋪雲錦漫青山

靜中入境兩備然我亦因君有靜緣已約青山來枕  
上水亭風樹看明年

惠崇獐猿圖

月窟煙呼本不群筆頭同是一溪雲野情山態令人  
羨世路機關不似君

寄史同年二首

情話通霄慰別離殷勤釀酒趁花期心南只道梅花  
早猶較歸程十日遲

相君許送買山錢晚歲鄰居定有緣一樹梅花一尊  
酒知君東望亦婆然

宋周臣生子三首

試手君家助喜詩秋風丹桂長新枝昂霄聳壑他年  
見木月同宮記此時休月同宮五星家謂人以此時生者長必貴

壬季金昆世共賢天將文筆付家傳清新未要梅花  
賦射虎留看第二篇射虎詩著名

雛鳳來時鶴卵成兩兒前後不多爭阿寧解語應須

道猶是渠家百日元

乞酒示皇甫季貞

醉頭慵舉睡昏昏  
麩裏青旗雪擁門  
枕上一杯風味好  
糟床何處得茶湲

李白騎驢圖

八表神游下筆難  
畫師曾次自酸寒  
風流五鳳樓前客  
枉作襄陽雪裏看

許由擲瓢圖

不知黃屋不知兜  
喧寂何心計一瓢  
我是許由初不爾  
只將盛酒杖頭挑

九月晦

松楸千里動悲哀  
說道迴家早晚迴  
九月忽驚今日盡  
滿城風散紙錢灰

雜著

燒殘芻狗不能神  
一色貂裘繡帽新  
好箇路傍官垓子  
經年端坐看行人

送窮

送君君去欲何之  
暫去還來也不辭  
但媿苦無相贈物  
柳紅輕似去年時

即事

四長東州黃姓名阿茶能誦木蘭行元家近日添新喜掌上寧兒玉刻成寧兒玉刻成寧兒玉刻成寧兒玉刻成

侯相公所藏雲溪圖曾命賦詩三首但記

其一云祖道東門未有涯田君方駕入宮

車祇應千古狼溪路人說山中宰相家相

公以體重不任步趨詔許駕小車至朝殿

外門故予詩及之北渡後往東平路經雲

溪因為之賦

黃山圖子翰林詩千里東州有所思前日相公門下

客國亡家破獨來時

陳德元竹石二首

一片春雲雨未乾兩枝新綠倚高寒瘦龍不見金書

字訣就宣和石譜看

萬石綱舡出太湖九州膏血一時枯阿誰種下中原

禍猶自昂藏入畫圖

同漕司諸人賦紅梨花二首

梨花曾比太真妃別有風流一段奇白雪為肌玉為

骨淡粧濃抹總相宜

瓊枝玉葉靜年芳知是何人與點粧可道海棠羞欲

死能紅能白更能香

吳子賢揮毫二首

人道樽形百醜全我知道造物向君偏世間正有明堂柱偃蹇風霜得幾年

廣莫初無匠石過一丘一壑奈君何世間正有明堂

柱春草輪贏校幾多

六一蓮舟圖三首為濟源奉先老師賦

老師吾

冷冷風外到仙臞琢王羊欣定不如六合空明一蓮

葉更須遮眼要文書仙人在蓮葉更須遮眼要文書

仙人寧得此姿姿亡柰丹青校僻何我與太虛同一

體也無蓮葉也無波

泰一青藜出漢年明窓開卷一欣然憑君莫問題詩

客不是韓駒第二篇

遊天壇雜詩十三首

芳樹陰陰鳥語譁綠雲晴雪映紅霞青山可是堪人

恨藏著中岩十里花

漫山白白與紅紅小樹依藤看不供總道檀花香氣

好就中偏愛玉瓏鬆花結有玉瓏鬆

只願長城沒徹頭豈知蒸土更堪憂秦人若見千年

後抱杵臨眺老死休避秦

溪童相對采椿芽，指似陽坡說種瓜。想是近山營馬  
少青林深處有人家。

僂貓聲在洞中聞，憑杖兒童一問君。同向燕家絃丹  
鼎不隨雞犬上青雲。仙鶴洞是日兒子叔龍呼貓應者  
傳班家雞犬升天，箱獨不去。

諸峯羅列擁朝臺，落日行雲一望開。絕似太山上  
看分明，齊嶺是徂徠。

空翠霏煙海浪深，鰲頭鵬背半浮沉。不知脚底山多  
少，還盡平生未足心。

湍聲洶洶落懸崖，見說蛟龍擊石開。安得天瓢一翻  
倒，躡雲平下看風雷。時旱甚

僂壇倒影鳳麟洲，一道雲光插素秋。也是天公閑不  
得，海東移着海西頭。

道民終不忘天台，姓字依然在。密崖為問松臺千歲  
鶴，白雲何處不歸來。近歲盧氏家崖人迹不及，屢有題字云道  
民天台司馬承禱，過松臺即白雲老壑地。

僂人龍蹻王為鞭，石穴留書世不傳。弱水蓬萊三萬  
里，青山今古幾何年。近年人有得司馬先生石穴  
所藏丹經，不獲觀于山陽。

風期身後復身前一讀，丹華似有綠八表。神遊吾豈  
敢，或能搖筆賦垂天。

擬着茅齋北斗平，殘年細讀洗心經。詩成應被盧仝  
笑，曾見青山養伯齡。盧仝送伯齡出山云伯齡不厭山山不養  
伯齡子以早當出山故自盛云北斗平在

之天壇

初發潞州

潞州住久似并州，身去心留不自由。白塔亭亭三十  
里，漳河東畔幾迴頭。

雜詩六首道中作

鼠肝蟲臂復何辭，坎止流行亦有時。已被吳中喚僮

父，却來河朔作炎兒。

隆州兵騎往來衝，客路灰郊更向東。大似天教浣塵

土，數程都在水聲中。

懸崖飛瀑駭初經，白玉雙龍擊迅霆。却恨暑天行過

速，不曾赤脚踏清冷。

黃華北下馬陵南，佛屋燒殘有石龕。想是故鄉行欲

近，粥糜渾覺水泉甘。

莊休通蔽玄相妨，鄉社情親豈易忘。司命果能還舊

觀，觸體端合羨侯王。

鄉閩白日照青天，徒步歸來亦可憐。袖裏新詩一千

首，不愁錦繡裹山川。

遺山先生文集卷第十二

遺山先生文集卷第十三

七言絕句

初挈家還讀書山雜詩四首

并州一別三千里滄海橫流二十年休道不蒙稽  
古力幾家兒女待安全

天門筆勢到閑閑相國文章玉笋班從此晉陽方  
志上繫舟山是讀書山繫舟先大夫讀書之所閑閑公改為元子讀書山又大余揚公初玉潔交墓銘

眼中華屋記生存舊事無人可共論老樹婆娑三  
百尺青衫還見讀書孫

乞得田園自在身不成還更入紅塵只愁六月河  
堤上高柳清風睡殺人

賦餅中雜花七首

子絕愛未開者花故未為自戲

老柳驚看節物新今年更與酒盃親東山一道花  
如繡從此他御不是春

香中人道睡香濃誰信丁香臭味同一樹百枝千  
萬結更應薰染費春工

生紅點點弄嬌妍半折花房更可憐傳語春風好  
將護莫教容易作銀錢

紅抹蘭膏綠染衣綠嬌紅小兩相宜華邊刺有清  
香在木石癡兒自不知

素艷來從月姊家溫風淑氣發清華人間自有友  
枝玉天上休開六出花

昨日挑華錦片新先發今日到殘春佐枝留得稀  
疎朵比似全開更惱人

古銅瓶子滿芳枝裁剪春風入小詩看看海棠如  
有語杏花也到退房時

贈羅友卿三首

一 般花木各榮枯篋庫區區亦仕途前日江東羅  
給事只今城裏范萊蕪

不離城市得幽棲未要坊名改碧鷄種下五株桃  
樹子本無心學浣花溪

關中日月病中身寂寞相求有幾人莫恠門前可  
羅雀詩家所得是清貧

又解嘲二首

鴈後花前日日閑頗思尊酒慰愁顏憑君細數東  
州客誰在花枝綠綠間

詩卷親來酒醖醪朝吟竹隱暮南湖袖中新句知  
多少坡谷前頭敢道無

為衍聖孔公題張公佐湘江春早圖二  
首張自書云涂水張公佐畫時年八十

一先大夫常題公佐畫有雲靜洞庭秋  
寺月雨昏湘浦夜舡燈之句因反之

郭熙畫筆老益壯未比井州九十翁想是江南春  
夢裏水村曾見酒旗風

黃陵祠下雨如繩老筆題詩想舊曾今日圖間見  
晴景依然愁絕夜舡燈

渾源望湖川見百葉杏花二首

四月山泉凍未開東君繞為挽春迴多情丹杏知  
人意留著雙華待我來

兒時憶向西溪廟丹杏曾看百葉花今日山中見  
雙朶自憐鷓鴣悴老天涯陵川西漢二仙廟有百葉杏兩株在殿前

代州門外南樓二首

東洛西秦往復迴幾番風雨與塵埃家山最與南  
樓近三十三年恰再來

汀樹微茫岸草青漳河四月水冷冷鳳山可是生  
來巧堪與南樓作臥屏

杜生絕藝

杜生絕藝兩絃彈糖護砂詞不等閑莫恠曲終雙  
淚落教聲全似古陽關

以玉連環為呂仲賢壽

玉環何意兩相連環取無窮玉取堅願得主人如  
此物呂翁他日作回僊

德華小女五歲能誦予詩教首以此詩

為贈

牙牙嬌語總堪誇學念新詩似小茶好箇通家女  
兄弟海棠紅點紫蘭芽唐人以茶為小女美稱

劉壽之買南中山水畫障上有朱文公

元晦淳熙甲辰中春所題五言得於太  
原酒家

蜀山青翠楚山蒼愛玩除教寶繪堂且道中州誰  
具眼晦菴詩挂酒家牆

跋紫微劉專師所畫山水橫披四首劉專字八十六

溪橋獨步  
納納溪橋逗晚風水村山閣往來通馬蹄踏遍黃  
塵路畫裏初逢避俗翁

胷次江山老更奇太初元氣入淋漓僊翁不是人  
間客俗筆休將比郭熙

江亭會飲

瓦盆濁酒憶同傾卿社豐年有笑聲世外華胥誰  
復夢且從圖畫看升平

秋江待渡

筆頭雲景性中天誰似僊舟有靜緣只合此間添  
此老脫巾和月弄江煙

東山四首

半欲天陰半欲晴層巒疊嶂各分明去年風雪無  
多景看盡東山是此行

自笑平生被眼謾看山只向畫中看天公老筆無  
今古枉着千金買范寬

錦里春光風馬牛鳥飛不到太湖秋一丘一壑都  
堪老且具神山煙景休

馬水橫陳聖阜前滄沱陂堰遠相連魚多只說牛  
家匪何處秋風有釣紅仲家隱在  
山下

曉起

鬢毛叢脫病凌兢暫入紅塵倦不勝學似玉山樵  
客了八年流落醉騰騰予病數至是八年  
秋用韓致堯此句

追錄乙未八月十七日羊酥夢中所得

夢裏哦詩信口成分明濟水道中行夢迴真到哦  
詩處蒲馬西風雲月清

春歸

野杏溪桃三兩枝春歸也作送春詩東君自愛長

安好能住山城得幾時

感興四首

夢中驚見白頭新信口成篇都自神天上近來詩  
價重一聯直欲換青春後二句夢  
所得

詩印高提教外禪幾人針芥得心傳并州未是風  
流減五百年中一樂天

廓達靈光見太初眼中無復野狐書詩家閑換知  
多少一輪拈來便有餘

好句端如綵綺琴靜中窺見古人心陽春不比黃  
華曲未要千人作賞音

從孫顯卿覓平定小山

雲被熙春萬玉峯網船迴首太湖空一拳秀碧煙  
霞了早晚東山入袖中

發南樓度馮門閣二首

鷓鴣未動鼓南樓澗水隨人向北流欲望讀書山  
遠近馮門閣上懶迴頭

稜磳石磴倚高梯穹谷無人綠樹真總為古來征  
戍若宿雲常傍塞垣低

墨竹扇頭

嫩香新粉王交加小筆風流自一家只欠晉漢王



處士醉來肝肺出枯槎

王希古乞言

支幹空虛不抹貧素衣空染洛陽塵一龜早晚措  
來了袖手風簾閱市人

龍門公墨竹風煙夕翠二首

渭川東望水雲寬雨濶煙濛下筆難今日龍門圖

上看蕭郎只合老荒寒

煙梢窈窕捲秋山揮灑縱橫意自閑莫問筆頭龍

未化看看霖雨滿人間

從希顏覓篤緝香二首並錄

綠洋奇品賽濃梅未憶薰爐試滅灰尤物也知人

愛惜簾篩風動只繁回

自倚詩情合得消暮寒新火覺無聊懸知受用無

多在試往新詩乞斷歌

藏贈柳花

誰擘輕綿亂眼飄不教單細綴長條只愁更作洋

萍了風轉波銜去轉遙

喬夫人墨竹二首

萬葉千梢下筆難一枝新綠儘高寒不知霧閣雲

寒晚興就扶疎月影看

只待鶯雷起鸞龍忽從文手散春風渭川雲水三

千頃悟在香巖一擊中夫人春詞  
下詳首卷

醉貓圖二首何尊師畫宣和內府物

密邊癡坐費工夫側輒橫視却自如料得仙師曾

細看牡丹花下日斜初

飲罷鷄蘇藥有餘花陰真是小華胥但教教風如

丘了四脚揀天一任渠

自題中州集後五首

却下曹劉氣儘豪江東諸謝韻尤高若從華實評

詩品未便與僕得錦袍

陶謝風流到百家半山老眼淨無花北人不拾江

西嘯未要曾即借齒牙

萬古騷人嘔肺肝乾坤清氣得來難詩家亦有長

沙帖莫作宣和閣本看

文章得失寸心知千古朱絃屬子期愛殺溪南辛

老子相從何止十年遙

平世何曾有裨官亂來史筆亦燒殘百年遺藁天

留在抱向空山掩淚看

講武城

作計十年獲萬年似嫌蓋土不能堅社今講武人

何在衰柳殘楊有亂蟬

藥山道中二首

石岸人家玉一灣  
樹林水鳥靜中關  
此中未是無佳句  
只欠詩人一往還

西風砧杵日相催  
着破征衣整未迴  
白馬已銜霜信過  
青林關送雨聲來

善應寺五首

平崗回合盡桑麻  
百汙清泉兩岸花  
更得青山作重復  
武林何處覓仙家

石潭高樹映寒藤  
闌有沙鷗靜有僧  
總愛山陽竹林好  
七賢來了更誰曾

夕陽人影卧平橋  
倦客登臨不自矜  
且放游魚覓歸宿  
爭教白鷺逞風標

山中魚鳥夙相親  
問舍求田有主人  
自讀舊題還自笑  
七年鞍馬只紅塵

困不成眠百感生  
田家燈火夜深明  
無因洗耳風沙底  
枉費潺潺落枕聲

摘瓜圖二首 樗軒家物

四摘空留抱蔓詩  
阿婆真作木腸兒  
履霜只說琴心苦  
不見房陵道上時

高鳥長憂挂網羅  
如菴日月坐消磨  
憑君莫話前朝事  
比似黃臺摘更多

黃華峪十絕句

嵒崧王屋舊經過  
自倚胸中勝槩多  
獨欠太行高絕處  
青天白日看山河

樹經凍雨半青黃  
山入高秋老更蒼  
且就同遊盡佳客  
不妨五日未重陽

紅葉黃花風露清  
比來春色不多爭  
秋山却也堪人限  
白與高歡作錦城

絕壁孤雲子細看  
雲間龍穴想高寒  
寒碧瀾寸寸橫秋色  
空對山靈說到難

王立千峯盡不如  
天公自有范寬圖  
閭山要着黃華老子尺珠簾  
得似無前華閭山詩有句使早連開觀士子端原不誤黃華之句於士指開先生德卿

團團石甕珠青瑤  
仰面看雲覺動採  
誰著天瓢灑飛雨  
半空翻轉玉龍腰

萬古飛流濕不供  
枉教噴薄困魚龍  
謫仙刺有銀河句  
不道者爐更一峯

天漢何因有蚌胎  
無窮冰雹落懸崖  
只愁聽背獲翔錦  
翻倒龍宮復此來

落峽飛流散不收  
湍聲洶洶動高秋  
也應嫌被紅

塵浣才近山門便狀泥  
乞得三泉住不成風沙鞍馬負平生故山定已移  
文丁又被黃華識姓名

七賢堂

水上盤陀不見人煙中白露玉無塵竹林未恨風  
派減負殺共城麴米春是日有餉水連

峽口食鱖魚有感

無奈微雲踈雨何孟公詩律費研磨憑君莫爨裹  
陽好縮項鱖魚刺鯁多

太簡之畫松風圖為脩端卿賦二首

董元老筆驚盤盤萬壑蒼雲復此看絕似鳳凰山  
下路秋風無際海波寒

新亭相泣血沾襟一日神州見陸沉好就崆峒山  
叟問醉眠春畫果何心

秋江待渡橫披

物外琴尊合往還爭教俗駕點溪山畫師果識閑  
中趣只作橫舟落照間

贈荅要襄叔二首

長洲連日遠相迎展讀新詩眼倍明鄧下舊人多  
念我感君薰有故鄉情

文據邛篔下筆難韜春一讀不知寒名家未覺風  
流減洗眼青雲看何端意欲之先人觀下即使傳作實詞春以  
賦人增又其出子小字端平者才說學

贈脩端卿張去華歸君傑三人六首

此客酒光灑盡梅花春  
去華手中倒樹挪亦要筆力挽千鈞知君解作南  
山豹霧雨七日蔚成文

塗了綰髮脩即王不如

掃地焚香樂有餘情知快快未監書狂教棄擲泥  
塗了綰髮脩即王不如

古來馬隊非講肆歸生頗似周生勤舉家都無擔  
石粟老氣仍有垂天雲

中齋胡公隔天壤寶直近  
日來死大才失望工師來明堂老  
手李明府我知此公無棄材陽吉頌

乳虎守穴子可探斫頭不屈貧所甘異時三客俱  
焰焰人倫東國吾無欺

秋江晚發圖

百轉羊腸挽不前梅車轆轤共流年畫圖羨殺扁  
舟好萬里清江萬里天

題山亭會飲圖二首

女兒樵人塞上詞劉景  
現溪南老子坐中詩因君喚

起山亭夢好似三鄉共醉時

曾拚心事許烟霞酒榭書囊便是家前日山亭亭

上客而今鞍馬老風沙

洛陽衛良臣以星圖見貺漫賦三詩為謝

敗筆成立死不神侯門書卷欲誰親鰥魚日漫

漫夜影到明星老却人

參旂亦自過災年橫枝孤星射右肩牽牛只有槽

機石送與天公折聘錢

西虎東龍總伏雌老妻却是可憐兒星圖何物堪

相報借用盧全月蝕詩

題鷺鷥敗荷扇頭

荷經凍雨綠全枯蒂到窮秋影亦疎為問風標兩

公子此中能有幾多魚

西山樓為王仲理賦二首

天日清明四望開樓中舒嘯亦悠哉闌干十萬人

家裏只有青山入眼來

柱笏西山老騎曹朝來爽氣與秋高休將人物輕

題品湖海元龍也未豪

樂天不能忘情圖二首

得便宜是落便宜木石癡兒自不知就使此情忘

得了可誰長在老頭皮

芙蓉脂肉紫霞漿別是仙家煖老方不枉柳枝撩

下得忘情一馬亦何妨

燕省掾葛張孝通舉釋菜之齋仁卿以

詩美之亦賦二詩

一莫區區入詠歌請看文治克如何李侯落筆非

無意告朔羊存得已多

一日新儀見泮宮共驚綿蕤有遺風化州亦可燕

中比只枉今無百彥通

采菊圖二首

信口成篇底用才淵明此意亦悠哉枉教詩景分

留在百繞斜川覓不來

夢寐煙霞卜四隣爭教晚節傍風塵詩成應被南

山笑誰是東籬采菊人

無塵亭二首

霧廓雲開病未能波流草靡亦何曾胃中自有西

風翳身外休論有髮僧

日日門前車馬喧主壺冰簟酒如川亭中剩有題

詩客獨欠雲間李謫仙明仁卿尚  
朱則廉

李廣道馬真二首

華髮蕭蕭王鍊顏一萬秋水想高閣須知八表神  
游客不在披裘擁絮閑

擁絮披裘動數千肉身那得盡飛僊玄門此老留  
教在滄海橫流未必然

錢過鹿煙溪獨釣圖二首

鞍馬風沙萬里身眼明驚見楚江春綠蓑衣底玄  
真子不解吟詩亦可人

小景風流二百年典刑來自米家舡詩人無復承  
平舊重為遺音一慨然宣學米元章畫山  
清晚故有上句

蒼崖遠渚圖二首

溪谷高林自一天紅塵無路近風煙兩椽茅屋平  
生了况是清溪有釣舡

竹帛功名一筆無殘年那復計榮枯青山未得携  
家去惆悵題詩是畫圖

三士醉樂圖

依稀胡蘆畫不成三家兒女日交兵瓦盆一醉糊  
塗了比似高談却較爭

鄉郡雜詩五首

百年喬木鬱蒼蒼耆老風流越與揚為向榆關使  
君道郡中合有二賢堂楊吏部之美草堂  
人明曾守此郡

神仙官府在瀛洲何意開閣得此留莫笑山城小  
於斗他州誰有湧雲樓樓閣開  
所建

一溝流水幾橋橫岸上人家種柳成來歲春風一  
千樹綠煙和雨暗重城

新堂鏤泐接飛樓雲錦週遭霜樹秋若道使君無  
妙思冠山移得近城頭

故鄉飛鳥亦裴回更覓何鄉養不才見說陽泉好  
春色野夫乘興欲東來

宗人明道老師澹軒二首

潞人澹社有來源濟水分流到澹軒莫問軒中賓  
與主一家同是潞州元

澹中無地着醜酸老口年多不受謾汎外已曾增  
一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門喬木未須論  
巨室青衫今有讀書孫一作青衫孫  
有讀書孫

東國人門幾百年素風總到此公傳卷中甚欲題  
詩句慚愧常家祖德篇

高正叔隴山行役圖二首

隴坂經行十過春也隨風土變真淳吳山沂水不

必畫留在秦音已可人

夢中陳迹畫中詩前日行人鬢已絲我亦寒亭住  
來客因君還寄出閑詩

息軒秋江捕魚圖三首

擲網牽罾太俗生煙波名利不多爭縹緲衣底玄  
真子可足詩翁畫不成

擊瓮啜天網截河得魚何啻一罾多漁却不作明  
年計奈此纖鱗細甲何

正始風流一百年竹谿衣鉢有真傳王堂人物今  
安在紙尾題詩一紫然

東平李漢卿草蟲卷二首

蟻穴蜂衙筆有靈就中秋蟪蛄閑情知君夢到南  
華境紅穗碧花風露清

過眼千金一唾輕畫家元有老書生草蟲莫道空  
形似正欲爾曹鳴不平李漢卿九視號解如畫士貴人  
求畫或大罵而去故不與世合

郭熙溪山秋晚二首

煙中草木水中山筆到天機意態朋九十仙翁自  
遊戲不應辛苦作荆關

雲樹微茫石崦開吳兒洲渚不塵埃憑君記取題  
詩處杖履適從緱谷來

七賢寒林圖

萬古騷人有賞音畫家滿意與幽尋題詩記得崧  
前事絕似馮雷入少林

右丞文獻公著色鹿圖

野鹿標技氣象閑老皇頻歲赦秋山不妨右相丹  
青筆時到霜林紫翠間

李仲華滿流高樹圖二首

細密功夫足自神經營慘澹欲誰親却應林影滿  
聲外猶欠兵山小筆春

小景風流恰入時留題紙尾竟何辭不因脫免技  
林了何處而今更有詩蘇已正月之變世黨中有欲謀害已者  
蘇仲華乃為營獲得解故滿末書及

益都宣撫田侯器之燕子圖詩傳本已亥

秋七月予得於馮坳宋文通家會侯之  
子仲新自燕中來隨以歸之仲新謂予

言兵間故物一失無所復望乃今從吾  
子得之煥若神明頓還舊觀似非偶然

者方謂時賢以嗣前作幸吾子發其端  
因賦三詩丙午春三月河東元某謹題

紅絨還鷺掌上看十年音息海漫浸渠家王謝堂  
前慣暗認曹劉可是難

古錦詩囊半陸沉，吳楓句好入江深。世間妾婦爭  
相妬，禽鳥區區却賞音。首句謂怨家我  
李長吉詩胸中  
才氣田侯絕世奇，山丘零落更堪悲。休驚燕子詩  
留在化鶴歸來未可知。

前高山雜詩七首

焚窳煙霞卜四隣，眼明今日出紅塵。山中景趣君  
休問，谷口泉聲已可人。

山經地志掇難憑，鄉社流傳太俗生。前後兩高拱  
我政，合教松海作新名。

蚊聚蛙喧香不聞，已甘麋鹿與同群。胸中所得知  
多少，半是青松半白雲。

天池一雨洗氛埃，全晋堂堂四望開。不上朝元峯  
北頂，真成不到此山來。

世上初無物外緣，人間却有洞中天。如何長伴王  
居士，買盡青山不用錢。

白驢前日鳳山迴，為愛朝元復此來。却憶廣陵劉  
老子，醉吟應在釣魚臺。

白首同歸未省曾，青山獨往竟誰能。莫嫌棄苑無  
情識，比似人間少愛憎。

楚山清曉圖

雨潤煙濃十二峯，雲間合有楚王宮。遙知別後西  
州夢，一林春愁淺淡中。

題石裕卿即中所居四詠

寓樂堂

此心安處是真歸，念念今知故習非。一首新詩一  
盃酒，五陵裘馬自輕肥。

德恒齋

養心如虎亦良勤，血戰紛華老冊勲。百草千花過  
春雨，白衣蒼狗看浮雲。

雪巖

貞松勁栢四時春，霽月光風一色新。置屋懸崖儘  
堪老，層冰千里只愁人。

聳齋

弓刀陌上未知還，心寄漁郎笠箬間。名作聳齋疑  
未盡，晤山衣鉢在遺山。

贈李子範家兒子

神理乘除不偶然，只疑陽報向君偏。試評掌上明  
珠價，幾倍諸家覓藥錢。

跋文獻公張果老圖

耆舊能談相國賢，功名欲占冷巖前。清風萬古猶

應在未用仙公甲子年

三鄉雜詩三首

夢寐滄洲爛漫游西風安得釣魚舟薄雲樓閣尤

烘暑細雨林塘已帶秋

尖新秋意晚晴中六尺筇枝蒲袖風草合斷橋通

暗綠竹搖殘照漏疎紅

溪南老子坐詩窮窮到簞瓢更屢空五鳳樓頭無

手段碧鷄坊外有家風

鈞州道中

野陰莽蒼日將夕歲律崢嶸風有聲從昔南山歌

短褐何特此闕請長纆

遺山先生文集卷第十三

遺山先生文集卷第十四

七言絕句

榆社硤口村早發

瘦馬長途懶着鞭客懷牢落五更天幾時不屬鷄

聲管曉徹東窓日影偏

十月二十日雪

和氣休論歲欲豐且看蕪穢一時空臨高賞雪人

何限誰在瓊瑤世界中

同兒輩賦未開海棠二首

翠葉輕籠豆顏勻煙脂濃抹增痕新殷勤留着花

稍露滴下生紅可惜春

枝間新綠一重重小蕾深藏數點紅愛惜芳心莫

輕吐且教桃李鬧春風

哭曹徵君子玉二首

去歲沉言到處聞君哭我不勝悲今年我在君

先次淚盡荒城君得知

逸墳三匝去無因千里冰霜半病身斗酒隻鷄孤

舊約素車白馬屬何人

二十六日早發安主道中兩水水

玉樹瑤林世界寬水冰真作雨花看青青也披糊



塗盡松栢何曾保歲寒

書貽第三女珠

珠圍翠繞三花樹李白桃紅一捻春看取元家第  
三女他年真作魏夫人

隱秀君山水為范庭玉賦

萬壑風煙入座寒六銖仙帔想駭驚多少金闈畫  
眉手具山纒得鏡中看

送子微二首

老年鞍馬不勝勞更問孤裘與緼袍到了龍門有  
何好伊川清淺石樓高

古來何物是經綸一片青山了此身亂後洛陽花  
木盡不妨開作水南人

楊秘監馬圖

天開誰省識真龍金粟堆前草色空忽見畫圖疑  
是夢東華馳道麝香駝

岳山道中

野禾成穗石田黃山木無風雨氣涼流水平岡儘  
堪畫數家村落更斜陽

雪行圖

太一仙舟雲錦重新即走馬杏園紅騎驢衝殺吟

詩客到處相逢是雪中

寄杜莘老三首

夢裏雲山一卧屏先生畫筆果通靈不妨行燕長  
安市總是前生許道寧

一片青山共白雲春林煙景入晴曛祝君老眼明  
於鏡豪末清妍子細分

盃酒較勤興不秋更教懷袖得新圖綠囊自是君  
家物醫得煙霞瘡疾無

已酉四月十七日度石嶺

四海虛名直幾錢世間何限好林泉無情石嶺關  
頭路行去行來又十年

劉君用可庵二首

末節繁文費討論經生規矩是專門惡惡不可惡  
惡可笑較田家老毛金

着脚繩橋已足憂那那匍匐更堪羞惡惡不可惡  
惡可大步寬行老死休惡青鳥

耀卿西山歸隱三首

靜裏簞瓢不厭空北窓元自有清風傳若只道無  
人識已落君王物色中

馬卿似與物為春難狀靈臺下筆親預拂青山一

片石異時真是巷中人

宛知雲臺大縣侯富春流釣一羊裘山林鍾鼎無

心了誰是人間第一流

雪岸鳴鶴

離離殘雪點荒蕞更看幽禽憇淡中突殺畫簾雙

燕子秋千紅索海涼風

東丹騎射

意氣曾看小字詩蓋圖今又識雄姿血毛不見南

山虎想得弦聲列石時

虛名

虛名不直一錢輕喚得啾啾百謗生可惜客兒頭

上髮也隨春草闌輸贏

投書圖二首

一東空書不療飢浮沉隨水恰相宜醬菜藥堵輕

拋却却是洪喬見事遲

屈作書却未肯心百函隨水聽浮沉虛名底用寒

溫問却是洪喬最賞音

題劉威卿小字雜素冊後二首

伎道精微得苑難書林頭白一儒冠陰功厚薄君

休問只就蠅頭細字看

齒牙餘論足輝光東國人倫趨與揚曾是兩翁門  
下客殘年袖手亦無妨

龐都運山水

門闌喜色到崔蘆文賦聲名遍兩都重為溪山感  
晴昔風流還有此翁無

歸義僧山水卷

崧少經行二十春野棗山鹿盡情親而今身落京  
塵底畫出林泉亦可人

武善夫桃源圖二章

物外煙霞卜四隣武陵不是避秦人軟紅香土君

休羨千樹桃花滿意春

金屑毵毵六月寒桃花春夢隔征鞍青山歸計何  
時辦畫卷空留馬上看

巢雲曙雪圖武元直筆明昌名士題詠

風派人物見承平半向巢雲有姓名畫手休輕武

元直宵中誰比玉崢嶸

書扇贈李湛然

江楓搖落海門秋江水無風月半樓未要吳儂誇

勝槩已從詩境得天將

普照范鍊師寫真三首

嚮日神仙看地行只今煙駕想雲程石梁畫出西  
瀛寺無復鏗然曳杖聲

傾蓋論交了歲寒眼中人物似君難流波意在誰  
真識未絕朱弦已發彈

鶴骨松姿又一奇化身千億更無疑人間只說乘  
風了覲面相呈却是誰

祖唐臣所藏摺軒畫冊二首

綠淨紅香夢已空草黃沙白思無窮波間野鴨渾  
無賴長看詩人慘澹中敗荷野鴨

牧笛無聲畫意工水村煙景綵揚風題詩憶得樽  
軒老更覺非平是夢中風柳牧牛

客意

雪屋燈青客梳孤眼中了了見歸途山間兒女應  
相望十月初旬得到無

走筆題十老會請疏

痛欽形骸百不成天教鄉社送餘生病夫近日添  
新喜十老園中有姓名

七夕

天街弈弈素光移雲錦機開漏箭邊誰與乘槎問  
銀漢可無風浪借佳期

避兵陽曲北山之羊谷題石龕  
冥鴻正恐絳綢脫免不忘投茂林世故驅人真  
有力天公困我豈無心

壬子寒食

兒女青紅笑語譁秋千環索響啞啞今年好箇明  
寒食五樹來禽恰放花

馬雲卿畫紙衣道者像

太古清風匝地來紙衣長往亦悠哉鐵牛力負黃  
河岸生被曹山挽鼻迴

過威州鎬厲王故居

天道循環只眼前果誰烈焰與寒煙種瓜四摘渾  
閑事抱蔓無人更可憐

真味齋

麤飯寒菹老此身高人那計甌生塵味無味處君  
知否道著琴書已失真

歸義興侍者溪山蕭寺橫軸

石磴雲松百八盤東峯日上海波寒老來丘壑風  
泯滅却就禪房覓畫看

喬夫人彩繡仙人圖

綠服仙童畫不如直疑萊子戲庭除青紅未是春

雲漢此畫若有泰山神刑因  
記東峯看日出附故有上句

風巧一頌根花更有餘

出山像

不見恒星莫漫驚日頭從此向西生只知大事因緣了依舊雲門望太平

胡壽之待月軒三首

一幅清風竹隔生月華霜白紙如水天公老筆無今古枉却坡詩說右丞

愛竹鬚叅發巧新能教一影具形神千門萬戶清光裏袖手東窓有幾人

形似何曾有定名每從游戲得天成墨君解語應須道猶欠風琴一再行

論詩三首

坎井鳴蛙自一天江山放眼更超然情知春草地塘句不到紫煙糞火邊

詩勝搜苦白頭生故紙塵昏枉乞靈不信驪珠不難得試看金翅壁滄溟

暈碧裁紅點纒勻一回拈出一回新鴛鴦繡了從教看莫把金針度與人

超禪師晦寂庵

無波古井靜中天三尺蓆床坐秋穿一語調君君

莫笑妙高峯頂更超然

自題寫真

東塗西抹竊時名一線微官悞半生不重切與若穴裏野麋山鹿欲何成

贈寫真田生三章

人物翩翩羨少年書中韻悟亦天然燕南只道丹青好素擲泥塗自可憐

萬態千形畫裏看人人眉目與衣冠情知不是裝中令一片靈臺狀亦難

市井公卿萬不同依然見解一兒童張翰草聖碑千古却在孫娘劍器中作態不同

贈高君用若並從弟

者苑仙如合探花虛傳佳句滿京華丁寧王謝堂前燕文采風流有故家

周才卿拙庵

詩筆看君有悟門春風過水略無痕蒼名未便遽藏得拙裏元來大巧存

郭大方自適軒

自適還曾自適無半生枯寂坐禪居馬卿若也知人意只畫梁家舉按圖

風柳鳴蟬

輕明雙翼晚風前一曲哀寧續斷絃移向別枝誰  
畫得只留殘響客愁遣

晴景圖

白日青天筆難要從明潤細尋看飛山只道雲  
煙好畫史而今盡熱護

僧寺阻雨

山氣森半入葛衣砧聲偏與客心期僧窓連夜滿  
蕭雨又較歸程幾日遲

金山

攢青疊翠幾何般玉鏡脩眉十二環常着一峯煙  
雨裏苦才多思是金山

王子文琴齋

天上秋風月底霜求風一曲鬢絲長相如四壁消  
何物直要文君典鸚鵡

覃考清飛雨亭橫披

百道懸流注夜光畫中亭榭亦清涼何人與問長  
安客赤日黃塵有底忙

讀漢書

室方隆棟非難構水到顛波豈易迴豐沛帝鄉多

將相莫從與運論人材

內相楊文獻公哀挽三章效白少傅體

征南諫疏無多語大度高皇有至仁留得青囊一  
丸藥異時猶可活斯民

中臺祭事山吏部東閣詞臣何水曹松栢蕭蕭一  
丘土龍門依舊泰山高

姓名三字金甌重事業千年片簡青試白雲問望  
光彩看從何地現文星

石勒問道圖

輕比韓彭作李陽高僧久已笑君狂中原果有劉  
文叔肯說鉢聲替夾岡

花光梅

草聖前頭一樹春豪華落盡只天真寫生今向君  
家見疑是花光有兩身

舊與趙景温

浮雲流水易西東回首梁園似夢中一別十年今  
又別酒尊能得幾廻同

夏山風雨

慘澹經營有許功吳僧誰得嗣宗風情知一雨秋  
晴了更沒塵沙到坐中

春雲淡冶

一抹平林素練橫數堆寒碧白煙生春雲可是多  
姿態五字常即畫不成

雪谷早行圖二章

雪擁雲橫下筆難爭教萬景入荒寒詩翁自有無  
聲句畫裏憑君細覓看

畫到天壤古亦難遺山詩境更高寒貞元朝士今  
誰在真駁明窓百過看

胡叟楚山清曉

翦得吳松一片秋江山小筆也風沉卷中未有題  
詩客留得才情隨倚樓

辛亥九月未見菊

黃菊霜華日日添也應有意醉陶潛鬢毛不屬秋  
風管更揀繁枝挿帽簷

吞俊書記學詩

詩為禪客添花錦禪是詩家切玉刀心地待渠明  
白了百篇吾不惜眉毛

夜宿山中

月華人影共徘徊未算歸程夢已迴澗水悲鳴易  
愁絕長松休送雨聲來

臺山雜詠十六首 甲寅六月

登臨風有故鄉綠試手清涼第一篇知被錢郎笑  
寒乞不將錦繡畏山川

西北天低五頂高茫茫松海露靈鷲太行直上猶  
千里井底殘山在叫號

萬壑千崑位置離偶從天巧見神功湍溪已作風  
雷惡更在雲山氣象中

顛風作力掃陰霾白日青天四望開好箇臺山真  
面目爭教坡老不曾來

山雲吞吐翠微中淡綠深青一萬重此景祇應天  
上有豈知身在妙高峯

山上離宮魏故基黃金佛閣到今疑異時人讀清  
涼傳應記諸孫賦黍離

一國春風帝子家綠雲晴雪間紅霞有綿穩藉僧  
溪草蜀錦驚看佛鉢花

沉沉龍穴貯雲煙百草千花雨露偏佛土休將人  
境比誰家隨步得金蓮

雙羅綿界寶光雲雲際同瞻化現身鮮脫文殊俱  
有說是中知有木孩人

真向華嚴見化城翻嫌金屑鬢雙明惡惡不可惡

惡可未要雲門望太平

惚為毗耶口不開龍宮華藏頓塵埃對談石在維

摩在玆重曼殊更一來

咄嗟擅施滿金田遠客游臺動數千大地嗽嗽困

炎暑山中多少地行僂

石罅飛泉水齒牙一盃龍焙雪生花車塵馬足長

橋水汲得中冷未要誇

凜凜長松卧潤阿提壺悲嘯撫寒柯萬牛不道立

山重細路松雲奈爾何

熱惱消除佛作緣山頭水雪過尖天法王悲智無

窮盡更看清涼遍大千

靈蛇不與世相關時復蜿蜒水石間何處天瓢待

霖雨一龕香火梵仙山

跨牛圖

才于唐人冠服作哦詩狀牛後帶琴書

畫出升平古意同江村渺渺綠場風看來總是哦

詩客遠勝騎驢着雪中通寫張詩本

贈湛澄之四章

眼花看碧漸成朱兀兀陶陶樂有餘柳岸醉僧堪

一笑強教分別竟何如

兒女團圞雁行姿澆籬活計苦無多布囊歸去詩

千首猶欠庭珪墨一螺

十年不見山堂老穎有澄之在眼中摠道木庵枯

淡好東風花柳各青紅

散聖風流有別傳漆曠一照出人天石門故事君

知否好在浩翁學刺紅

乙卯二月二十一日歸自汴梁二十五

日夜久旱而雨偶記內鄉一詩述錄

於此今三十年矣

桑條沾潤麥溝青軋軋耕車鬧曉晴老眼不隨花

柳轉一犁春事取開情

三門集津圖

南北爭教限大江吳家纔了又陳亡畫工只說三

門險不記茅津一帶航

乙卯端四日感懷

衰年那與世相關苦被詩魔不放閑好箇舊家長

樂老無才無德只死頑

山村風雨扇頭

摠為詩翁發與新直教畫筆亦通神其嫌風雨無

多景截斷黃塵亦可人

騷蕭助鷺鷥敗荷扇頭餘葉之畫

蕭蕭煙景帶霜華  
公子風標浪自誇  
可道浣花詩境好  
鷓鴣滿浦晴沙

哀顯之扇頭

雙鸞聯拳只辨愁  
枯荷折蒂更窮秋  
風派綠影紅香  
灰好箇鴛鴦百自由

贈司天王子正二首

慣見河邊織女機  
枯槎八月未成歸  
樓邊零落今如此  
枉却星翁比少微

天容海色本澄清  
萬古東方有啓明  
七十七年強健在  
不方林下看升平

工部趙侍御下世日作

鶴骨儵然卧石床  
情知合眼即仙鄉  
安時爽順吾儒事  
枉却南華託坐忘

跋耶律浩然山水卷

六月三泉松桂寒  
西風早晚送歸鞍  
無因料理黃塵了  
只得青山紙上看

貞燕二首

杏梁雙宿樓雙飛  
海國爭教隻影歸  
想得秋風漸涼冷  
謝家兒女亦依依  
汚潔難將一類推  
舊家紅綫可無疑  
豚魚自是詩

家語輕擬庭闈恐未宜

楊秘監雪谷早行圖

息軒畫筆老龍眠  
雪谷冰橋自一天  
六月高樓汗如雨  
豈知方外有詩仙

杜莘老夏日汾亭橫軸

杜侯老筆老民意  
黃閣清風有故家  
齋俗紛紛小兒女  
枉教塵土浼煙霞

武元直秋江罷釣

暮山明月晚溪雲  
今古仙凡此地分  
醉後狂歌閑漁叟  
殘年何計得隨君

張孝遠江行八詠圖奉使時所見

楚江平浸楚山流  
放眼江山得意秋  
一寸霜毫九雲亭  
合教羈醉岳陽樓

題馮潛緩之碩人在澗橫軸明先生畫

見說雲霄意氣豪  
幾回攪鏡惜顛毛  
不爭畫得林泉好  
轉使山人索價高

題邢公遠寒梅凍雀圖

褐衣相媚不勝情  
只許乾暉畫得成  
却被詩人笑寒乞  
一枝風雪可憐生

秀隱君山水



烏鞞踏破軟紅塵未信溪山下筆親圖上風煙看  
蕭洒畫家亦有魏夫人

同梅溪賦秋日海棠二章

錦水休驚散彩霞換根元自有靈砂瓊枝不逐秋  
風老自是人間日易斜

翠袖紅粧又一新秋風秋露發清真丹青駕入梅  
溪筆桃李從今不算春

梁氏先人手書

玄蚪飛跳九天門秦火驚看片紙存著舊風流知  
未減青衫還見讀書孫

薊北杜國寶以真定教官李進之所撰

大父中憲公及其先人帥府從事行

狀見示用題三絕其後

揔道清泚解致君白袍唐日已紛紛科名屈殺漁  
陽老章甫何人不惠文

兒戲將軍百不知枉將壁壘付安危論功纔得盡  
山令堂上奇兵果是誰

堂椽談經見蚤成諸郎難弟復難兄長留北海文  
章在千古雲臺有姓名

贈管子野高士三章

僊翁高弟獨君優曾次清明辨九流我是愚溪一  
愚叟不妨同醉管家洲

月旦今誰許典陳乍賢乍佞日紛紛焉有熱額非

吾事一片靈臺欲付君

虛名玉表或礪中薄命何堪與共功東國人倫要

真識好將傳與黑頭公

戲相師

珥貂簪筆起鉏犁何必人人慣伏犀曾次九流君

自了看來唯少醉如泥

留贈丹陽王鍊師三章

信得人間比夢問一危芳酒且開顏當時笑伴今

誰在詩客淒涼飯潁山

爛醉玄都有舊期百年人事不勝悲桃花一簇開

無主留着東風與兔葵

醉盡貂裘白髮新京華旅食記前身僊翁相見休

相笑同是邯鄲枕上人

遺山先生文集卷第十四

遠山先生文集卷第十五

章宗皇帝鐵券行引

臣嘗考唐史所載鐵券之說有二其一則將相有社稷之功者賜之其一則許藩鎮以自新者也唐自安史之亂之後盜據河朔若魏博若幽燕若鎮異根結盤互一寇死一寇生天子不問有司不訶者數十年其制御之術可考也溫言善辭以開慰之高爵厚祿以尊寵之甚者又以待社稷臣之禮而禮之也辨理曲直洗滌怨惡質之於天地而示必信申之以丹鐵而固不朽當是時武剋不剛君臣相與為一切之計幸賊之不吾梗雖所求有過於此者將奔走而奉之故所謂丹書之信特迫於不得已焉而與之耳道陵朝有以田氏所藏唐賜藩鎮鐵券來上者上為製七言長詩以破其說名曰鐵券行臣幸獲親焉自聖人以書契代結繩之政大朴雖散天理之真淳者猶在人也治稍下衰而誓諾興信不足有不信夏后作誓而民始叛殷人作誥而下益惑蓋自結繩而為書契自書契而為誓誥利害相摩機械相直君父而臣子也君有不得於其臣臣有不得於其君天理之存者曾不

毫髮况又自誓誥而為鐵券其欲使人不叛且感亦難矣故施之藩鎮不可也黃河泰山之盟不能揀韓彭於旋踵之頃赤心白日之語又安可保唐室於威令復振之後乎施於功臣亦不可也君不得於其臣而與之為不直臣不得於其君而受之為不義不直不義與何其不以功臣為藩鎮也大哉孔子之言曰天何言哉四時行焉百物生焉知乎此則知聖人所以及豚魚者為不在彼也臣竊伏觀章宗皇帝以仁聖之姿淵懿之智緝熙光明之學正心誠意脩身治天下二十年之間大信之所孚服膺大臣之責輿臺皂隸之賤皆不言而喻不約而隨不契而合不膠而固其視前世誓誥之繁固已貫三光而洞九泉矣况於特片鐵以為固者乎宜其播之於号令發之於歌詩慨然自得於大道破裂之後祛千載之惑為萬世之戒也如此有詔下臣為作篇引謹昧死百拜而言曰聖人之公之信皆天也臣何足以知之若夫雲漢之昭回日星之炳曜編之詩書而無愧質之鬼神而不疑者臣愚不自度量尚庶幾自託於不腐云臣謹引

秦王擒寶建德降王世充露布篇正上二

元年五月應律科極文餘一篇  
武中興頌大同禮儀亡不及錄

臣聞天地之大無不容王者所以悉臣而悉主雷  
震之擊無不滅神兵所以萬舉而萬全其有怙姦  
自終同惡相濟雖合從連衡而自爲得計而禁暴  
誅亂者理有固然輔車之勢未成連頸之刑已及  
陳餘之輔趙歇竟成水之亡公孫之得隗器何  
揀咸門之酷明鑿不遠覆轍相尋我國家統接軒  
符亂除秦跡斷齧足以立四極射旄頭而靖八荒  
南征北怨而俱荷耒耨西被東漸而無思不服獨  
茲狂狡猶爾跳梁竇建德王世克者聞葺下村舍  
迷小醜要頌不足以膏斧鉞名姓不足以污簡書  
僭号位以自居意兵刑之莫及狐鼠不神於晝出  
鷹鳩當化於陽和敢爲犄角之謀自隔照臨之造  
魚肉兆姓塗炭二方稔惡貫以既盈諒靈誅之莫  
逾五侯共憤期分項羽之尸四塚既成待葬蚩尤  
之骨臣與諸將等致行天討動稟睿謀謂既既滅  
則虜自亡故竊可先而齊當後肅將禁旅進次東  
都賊既身來義當面喻人有請師之舉天開悔禍  
之期今不自歸後將無及計即從於馴伏乃更肆  
於憑陵不虞當轍之難遠有背城之狡臣等先登

進擊深入合攻戰聲騰洛水之波怒氣動邙山之  
色紛披戈而敵野殷流血之成川健將既獻餘衆  
皆潰世充則堅壁自固恃求援之方來建德則掃  
境赴期曾晉亡之不悟臣等鼓已捷之勇迎自送  
之師破竹未比乎發機建瓴莫喻其乘勢武牢方  
啓突騎直前諸將引陣以當其衝微臣卷甲以出  
其後歸鯁自警蟻虱相悲以彼氣之既歸當我軍  
之方銳亂難復整徒誇軍屬於鵠山勢不久存果  
見豆亡於牛谷臣以既擒夏賊毋詣洛師示之已  
獲之俘縱其所遣之使世充外謀已敗內勢又窮  
知無地而可逃乃詭軍而自縛一卒不損二盜充  
平其東都吏民等雷政以罹王靈甫及金鼓動發  
生之氣旌旗尊長養之風莫不動地懽呼載天感  
泣廓妖氛而一掃混文軌而大同升平之期自今  
以始茲蓋伏遇皇帝陛下沉幾先物神武應期從  
容高拱乎九重之中纖悉周知於萬里之外日將  
旦而群陰伏顧小竊之何施天不言而四時行宜  
駕功之玉應臣某等謀司戎律初乏將材仰憑折  
籌之神術遂請纓之志七旬來格微勞深愧於萬  
征萬壽無疆善頌敢忘於武拜

擬賀登寶位表

奉都堂鈞旨作

中國之有至仁無思不服聖人之得大寶咸與維新凡在照臨舉深慶抃中謝竊以社稷隆神器之重父子處人倫之先付與既公衆庶斯定我國家

光宅天下丕冒海隅世祚承平古無倫擬先皇帝

摠持權柄弘濟艱難安強成道德之威信順得天

人之助大功甫集明命有歸欽惟皇帝陛下孝弟

通於神明忠厚及於草木聖神文武克享皇天之

心獄訟謳歌皆曰吾君之子百年享國初得正傳

三后在天更無遺恨大定明昌之治增光宜及於

此時周宣夏后之功專美豈容於他日風雲嘉會

日月中與臣等夙被生成重叨際會接千歲之統

既欣歷數之有歸上萬年之觴行慶版國之盡復

擬立東宮詔

惟王建國篤為長世之謀惟國立儲茂正萬邦之

本位号定而莫不以為悅典禮崇而莫敢以為私

眷子上嗣之良優有中興之略內則視膳問安之

禮備外則尊道讓齒之義隆藹然仁孝之稱粹矣

溫文之表朕自紹休於大統猶虛位於東朝乃考

肇龜之占乃稽方冊之寶夏后與子天人之望攸

歸周家尚親廟社之尊斯在載消穀旦爰關青宮下以副四海之心上以對兩宮之訓某可立為皇太子於職文昭武穆夙詒燕翼之謀震長留明本有承華之象尚因主鬯之重嗣啟迓衛之期

擬除樞密使制

在天垂象璣衡通紫極之嚴稽古象賢有密極洪

樞之峻故非智辯無窮則不足以語成敗安危之

要非威望素重則不足以馭梟俊強悍之臣敷求

天下之奇才以屬國家之大計誕告於衆予得其

人具官某沉鷲有謀幹嚴不撓逆用兵之善志厲

許國之精忠戎陣有年虜公屢奏出奇應變森然

武庫之雄厥難折衝隱若長城之固屬機庭之虛

職咨群牧以擇賢才氣無雙士皆樂屬李廣策慮

幅憶時則有若陳湯是用假以本兵之權置諸右

府之長於戲漢有汲長孺邪謀竊於淮南唐相李

文鏡威令行於河朔蓋屈人貴乎不戰而銷患在

於亡形予將以中興而責成尔其以上策而自任

尚懷遠略無及近功

擬御史大夫諫樞密使表

憲府備員積有妨賢之畏樞庭謀帥遽膺制勝之

求拊陋質以何堪對寵光而知懼中謝臣聞受祿  
過量忠臣恥其素餐因能任官明主不以私授蓋  
物勝於權則衡為之殆馬竭其力則御連於顛臣  
雖至愚敢忘斯義伏念臣智靈弗兢器益尤踈初  
無落落過人之材徒有區區自信之志存更中外  
無補事功竊憂大譴之方來敢謂異恩之橫被而  
况樞極通帝位之紀宥府嚴師律之謀周設六官  
司馬聯於冢宰漢分三府太尉列於中台故必文  
武智能之臣乃付腹心爪牙之任人歌宣后豈無  
吉甫之憲邦天替高皇宜得留侯而籌帷顧以非  
才而叨據在於公議而謂何伏望皇帝陛下大道  
曲全至明博照察臣心之有愧憫臣力之弗勝追  
還誤恩妙東良輔退而勞力足昭名器之至公因  
是得人旋致朝廷之增重

擬除司農卿制

曰政維天下之大網古有播百教之命農臣分戶  
曹之外務今為治六府之官况假以部使者之權  
位於中執法之次自非智敏足以豐財賦風采足  
以動縉紳則何以容吏治之否臧寃貨源之通塞  
嚆若予采食曰汝諧具官其志大而氣剛智明而

才邵遇事不滯若然新發之鋒挺身而前寧乎後  
彫之節自預時髦之選浸階華貴之游蔚為名臣  
簡在朕聽是用進以播臣之貳委茲邦計之繁朕  
惟西北用兵以來朝廷多事之際欽散之術既廢  
罪功之辨不明官必仰給於創羅之民民或重困  
於侵敵之吏蓋基本急於愛養而綱紀責乎該張  
朕方以一道之事而責成尔得以三載之功而自  
效於歐生之有道則財恒足率之以正則令必行  
劉晏之輕重相權算不忘於馬上范滂之澄清自  
任志已見於車中罔俾斯人專美前世

遺山先生文集卷第十五

道山先生文集卷第十六

平章政事壽國張文貞公神道碑

故相壽國張公之孫好退謂某言先大父之薨參知政事高公子約爲神道碑碑石已具遺貞祐之亂不克立好退而渡二十年乃還鄉里思卒前事而高公之文於時事有嫌不敢復議惟我先人以書生起家仕宦至宰相身存踐履之實國有經綸之業雖流風未遠而人代既遷微良史則墜簡已亡懷舊俗則高年垂盡瞻言丘壠旌紀寤寐好退無所以肖不能奉揚微烈負蒙蒙累無以自處誠得吾子辱以第二碑賜之則瞑目爲無憾矣敢百拜以請某竊自念言不腆之文願無足以紀公之美且不能繼於高公之文之後固宜以不敏辭所以不敢終辭者蓋金朝官制大臣有上下四府之目自尚書令而下左右丞相平章政事二人爲宰相尚書左右丞叅知政事二人爲執政官凡在此位者內屬外戚與國人有戰伐之功預腹心之謀者爲多清習之人以門閥見推者次之衆用進士則又次之其所謂進士者時以示公道繫人望爲爾軒輊之權既分踈密之情亦異孤立之迹處乎

免疑之間難入之言奪於衆多之口以常情度之謂必以苟容爲得計循默爲知體矣然而持區區之忠以盡心於所事如石右丞琚董右丞師中胥莘公鼎之流慨然以名臣自任者亦時有之惟公歷仕四朝再秉鈞軸不難於佗人之所難不徇於世俗之所徇忠信篤實足以自結人主名德雅望足以師表百僚敦龐耆艾足以填闕察而撫百姓故百年以來談良相者莫不以公爲稱首夫善化一鄉智効一官人且喜聞而樂道之不欲使之隨世磨滅有如我公乃不得以著金石傳永久秉筆之士將不有任其責者乎謹按儀同三司平章政事壽國文貞公諱薦公字良輔姓張氏唐名臣公謹之後唐末有自東海徙汶上者後又徙東阿遂爲東阿人曾祖諱晞行善好施鄉人歸之宣政末常出財佐軍二子得補國子助教用公貴贈銀青紫祿大夫清河郡侯妣劉氏清河郡太夫人祖諱詢孝弟力田家用不匱贈金紫光祿大夫清河郡公妣崔氏清河郡太夫人考諱彌學薦於學問以尚書爲專門之業初應鄉試權本經第一後罷經義科以詞賦取士復預薦書已而嘆曰丈夫年老於

童子彫蟲之技耶吾不復出矣常銘其左右云欲  
求子孫先當積孝欲求聰明先當積學世以爲名  
言累贈崇進壽國公妣王氏壽國太夫人生四子  
公其第四子也崇進公嘗夢至一大官府署曰張  
萬相公之室已而公生田以名焉公幼穎悟號稱  
博聞強記弱冠登正隆二年詞賦進士第釋褐額  
順軍新鄭縣主簿丁崇進公憂服除調沂州費縣  
主簿正隆政衰盜賊群起公有策禦之盜爲哀止  
邑人賴焉大定四年調遼陽府路辰淥益司判官  
課窠超淄川長山今去官之日百姓爲之立祠十  
五年克尚書省令史考滿邊河北西路轉運司都  
勾判官獄餘改大理司直十九年遷武庫軍節度  
副使二十一年召爲尚書省右司都事朝廷知公  
始將大用矣未幾攝同知登聞檢院事奏對稱旨  
乃其變焉再遷侍御史不數月改右司員外郎即  
中敷奏詳明不爲緣飾世宗嘉賞之顧謂侍臣曰  
張萬公純直人也俄遷刑部侍郎章宗即位詔以  
遺留使於宋使還會創設提刑司首命公爲河南  
路提刑使不暮年御史臺奏課爲九路之窠權拜  
御史中丞時明昌元年也元妃李氏有寵上欲立

爲右臺諫以爲不可交攻之監察御史宗端備右  
拾遺路鐸翰林脩撰趙秉文皆得罪去一日上遣  
中使密訪公吾欲立右何所不可而臺諫乃下相  
容卿以爲如何公言此大事明日當面奏及對因  
爲上言國朝立右非貴種不預選擇元妃本出太  
府監戶細微之極豈得母天下上默不言明日出  
公爲彰德軍節度使兼應州管内觀察使其後立  
右議寢上思公言召爲大興府尹二年九月拜參  
知政事以太夫人年過八十表乞就養不許未幾  
復申前請乃授山東西路兵馬都總管兼判東平  
府事以便親歲餘復以親老爲言乃聽歸侍六年  
起爲河中府尹時屬軍興調度百出公爲之平物  
價寬民力比它州所費省者什六七永安三年正  
月上以太夫人之故移公濟南尹河中之人爲建  
去思堂畫像事之九月丁內艱卒哭詔以明年正  
月朝京師起復授平章政事超資善大夫封壽國  
公主兵者言比歲征伐多至敗衄凡以軍事所給  
之地不足自贍至有不克飢寒者所以無聞志願  
括民田之月稅者分給之則戰自伍矣朝臣議已  
定公獨上章極諫其不可者五大略以爲軍旅之

後瘡痍未復百姓拊摩之不暇何可重擾一也通檢未久田有定籍括之必不能盡適足以增猾吏之敝長告訐之風二也浮費侈用不可勝計推之以養軍可歛不及民而足無待於養民之田三也兵士失於選擇強弱不別而使之同田而共食振厲者無以盡其力而疲勞者得以容其姦四也奪民而與軍得軍心而失天下心其禍有不勝言者五也必不得已乞已冒地之已括者召民耕之以所入贖軍則軍有坐獲之利而民無被奪之怨矣不從即以衰病不任職乞罷賜告兩月且以尚醫調護之泰和元年六月連章請老邊帶祿大夫且以公第四子某四赴處試當同進士出身詔充關門檢候又改筆硯局承應尋賜進士第所以優禮公者佗相莫與爲比二年章拜上有旨鄉頰上章告老寧以言事不見從或與同列者有差別故耶何求去之歎也公奏言臣誠衰老當避賢者路無他意也三年正月章拜上不允加銀青榮祿大三大月歷舉朝賢之可代已者求去甚力上爲感動中使宣旨朕初即位首命卿入政府繼遷相位以卿習於典故處事詳雅春秋雖高而神明未衰故且

以機務相勞今去意既堅不得不爲朕以從卿耳明日入辭詔以金紫光祿大夫致仕公退居上所以待之者不火衰朝廷有大利害則遣使者就訪之六年南鄙用兵上以山東重地須大臣鎮撫之手詔起公判濟南府山東東西路宣撫使便宜行事公爲之布教條問民所疾苦貸遺賦以寬流亡假開田以業單貧戍邊郡者戒之以守疆場毋敢妄動益州郡者戒之以有符牒毋敢妄擾經畫既定即移文有司乞還鄉里上優詔許之仍加崇進以策其歸七年冬十月寢疾一日令具湯沐洒掃庭內曰吾將逝矣命子益執筆書遺戒子孫以責薄尚儉而已尋薨春秋七十有四上聞之震悼輟視朝贈贈加等祭葬皆用詔書從事有司改行謚曰文貞仍贈開府儀同三司以八年二月舉公之柩葬於青太里北原之先塋壽國夫人劉氏樹馬大安元年詔繪公像於衍慶宮配享章宗廟庭公資朴直不自表操自少日便能以沉然自養平居不妄言笑事親孝持昆弟有禮與人交不苟合太夫人喜家居留官下者未嘗以每一書示至公必望拜庭下歎歎流涕而後發左右皆爲感動夫



人前歿章宗欲有所賜再拜謝不敢當絮居終身  
兩童子自隨侍婢不得至其前閒居鄉縣與父老  
游敦布衣之好初不以名位自居仕宦五十年在  
州縣則治化清淨不事科罰而人有畏愛之實在  
朝廷則切於論列有不便於民者必委曲道之雖  
理著訐直而辭氣容貌不失其為大臣之體大定  
之治近古所未有紀綱法度備具周密公在相位  
謹奉行而重改作得守文之體故能不動聲氣而  
天下陰受其賜古所謂日計不足月計有餘者於  
茲見之故嘗論公平生所言者不勝載而繫於癘  
與存亡者有二事焉一立后二括田立后難於從  
而章宗從之括田不難於從而竟不聽其後武夫  
悍卒倚國威以為重山東河朔上腴之田民有耕  
之數世者亦以冒占奪之兵日益驕民日益困養  
成癘疽計日而潰貞祐之亂盜賊滿野向之倚國  
威以為重者人視之以為血讐骨惡必報而後已  
一顧盼之頃皆狼狽於鋒鏑之下雖赤子不能免  
蓋立后之事在庭之臣皆以為不可獨上以為可  
故公之言易為力括田之事上下皆以為可而公  
獨以為不可故難為功以一言之不相入其禍果

有不可勝言者是不獨在公為遺恨異世相望亦  
當有太息而流涕者嗚呼豈非天耶銘曰

留侯授書三往雞鳴濟北有期廼祠嘉平神物不  
亡時出妙靈數城之張帝傳載生帝傳維何文貞  
壽公未訥之剛朴魯之忠以靜而應以介而通惻  
惻無華安事勇功即署擢長憲臺進貳相業之良  
興陵所試大定之治講若畫一公如曹參守而勿  
失守而勿失民以寧謐賜則陰受跡容致詰皇天  
生之曷不成之孝孫受之曷不究之在昔所難在  
聽思聰烏群於前孰知雌雄兵以農戰國從本固  
皮之不存毛將安恃一言之微却可以興作法於  
貪敵將曷勝悔罔後及忠無前寤我思古人愛而  
莫助黃山之陽喬木蒼蒼公墓有碑千載涕滂

### 王黃華墓碑

泰和壬戌冬內翰王公卒於京師道陵雅知公家  
無餘財將無以為葬也詔有司贖錢八十萬以給  
襄事求生乎詩文裁之秘閣未幾以御製詩賜其  
家其引云王遵古朕之故人也乃予庭筠復以才  
選直禁林者首尾十年今茲云亡玉堂東觀無復  
斯人矣其家以遺文未上尋繹之又良用愴然而

其詩有天才超邁無愁琬琰之句蓋公門闢人品  
 器識文藝一時名卿材大夫少有出其右者上意  
 亦恨其得之晚而用之者百未一試也故殷重嗟  
 惜之如此公諱庭筠字子端姓王氏家諱載其三  
 十二代祖烈太原祁人避漢末之亂徙居遼東曾  
 公特徵不應隱居終身其後遼東亦亂子孫散處  
 東夷十七代孫文林仕高麗為西部將歿於王事  
 又八世曰樂德居渤海以孝聞遼太祖平渤海封  
 其子為東丹王都遼陽樂德之曾孫繼遠仕為翰  
 林學士因遷家遼陽繼遠孫中作使咸飭避大林  
 延之難遷漁陽咸飭孫六宅使恩州刺史叔寧遷  
 自曹六宅生永壽居韓州遼天慶中遷蓋州之熊  
 岳縣遂占籍焉永壽之長子政事金朝官至金吾  
 衛上將軍建州保靜軍節度使保靜之中子遵古  
 字元仲正隆五年進士仕為中大夫翰林直學士  
 文行兼備潛心伊洛之學言論皆可紀述明昌應  
 詔有昔人君子之目子孫以昔人名所居之山而  
 君子名其泉所為志也中大夫四子庭玉庭堅次  
 即公太師南陽郡王張公浩之外孫生未暮視書  
 識十七字六歲聞父兄誦書能通大義七歲學詩

十一歲賦全題讀書五行俱下日記五千餘言泳  
 郡王公備然風岸孤峻少所許可一見公以國士  
 許之弱冠擢大定十六年甲科釋褐承事即恩州  
 軍事判官臨政即有能官之譽郡民鄒四者誠為  
 不執事覺違捕千餘人而鄒四者竄匿不能得朝  
 廷遣大理司直王仲軻與公治其獄公以計獲鄒  
 四分別註誤坐預謀者十二人而已再調館陶主  
 簿公繫有重名天下士夫想聞風采謂當一日九  
 遷乃今碌碌常遭限於賢愚同滯之域簿書期會  
 隨俗俯仰殊不自聊秩甫滿單車徑去卜居隆慮  
 周覽山川以謂西山橫截千里隱然如臥龍起硤  
 砧天平黃華至魯般門龍之首脊肋尾皆具而黃  
 華蔚然涵濃秀之氣山有慈明覺仁二寺上下相  
 去不半里所西抵鏡臺直鵝超洪之懸流幽林穹  
 谷萬景盆集一水一石皆崑閩間物顧視塵世殆  
 不可一日居也乃置家相下買田隆慮借二寺為  
 栖息之地時性肅詠若將終身焉晉人庾亮隱居  
 義陽僅見於傳記黃華雖勝絕而近代無所知名  
 至於高賢題詠亦罕及之自公未居以黃華山主  
 自號茲山因之樂出太行之上人境俱勝於公見

之山居前後十年得悉力經史務爲無所不聞旁  
及釋老家尤所精詣學益博志節益高而名益重  
明昌初用薦者以書畫局都監召俄投應奉翰林  
文字同知制誥遷翰林脩撰坐爲言事者所累出  
爲鄭州防禦判官永安初繼丁內外艱哀毀骨立  
幾至不起四年起復應奉翰林文字泰和元年復  
翰林脩撰扈從秋山應制賦詩至三十餘首寵眷  
優異蓋將大用暮年罹此不幸春秋五十有二實  
二年十月之十日也官止丞務即緋衣銀魚夫人  
張氏亦太師女孫子男三人萬安萬孫萬吉皆早  
卒女三人長曰從淨幼爲女官公沒後以能詩召  
見持加敬異次曰琳秀入侍掖庭李女幼在室公  
既無子以弟庭淡之次子萬慶爲之後以蔭補官  
至行尚書省左右司郎中文章字畫能世其家孫  
某曾孫某尚幼公儀觀秀偉善談笑俯仰可觀外  
視若簡貴人初不敢與之接一見之後和氣津津  
溢於顏間殷勤慰藉如恐不及又有可取極口稱  
道他日雖百負之亦不恨也從之游者如韓温甫  
路元亨張晉卿李公慶所引見者如關開趙公內  
翰馮公屏山李公皆爲文章鉅公下者猶不失爲

名士世以知人許之爲文能道所執言如文殊院  
斷琴飛未積雪賦及漢昭烈廟碑文等辭理兼備  
居然有臺閣體裁墓年詩律深嚴七言長篇尤以  
險韻爲工方之少作如出兩手可爲知者道也有  
篆辨十卷文集四十卷傳於世世之書法皆師二  
王魯直元章号爲得法元章得其氣而魯直得其  
韻氣之勝者失之奮迅韻之勝者流爲柔媚而公  
則得於氣韻之間百年以來公與黃山閑閑兩趙  
公人俱以名家許之畫鑒既高又嘗被旨與舅氏  
宣徽公汝霖品第秘府書畫因集所見及士大夫  
家藏前賢墨蹟古法帖所無者摹刻之号雪溪堂  
帖一十卷至於筆墨游戲則山水有入品之妙墨  
竹殆天機所到文湖州以下不論也每作一幅必  
以千文爲號不肯輕以予人閑閑有上公詩云李  
白一杯人影月卽度三絕畫詩書馮內翰挽章云  
詩名摩詰畫絕世人品右軍書入神人以爲寶錄  
云癸丑夏六月某客燕中萬慶爲言先公之歿四  
十餘年矣南北喪亂初無歸頌之望衰年乃得灑  
掃墳墓丘木已老而旌紀寂寂某死不得瞑目矣  
今屬筆於子幸有以惠顧之某不敏自初學語先

夫人教誨公五言志學以來知慕公名德蓋嘗夢  
寐見之雖不造指授至於不腆之文亦從公沾丐  
得之已嘗不自揆度為先正壽國文貞張公閱開  
趙公內相文獻楊公碑矣有如我公乃不得著金  
石傳永久碩安所逃責乎乃勉為論次之而係以  
銘銘曰

山立兮楊休元精兮當中冠名士兮中朝何隱隱  
兮隆隆明昌天關文治昭融婉變龍姿執雲之從  
望公脩門劔珮從容行人會盟常伯秩宗間燕論  
思衰職弥縫願肩任弗勝而鉛繫是烘生林實難  
間氣所鍾有物妬之隨以禍攻白駒忽其過隙乃  
歎歷九關而上通詩至夔州而僊文以潮陽而雄  
假公歲千寧阮以窮研摩於歸杜之後宜愈困而  
愈工養吾棟而先代果奚貴乎楠松謂公不遇耶  
獨簡在乎淵衷謂公為過耶方積素之為功界鐵  
基而奪之而無庸計夫乖逢馬鬣兮萬遂推熊嶽  
兮天之東望倒景兮不及抱明月兮長終澤畔行  
琴俯米伯之幽宮裴回故都而不忍訣駕孤憤於  
迴風謫傳長沙蝨賊內訌邈前席之不再俄占書  
之吉凶貴大患若身兮羌今昔之攸同我作銘詩

并以慰公使不幸而為屈賈其何以釋玄壤之遺  
恫

沁州刺史李君神道碑

君諱楫字濟川姓李氏系出隴西唐末其遠祖官  
汴梁石晉之亂流寓遼之北京是為大定府金朝  
取遼有昭信校尉諱福者避乱雲中生子孝直為  
汴京行臺令史仕至明威將軍亮丘令即君之考  
也亮丘嘗尉淄川樂其風土遂為淄川人路孟州  
宣叔撰墓碑述先世之德備矣君年十六以蔭補  
轉運司押運官時正隆南征在所寇盜充斥及歲  
終受代問關還侍下人以其年甫成童而能自樹  
立甚嗟惜之凡三歷酒官遷忠武校尉君幼學穎  
悟雖已在仕籍所以為舉子計者不火輟三赴省  
試皆入優等嘗以所業見鄭內翰景純景純大為  
辨異謂君言吾子必名世吾鄉為不乏人矣俄登  
大定十九年詞賦進士第授承務郎調歷城主簿  
改積石州軍事判官積石邊郡羌渾雜居君撫治  
有方入甚安之遷范陽令召補尚書省令史章宗  
以原王領省事愛君占對詳明審當每怒事退日  
送者久之終吏留再考未幾除吏部主事陝右早

甚詔君乘傳問民所疾苦君至關輔馳奏百姓苦  
饑當議有以賑貸之未報即開倉賑貧所全活不勝  
計朝廷以爲知權不罪也改太府監丞兼職常四  
五朝舉旣著蓋將大用矣明昌三年以歲歉流之  
者多故田野不闢詔君克山東東西路勸農副使  
君適歷郡縣勸課備至世官有墮恣者率真次之  
徭役宮農務者以便宜罷之是歲山東爲之有秋  
使還授中都路轉運副使京師承平日久經費倍  
大定間一時府庫克實君有力焉丞相軍北行轉  
運司例以正負督餽餽同列方以從軍爲憂而君  
自請爲宰相重君之行爲改檄他負五年召授沁  
州刺史然知軍事陛見之日有詔朕比欲以郡守  
命卿有司以卿資淺未當得郡朕識卿舊故有此  
授卿宜悉力爲民以稱朕意政成即召卿矣朝貴  
重君材其行也祖道都門冠蓋塞路是夕太夫人  
張氏無疾而歿乃扶護還鄉里君天性純至初赴  
積石太夫人以六盤路險登頓殊甚山外高寒非  
老人所堪故留居鄉里君在官一年即以長告歸  
侍年過五十每遠遠庭闈惻然有孺子之慕至是  
衰感過甚殆無以自存食飲淡薄且不以時進比

莽柴毀骨立竟用是得疾以某年月日春秋五十  
有五終於服次隨以某日奉君之柩柩于某原之  
先塋執紼之人傾動州里行路爲之悽愴其誠孝  
之所感如此君自就學即以和雅自將究丘菴官  
剛嚴君從容諫止以故多從寬厚歷中外餘十五  
年廉正敬慎超出倫等又其行己之所以移於官  
者也其登科時御題易無體同年生六十八人自甲  
選張行簡至黃士表賦學家謂人人可以魁天下  
程卷皆侵木以傳凡仕宰相數人刺史節度殆過  
其半人以此前世龍虎榜至論孝弟忠敬尚以君  
爲稱首云先娶沂州蒲氏再娶錦州張氏武安軍  
節度使臨海老人子雲之女再娶宛平王氏忻州  
刺史子正之女皆封某郡君子男二人長國瑞試  
補禮部令史再任南陽縣令以惠愛見稱次子國  
維興定五年進士歷符離葉令淳正古雅爲時聞  
人女二人長適山東東路總管判官徒單喜僧次  
適南京廣盈倉副使趙思孫男女皆尚幼銘曰  
夙爲儒先出曰吏師明昌名臣道陵所咨至性薰  
然既厚其實於濟事也權於及民也慈求錫爾類  
從古有辭入于養親易失者時舍館弄孫爲樂不

賢聖善所宜神豈我私誰為隙駒忽其峻嶮碩瞻  
玄堂泣涕連洒及母下泉尚慰我思孰物之尸孰  
命之司曷昇之者全而不以究施伐石西山勸我  
銘詩是惟純孝李君之墓過者式之

遺山先生文集十六卷終

遺山先生文集卷第十七

碑銘表誌碣

閑閑公墓銘

唐文三變至五季衰陋極矣由五季而為遼宋由  
遼宋而為國朝文之廢興可考也宋有古文有詞  
賦有明經柳棣歐蘇諸人斬伐俗學力百而功倍  
起天聖迄元祐而後唐文振然似是而非空虛而  
無用者又復見於宣政之季矣遼則以科舉為儒  
學之極致假貸剽竊奉合補綴視五季又下衰唐  
文奄奄如敗北之氣沒世不復亦無以議為也國  
初因遼宋之舊以詞賦經義取士預此選者選曹  
以為貴科榮路所在人爭走之傳注則金陵之餘  
波聲律則劉鄭之未光固已占高齋而約厚祿至  
於經為通儒文為名家良未暇也又翰林蔡公正  
肅出於大學大丞相之世業據見字文濟陽吳深  
州之風流唐宋文派乃得正傳然後諸儒得而和  
之蓋自宋以後百年遽以來三百年若党承旨世  
傑王內翰于端周三司德卿揚禮部之美王延州  
從之李右司之純雷御史希顏不可不謂之豪傑  
之士若夫不溺於時俗不泊於利祿慨然發道德仁

義性命禍福之學自任沉潛乎六經捭容乎百家  
幼而壯壯而老怡然渙然之死而後已者惟我開  
闢公一人公諱秉文字周臣姓趙氏開闢其自号  
也世爲磁州滏陽人祖諱某用公貴贈正議大夫  
上輕車都尉天水郡伯考諱某贈中奉大夫上護  
軍天水郡侯李右司諱其墓述先世以未詳矣公  
幼穎悟讀書若夙習弱冠登大定二十五年進士  
第調安塞簿以課最遷鄆郎令再遷唐山丁郡侯  
憂用薦者及提刑廉舉起復充南京路轉運司都  
句判官丁太夫人某氏憂又用薦者起復應奉翰  
林文字同知制誥上書論宰相胥詩國當罷宗室  
守貞可大用又言刑獄征伐國之大政自古未有  
君以爲可大臣以爲不可而可行者坐讖詆免官  
未幾起爲同知尙嵐軍州事轉北京轉運司度支  
判官承安五年冬十月陰晦連日宰相萬公入對  
上頥謂萬公言卿昨言天日晦冥亦猶人君用人  
邪正不分者極有理趙秉文曩以言事降授聞其  
人有才具又且敢言朕非棄不用直以北邊軍興  
姑試之耳泰和二年改戶部主事遷翰林脩撰考  
滿留再任衛紹王大安初北兵入邊召公與待制

趙資道論邊備公言今大軍聚宣德宣德城小列  
營其外夏暑兩器械弛敗人且病迨秋敵至我不  
利矣可遣臨潢一軍擣其虛則山西之圍可解兵  
法所謂出其不意攻其所必掣者也王不能用其  
秋宣德以敗聞十月出爲寧邊州刺史二年改平  
定州前政苛於用刑盜賊無大小皆梏殺之聞赦  
將至先梏賊死乃拜赦而盜愈繁公爲政每從寬  
厚不旬月盜賊屏跡終任無犯者歲飢出俸粟爲  
豪民倡以賑貧乏賴以全活者甚衆及受代老幼  
攀送戀戀不忍訣已出郭復遯留之再三乃得去  
入爲兵部郎中兼翰林脩撰俄提點司天臺崇慶  
二年春太白經天公上奏歲八月當有人更王之  
變當國者以爲妖言置章不通及期王出居衛鄆  
如公言俄轉翰林直學士貞祐初公言時事三一  
遷都二導河三封建大略謂中國無古北之險則  
燕爲近邊車駕幸山東爲便山東天下富強處也  
且有海道可通遼東接上京宋有國時河水常由  
曹濮開滑大名東平滄景會獨流入于海今改而  
南由徐邳水行處下視堤北二三丈有建瓴之便  
可使行視故堤稍脩築之河復故道則山東河南

合敵兵雖入可阻以爲固矣三代封建外裔不能得中國之利秦罷諸侯而郡縣之無庸禍而有不及其之禍猶如秦銷鋒鏑今民間不得戡予矢是也隨名城今腹內州軍不置樓櫓是也在承平日若無患及其弊則天下有土崩之勢秦之勝廣漢之張魯唐之安史皆是也房琯因祿山之亂請出諸王分置諸道祿山聞之曰天下不可得矣今就一州上以公有儒當在左右不宜補外不許四年除翰林待講學士明年轉侍讀興定中拜禮部尚書兼前職同脩國史知集賢院事又明年知貢舉坐爲同官所累奪一官致仕有旨以御嘗告老今遂之也公家居上所禮遇公者不少衰時遣中使問御精神何如往年不數日復起爲禮部尚書兼官如故入謝上曰卿春秋雖高以文章故須復用卿公亦以身受厚恩無以自効願爲天子開忠言廣聖慮每進見從容爲上言人主當儉勤慎兵刑所以祈天永命者上嘉純焉今天子即位公再

以年乞身改翰林學士脩國史公以上嗣德在初當日親經史以自裨益進無逸直解貞觀政要申鑒各一通開興改元北兵由漢中道襲荆襄京師戒嚴上命公爲赦文以布宣悔悟哀痛之意公指事陳義辭情俱盡城下之役國家所以感人心作士氣者公與有力焉時公已老日以時事爲憂雖食息頃不能忘每聞一事可便民一士可擢用大則奏章小則爲當路者言殷勤鄭重不能自己竟用是得疾以夏五月十有二日春秋七十有四終於私第之正寢時軍國多故聘祭不及大夫士相弔間閭細民亦知有邦國殄瘁之歎越二日權殯開陽門外二百步有待也積官至資善大夫勳上護軍爵天水郡侯食邑一千戶實封一百戶先娶劉氏再娶郭氏並封天水郡侯夫人前公卒子男一人名似待闕御史臺掾女三人長劉氏也嫁汝州推官高可約次嫁衛州行部郎中石玠季嫁首知管差除令史張履三婿皆名進士也所著芻蕘說十卷中庸說一卷揚子發微一卷太玄箋贊六卷文中子類說一卷南華略釋一卷列子補注一卷刪集論語孟子解各一十卷生平文章號澹水



集者前後三十卷資暇錄十五卷公究觀佛老之說而皆極其指歸嘗著論以爲害於世者其教耳又其徒樂從公游公亦嘗爲之作文章若碑誌詩頌甚多晚年錄生平詩文凡泐於二家者不在也大槩公之文出於義理之學故長於辨折極所欲言而止不以繩墨自拘七言長詩筆勢縱放不拘一律律詩壯麗小詩精絕多以逸體爲之至五言則沉鬱頓挫似阮嗣宗其淳古淡似陶淵明以它文較之或不近也字畫則有魏晉以未風調而草書尤驚絕殆天機所到非學能至今宣徽彞御使河湟夏人多問公及王子端起居狀朝廷因以公報聘已而輟不行其爲當時所重如此公之葬也孤子似以好問公門下士未速銘因考公平生而竊有所嘆馬道之傳可一人而足所以弘之則非一人之功也唐昌黎公求歐陽公身爲大儒繫道之廢興亦有皇甫張曾蘇諸人輔翼之而後挾小辨者無異談公至誠樂易與人交不立崖岸主盟吾道將四十年未嘗以大名自居仕五朝官六卿自奉如寒士而不知富貴爲何物生河朔鞍馬間不本于教育不階於講習紹聖學之絕業行世俗

所背馳之域乃無一人推尊之此文章字畫在公爲餘事自以徒費日力者人知貴之而不知貴其道歟相譚有言凡人賤近貴遠親見揚子雲故輕其書若使更聞賢善爲所稱道其傳世無疑譚之言今信矣然則若公者其亦有所待乎銘曰

道統中絕力任權御一判藩籬倒置冠履公起河朔天以經付投身顛波爲世砥柱優柔而求饜飲而趨春風舞雩如望趨步心與理叶默以言寓發道大全初莫我助大夜而且大夢而寤乾端坤倪軒豁呈露致知力行開物成務在德爲柄在治爲具吾道非耶而以文遇足已無待待義不懼憂國憂君華首弼固歲書名山京師其副後禮樂與當表公墓

朝散大夫同知東平府事胡公神道碑公諱景崇字芳高姓胡氏其先威州人曾祖智避靖康之亂遷武安遂占籍焉祖益家累鉅其父課之讀書涉獵經史工於書翰輕財好施不責報償秋冬之交量以布絮散寒者仍作糜粥以食之歲以爲常趙魏間稱積德者莫不以胡氏爲稱首云正隆南征以良家子從軍載國子監書以歸因

之起萬卷堂延致儒士門不絕賓儒素起宗實兆於此後以第四子浩官五品贈宣武將軍考仲溶皆讀書不以世務繁懷大定初兩赴廷試不中即以詩酒自娛竟用是得疾甫三十而歿用公貴贈朝列大夫安定縣子公幼有至性十歲喪父哀毀成疾嘗泣謂其母孔氏言吾父不幸早世兒誓當學以成吾父之志孔夫人有賢行所以作成其子者為甚力故公十五知屬文弱冠有聲場屋間年三十擢大定二十五年詞賦甲科釋褐海州軍事判官用提刑司廉舉特旨陞即墨令縣治瀕海土境而俗惡公清介自律人莫敢犯一新珥筆之舊縣界多世官侵愁細民累政以為苦及是有以牧馬傷民田者公深治而痛繩之強暴為之怙然初縣廨在古城之隅為妖狐所據狐晝伏夜出變化狡獪或為獄卒縱遣囚繫或為官妓盜驛傳被襍媚惑男女有迷亂至死者民無如之何反以香火奉之餘五十年矣公下車問知所以然願謂同僚官舍所以居賢今令不得居而狐得據之耶時屋空已久頽圯殊甚即命完葺之明日即聽事理務抵暮張燭而坐夜參半孤鳴後園中一唱百和少

頃群集周匝廷內中一大狐據地而吼如欲搏噬然卒伍散走投死無所公安坐不為動而狐亦不敢前良久稍稍引退如是者三日遂不復來後十餘日傳一女奴歌謠跳躍狂若寐語公以朱書迫逐之置奴斂問奴即知人明日尉自巡邏還遣群狐數百由縣東南而去狐禍遂絕縣民以公為神刻石頌德李右司之純之文也秩未滿用提刑司薦遷河南府推官嫗師送強寇十數輩尹以下謂此寇為民害久亟散除之公疑縣所送者皆平民為緩其獄尹怒強出囚於市且以稍緩讓公公執讓之次忽有馳報嫗師獲正賊者尹慚謝即日上書薦之就除太原推官未赴召為大興推官時道陵新即大位留意庶獄勅尚書省吾柱判大興獄犴填滿推官雖小職尤難其人可選文巨公平審慎者充宰相以公為能故有此授公蒞職不三月以獄空聞詔錫宴以寵之俄改上京等路提刑司判官秩滿以稱職超授西京路轉運副使丁內艱服除為國子監丞兼戶部員外郎奉養既同知遼東路轉運使事本路稅額以牛頭徵者積數百萬石多有名無實無所從出而重為主典者之累公

躬自閉實無有欺抑者凡播配之數悉從蠲貸在  
所倉官坐傷耗而礙銓調者率以新官代之旬月  
入爲刑部員外郎東平大名同時有告人謀反者  
朝廷以戶部員外郎蘇其鞞獄大名而東平則以  
公決之蘇法吏專事撻掠因不勝慘毒皆自誣服  
株連者以千數公至東平有司供獄具至有甥籠  
大匱之屬公歎曰斷獄以情奚以此爲哉引告者  
諦審之十日而後其情得告者撻賴自恨言所以  
誣罔者獄既具止反坐此人而已東平尹率其屬  
勞公曰非使者忠愛三千人之命誰當續之百姓  
焚者拜送連延百餘里馬爲不得前及奏上道陵  
春曰胡景崇處置稱朕意矣大名之獄獨無究乎  
隨以它使者覆之蘇竟以罪去而公之朝譽由是  
益隆泰和六年以選爲上京東京等路按察司簽  
事陞薛以例言三事然皆天下之大計非例所當  
言者其一天子之職在擇相相得人則垂拱而治可  
也其二今皇嗣未立宜肅正六宮以廣繼嗣之路  
時元妃李氏專寵其宗有威福之漸外臣有寅緣  
至宰相者故公爲上言如此不報改同知鎮西軍  
節度使事屬歲早公禱而雨明年郡國蝗中使四

出掩捕獨公所治近城三十里無有也樓煩報蝗  
入縣境公馳至禱於右土祠言罪在守令幸無毒  
平民願矜之際蝗去無留者衛紹王大安初擢坊  
州刺史公老於吏事布宣教條恩威並著旬月之  
後但臥治而已俄改解州刺史坊人攀送垂泣而  
去踰年遷同知東平府路兵馬都總管事以崇慶  
二年五月日遣疾春秋五十有九卒於維陽之傳  
舍積官朝散大夫上護軍安定郡開國伯食邑七  
百戶後畿日墓於其所之先塋娶馬氏封安定郡  
君婦德母儀中表以爲法後公幾年卒子男三人  
長曰德珪正大四年進士儒林郎富平縣主簿次  
德琚早卒次德琳以公廢爲禮曹掾女二人長適  
刑臺焦日新封中山縣君次適涇川楊振文封弘  
農縣君孫男三人祗適祗承祗畏公美丰儀善談  
論臨事剛嚴人莫敢犯至於推誠接物則慈祥愷  
悌唯恐不及族屬餘百口同居迨公四世公卹睦  
之小大無間言從弟義幼孤賴公教督繼擢高第  
舊制文資官例提舉學校故公所在必課諸生學  
委曲周至終始如一前後三知貢舉凡置在優等  
者皆奇俊宏傑之士士論以得人許之歲丙午某

過彰德。德珪方爲所從事，謂某言先人棄養將三十年，貞祐之亂，倉皇南渡，頽瞻先塋，有旌紀寢寢之感。迨今北歸，先夫人之振從，耐有日誠得吾子銘而志之，以俟百世之下，不肖孤死不恨矣。敢百拜以請。某不敏，嘗聞公於曹徵君、王子玉、王公卿里，知公爲詳，以爲公無他過人，但能克孝弟之性而已。古有之事親孝，故忠可移於君，居家理，故治可移於官。又曰：孝弟之至，通於神明，信斯言也，公可以無媿矣。銘其可辭其銘曰：

地天而人，泰山微塵，不以元氣網維之，奚取于恥焉之身。元氣維何由孝而仁，智効一官，太或秉鈞，民吾同胞，忍弗參其親，惟恣聰明而致忠愛，故所過者化而存者神。上下同流，何有乎獸伏而鳥馴，問牛及馬，不足以謂之能，柱後惠文，不足以謂之備。我思胡公，煖然而春，鬱彼佳城，志以貞珉，十年而見白，日尚知爲秦和之名臣。

寄庵先生墓碑

道陵承安中，賊臣胡沙虎尹大興先生爲府推官，虎方論事中，貴竊弄威柄，內則以姦佞固主恩，外則鼓動聲勢以劫制天下，同列有一事不相叶，一

語不相入者，不陷之死地，則排諸遠方，故時人視之猶蛇虎鬼魅，疾走遠避之，不暇。先生直前徑行，初不爲死生禍福計，每以公事相可否，至絲髮不少貸，又摘其陰事數十條，將發之，私謂所親言：此人口無所不能言，手無所不能爲，政恐寧我負人，終成噬主之狗虎篡者也。平居頌指氣使，無不如意，乃今爲一書生所軒輊，積不能平，乃先以非罪誣染之，凡可以中傷者，無不至。先生守之益堅，坑之者愈力，如是二年，既無可撼，搖乃奏之上，前謂先生於種人有奴視之，傲賴上雅見知，譖爲不得行，蓋自永安迄至寧之弒，前後二十年，朝臣非無剛稜疾惡，不畏強禦之士，然敢與此賊角者，唯先生與尚書左丞張公行中二人而已。先生諱某，字平父，姓李氏，系出唐明皇帝，歷五季，宋末之亂，譜謀散失，無可攷索。靖康初，先生之祖祀自濟南齊河避亂，鎮州僑寓，一名醫家，遂傳其學生子拯，徙居藥城，仍食先業，資樂易多伎能，所居置病寮，過客及貧無以爲資者，未調醫湯劑，廉羽必躬親之，病既平，又量爲道塗之費，以給之，賦詩飲酒，談玄講道，優游以壽，終後用先生責贈奉訓大夫先生

即奉訓君之第二子也年十五奉訓君仍以家學授之學既成一日診一病者而心有所疑乃悔曰吾寧當以人命試吾術耶於是改讀律已而又以法家少思與前療病無異也即盡棄故學一意讀六經學為文章二十得解任府庠移籍太學試補河北東路提刑司書史登明昌二年詞賦進士第釋褐景城丞吏畏民愛雖老於從政者莫與為比縣舊多盜先生治之有方皆相率為平民以政迹陞遼東宜風令改薊州虜龍丁大夫又張氏憂起復歸州涉縣令縣乏水去城十五里所汲澗泉以供飲雖浣濯之餘不敢遺棄入用是多病先生行視西山得美泉度地之高卑將引致之先以便宜白於州然後籍丁為黍民樂於赴功不兩旬而成近郭數千家坐獲膏潤之利鄉大夫洎其父老相與立石用誌於他邦人為尚書省令史終更宰相議留再考先生力以疾辭授大興府推官轉河北東路轉運司都勾判官不一歲遷遼東路鹽使舊例使副判官分辦歲額而通比增虧考滿坐為同官所累降太常博士兼秘書省校書郎至寧元年春遷同知靜難軍節度使事時西北兵已動先生

以邠城頓北為憂謀之州將為浚築計不合欲聞之朝俄改同知許昌軍節度使事比到許下聞夏人入寇邠已陷官屬虜而西矣秋八月攻山東西路兵馬副都總管東平府治中制下三日賊虎斌逆自署太師尚書令澤王專制除拜先生即日以疾告徑歸陽翟築屋穎水之上名之曰寄庵因以為號先生通悟多智學有原本明於析理而勇於赴義中值大變知世事無可為故一切以蒙晦自居浮湛里社將二十年興定元光之間先生益已老矣某歲某月日春秋六十有七終於隱所先生喜作詩律切精嚴似其為人雅為王內翰子端周負外德鄉趙禮部周臣李右司之純之所激賞字畫得於蘇黃之間盡入神品賞識至到當世推為第一所在求謂者縷素填積隨日月先後償之謂之畫債至於星歷占卜釋部道流釋官雜家無不臻妙弦歌慕樂在它人以一技自名者皆其餘事也臨終預尅死期戒家人勿遽哭果如期而逝家人哭不禁良久開目云戒汝勿哭令我心識散亂言訖復瞑其明了又如此先娶里中郝氏再娶素城劉氏三娶河間王氏有直敏修之女未娶大興

崔氏吳州倅曼卿之妹子男三人澈方山拙分黨

治官劉出也次日治自幼有文章重名正大中收  
世科徵事郎長陵主簿王出也次日曰滋崔出也女  
二人皆嫁士族壬寅某月孤子治自陽翟護先生  
之柩歸塋於樂城某原之先塋蓋有日再拜涕泗  
謂門下士元某言先人諸孤唯治僅存矣輩流離  
不得以時歸村獲罪神明無所於死唯先人不大  
用於世故事業無聞若夫才德之懿問學之博志  
節之堅鑒裁之公則不可不白見於後今表墓有  
石吾子盍以所聞見者為我書之甚竊自念言自  
南渡以來登先生之門者十年先生不鄙其愚幼  
不肖與之考論文藝商略古昔人物之流品世務  
之終至間無不言言無不盡開示期許皆非虛幻  
不肖所當得者今得屬辭此事以相茲後願以不  
獲為恨其何敢辭唯是駑劣老矣無聞其何以究  
聞精微信示久遠雖義不可辭而又有不敢不辭  
者因起拜謝不敢當治重以大誼要責以為得先  
人所知者多矣孰若吾子之深與先人相從者多  
矣孰與吾子之厚治不謀若實治之尤謀之或違  
允將誰在於是不得終辭謹論次其事如右又

之以銘錄曰

君子時中立不倚偏經緯萬方以心為權嗟維  
先生中學之傳得之無息之久守以不磨之堅  
承安玩威魚脫於淵虎守天門四顧垂延孽伏  
生臣且百且千曾是下僚敢相周旋虎奮其須  
赤手往編特義與存豈樂自捐禍逮至寧初服  
歸田憤請討之無所寧與賊而同天人卻也而  
我前人安也而我獨還行無理違止不義案嗟  
繼先生其界也全材不一能我則百焉量測則  
閱籌計則賢藥石可以活國舟楫可以濟川抱  
利器而莫之試竟匡坐而窮年一室圖書我歌  
我絃屢順安常無憾下泉伐石西山表先生之  
阡孰能為世底柱如是之卓然

朝列大夫同知河間府事張公墓表

秦和初元妃李氏干預時政兄弟同在禁近聲勢  
焰煥鼓動海內臺諫多以為言公時為監察御史  
上書切諫至有妾上僭后夫人失位之語引接古  
今陳說成敗皆君臣之間所難言者朝議題之化  
御史有與公齊名者其後長禍不終名節掃地而  
公守河間得所以死而死身滅而名益著至今言

秦和名臣者唯公可以當之公諱公著字庭俊姓張氏初名宁以夢兆改焉世為太原陽曲人曾大父某知宋將亂隱居不仕大父祐好讀書尤長於術數卜筮東山之大石谷自言却後三十年吾宗當有文達者已而果然考諱某資稟寬綽輕財好施以詩書棊酒自適後用公貴封朝列大夫生三子公其孝也初自童壯朝列君教之學長游府庠即有能賦聲尋擢明昌二年進士第釋褐平遙丞歷洛郊雲川二縣令補尚書省令史考滿留知管差除以親老不就換都轉運司戶籍判官無幾何拜監察御史元妃兄黃門喜兒嘗以水田專私請於公公以正義責之喜兒惶懼而退虎賁尹大興固寵負恃恣為不法朝臣無敢言者公倡諸御史發其姦章十餘上章宗言胡沙虎定何罪但跋扈耳卿等不相容乃如此耶公同中丞孟鑄言聖明之朝豈容有跋扈將軍乎上為之動容張仲淹以趨附宰相起家不十年至大興尹公薄其為人衆辱之明日而仲淹死時人以為慚憤致卒云扈從秋以車駕所經居民為近侍所擾無所於訴公每騎從著大席帽行園中杖大奴十數人權責為之

欲手或相警云大席帽者至矣其威望如此秦和四年以攝職遷同知震武軍節度使事丁太夫人郭氏憂起復都轉運副使改發南京路按察司事持擊賊右發捷姦伏威惠並舉天下想聞風米遂有公輔之望衛紹王大安初授管州刺史暮年改景州兼漕運使丁朝列君憂起復陝西西路按察轉運副使宣宗貞祐二年改同知河北東路兵馬都總管兼河間府事特詔馳驛赴鎮不踰月河間受攻總管不能軍城遂陷公方在應辦局聞之大駭率城中壯士近千人督戰歿於陣中實十一月二十六日也得年五十有一夫人李氏再娶曹氏俱封清河縣君子男一人綽以廢補官女四人皆嫁士族男孫三人曰華曰賁曰恒公天性孝友為宗族鄉黨所知歷三縣兩州當官剛果明於剖折吏畏民愛有古能吏之風太原民羅小七夜殺數人而考驗無迹三推不能決朝命委公鞠之一問得情人以為神明之政在所敦獎儒學留意風教舊俗為之一變起文廟于所居安生里杜廷致名儒課子弟授業二姪經緯皆有聲場屋間繼擢上第張氏遂為河東文章宗鄉人至今崇之孤子緯

以某年月日葬公於某所之先塋禮也歲癸卯秋

九月某客燕中縉以世舊之故徵銘於某曰自木

冠南渡二十年之間無復歸顧之望叔父墓木已

拱而旌紀寂寥不肖負蒙蒙累死無以自贖誠得

吾子誤述以著金石傳永久則瞑目無恨矣敢百

拜以請某復之曰先大夫履正奉公惟義所在死

生禍福無所顧藉天下大夫士勉聞而厭道之累

得挂名表誌自託不腐鄉里晚生預有榮焉敢不

唯命是聽乃退而論次之而系之以銘銘曰

平易而仁卓魯之近民發姦擊強趙張三王之

所以神此在公為一節固已無望於時之人若

夫確固而不移質直而無文直前徑行唯義所

存有言責則致其忠有官守則致其身名節凜

然獨為不二心之臣聞公之風益知鄙夫之不

可以事君

遺山先生文集卷第十七



遺山先生文集卷第十八

碑銘表誌

內相文獻楊公神道碑銘

自孔子考四科及中人下上之次故孟軻氏於樂

正子亦有二之中四之下之說蓋人之品不齊而

論人之目亦不一有一鄉之士有一國之士有天

下之士有一代之士分限所在不能以強人而人

亦不能躡等而取之也維金朝大定已還文治既

洽教育亦至名氏之舊典鄉里之考率由科舉之

選父兄之淵源師友之講習義理益明利祿益輕

一變五代遼季衰陋之俗迄貞祐南渡名卿材大

夫布滿臺閣若胥莘公和之之通明張左相信甫

之朴直張太保敬甫兩趙禮部周臣庭玉馮龜州

叔獻王延州從之李都司之純之儒學王尚書充

之李都運有之兩楊戶部正夫叔玉李坊州執剛

之吏能張大理晉卿之平恕商右司平叔之雅量

許司課道真陳留副正叔之直言極諫康司農伯

祿雷御史希頰之剛稜疾惡累樂得人於故為盛  
若夫才量之充實道念之醇正政術之簡裁言論  
之詳盡粹之以天人之學富之以師表之業則我





內相文獻陽公其人矣識者以為中國之大平治  
之久河岳炳靈實生人傑非宋行博天之器如公  
者曷足以當之降材爾珠取稱斯允商略前後擬  
倫名勝惟其視千古而無媿是以首一代而絕出  
然則元光正大以來大夫士推公為中朝第一而  
不以百年計之者知公為未盡歟公諱雲翼字之  
夔楊氏其先贊皇之檀山人六代祖忠客樂平遂  
占籍焉曾祖處士君青嗜讀書而不事科舉嘗誨  
其子孫言聖人之道無它至誠而已誠者何不自  
欺之謂也蓋誠之一物存諸己則忠加諸人則恕  
是道也出於人心誰獨無之然今山野小人有能  
行而世之才智士大夫或有愧焉吾百不及人獨  
此事不敢不勉耳若能從吾言真吾子孫也祖  
郁用公貴贈正議大夫祖妣宋氏追封弘農郡大  
君考恒累贈中奉大夫妣李氏弘農郡太夫人公  
資穎悟初學語輒盡地作字殆能記他生之習者  
八歲知屬對日誦數千言弱冠登明昌五年經義  
第一甲第一人進士第詞賦亦中乙科特授丞務  
郎應奉翰林文字考滿留再任丞安四年出為陝  
西東路兵馬都總管判官決獄寬平大為總管賢

宗室長壽所知泰和元年召為太學博士丁內艱  
服除授太常寺丞兼翰林修撰六年南鄭用兵以  
本官從左丞揆軍駐汴梁明年授上京東京等路  
按察司僉事初宰相奏是職章宗先已識公即可  
其奏曰得之矣召見咨以當世之務稱旨及陞  
諭之曰御至官下有所盡明當專達毋枉執事者  
又明年改上京臨潢等路按察司僉事兼本路轉  
運副使大安元年翰林學士承旨張行簡薦公  
才學優贍精於術數召授提點司天臺兼翰林脩  
撰俄兼禮部郎中崇慶元年以病得請歸鄉里貞祐  
二年有司例上官簿宣宗閱之記公姓名起授前  
職兼吏部郎中三年起禮部侍郎兼提點司天臺  
充賜宋國歲元國信副使四年西北兵由鄜延內  
侵潼關失守朝議以兵部尚書蒲察阿里不孫為  
副元師以禦之公奏阿里不孫言浮於實必誤大  
事不聽兵交而敗卒如所料六年遷翰林侍讀學  
士同脩國史禮部司天兼職知故有官官制入三  
品者初外除以卿遇事敢言議論忠到故特留之  
以便諮訪卿宜悉吾意也時右丞相高琪當國昵  
信小人多變舊章擢貨提舉王三錫奏請權油高

琪主之甚力詔集百官議其事權戶部尚書宗頌  
天寵輩百餘人同聲贊可公獨引趙秉文時或等  
三數人排其議謂果行此事是以天下通行之貨  
為雜貨私家常用之物為禁物自古不行之法為  
良法竊為聖朝不取也議遂格高琪怒公為異竟  
以事譴公公不之卹也興定二年擢拜禮部尚書  
兼知集賢院事三年禁京師子城仗兵民數万夏  
秋之交病者相枕籍公提奉醫藥飲食躬自調護  
多所全濟城成進官一階四年改吏部尚書且有  
後命卿之間望舊矣今以選曹授卿宜振肅綱紀  
盡革前弊朕之待卿當不止此耳公益政裁畫有  
方凡軍興以來入粟補官及以戰功遷授者事定  
之後有司苛為程式或小有不合一切罷去公奏  
從寬收錄旬月政成不動聲氣而姦吏為之縮手  
朝眷歸焉九月上召戶部尚書高夔及翰林學士  
趙秉文於內殿皆賜之坐問以講和之策或以力  
戰為言上俯首不樂者久之公徐以孟子事大事  
小之說解之且曰今日奚計哉使生靈息有則社  
稷之福也今日奚計哉上色乃和十一月改御史  
中丞宗室承立權叅知政事行尚書首事於京兆

事有不法者大臣以為言詔公託鞠之獄成達奏  
曰承立所坐皆細事不足以累大臣然臣聞之向  
西北二敵合兵來侵平涼以西數州皆陷承立坐  
擁強兵瞻望不進鄰延師臣完顏合達者以孤城  
當敵衝且能敗其前鋒合達之功如此承立之罪  
如彼願陛下明其功罪而賞罰之則天下知所以  
勸懲矣自餘小失何足追咎承立由是免官而合  
達遂擢機務五年以疾求解復為禮部尚書兼翰  
林侍讀學士六年四月改翰林學士元祐二年復  
申前請宣宗不得已許焉哀宗即位圖任舊人首  
命公攝太常卿正大元年復翰林學士某月詔集  
百官議所以省費者公以為省費事小一戶部若  
司農官足以辦似不足議樞密院專制軍政幾視  
尚書省尚書出政之地政無大小當摠其綱領付  
外施行今軍旅之事宰相或不得預聞欲使軍民  
利害兩不相蔽得乎故獨以此應詔二月復為禮  
部尚書兼侍讀明年設益政院於內廷取老成宿  
德充院官極天下之選得六人而公為選首名為  
經筵實內相也每召見公獨得賜坐且呼學士而  
不名也初命講尚書公為言帝王之學不必如經

生舉子分章折句但知為國大綱足矣因舉任賢去邪與治同道典亂同事有言逆於汝心有言遜於汝志等數條一以正心誠意言之敷繹詳明上聽志倦尋進萬年龜鏡錄聖孝聖學之類凡二十篇公見朝士延議之際多不盡所欲言上下依違寢以成俗一日經筵畢因言人臣事君之道有二有所謂事君之禮有所謂事君之義禮不敢齒君之路馬蹠其芻者有罰入君門則趨見君之凡杖則起君命召不俟駕而行受命不宿於家是皆事君之禮人臣所當盡者也然國家之利害生民之休戚一在敷陳之間則向所謂禮者特虛器耳君曰可而有否獻其否以成其可君曰否而有可獻其可以替其否危言正論期於益國補民而已言有不從雖引裾折檻斷鞅鞞輪有不恤焉者當是時也若姑狗事君之虛禮而不知事君之大義阿合取容國家何賴焉上變色曰非御朕不聞此矣公自興定元光間病風痺至是稍愈上親問瘵之術對曰無他但治心耳此心和平則邪氣不干豈獨治身至于治國亦然入君必先正其心然後可以正朝廷正百官遠近萬民莫不一於正矣上矍

然知其為醫諫也十一月夏人和議成遣其徽猷閣學士李弁來議玄市及振危急者數事數往返不能決弁求大臣面論之朝廷以公往議乃定四年知禮部貢舉以考試勞心避疾明年八月之七日薨於私第之正寢春秋五十有九累官資善大夫勳上護軍爵弘農郡侯諡曰文獻娶某郡呂氏封弘農郡夫人子男二人長曰樸前公卒次曰恕擢正大四年經義進士第女一人適某族初公娶胥氏左丞通敏公之孫平章政事惠簡公之女以事姑嘗有後言即日弃去不以相家子為難待二第仲翼叔翼備極友愛家貧悉推典之至百負之而不恨嘗語人言昆弟之間若以昆弟待之則容有不可堪忍之事但當以父母待之耳或以為疑公曉之曰父母吾不得而見之矣得見兄弟非父母而何此念一生雖百世同居可也一姊適李氏既寡挈孤幼來歸公處之官下在律跡屬父外親留任所滿百日則徙他郡避嫌公言之朝獨得不徙撫導二甥卒為名士其長庵簡者登上第公天資雅重自律為甚嚴而其待人者寬以約交分一定死生禍福不少變為天官為春官為翰長為奉

常文章與關關公齊名世号揚趙高文大冊多出其手典貢舉三十年門生半天下而於英借後進初不以儒守自居所以教誘之者率君子長者之事益其所未盡而勉其所可致告言至戒或寓於款曲周密之間異時想聞風采若龍門之峻明出天外又一被接納則又恨造之之晚也平居無事左右圖史澹默無所營及當官而行或論列上前慨然以天下事自任知無不言言無不盡確乎有不可奪之節古所謂君子有三變者於公見之貞袖以後主兵者不能外禦大敵而取償於宋故頻歲南伐有沮其兵者不謂之與宋為地則疑與之有謀進士至宰相於他事無不言獨論南伐則一語不敢及公為太學博士泰和初建言便謂宋不可伐國家之慮不在於未得淮南之前而在於既得淮南之後蓋淮南平則江之北盡為戰地進而爭利於舟楫之間我之勁弓良馬有不得騁者矣彼若扼江為屯潛師於淮以斷饑道或決水以豬淮南之地則我軍何以善其後乎及時全倡議南伐宣宗以問朝臣公言朝臣多諛碎天下有治有亂今但言治而不言亂國勢有強有弱今但言強

而不言弱兵家有勝有負今但言勝而不言負此議論之所以偏也臣請兩言之庶幾見利害之全夫將有事於宋者非貪其土地然第恐西北有警而南又綴之則三面受敵耳故欲我師乘時勢先動圖宋人今冬不能來或不致來此戰勝之利也就如所料其利猶未可必徒江之南其地尚遠且有巴蜀為之輔雖無淮南豈不能集數萬之衆伺西北有警而綴我取戰而勝且如此有如不勝其害可勝言哉且我以騎當步理可万全臣尚謂恐有不勝者今日之事勢與泰和不同故耳蓋泰和以冬征而今以夏此天時不同也冬則水脉涸而平陸多夏則水脉盛而泥淖多此地利不同也泰和舉天下全力至於虜軍亦駟之為前鋒今能之乎此人事不同也議者徒見泰和取勝之易而不知今日之難且以夏入觀之向日弓箭手之在兩邊者一遇勍敵則搏而戰袒而射彼已喪氣奔北之不暇乃今陷吾城而虜其守臣敗吾軍而禽其主將曩則畏我如彼今則倣我如此夏人既非前日奈何待宋人獨如前日哉願陛下思其勝之之利又思敗之之害無悅并言無貽後悔可也章奏不

報是秋公主貢舉且取高帝以天下為度命題以  
諷焉時全一軍尋敗於淮上幾有隻輪不返之禍  
宣宗責諸將言當使我何面目見揚雲翼耶河朔  
民何誣等十有一人為遊騎所迫泗河而南有司  
論罪當死公上章營救之曰法所重私渡者防姦  
備也今平民為敵所迫奔入於河為遺死之計耳  
豈有他哉使吾民不死於敵而死於法爾後唯有  
從敵而已宣宗悟盡釋之哀宗以河南兩電詔公  
審理冤獄而不及陝西公言天地人通為一體今  
人一文受病則四體為之不安豈可專治受病之  
處而置其餘不問乎朝廷是之詔吏部郎中楊居  
仁審冤陝西公之重人命慎于兵刑者類如此所  
著文集若干卷校大金禮儀若干卷續通鑑若干  
卷周禮辨一篇左氏莊列賦各一篇提點司天臺  
二十年雖老於其業積日累月不能了之事公一  
語破約衆無異辭有以太一新歷上進者尚書省  
檄公參訂摘其不合者二十餘條曆家稱焉德陵  
以庚寅日啟土司天生陳舉言國音屬商金在  
庚為絕宜用乙酉金王日吉詔公決之公言上行  
年辛卯乙酉雖為金玉終與行年相夾諸名不諱

姓姓所同也名所獨也且五行之說在漢人猶以  
為不經前世如呂才一行皆神於術數尚辨以為  
不可用本朝邵姓焉可必其於五音何屬乎卒從  
公議有五星聚井辨一篇天象賦一篇句股構異  
象數雜說積年雜說皆藏於祕府孤子恕奉公之  
柩將葬於荊原之先塋涕泗百拜謂門下士元好  
問言先公孝弟忠信始於事親中於事君終於兼  
善天下者翰林修撰王應事狀具在墓當有碑敢  
質之以為請好問謝不敢當恕以大編見責曰先  
公平生以國士待吾子乃不得論次遺烈以見於  
後世子好問度不可以終辭再拜曰謹受教乃為  
件右之且系之以銘其銘曰

天稟之厚百可施曾門之傳儼若思善我樂育  
併以賁大器備具無磷緇山甫吉甫其爽而魯  
無君子焉取斯貞祐南駕傾朝文恣兵橫出紛  
僵尸丁男徒苦輸膏脂公獨上前陳苦辭同仁  
一視父母慈越肥秦瘠小智私兩淮民命我所  
司忍令矛端舞嬰兒崑崙神泉樓米芝危國可  
活民不疵如公豈無匡復漢天聲尚父實為之  
孺子可教猶帝師惜哉不遭隆準時東陽之日

今崦岷碩瞻喬木為齋容峴山墮浹方在茲零  
落何必西州詩

嘉議大夫陝西東路轉運使剛敏王公  
神道碑銘

歲已酉冬十月故戶部尚書王公之子元慶涕泗  
謂某言先公棄諸孤養餘三十年矣惟是轉徙南  
北無歸柎之望乃今始克親事墓當有碑碑例有  
銘今厲筆於子使不肖孤獲免於有不稱之罪則  
瞑目為無憾矣敢百拜以請某以為先大夫有功  
吾晉鄉里晚生與受其賜今史冊散逸既無以傳  
信名卿鉅公立功立事之迹不隨世磨滅者繁金  
石是類誠得屬辭比事以相茲伎雖文字暗陋其  
敢不勉謹按御史張天綱所譔行事之狀而論次  
之公諱擴字充之族王氏世為定州永平人曾大  
父某大父某仕為縣功曹國初籍新附之民昇以  
符契使接舊業歸附後時或先服後叛者則別籍  
次第拘俘將及永平功曹輒焚其籍以滅迹所活  
無慮數千人令歎曰陰德在汝矣因改服儒業五  
子皆教之宦學三子繼登上第而仕亦達功曹得  
贈儒林郎姓兩高氏太原縣太君邦用公之父也

仕至同知安國軍節度使事此劉氏楊氏俱用公  
貴加贈太原郡太夫人公孜孜勿嗜學甫冠從鄉賦  
即有聲時輩無不推伏擢明昌五年甲科釋褐鄆  
州錄事朝廷更定律令留公不遣再調懷安令庶  
舉徐州觀察判官召補尚書省令史考滿授同知  
德州防禦使事以山東旱命馳驛赴官遂專賑貸  
東平諸郡公所至推次之絕人受實惠豪猾不得  
賣緣為姦棟州餓尤甚公輒例外稟之平章政事  
壽國張公宣撫濟南以德博多盜檄公總諸郡兵  
討捕群盜悉平泰和五年吳曦納劔外五州內屬  
公以選為順化軍節度副使未至州反為宋陝西  
安撫司奏公為經歷官俄改真定府判官八年三  
月擢拜監察御史是夏旱甚詔出諸御史分理寬  
獄異時審讞者專以末減為事雖殺人者之罪亦  
貸出之公謂同官言生人之寃固所當審地下之  
寃將置不問乎因力革前弊時議皆稱其平使還  
言初設三司不便大略謂三司之設民間竊議當  
以刻剝為事臣愚以為刻剝固所無而浮動之言  
可畏耳大足問一曹望之為戶部天下倉廩府庫  
皆實百姓無愁歎之聲存乎其人不任改官稱也

今三司所掌即戶部前日之事官屬又皆戶部舊員掾屬亦戶曹舊吏豈有愚於戶部而智於三司者唯當復戶部之舊無駭民聽可也西北路三司簽事張婦以規措陷沒縣官錢詔公鞠之公比勘失濫錢幣草米例以百萬計皆權要假貸之數先以金幣諸物賂遺黃門李新喜至是并按之婦懼不免倚同舍之舊私有所請公麾之曰故舊義重朝綱當自我壞耶乃列奏婦內結關堅外連權貴姦職狼籍罪在不赦詔馳委公徵理之佗所糾彈凡十餘章大抵明綱紀正風俗之事優詔褒諭特遷兩階大安三年授同知橫海軍節度使事貞祐初改簽河東北路按察司事二年太原受兵賴公保完宣撫司上其功進太中大夫本路按察副使兼同知轉運使事明年七月召為行宮尚書戶部侍郎尋擢河南路都轉運使南渡以來庶務草創皆倚公而辦不數月綱紀大小截然一新朝譽歸焉河北苗道澗求封爵宰相高琪持不可謙以它辟却之宣宗親問公當如何公奏曰帝王以天下為度何可逆詐我雖欲勿許彼恃威令不能及將何所不為不若因而封之此高祖所以得隸信也

宣宗顧謂高琪曰王擴與我意合其亟行之太府監歐里白以御膳羊瘦瘠被詰問曰跪奏御羊瘦瘠轉運使不加意而然上復問公卿先朝舊人孰為知禮朕知之舊矣太府之言乃如是誠有之乎公進曰大駕初到人心未苦安宜省費以示儉德比以一羊肥瘠紛紛不已以至處辨天下知者以為有司不職而不知者將以陛下日以自奉為念耳其於聖德將無少損乎上竹然曰卿言是矣細事再不必言公一日以事入省適高琪自關柳羊及披計轉餉水食公問之故高琪言聖上焦勞過甚全藉儲羞資養精力安敢不備肥好公折之曰膺夫之事何至宰相親臨高琪默然不能對心甚恨之是後每以事相可否而公都不降下冬十月潼關破高琪積不平奏公為刑部尚書領關陝軍儲軍至鄭州而還高琪奏公復行公方集官吏騎卒首符趣行急於星火踰月召還即付刑曹以受命不即行為罪有司希高琪旨當以軍法後至入絞刑奏上宣宗曰十日軍還十三方差王擴行何得如此定罪其審議之踰月高琪又執前奏上知公無罪而重違宰相意止於褫一階未幾有旨特

起公進領隴州防禦使行六部侍郎規運秦鞏軍  
諸別認慰撫良厚時興定元年之九月也公至軍  
中復奏疏云古者內政寓軍令周井田漢屯田唐  
租庸調皆其法也今之軍士見屯者無慮數十萬  
衆而家口又數倍於軍彼皆落簿失次無所營為  
唯有張口待哺而已歲入有限日給無窮久不改  
圖徒使農民重困而軍戶亦不得安帖臣愚以為  
不若計軍戶丁數口量給地畝使失業之人皆獲  
地著既有恒產孰不為自養之計深汰冗軍悉歸  
耕獲授田初年給口糧之半明年各有收歛可一  
切減罷略以一百萬口計之歲省米三百六萬斛  
既豐安積入免轉輸之勞遇戰士出征或防秋之  
杖量增升斗使餬口有餘如此則農民止輸正租  
餽饒自足此業已定中興之本正矣踰月宣權陝  
西西路轉運使二年五月遷陝西東路轉運使依  
前行六部尚書公自以時運不偶年六十三即以  
謝事為請尋遷嘉議大夫致仕先患疽發背至是  
增劇以閏三月十有五日薨於私第之正寢越三  
日權殯於長安南慈恩寺太常政行謚曰剛敏兩  
娶濟陽丁氏昔前公卒贈太原郡夫人再娶趙氏

封如所贈子男三人元慶其長仕為歸德行六部  
郎中次未名而卒次元亨業進士趙出也女五人  
長適鹽使司管勾何其次適監韓城酒賈仲源次適  
同知鎮戎軍州事蒲鮮石魯刺次適同知鈞州軍  
州事兼榮澤令張泰亨次幼在室公學業富瞻嘗  
四赴廷試每舉進士未嘗不為考官臨事有幹局  
雖在細務亦無不經意在京兆漕司前政喬公子  
實趙公子文璣為稱職公表來自見舉動有法掾  
為奔走從事無敢後者評者謂子實寬緩欲為不  
忍欺子文周密欲為不能欺皆未必能然獨王公  
之不敢欺為有徵云在太原日言時病有四一將  
不知兵二兵不素教三事不豫立四用人遠所長  
又陳河東利害汰冗兵禁游惰節浮費惜民力等  
二十事而守禦之策為多識者謂公策慮極遠洞  
見事幾雖軍中老臣宿將料敵制勝且不能纖悉  
周密如此在所皆可行不特河東而已為人體兒  
嚴正氣量宏博自然有公輔之望至今言名卿材  
大夫者公必一二及焉某既件右公平生嘗談妾  
論之生材非難獲用為難獲用非難盡其材為尤  
難大定明昌間文治為盛教養既久人物輩出公



生於其時稟賦之美固已絕人遠甚加之內承父兄之教而外漸師友之訓故能卓然成就如此至於為御史為外臺屬典財賦於危急存亡之際才力恢恢迎刃而解宣宗雅知公夔歷戶曹即擢三品蓋有意大用矣公亦慨然以天下大計自任期於不負所學說使之番紳正笏坐於廟堂之上諍施之際必有大過人者直道不容竟為彊臣所摧折蓋蔽賢之禍孫劉輩實當之非獨公為不幸也元虞元亨以某年某月奉公之柩祔於某原之先塋其銘曰

剛以作彊敏以赴功伊誰是名文武王公文武維何維間氣之推揚于王庭靡職不供登使者車乘御史駉搏擊所加姦宄為空公寧經生儒雅從容外臺賜環入計租庸以給京師以饒河澶我從事獨賢一奮薄躬論列上前大計兵農敗游末而授曰汰冗食而選鋒是謂元氣之彊而四體之克成周既東正塗既窮扼天關以九虎失頗牧于禁中往在北門身為金墉有來楮種不利仰攻孰曰傾朝復支而不於棟隆六卿地官位望維崇唯利器百而試者一故在公為

不逢忠臣不和和臣不忠名譽寧失我豈彼同衣冠堂堂璋璋顯顯以立揚休頽低嵩而不吾壓凜乎其有漢名卿之風

通奉大夫禮部尚書趙公神道碑

貞祐甲戌車駕還南都武元立國至是百年矣自中州被兵朝廷大政雖以戰守為急而大綱小紀典則具在武備文事不容偏廢若禮樂若祠祭若曆象若宴饗若學校若選舉凡隸於春官氏者率奉行如故事故太宗伯之任尤難其人時則有若太子太保張公徽甫洎其仲尚書右丞信甫內翰閣閣趙公周臣內相揚公之義迭膺是選四賢之後而公繼之二十年之間典章大物粲然可觀繁數公是穎竊謂養士之効猶種樹猶作室培植厚則庇蔭之利博堂構勤則維持之功固周家之作新民漢氏之旁求儒雅數世之後人有士子之行家食名氏之舊玉室下表而喬木故在僑札蔚為時棟陳許坐鎮雅俗名德相望視金盛為無媿是知列國大夫流風善政固已發源於善哉樂育之日三國人物高出近古者猶與廉舉孝餘波之所及也語有之嘗無君子者斯焉取斯敢以是論公

公諱愚文字度王姓趙氏世為未平人曾大父諱  
通潛德弗耀姓李氏大父諱傑贈正議大夫天水  
郡伯妣張氏封天水郡君考蕃明法決科仕至乾  
州奉天縣令官奉直大夫用公貴超贈過奉大夫  
天水郡侯妣李氏追封天水郡太夫人初公名璜  
弟去非名玠奉天君夜夢道士書今名且云二南  
有不次之喜寤而辭之曰二南云者吾兩男子之  
謂乎乃命改焉公天資穎悟弱冠有賦聲未幾偕  
去非擢明昌五年進士第鄉里蒙之號度飛趙家  
釋褐德順州軍事判官俄丁外艱服際調鳳翔府  
錄事判官權覽略縣事縣近邊歲儲粟數萬斛農  
人轉輸苦於停滯公區處有方皖旬月而畢再調  
魏州司候轉萊州觀察判官泰和八年召補尚書  
省令史留丹考陞安化軍節度副使兼密州觀察  
副使屬中夏被兵河朔州郡相次陷沒危疑之際  
新節度到軍士聞傳敵人遣間者來白公欲赦之  
公訶之曰信如所疑赦之亦無益儻出於朝令他  
日公輩何以自解耶衆悟皆惶遽而退既而兵及  
城下公率壯士數十赴之力盡而陷公自謂賊死  
無益乃易衣服變姓名挈二子贊克剛北走時燕

都受圖唯順州堅守公冒險入焉順州守王嘯為  
於朝詔授禮部員外郎兼大理司直仍進官兩階  
朝達知公始於此矣二年都城不守公潛跡陞卷  
以謀童子學為禁明年冬路稍通徒步還鄉里西  
山經略使苗道潤求平主將李深同受恢復之寄  
而內實相圖環一日謂公言公朝臣能為我持表  
奏辨曲直乎公遭離喪亂心在宗國恨無路可達  
聞環言欣然諾之以三年二月達沐梁丞相高琪  
當國素不喜文士稍常例擬公寶昌軍節度副使  
宣宗不說曰愚文再歸國忠孝可尚例授之何以  
示勸特授太府監丞與定二年三月陞同知西安  
軍節度使事兼行六部郎中皇太子控制樞密院  
以公知登聞鼓院充經歷官通安北堡陷經略使  
石虎罪應死公以事在赦前不直失信為請皇太  
子曰已遣人赦之矣已而悔之用是待公加厚四  
年三月除右司諫兼治書侍御史公在樞府久熟  
知時弊乃拜章言四事大槩謂當豐稷積汰冗兵  
減軍士家口之妄費者樞密副使駙馬都尉阿海  
怒公言兵事公不卹也無幾被誣下吏天子知其  
寃有詔勿問五年正月出知魏州軍州事魏州刺

史號也戎所在刺史領軍馬倒不注文資上知公  
村特命馬及赴官父老却迎歡呼動地公賦詩有  
昔日參軍今刺史當時徒卒亦衰翁之句州人刻  
石州宅位歲旱公步橋山神祠應期而雨歲以大  
熟陝右兵交州近聞有訛言關失守者吾民不知  
所謂狼狽散走公止之曰關至陝敵越之則必有  
先聲何得遽至於此乃誡言者於市果如公言民  
類以安六年五月召為吏部郎中用薦者兼翰林  
修撰陝西旱甚詔公審理寬獄布宣上意多所平  
反對雨為之霽決初河朔擾攘之際餽餉不給官  
募人出粟佐軍補監當官彰德民孫其祥者嘗輸  
白米三千斛以路梗未經赴選南巡之後執文書  
訴於吏曹法官例以日月曠久無從考按報罷公  
獨曰國家用兵之時以調度不足業已許人進納  
時從權耳乃今吾一官不之界是誣人也他日或  
有需爵之命誰當信之孫竟用公言得補朝議稱  
馬元光改元暨同知南京路都轉運使事十二月  
宣廟升遷以公為國簿儀仗使正大元年移同知  
中京留守事四年正月改同知開封府事甲戌以  
朱河禁嚴魯道有彼疆此界之限郡人王義者家

貧無以自養嘗往林州耕稼林州陷久矣義書與  
家人比舍竊見之遂以義家謀叛告義家人被繫  
知府麻斤出至以化內外讎刑罪當死公持不可  
乃上奏云大河南北皆吾境也民吾民也車駕南  
渡雙為巡幸之計廟堂日圖興復初無疆界之分  
南北之限此人果以不幸滅族是使南避之民舉  
無歸顧之望矣臣竊以為不可上省奏大悅即命  
赦之且以義為定例有醉人倡言歸十八謀反歸  
京師富民麻斤出資苛刻胥吏輩承其意諷使鞠  
之公曰醉者語於何不有此必為富家厭其丐貨  
先被麾斥因酒以泄其憤耳明日詰之果然止以  
非所宜言杖醉者時人以明恕稱之五年八月改汝  
州防禦使司候趙玉貪肩無厭百姓苦之公繫之  
獄郡人狀其罪者日以十數例是枉法罪應死以  
官故仍減為庶人閩境稱快狂子李生不知何  
從來去州西南十許里擅自立祠堂大池祠前給  
云濟濱清源王行廟感衆售利愚民賽香紙供土  
木者擔負塞路城中為之罷市公察其姦檄梁縣  
令張節往問之李伏罪廟未舉而毀之七年正月  
擢授金安軍節度使未赴改集慶軍節度使兼毫

州管内觀察使亳大郡重兵所宿軍士陵轍居民前政不能制公以靜鎮之軍中私相謂言節度今上控制樞府時首領官也我曹不可輕犯迄赴召無一人恣橫者公凡三領郡在所以寬厚為化裁決許訟不事苛細理有不可耐者時亦窮治之然終不以得情而為喜也故吏畏而愛民愛而畏焉然有古良民吏之風報政之後庭宇清閑口延賓客論文把酒與相娛樂間作詩樂府傳達京師群公為之屬和文采風流照映一時至有神仙官府之目前世江西道院蓋不足道也八年三月入拜禮部尚書十月應聖皇太后上仙公復充園陵使一時儀禮多所判定天興改元京師戒嚴兼攝戶部尚書夏四月望隆德殿起居秋八月上下舍菜皆公發之不卒遘疾以其年九月之四日春秋六十有八薨於某里第越三日權殯某所官通奉大夫勳某封天水郡侯食邑一千戶實封一百戶先娶賈氏尚書左丞亨甫之女姪再娶王氏行六部尚書克之之女弟再娶李氏中京推官華國之女弟皆追封天水郡侯夫人再娶孫氏太子太師振之女封如三夫人子男三人實所出贊尚書省

今史克剛奉職克基行中書省左右司員外郎女一人孫出也適監察御史劉公雲卿之子郁早以文筆知名男孫四人贊之子繼祖克剛之子適祖顯祖克基之子紹祖皆未仕女孫三人克剛一適戶部曹公景蕭之孫懷諒二幼在室公孝弟忠信出於天性推其餘以及宗族交朋無不得其懽心揚歷中外將三十年屢以課最聞而未嘗有答贖之玷宰相進除日及公名宣宗必曰趙思文君子人也其兄知如此屢典貢舉所得多名士被黜者亦無怨言為文不事彫飾詩律精深而氣質渾厚讀者謂其宜至大用有耐辱居士集二十卷傳於時後公歿十有二年孫子贊偕夫人孫氏扶護比歸以二月丙申柩於永平縣某鄉里先塋之次禮也諸孤以王內翰百一所撰誌銘見示且以神道碑銘為請好問甫從官學即聞高誼南宮獻賦誤為揚浚所賞桓府參軍重辱褚哀之間輒叙東國人倫之舊以寓西州華屋之感恨知之者未盡推之者未至何媿辭之有焉其銘曰

高門之仁舞雩之春儒雅以飾吏事奚智數之足云貞松後彫良玉不焚忠信而結圭知允矣

貞良之臣君子謙謙恭人温温完名始終世所  
見聞異代而得良史尚有攷於金石之遺文

遺山先生文集卷第十八

遺山先生文集卷第十九

碑銘表誌碣

內翰王公墓表

歲癸卯夏四月辛未內翰王公遷化於泰山初公  
以汴梁破歸鎮陽間居無事每欲一登泰山為神  
明之觀然因循未暇也今年春渾源劉都文李當  
以事如東平乃言於公之子恕請御公而東公始  
命駕馬東平嚴侯榮公之來率賓客參佐置酒高  
會公亦喜此州衣冠禮樂有齊魯之舊為留十餘  
日乃至奉符府從事上谷劉翊子忠以嚴侯命從  
公游借郡諸生五六人以行公春秋雖高而濟勝之  
具故在及迴馬嶺褰裳就道頽揖岩岫欣然忘  
倦迤邐至黃峴峰憇於萃美亭之左顧謂同游言  
汨沒塵土中一生不意晚年乃造仙府誠得終老  
此山志願畢矣乃約子忠先歸而遣其子恕前行  
視夷儉因就大石上垂足而坐良久瞑目若假寐  
然徙者怪其移時不寤迫視之而公已逝矣支體  
柔輒顏色不少變子忠諾人且悲且駭以為黃冠  
袖子終世修靜業其坐脫立化未必能爾謂公非  
仙去可乎即馳報州將扶昇而還安置於郡北之

岱嶽觀又明日孤子怒奉喪西歸嚴侯特以參議張澄仲經護送馬議者謂泰山為天壤間一巨物其神之尊且雄有不可誣者齊景公伐宋夢有隨而詬之者當時以為師過山下不祭而然秦始皇帝鞭笞六合志得而意滿欲以封禪夸萬世乃為大風雨之所匿薄萬乘且然况其下者乎若夫天門日觀遊若世外霞景靈異水木清潤宜有闕衍博大之真人往來乎其間前人謂草堂之靈迴俗駕而謝逋客者非寓言也惟公名德雅望為天下大老版蕩之後大丈夫求活草間往往倚公以為重至於鄙朴固陋挾兔園策而授童子學者亦皆想聞風采爭先睹之為快謂不為山之靈所貪慕吾不信也夫人以境適境亦用人勝故古今以人境相值為難謝安之海道東還李白之匡山歸老雅志未遂零落中涂杜陵見於感詠而羊曇為之恸哭以今較之公可以無恨矣怒既還鄉里以六月辛未舉公之柩葬於新典里之某原柩先塋也冬十月好問拜公墓下怒持門生某人撰公行事之狀以銘為請乃泣下而銘之公諱若虛字從之姓王氏藁城人自先世以農為業考諱靖質直尚

義樂於周急鄉人有訟多就決之後用公貴贈朝散大夫妣石氏太原縣太君考妣俱以上壽終公即朝散君之第二子也幼穎悟若夙昔在文字間生德卿德卿公舅行自鄙亂間識公為偉器教督周至盡傳所學及官四方又託之名士劉正甫使卒業焉弱冠擢承安二年經義進士甲科俄丁朝散君憂服除調鄆州錄事治化清靜有老成之風歷管城門山二縣令門山之政尤為縣民所安秩滿老幼攀送數日乃得行用薦者入為國史院編修官稍遷應奉翰林文字同知制誥奉使夏國還授同知泗州軍州事留為著作佐郎求宗正大初章宗宣宗實錄成遷平涼府判官未幾召為左司諫正大末以資歷轉延州刺史不拜超翰林侍制遂為直學士天興初冬十二月車駕東狩明年春正月京城西面元帥崔立劫殺宰相遂欽行營辟小獻誥請為立建功德碑以都堂命名召公為文喋血之際翟奕輩恃勢作威願指如意人或少忤則橫遣詭譎立見屠城公自分必死私謂好問言今召我作碑不從則死作之則名節掃地貽笑將來

不若死之為愈也雖然我姑以理論之乃謂奕輩  
言丞相功德碑當指何事為言奕輩怒曰丞相以  
京城降城中人百萬皆有生路非功德乎公又言  
學士代王言功德碑謂之代王言可乎且丞相既  
以城降則朝官皆出丞相之門自古豈有門下人  
為主帥誦功德而為後人所信者問答之次辨情  
問暇奕輩不能奪竟有太學生託以京城父老意  
而為之公之執義不回者蓋如此京城大掠之後  
撤服北歸以至游泰山浮港里杜者十餘年得壽  
七十娶某郡趙氏封太原郡夫人子男一人即怒  
也女一人嫁為士人妻所著文編稱慵夫者若干  
卷漳南遺老者若干卷傳於世公資稟醇正且有  
師承之素故於事親待昆弟及與朋友交者無不  
盡學無不通而不為章句所困頗識宋儒經學以  
旁牽遠引為夸而史學以探頤幽隱為功謂天下  
自有公是言破却足何必歎歎如是其論道之行  
與否云戰國諸子之雜說寓言漢儒之繁文末節  
近世士大夫參之以樞機玄學欲聖賢之實不隱  
難矣經解不善張九成史例不取宋子京詩不愛  
黃魯直著論評之凡數百條世以劉子玄史通比

之為人強記默識誦古詩至萬餘首他文稱是文  
以歐蘇為正跡詩學自樂天作雖不多而頗能以  
之秉史筆十五年初進入館日有記錄之課書吏  
以呈宰相必問王學士曾點窺否又善持論李右  
司之純以辨傳名天下杯酒淋漓談鋒起公能  
三數語室之唯有嘆服而已高琪當國崇獎吏道  
從政者承望風旨以撻掠立威門人張仲傑為縣  
公書喻之曰民之憔悴久矣既不能採又恐加暴  
乎君子有德政而無異政史傳循吏而不傳能吏  
寧得罪於人無獲罪於天可也此書傳世多有慙  
公者朝臣論列所見不能一公從容決之屢置穩  
愜至揚吏部之羨揚大參叔王亦推服焉雅負人  
倫之學黑白善惡皆了然於胸中值真識者始二  
言之朝議以公於中外繁劇至於坐廟堂進退百  
官者無不堪任特以投閒置散不自銜鬻故百不  
一試耳典貢舉二十年門生半天下而不立厓岸  
雖小書生登其門亦敬重之滑稽無窮談笑尤有  
味而以雅重自持朋會間春風和氣周浹四坐使  
人愛之而不忘也自公沒文章人物公論遠絕人  
哭之者云却後幾何時當復有如公者乎嗚呼哀

哉其銘曰

其衷心也磨而不磷其及民也靜而無譁慕樂  
 天之高而不禪逃挾東方之雄而不錚考老儒  
 便便留書五車我知天下之至理寧當貴其多  
 小廉拘拘規以匿瑕而不知用其和龔集群賢  
 從我嘯歌春風時雨之沾浹枯枿為華嗟惟公  
 乎孰當測其涇飄然而來其必於瀚海而鯨波  
 汎然而游亦何計乎東觀之與鑿坡太山天門  
 有物禁訶蓋仙聖之所產而今得以為家然則  
 為瑞人神士者其龔忽變化固如是耶

內翰馮公神道碑銘

所貴於君子者三曰氣曰量曰品有所充之謂氣  
 有所受之謂量氣與量備材行不與存焉本乎材  
 行氣量而絕出乎材行氣量之上之謂品品之所  
 在不風岸而峻不表擢而著不名位而重不著艾  
 而尊是故為天地之美器造物者靳固之不輕以  
 予人閱百千萬人之象歷數百年之久乃一二  
 見之同乎其時非無孤萬億億之士從容於禮文  
 之城角運乎功名之會惟其俗不可以為雅而劣  
 不可以為勝故自視缺然陳太丘事業無聞而名

重天下房次律坐鎮邪俗而舉世以王佐許之施  
 之當時未必適用然千載而下有為之敏枉者非  
 品何以得之元光正大以來天下大夫士論公平  
 生者蓋如此公姓馮氏諱壁字叔獻別字天粹其  
 先定州中山人也曾大父居泗贈丞務郎大父仲  
 尹天眷初以進士起家任為中議大夫同知山東  
 西路轉運使事考子翼正隆初進士中順大夫同  
 知館海軍節度使事攻莽真定縣三橋里之南原  
 子孫遂為縣人郎內翰景純路孟州宣叔述世德  
 之舊備矣公幼穎悟不几始解語中議君置之膝  
 上戲問未嘗見之物而能以述似者名之中議君  
 喜曰吾孫文性見之於此矣弱冠補太學生賦聲藉  
 甚諸人無能出其右者承安二年中經義乙科制  
 策復入優等調普州軍事判官宰相以公學問該  
 洽奏留校秘書丁繼母張夫人憂去官服闋再調  
 遼濱主簿縣有和乘粟之未給憤者餘十萬斛散  
 貯民居而以富戶掌之中有腐敗者則責償於民  
 歲既久官吏囊橐為姦民殊以為苦公白於漕司  
 即日還之民一境稱快丁臨海君憂四年調鄭州  
 錄事明年王師伐蜀刑部檄充軍前檢察帥府以



書徽委之章廟欲招降吳曦詔先以文告曉之然  
後用兵公撤蜀既以上意諭之矣蜀人守散關不  
下我軍得奇道突出關背殺獲甚衆公為參佐言  
彼軍拒守而并禍其民無乃與詔書相反乎主帥  
聞而憾之擠公招兩當潰卒公即日率鳳州已降  
官屬淡剛李果偕行道逢軍士所得子女金帛牛  
馬皆奪付剛使歸之其家軍則以遺制決遣之比  
到兩當軍民三萬餘衆鼓舞迎勞公以朝旨慰遣  
之其還也帥始以公為賢奏遷一官五年借注東  
阿丞召補尚書省令史用宰相宗室承暉薦援應  
奉翰林文字同知制誥兼韓王府記室參軍俄以  
大學博士兼前職至寧初賊臣弒逆隨以子涓婚  
假去官真祐初宣宗幸汴梁公時避兵東方從單  
父渡河詣行在所宰相奏復前職被樞密院激行  
視河防條上津渡屯戍之策二年同知貢舉事竟  
詔公乘傳講究陝西守禦方略三年遷翰林修撰  
山東河朔軍六十餘萬口卒不逞輩竄名其間詔  
公攝監察御史沐遯之公與同官立式軍戶僑寓  
民家者主人具丁口上之官冒增偽代主客同坐  
總領撤各門胥券四百餘口劾案以聞詔杖殺之

故使節所至爭自首滅幾及於半後進一官初監  
察御史本溫被命沐宗室從坦軍於孟州軍謀為  
變本溫懼不知所為尋有旨北軍沈思忠以下四  
將屯衛州餘衆果叛入太行本溫益懼宿留孟州  
樞密院奏公代本溫覓其事公至衛召四將諭以  
上意思忠等披叛者請公還奏之公責以大義辭  
直氣壯將士慚服不半日就沐者三千人六月改  
大理丞詔與臺官行關中劾奏姦賊之尤者商州  
防禦使宗室重福諫議大夫石者而下十數人陝  
西行臺以夏冠之警奏事定理問詔公還朝責自  
是側目矣與定初京畿春旱詔禮部尚書楊雲翼  
暨公審理在京刑獄事竟而兩人以為無寬民之  
應七月遷南京路轉運副使三年春上以宋人利  
吾北難歲幣不入者累年假公安遠大將軍兵部  
侍郎充國信副使副呂子羽詳問宋人拒於淮上  
使者不得行明年行臺兵南伐當由壽春涉淮抵  
滁揚詔京東總帥訖石烈志攻盱眙切繫浮梁以  
備臺兵之還志小字牙古太強臣之尤難制者也  
臺兵且南志以盱眙不易攻旋領精騎由滁州略  
宣化縱兵大掠故臺兵所至悉為志軍所殘原野

蕭條無復人迹宋人堅壁不戰遂進遷而東擬取  
道泗州宋復屯重兵盱眙公准戰艦如獬我軍乃  
汴淮西上僅由壽春而歸行臺奏志故遠元授節度  
以故無功詔公佩金符勅之公馳入志軍奪金符  
易以他帥攝志入獄獄之外軍士譁謀以吾帥無  
罪為言公怒責志曰元帥欲以兵抗制使邪帥臣  
待罪之禮恐不如此使者當還奏之獄不必竟也  
志伏地請死公言兵法進退自專有失機會以致  
覆敗者斬即用所擬聞時議壯之再授翰林修撰  
十月改禮部員外郎權右司諫治書侍御史詔問時  
勢所當先者公上六事大率言城冗食備選鋒嚴  
疑似以慎刑揮公廉以檢吏屯戍革股削之弊權  
責嚴請託之科又言山東地方數千里齊魏滌趙  
皆在其中士馬強富豪傑輩出耕蠶足以衣食天  
下形勢足以控制四方彼疆此界且在所必爭况  
本吾版圖中物迺置之度外乎國家所以無東意  
者不過謂財力單弱有所不暇或謂前日已嘗出  
兵而事竟不成故置而不論耳臣以為不然兵出  
無功固不可因噎而廢食生聚教育蓋有副致之  
道必先富強而後進取陛下亦安能爵爵久居於

此乎又條自治之策四謂別賢俸信賞罰聽覽以  
通下情賤損以謹天戒又論賢不肖渾毅曰崇慶  
初西南路招討使九斤請先事用兵仍乞詔夏人  
為犄角計執政者沮撓之策為不行不旋踵而有  
縱敵之禍大丞相承暉正色立朝凜然社稷之鎮  
而姦人忌之擠守都城人臣而死社稷在承暉為  
無恨然宗室賢相安危之所繫焉者而以姦人之  
謀使之無益而死天下為國家惜之耳臣嘗謂賢  
不肖之不分久矣夫惡惡著則賢不肖別賢不肖  
別則天下可運之掌於恢復乎何有詔以東方鐵錐  
盜賊竝起以御史中丞百家為宣慰使監察御史  
道遠從行道遠發求城令簿賦賦百家與令有連  
付令有司而釋簿不之問燕語之際又許泰佐克  
忠等臺官公皆勅之百家竟得罪去初謀者告歸  
德行樞密院言河朔叛軍有竊謀南渡者行院事  
知府胡土門都水監使毛花輩易其言不為備一  
日紅袖數百聯袂運渡殘下邑而去朝廷命公鞠  
之公以二將託疾營私聞冠而弛備且來不戰去  
不追在法皆當斬或以為言二將皆寵臣而都水  
者資累巨萬若求搜禁迹必從輕與公徒結恣權

責果何益耶公嘆曰睢陽行關東藩重兵所宿門  
度之寇且不能禦有大於此者復何望乎有法而  
已吾不知其他即以所擬者聞四年遷刑部郎中  
關中旱詔公與吏部侍郎長忻審理免獄時河中  
帥阿虎帶及僚屬十數人皆以棄城罪當死繫同  
州獄待報同州官承望風旨問公何以處之公為  
言故相賈公益謫判河中聞絳陽受兵悉軍絳之  
鉅鼓旗幟連延數十里敵聞絳至解圍去僚屬請  
於公公不守河中而林絳陽設兵至城下何以待  
之公言諸君未之思耳吾林絳陽所以守河中也  
諸人皆謝諸人不及河中在今日尤為重地朝議  
擬為駐驛處也本根不固則河南陝右有唇亡之  
憂以渠宗室勲貴故使鎮之平君無事以預備為  
言場民膏血為浚築計剽騎總及解梁乃以金城  
之險為不足守遷焚蕩而去馳迫老幼填塞枕藉  
爭舟而上者千百而一哭聲竟天流尸蔽川而下  
煩寃之民無所於訴此而不誅三及法無所用矣  
吾常恨南渡倉卒賈公之功不蒙顯異然則不經  
之失可使復見於今乎竟以無寃上之冬十月出  
為歸德治中未幾改同知保靜軍節度使事又改

同知集慶軍節度使事於是公之年甲子周矣自  
衛紹王尊尚吏道繼以高琪當國朝士鮮有不被  
其折辱者公憂畏敬慎不忽遠細微故自釋褐至  
今卅三十年而公私無管贖之玷然其撫四方者  
亦倦矣到官不踰月即上章請老進通議大夫一  
官致仕在歸松山愛龍潭山水有終焉之志結茅  
竝王峯下旁有長松十餘名之曰松菴因以為號  
自少日留意攝生俛仰誠信通昔不少倦是以神  
明不衰飲食起居處豐儉之間臺閣舊泚門生故  
吏問遺山中者不絕非若一筇之士逃匿於空虛  
之境以憔悴枯槁而為高也明憲華几危坐終日  
琴尊硯席翦然無塵埃客至廢書清談雅論俗事  
不挂口或與之摘伴泉石間飲酒賦詩悠然自得  
嘗畫管幼安濯足圖以寄意其趣尚略可見也  
所釀酒名松醪東坡所謂數幽姿之獨高者惟公  
能盡之容有以京國名酒來與之校者味殊不可  
近正如與深山草衣木食人語覺僞兒販夫塵土  
氣為不可嚮也山多蘭每中春作華山僧野客人  
持數本詣公以香韻高絕者為勝少劣則有罰謂  
之關蘭關蘭松醪遂為山中故事正大壬辰河南

破乃北歸以庚子七月十有四日終於家春秋七十有九某日孤子渭奉公之柩柎於臨海君墓之側若干步夫人趙氏汝州刺史周卿之孫兵亂中暨三女俱失之渭南京右廂撥察孫運安尚幼公實高朗儀觀峻整燕居未嘗有惰容子弟化之童幼皆以孝謹稱毋李氏為臨海所絕公奉之於外家而事張夫人唯謹嫺疑之地能使內外無間言公歿悉以圖書第宅讓諸弟獨護養小弱弟填與同甘昔族弟理七歲失怙恃而貨產殊厚公慮為奴輩所侵籍於有司考理之官下及長乃付之理迄於有成其與人交也先難而後固似疎而實親雖幼同硯席者亦皆嚴憚之左丞董公紹祖奉使江左得公詩箋行書見頽問詩四韻每讀一句輒為一舉觴李右司之純談笑此世為不足玩見公必為之懷然王延州從之公於鑒裁為海內稱首敬公名德至不致以同年生數之學長於春秋詩筆清峻似其為人字畫楚楚有魏晉間風氣雅為禮部開關公所激賞制詰典嚴當代少見其比尺牘又其專門之學風流醞藉不減前世宋景文往在京師渾源雷淵太原王渥河中李獻能龍山冀

為錫徙公問學其人皆天下之選而好問與焉自辛卯壬辰以來不三四年而吾五人惟不肖在耳故渭以誤述墓碑莫好問為宜高憶公選鎮陽過好問冠氏時方為中囑所苦然語及舊事則往往色揚而神躍以公初挂冠時校之其神情故未減也意天錫公難老使後生望見眉宇以知百年以來文章鉅公敦龐耆艾故家遺俗蓋如此私竊慨嘆使公得時行道壞衣大冠坐于廟堂託六尺之孤寄百里之命招之不來麾之不去何必臧古人朝廷用違其長顧每以城旦盲見役卒使之不遇而去雖淮陽非公所簿孫劉輩有不得不任其貴者耳嗚呼公已矣渭所以屬筆者其可辭哉乃為論次之銘曰

維公之生厚有基 陽剛在中鯁自持  
巖巖青岬峻以奇 塵表朗出莫可梯  
白筆一奮雷風馳 耽耽虎如毛髮威  
奔走魁魁號狐狸 元精降材匪一機  
三光九泉絕等夷 大君裁成相所宜  
望公廟堂佩安危 聲氣不動山四維  
冠之惠文其歌卑 九鼎大呂棄若遺

負而趨者先所疑

鳳兮德衰天實為

正有來者吾何追

竝王之蘆草木腓

兩崖出泉懸素霓

朝猿與吟暮鶴飛

不飲不食玉雪飢

幼安東遷人代非

臨流濯足尚塵幾

漳河北原公所歸

墓形馬鬣大茂齊

龜石有銘告無期

公名萬年我前知

國子祭酒權刑部尚書內翰馮君神道

碑銘

歲壬辰夏四月辛丑京城受兵刑部君逃難倉猝  
遂與家人相失明日事定君之子源吉輩求訪百  
至幸其微服而北也乃渡河物色之於大名於東  
平於平陽於太原大興大定閱三數年之久歷萬  
餘里之遠間關險阻飢寒困踣瀕於死者屢矣然  
亦竟無所見乙己冬好問過大名始以所聞告君  
之季子亨蓋君既為騎兵所得欲擁而北行人有  
見之者謂君辭情慷慨義不受辱竟自投城旁逆  
井中亨乃發喪行服又將以故事奉君衣冠葬於  
某所以好問嘗得幸於君涕泗百拜以碑銘見請  
謹為次第之君諱延益字子駿姓馮氏世為吉州

吉鄉人曾大父世安以醫名河東鄉里推其陰德  
及物謂子孫當有起其家者大父成易醫而農父  
時頗知讀書且好與羽人禪客游後用君貴贈資  
善大夫始平郡侯杜柳氏始平郡太夫人人生二子  
君其仲也幼穎悟不凡初入小學輒云吾家生我  
將不復耕鋤矣少長從鄉先生作舉子即有聲場  
屋間年二十三登章宗永安二年詞賦進士第解  
褐臨真主簿再調德順州軍事判官泰和元年知  
懷寧寨事部使者舉廉能轉寧邊縣令衛紹王大  
安元年秋七月霜害稼民無所於糧官為發粟賑  
貧君躬自區處全活不勝計刺史盜陽趙公周臣  
慨然以良民吏許之三年丁內艱宣宗貞祐二年  
起復補尚書省令史知管差除五年授河中府判  
官兼行尚書省左右司員外郎興定五年充國史  
院編修官考試開封進士改太常博士未幾出為  
平涼路行尚書省左右司員外郎元光初遷華昌  
軍節度副使員外郎如故明年十月召為吏部郎  
中兼翰林修撰俄以知登聞鼓院兼修撰奉使夏  
國就充接送伴使哀宗即位正大元年超翰林特  
制同修國史兼鼓院事三年考試宋詞科尋被詔

審理寬帶七月出為京兆行尚書省左右司員外  
 郎五年授睢州刺史兼行大名府治中尋改京兆  
 府路司農少卿七年復翰林待制充御前讀卷官  
 仍試朱詞十二月遷國子學酒借注翰林學士承  
 旨榮祿大夫充國信使以八年春奉國書見於魏  
 縣之鄉營有旨問汝識鳳翔帥否對曰識之又  
 問何若人曰能辦事者也又問汝能招之使降即  
 賁汝死不則殺汝矣曰臣奉書請和招降豈使者  
 事乎招降亦死還朝亦死不若今日即死之為愈  
 也明日復問昨所問汝曾思之否對如前問至再  
 三君執義不回又明日乃諭旨云汝罪應死但古  
 無殺使者理耳君須髯甚偉乃難去遷之豐州土  
 辰河南破車駕駐鄭州有旨發選三月入京哀宗撫  
 慰久之復祭酒歷禮吏二部侍郎權刑部尚書明  
 年遭變得年五十有八積官資晉大夫勅上護軍  
 封始平郡侯食邑十戶食實封一百戶娶同郡樊  
 氏同官縣令邦憲之女封始平郡侯夫人後君兩月  
 卒子男三人皆用蔭補源廣威將軍嵩州軍資庫  
 監吉廣威將軍睢州軍事判官亨忠願校尉遙授  
 盧寶縣尉二女長嫁盱眙元帥府經歷官張德次

嫁監湖城稅蘭公輔男孫三人曰魏孫榮奴千奴  
 女孫二人長適進士徐升其幼在室君資護厚寡  
 於言笑外若平易而臨事有執持死生禍福不少  
 變初入官遠有能名懷寧先無廟學君為成縣中  
 長生柳取以為村廟甫成有芝十八莖生大成殿  
 梁間時人異焉在寧遠日學詩於閑閑公從是詩  
 律大進緻密工巧切時輩少見其比及入翰苑一  
 日直宮省殿上急召草官誥三篇君接筆立就文  
 不加點壽國高公大加賞異曰學士才藻如此而  
 汝礪不能盡知慙負多矣因命錄所業以獻君諾  
 之而不之奉也或以為言丞相求君文甚懇何自  
 閉之深也君曰仕宦窮達在我而已何至假人耶  
 吉鄉別業有溪水當其門故君以橫溪翁自號有  
 橫溪集若干卷行於世平生以易為業及安置豐  
 州止以易一編自隨日夕研究大有所得既歸集  
 前人章句為一書目曰學易記藏於家竊謂君於  
 生死之際剛決如此殆有得於易之所謂知命者  
 非耶系之以銘曰  
 日吉兮時良贊佳城兮君所藏仁者之勇兮決  
 以剛身已幾兮名益光何以命之兮北方之強

天厚之報兮復且昌世侯伯兮歲歲嘗橫漢兮  
洋洋植豐碑兮墓旁魂歸來兮安故鄉滯滯盜  
盪兮亦何望

遠山先生文集卷第十九

遠山先生文集卷第二十

碑誌表誌碼

順安縣令趙公墓碑

公諱維飛字真卿姓趙氏世爲傳之高唐人曾大  
父某大父極皆潛德不耀鄉里以善人稱之父忠  
信資稟通悟喜接近儒士及公生愛其風骨有起  
家之望正隆末寇盜蠶起公方在襁褓舉家藏匿  
林莽間懼爲盜所迹祝兒勿啼啼則累我竟以不  
啼免難宗黨異焉童州入學記誦出侏兒上稍從  
鄉先生受賦業未三十四赴殿廷擢承安二年乙科  
釋褐長垣主簿縣頗大河時新被水害廬舍漂沒  
城壁頽圯公日以披災爲事公廨已毀僑寓編民  
家上漏下濕若不可一日居者公泰然安之而不  
以煩民也初水壞廟學先聖十哲壞像遷開封縣  
之青岡文集稍定首建新學躬率吏民迎春以歸  
其審於先後緩急類如此縣民佃鎮防軍田既淤  
墮有未耨者種者營卒恃勢徵租不少貸民無所  
於訴任其凌轢有奪之牛者公捕繫之白按察司  
嚴督主兵者視實種畝如干收入幾何輸之誥租  
者不得逞佃戶以安流散來歸者十倍其初士子

即廟學植碑頌之再任南樂簿適令關公攝縣務  
南樂剽邑民頑事赦号爲難理署事之初有惡子  
号合五十者以公書生易之詰縣廷自陳云民以  
受杖自拌敢以獻公諭之曰國法加有罪者汝無  
罪杖之何名惡子又謂公爲懦也乃公爲橫恣無  
所顧籍不數日以故駭被訟公械之市三日切責  
之科決無所增而其受痛至移晷之久惡子慚恨  
自斂迄終更境內免狡無復犯者躬教諸子學不  
聽外出每患經史不備妨於指授或言文士李夏  
卿家文籍甚富假借用之宜無不從公曰夏卿藏書  
我寧不知然渠家閩縣首戶子雖魯同場至今部  
民矣與之交通可乎是後邑子有來請益者亦謝  
遣之識者以爲治官有業與農功亡異農夫噉牛  
曝背寒耕熱耘知有盡地利而已終不以達年爲  
幸也惟其治田不鹵莽故田亦不鹵莽報之公早  
有時譽聞老師宿學論議爲多統佐二縣仕之初  
遂乃能以任重道遠自力若將死而後已者其弘  
毅爲可見矣卒之吏畏而愛民愛而畏藹然有良  
吏之風猶之於農其不以達年爲幸者歟秩滿遷  
鉅州順安令挈家北赴過廣寧愛其山水清美且

去瓜時尚早也姑留寓馬不幸遘疾以泰和四年  
十二月之八日春秋四十有七終於寓舍積官至  
基即娶解氏習於儒素之訓二女姪恩過所生拊  
孤者以爲難能後公二年卒子男四人長曰安上  
初應進士舉晚乃學道次安常早卒次安世貞祐  
二年詞賦進士無愧先達而能謙嘿自將正大中  
臺省交薦拜監察御史時論以剛柔適中歸之北  
渡後破召授叅議京兆宣撫使司事改佐河平軍  
儲次安國以蔭補監涇陽稅司卒女三人長適鄆  
陵醋務監馮鵬舉次未笄而夫男孫四人曰邁餘  
早卒安世既通貴得贈公中大夫輕車都尉天水  
郡開國伯夫人天水郡太君初廣寧安兵安上嘗  
崎嶇百死中扶護東還藁葬於縣北大李莊之某  
原是後伯仲李偕沒獨安世流寓河南汴梁既下  
猶復振食異縣蓋四十年後始用今年七月日改  
卜舉公治夫人之柩柩於先塋之次禮也安世既  
衰事訪某於鎮陽涕泗百拜請曰先大夫之葬棺  
椁衣衾不能無悔顧已無及矣今墓已樹木敷  
無旌紀其河以贖有而不彰之罪乎高聘君哀安  
世不天既銘誌石矣聞之諸公謂吾子紀述國乘



名卿賢大夫言行以傳不朽不勝區區之情敢以  
墓碑爲託某再拜曰固所願也乃爲之銘曰

受質堅白無磷緇持心推衡平設施古難其人  
公如斯行可士矩政吏師百未一試遷奪之彼  
鬻耄老誰所資碑石有銘無媿辭罔羅放失會  
有時幽光發越兮神匪私

資善大夫吏部尚書張公神道碑銘

并引

歲乙巳二月十有九日甲申葬我吏部尚書張公  
於輔岩縣將相鄉新安里東南原之新塋禮也孤  
子知剛涕泗謂某言先公之葬永年王磐狀其行  
東明王鸚誌其墓既卒事矣神道有碑碑當有銘  
州里大夫士屬筆於子敢百拜以請某以爲自負  
枋南駕初設大司農分領地官之政而假之以部  
使者之任以勸耕稼以平賦役以督墮窳以糾姦  
慝內振外肅百廢具舉傾朝復芟公以碩材雅望  
首膺是選始貳其長終拯其務剛稜之所摧折深  
識之所獎拔材量之所興造利澤之所惠養閭閻  
細民亦皆飽聞而馱道之至於論列上前謂國家  
兵力非前日之比以守則有餘以戰則不足大敵

在此何暇遠事江淮又五代以來都汴梁非用武  
之國恃恃大河爲固耳然唐取梁遠取晉國朝取  
宋河其果足恃乎閩中有金城天府之險按秦之  
舊進可以圖恢復而退不失其爲自禮不都閩中  
則猶當駐蹕河朔繫海內之心故莫若都河中河  
中中夏腹心負背全秦摠制三鎮屯軍中條之麓  
建行臺河南根本既穩國勢乃張今不都閩中而  
又弃河中不知他日汴梁孰爲國家守者凡此三  
者我天下大計繫於危急存亡者爲甚切公發先事  
之機篤詭辭之義故雖同列或不得與知史筆散  
亡故老垂盡不著之金石以示永久後世微廢興  
論成敗始將有秦無人之嘆竊爲宗國羞之是以  
慨然論次之而不敢辭公諱某字公理世爲蕩陰  
陽邑里人曾大父某妣石氏大父某贈正奉大夫  
清河郡伯妣尚氏追封清河郡太君考某累贈資  
善大夫清河郡侯妣李氏清河郡太夫人公幼穎  
悟六歲知讀書十二能背誦五經二十八登泰和  
二年詞賦進士第釋褐徐州錄事判官丁資善君  
憂服除調許州鄆城主簿縣有逋賦二十万配之  
平氏公白按察司悉除之民力以紓再調善張主

簿時北鄙用兵科役無適從公差次物力爲鼠尾簿按而用之保社有弓引散戶有由帖揭騰於通衛窮民以所當出交舉互見同出一手吏不得因緣爲姦自是爲縣者皆取法馬縣境多營屯世襲官主兵挾勢橫恣令佐莫敢與之抗兵人歐縣民民訴之縣縣不交申送軍中謂之就被論官司民大苦之一日闕者告百夫長夜破門鑰挾兩伎以出公謂夜破門鑰盜也遣吏捕還榜掠至百數且械繫之明日千夫長與其屬哀請不已約此後不復犯平民乃釋之詔公任終更無一人敢橫者調林慮令貞祐初辟舉法行除數熱令未幾改丞豪右歛迹御史行縣吏抱官文書假檢覆御史先知公慮吏去曰張君治縣尚有未盡耶召爲尚書省今史殺熱民千數詣闕乞留平章政事濮王以聞德陵欲賜可宰相高琪以朝省尤須得人爲奏詔以旨諭民民乃歸轉知管差除考俄提控吏部銓選遷法積弊公爲之更定周密備具近正大末仍遵用之與定三年超陝西東路轉運副使宰相華公行臺閩中群公爲左右司郎中時臺務填委日不暇給公所以康之者常有餘朝譽歸焉

汾晉陷沒公建言河東郡縣業已爲敵有誠能就所存官屬選有才望如郭文振胡天作張開之等略依古制封建之使自爲戰守計亦國家禦敵之入計也是後益封九公蓋自公發之尋以母老丐歸養卜居渭南五年閩中受兵公避地華州之南山行臺檄公爲沿山軍馬都提控不給一卒聽自起募公移檄諸縣得民兵五千他州盜賊徧野惟公号今所及帖然如平時路有遺物亦無敢拾也明年敵退辭軍務京兆取公所練卒隸帳下皆倚爲選鋒是秋兵復至行臺檄公以前職保箭谷若兵仗器用取具倉卒敵人來攻公獎厲士衆親當矢石比歲終潼關迄鳳翔山六十餘柵相繼陷沒獨箭谷保完老幼賴公以全者三十方人元光二年詔復河中行臺驛召公詣軍前行尚書省六部事兵亂之後百姓逃匿山谷無以供餽饋公躬歷山谷延見父老翁以朝廷用兵之意勸出所有以佐軍辭情感激人樂爲用迄河中之復軍食不乏公之力爲多行臺以樊澤籍阿外留屯阿外土人取城日營爲內應恃其功輕客軍軍分兩黨故二帥亦不相能行臺憂之奏公爲帥府經歷官公至曉

樊籍以大義且告之廉蘭之事二帥佩服公言更爲朝睦城又陷而復帥府以威刑劫之用法殊慘新民重足而立公爲言國有常憲何至如此凡科禁過甚者悉除去之民大感悅如受更生之賜正大元年公被召兵民惜公之去戀戀不忍訣若勿遮道馬爲之不前至泚涕相唁云張使君去吾屬能久於此乎及入見授京東路司農少卿總二路事都水使者胥河禁貿易曹單間致貨鉅万且虛增兵籍盜取縣官錢米賂遺權貴公爲不道連章發其姦卒廢爲民士論快之伊陽民楊鐸斷城猾吏韓祖謙舞陽捕盜提控劉汝楫以殺人繫獄法官納賂宿留不爲決以俟末減公廉得之嘆曰若輩漏網則千金之子果不死於市矣乃奏其罪竟致法右司郎中平陽公府騎兵十餘人以事至葛伯若免卒高敏輩利其鞍馬衣仗掩殺之誑招撫使高倫謂是敵兵之偵伺者倫不知其詐以殺聞官後事敗指倫爲首謀倫迫於籌楚自誣伏家人訟其寃尚書省付有司諱審之倫無異辭家人復抱登聞鼓以訴有司再評倫自伏如初獄將決公終以爲疑及奏上問公公奏言倫雖自欺伏而

其家誣敏輩故人之日倫適飲酒河南追報至始叱歸以次第推倫何得爲首惡罪疑惟輕忠厚之至且歲早已久願緩倫死以察天意上亦以爲然遣中使赦倫省中械破而兩大作中使還奏容服霑濕上爲之喜見顏間同判睦親府事殿前都點檢撒合輦上所倚信聲勢煥煥權過將相其姊妙洲爲女官依託營建挾勢斂財以侵愁州縣至後衛士爲前導而以皇姑自名爲有司所劾上以弟故欲勿問公力辨以爲不可竟勒妙洲返初服出撒合輦中京貞祐以後武臣以戰功往往至將帥置負既多而不相統攝公建言乞以都尉易將帥之號上從其計爲置建威折衝寧遠安平等十都尉各以勝兵万人配之超戶部侍郎提控軍前行六部事四年丁太夫人憂甫卒哭特言起復宰相奏擬公京南路司農卿上曰吾欲得張某朝夕相見勿令外補宰相以三路調度京南當什六司農寄託尤重欲暫輟之以往耳上從之故有此授及陛辭上諭之曰火知卿可大用所以授此者以卿能鎮靜故耳公爲政內寬而外嚴雖急於督責官吏有犯未嘗輕肆斥逐如上意焉五年暨同官朝

京師上弊論良厚且詔劉大有輩當以張某矜式尋授戶部侍郎踰月改刑部侍郎不十日又改陝西西路司農卿七年上念公久外臺遣中使驛召之仍詔邠州帥護送諭以道路所從出六月至京師授以右諫議大夫兼戶部侍郎遂赴潼關軍明年正月軍潰於陽翟公間闕至闕下爲上言平章政事百撒奸邪誤國雖已遺逐而典刑未正無以服中外心樞密副使合喜將軍中牟垂與恒山軍合而瞻望不進恒山用是失利合喜狼狽中盡失軍士乞斬之以謝天下上悟旋廢合喜爲民十二月授吏部尚書車駕東狩慷慨請從行不許未幾汴京送款公柴車北歸結廬洹水之上不以世務縈懷左右圖書以亂思遺老而已癸卯正月十有九日春秋六十有八終於所居累官資善大夫勲上護軍爵清河郡開國侯食邑千戶實封百戶娶同郡齊氏封清河郡夫人前公五月卒子男二人長知剛舉進士次知柔早卒孫一人延祖尚幼公臨事有幹局自歷州縣即能敷風化立公道定契券以睦兵民布恩信以息寇斂發奸賊以械府吏募疆悍以輟丁男此他人之所難能在

公特小者耳既爲朝廷所知爲即官爲大農當官而行無毫末顧望義之所在必至而後已其於憂國愛君蓋不食息頃忘也君農司十年事以苟且爲耻所立條畫力省功倍無有能變易者在京南日課民區種栽地桑蠶視成否若父兄之於子弟慙以農里之言而勉之公上之奉軍興之際簿領填委米盞之鱗雜朱墨之糾紛先後緩急亦心計而手授之方其培植國本經度邦賦丞掾細務宜不屑爲之然其克勤小物乃如此人謂公有不可曉者庶介自持而器量闊博風岸峻整似不可梯接而應於物者粹以溫少長鄉校而有素宦之風從容儒雅而有應敵之略此言論事業之所以出人意表歟平生事親孝事長敬與人交死生禍福不少變冀萬錫李大師受知於公年少入仕疎於自檢坐爲文吏所陷并不復用人知其寬而莫有爲辨之者公獨曰驥不以一釐而廢千里泥羹士乎言之宰相乞爲昭雪不報乃上書申理之二子竟得復叙後爲中朝名勝士論以公爲知人所著詩文繁奏簡重典雅稱其爲人爲集若干卷藏於家嘗論公大夫士任於中國全盛時立功立事易於取

稱故太定明昌間多名臣天下士固不可盡誣該使易金盛而爲季末起坐哺而應急遽是猶拯溺以規行之雅而料敵以清談之誤吾恐黃相國之功名減於潁川治軍之日矣古有之亂則智士馳驚而不足治則中材高枕而有餘信斯言也茲世之士其無幸歟銘曰

農政名卿臺務望即職思其憂公極所長南駕而都百壘爲防乃積乃倉暨彼曩糧百冗全來倚公設張嗷嗷創罷望我小康林寒袴襦瘳飢膏梁愛育本基繫公慈祥執求豫章公材明堂執濟巨川公任舟航盜賊黥駟龍起雲驟何儻景同翻而不於興王相古先民繫於苞桑豈無與邦之言天父矣其廢商屹頽波之砥柱又安得遡橫潰而獨障文武備具之謂成夙夜匪懈之謂莊克勤小物之謂敏不畏疆禦之謂剛公是所存矣必太常蕭蕭佳城維公之蒞勒我銘詩發其幽光千秋兮万古耿故國兮難忘

通奉大夫鈞州刺史行尚書省叅議張君神道碑銘并引

保靜一軍北當沂海滕充濟單之衝南控淮楚重

兵之所宿大河而南家爲重鎮興定二年詔以元帥右都監趙石烈志開府此州不終歲復有摠統東道諸帥之命志由親衛起身以小字牙吾塔行宋人訛傳又以盧國瑞目之其所統兵屯戍之外練帳下者步五千騎二千而已爲人強悍驚猛操縱巨測用兵知變化往往聞與古合自二年泗州乘勝席卷之後靈壁土山龜山萊城五河九岡前後殺獲莫可勝計先聲所及宋人爲之膽落兩淮之間名姓可以止啼署字可以怖瘘執伐既高知朝議倚以爲重乃高自標置日有跋扈之漸朝廷亦無如之何使者銜王命或被省檄計事東方凜凜老懼如遇大敵應對之際橫被陵轢殆一食頃不可與居而君乃以幕屬與之從事者十有三年計舉世敢與之抗者唯君一人君始以諸生仕臺閣衣冠顏貌見者以爲儒而不武志初亦甚易之及與之議軍務凡獨任冒聽受有執持君必爲之委曲開諭不動聲氣擴悍化而柔良既久乃更親愛外有手足之託而內有骨肉之義志雖高亢偃蹇卒能免於顛滅之禍者君之力爲多德伯玉爲顏闈說養虎人以為莊周氏之寓言以君之事觀

之世乃真有養虎者至於時其飽饑違其怒心虎之與人異類而媚信斯言也君其有道者與君諱汝翼字李雲族張氏世爲河內人曾王父甲王父琳皆隱德弗擢父郁字文甫章宗明昌初詔州里舉才能德行之士自河中教授曲沃主簿遷狄道令後用君貴累贈通奉大夫清河郡侯侯母馬氏清河郡太夫人君其第四子也天資穎悟童卅中以善屬句稱弱冠擢泰和三年經義進士第釋褐河陽簿下外艱服除調獸次丞復以內艱去職衛紹王崇慶二年任西寧主簿西寧近接夏境頗被侵劫君問民所疾苦政從寬簡民甚安之宣宗貞祐二年夏寇來攻縣中兵力單寡城爲所陷君乘亂而出有司以不守議罪父老詣州稱枉遂獲申明四年召爲尚書省令史興定二年考滿授同知泗州防禦使事軍前行戶工部事俄改行部爲規措所就充規措使州將移刺羊哥以宋兵脆弱不足爲慮日與將佐燕飲君獨不預五年正月宋人乘不備取西城遂據之時君與羊哥在東城羊哥聞變計無所出謀弃城而逸君戒鹿吏毋敢給州將馬且躬自巡城衆賴以安已而保靜軍來撲礪山

從宜張惠出奔宋兵乃弃城而逸州人德君爲立生祠尋改靈壁軍前規措使充便宜扼帥府經歷官元光元年改充唐鄧裕帥府經歷官保靜失君軍事廢不治志凡七上奏乃聽君還且擢拜祕書少監兼行戶部郎中二年邳州從宜納合六哥劫殺行省事忙古剛以州降宋詔摠府率東方兵攻取之檄城中兵民有能誅六哥及正者官賞有差脅從之人一切勿問攻數十日軍士死傷甚衆而城中無應者又數日朱禪將高顯舉六哥首來降而餘黨堅守如故志與朝官之在軍中者怒曰此州從賊叛國賊既死自當開門納軍然且旅拒如此不盡阮之何以示威君進曰平民從叛本非獲已竟有何罪况嘗許首惡之外不戮一人必欲阮之朝廷將不以爲失信乎若重以恩詔開示出三日不降某請身任其責志以下皆是其言射書敦諭州人知禍福所在相繼出降爾後竟無一人被誣者詔書褒羨遷同知保靜軍節度使事哀宗正大五年志移鎮閬中遊騎充斥老幼扣閤者亡慮數十万志以閬東人心易搖重爲避兵者所警則或有意外之變欲稟命于朝然後納之

君進曰陝西老幼投死無所獨以關東為生路今生視不救任為兵人所魚肉豈朝廷倚公存活生靈之意乎志曰不然敵人百計窺關無從而入間有挾詐雜老幼而東者誰當任之吾所以待朝命者不過三二日命即下票而後行蓋未晚也君復進曰帥府設經歷官主帥所行得預商略帥若專輒而參佐曲意從之謾此官焉用假有挾詐而東為意外之變者某以百口保之志不能奪即命開關西民由是免禍中使者以聞詔諭之云牙吾塔資性素剛非卿不能勸導卿為參佐而主張大事如此朕甚嘉之當益盡乃心勉建功業朕不汝忘也總府軍還缺改總領同知鎮南軍節度使事七年志行尚書省事於陝西君以目疾求解留君歸德天興元年歸德受兵總帥亦蓋元凱起為經歷官明年春正月車駕幸歸德改吏部郎中經歷如故未幾徐州帥樂安郡王王德全不稟朝命授君戶工部侍郎充徐州帥府參議官且諭之曰卿昔佐牙吾塔甚有能名今知王德全與卿有連屈卿往佐之德全雖鄙野亦當從卿言無貽朕東顧之憂也及尚書左丞完顏仲德以策誅德全乃用使

直授君行省參議兼同知武寧軍節度使事進領鈞州刺史進階通奉大夫冬十月州為沛縣人鹿璋所破擁官吏北渡君用憂憤感疾以明年甲午春二月之十七日春秋六十卒於沛之旅舍翌日蒿塋於歌風臺之下後十有三年孤子翔等舉君旌櫬歸柩於山陽南徐潤之先塋禮也君娶朱氏河北西路鹽鐵判官汴梁名進士文伯之女第封清河郡夫人前公七年卒子男二人長曰翔武義將軍遙領鄭州防禦判官次曰友武義將軍遙領河內縣令女一人適汴京東水門副使遠汝礪男孫二人長曰奉世次曰延世女孫一人幼在室壬子冬十月朔汝奉京東行省真外如王君禧伯所撰家傳以神道碑銘為請三請益堅其不得以不敏辭乃為論次之君尚多可稱弗著著所以活萬人者其銘曰

柏松青青風水攸寧張君之阡樂石有銘倂品唯君仁信篤誠一說解紛千室更生壽寧之春風潤物無聲有籥韶之克諧無水火之必爭彼舉頭而城颺尾而旌方弭耳而帖伏何磔裂之敢萌有方無方孰為權衡使存諸已者而未之

定美暇及於暴人之所行惟天下之至柔馳騁天下之至剛吾然後知黃老家之言為有徵

資善大夫集慶軍節度使蒲察公神道碑

銘并引

公諱元衡字君平姓蒲察氏以小字某行世為某路貴族國初遷種人屯戍中州遂為真定人祖諱昔兀乃贈鎮國上將軍考諱福山親衛出身官鎮國上將軍臨洮路康樂知寨公則康樂之弟子也康樂愛公風骨不凡度能起家使應童子舉年十一登科移籍太學弱冠擢泰和三年策論進士第釋褐末年縣丞繼歷三縣佐皆有能名召為左三部檢法司正公資稟仁厚臨政本於惠養不以鞭箠立威及君議獄之地忠愛款曲未減者為多法家稱焉真祐初從狩汴都拜監察御史累遷左司諫朝廷知公蓋將大用矣未幾授慶陽府治中權府事部民妻有與外人私者民捕獲之手刃其妻詰官自陳公釋而不問一時能官者以知義許之入為刑部郎中正大二年被詔審理冤獄時所在獄犴填滿官吏習於柄臣弄威之後知有無辜而彼繫者亦莫敢言公徧歷郡邑躬自臨問非情有

不可耐者一切以詔旨出之所活不啻千人四年遷戶部侍郎詔以鄭州軍卒謀反命與防禦使臨淄郡王張惠鞠之辭連二偏將一遣領陳州防禦使王一息州刺史李公以理論卒言汝以小怨置人造逆之地就使人誣誤而死能代汝否神理不可誣寃報何時而已耶卒感悟盡吐情實公以聞二人得不坐五年授京西路大司農卿蕪采訪提舉刑獄事公老於從政仁信愈篤不動聲氣而感惠並舉公議藹然有公輔之望七年改集慶軍節度使亳州晉內觀察使未赴遘疾以某年月日春秋五十有二薨於私第之正寢去河南破不一年耳積官資善大夫彭城郡開國侯夫人王氏燕郡大族封彭城郡侯夫人家致整潔有內助之功中表歸之年七十二後公二十年而卒子男一人桓端護衛懷遠大將軍男孫二人榮祖慶祖皆尚幼桓端以其年月日舉公之柩葬於其所之先塋夫人村焉既葬之幾年某過東平桓端以碑銘為請平時以公恂恂退讓不為鍛鍊之風所移嘗嚮慕之故不復以固陋辭乃為銘曰

廷平之于大理之徐議獄闕疏至可以漏吞舟



之魚于嗟公乎其斯人之徒歎大安權移變亂  
維初傳翼虎臣恣為誅鉏一羽死而一虎出封豕  
與俱公適其時職司刑書乘御史駉登使者車  
悃幅無諱閑雅甚都周旋於柱後惠文之間温  
其褐寬之儒平反幾何月計有餘方血肉狼籍  
而有治古之駟虞禍憐河陰或倖或倖不為國  
殤即亡國之大夫天獨厚公得歸公于黃壚湯  
早焚如一既者後枯執乘執除吾知神理之不  
誣于嗟公乎

貧善大夫武寧軍節度使夾谷公神道

碑銘

貞祐初大駕南巡公以省掾扈行事出倉卒乃留  
幼子今先鋒使斜烈於平州之撫寧朔南分裂父  
子相失者餘二十年先鋒既長立能自奮發立功  
名仕宦貴顯歲癸巳汴梁下乃奉 朝命迎公  
北歸公已老而身見代謝愴焉有去國之感顧瞻  
兼回不能自已生平植節堅苦食蔬糲不厭既君  
民間倍自貶損先鋒有至性夫人殷氏尤盡婦道  
日具甘肫百方奉公而公所以自持者不少變一  
室蕭然使日夕裁足而已人事覲餉瓜果蒸芻細

亦峻拒而疾麾之如御史執法之在前後惟恐其  
污已也時貴慕公名有謁見者教外白不得通曰  
我亡國之大夫耳尚何言哉初自聊城居宣德惟  
渾源魏內翰邦彥以簡重得登公門與之考論文  
藝自餘雖鄰舍有不得見其面者蓋嘗論公君臣  
之義於名教為尤重名教者天地之大經而古今  
之恒典惟天下之至誠為能守故人臣之於君者  
有天道焉有父道焉大分一正義均同體吉凶禍  
福不以回其慮廢與存亡不以奪其節任重道遠  
死而後已猶之父有罔極之慕而天無可逃之理  
微子之過舊郡包胥之哭秦廷王蠋布衣義不北  
面於燕樂毅終其身不敢謀趙之徒隸非誠何以  
當之是故誠之所在即名教之所在有不期合而  
合焉者語有之善人吾不得而見之矣得見有但  
者斯可矣居今之時行古之道若公者吾不知其  
去古人為遠達然則不以名教處之其可乎公諱  
土刺字大用姓夾谷氏世為合懶路人曾大父息  
虎起天會初嘗以王爵握兵柄史諜載其功詳矣  
大父僕千驛騎尉上將軍娶完顏氏父阿海驃騎  
尉上將軍澄州刺史娶阿勒根氏贈金源郡夫人

生五子公其第二子也弱冠始知讀書三舉策論進士以泰和三年登科歷撫寧海濱簿員祐初被召道出平州平州適被兵州將請公克軍中彈壓以功陞一階入補省掾終更除武寧軍節度副使五年用樞密院薦充京東總帥府經歷司主帥牙古大資驚狼恃功自高奴視叅佐往往置之死地從事輩畏之惟意所嚮禁不出一語公直前徑行無所顧藉論事之際極所欲言者而止少不見聽則移疾不爲出帥悔悟或請公謝之其秉志抗直如此興定初宋人步騎數萬侵泗州聲勢甚張公爲畫策潛軍越靈壁出其不意殺獲甚衆以功遷兩階四年召爲戶部員外郎轉刑部尋遷郎中元光初設三路司農分治戶部以公剛稜疾惡材任刺舉授京南路少卿兼郎中未幾以稱職聞是後公雖改他官言政者猶以少卿名之正大初擢裕州刺史改睢州是歲大蝗公境獨無有秋旱甚禱之而雨識者以爲善政之報三年召爲戶部郎中初置申州輟公爲刺史明年城洛陽授同知中京留守兼同知金昌府事留守移刺瑗雅敬公事無巨細諮之而後行俄改汝州防禦使洛陽之民惜

公之行祖道填咽度旬日不得發公以形迹自嫌竟由他路而去未幾歲改陳州公老於從政先聲所暨有識相賀州有東平宣銳軍餘百輩幸以戰功得官有至四品者恃勢作威備極凶悍前後不能制一芻知府者尤不法公捕得之擿送本管一郡帖然考城胥史所聚結黨爲社有大刀之目祀持令佐連起詔獄細民雖被侵愁而無所於訴公籍其姓名置之廳事自是無一人敢犯者尋上章請者御史張特立樂藁上書言陳州防禦使土刺剛直廉介有古良吏之風今雖年及其龜勉王事強仕之人有不能及者比聞以例告老而有司亦以例許之貪賢之道誠有所未盡特望重加拔擢以觀自竭之效書奏落致仕超授同知開封府事明昌以來錫厲王術紹王族屬皆終身禁錮男女幽閉絕婚嫁之望公建言二宅俾辱死又賤同匹庶訖有詭謀誰與同惡宜釋其宿忿弘以大度使之各就人道遂生化之性夫國君不可以警匹夫警之則通國皆懼匹夫且然况骨肉乎語雖不即從其後天與初元之赦皆聽自便蓋自公發之云六年授武寧軍節度使徐州管內觀察使兼提舉

河防使詔旨褒論道所以遷擢之故且命兼傳赴  
鎮桃園行樞密院事幹魯倉官王邦昌囊橐爲姦  
盜官糧二万斛公按問得實悉從徵理轉漕爲之  
少寬踰年竟以稟病不任得請北渡後五年以戊  
戌年二月晦春秋七十有三終於家積官資善大  
夫金源郡開國侯歿後三日權殯宣德州東南天  
王寺壬寅三月壬申奉公之柩葬於永興縣王家  
堡之西北原從弟平章政事華國公畢蘭出及其  
子奉職六十一皆葬墓次蓋子孫去先塋久不能  
歸柩故改卜於此前夫人與敦氏贈金源郡夫人  
繼室蒲速烈氏亦封金源郡夫人子男三人德興  
輔國上將軍早卒次斜烈○宣授先鋒使佩金符  
總統質子軍次万僧女一人嫁爲世襲官妻早卒  
男孫三人留住拔突七十二女孫二人秦奴元奴  
皆尚幼妹二人永喜輔國上將軍次中山皆弟明  
威將軍老哥之子妹孫二人阿憐壽童從孫一人  
八十二奉職之子從妹女一人平章公之女蓋公  
收養之者特葬五路万户郝丑和尚以行狀來請  
曰吾子往在省寺宜知武寧之詳先鋒與我結弟兄  
之義公之葬猶葬吾父也幸辱以神道碑賜之予

素善郝侯義不可辭乃用所以知公者著之篇而  
系之以銘銘曰

清慎以自持介特而不詭隨相被築室天寶厚  
其基温乎召杜之慈凜乎趙張之威民不忍忘  
吏不敢欺真識幾希願以能官爲見知風雨如  
晦鷄鳴有期滄海橫流鰲足不歇幅巾布衣陋  
巷棲遲吾寧汨濁流之泥吾寧啜鋪餘之醜周  
粟京坻采薇以療飢尚友千載匪義迹其焉追  
燕雲之郊丘壠累使九原而可作非公吾誰  
與歸

遺山先生文集卷第二十



